ЧИНГИЗ АЙТМАТОВ

АЛВИДО, ЭЙ ГУЛСАРИ

Кисса

ҒАФУР ҒУЛОМ НОМИДАГИ БАДИИЙ АДАБИЁТ НАШРИЁТИ Тошкент – 1969

Ёзувчи Чингиз Айтматов ўзининг бу повестида Ватан урушидан кейинги оғир йилларда қирғиз йилқичилари ва чўпонлари — партия аъзоларининг қахрамонона меҳнатларини тасвирлайди.

Повестнинг бош қахрамони Танабой йилқичиликдан чупонликка утганда фалокатга йулиқади. Вақтида қуйхоналарни таъмирламаган, пичан тайёрламаган ферма мудирининг касофатидан баҳорда совлиқ куйлар, қузилар нобуд булади, лекин юқори идораларга жойлашиб олган бюрократлар ҳамма айбни чупонга тункайдилар. Танабой партиядан ноҳақ учирилади, лекин бу нарса чупоннинг эътиқодини сусайтирмайди, у ҳақиқий коммунистлигича қолади.

Русчадан АСИЛ РАШИДОВ ва АБДУРАИМ ОТАМЕТОВ таржимаси

I

Эски аравани кекса бир киши ҳайдаб борарди. Саман йўрға – Гулсари ҳам жуда қари эди...

Ясси тоғликка тинкани қуритадиган узоқ йўл билан чиқиларди. Яйдоқ Кулранг тепаликларда қишда доим совуқ шамол ер ялаб изғиб юрар, ёзда эса тандирдай қизиб кетар эди.

Бу тепаликлар Танабой учун жон азоби эди. У аравани секин хайдашни истамасди. Секин юрса юраги тарс ёрилиб кетай дерди. Ёшлик кезлари туман марказига тез-тез қатнаб туришга тўғри келар, уйга қайтишида у ҳар гал отнинг бошини қўйиб юбориб, тоққа чоптириб чиқиб кетар, уни қамчи билан аёвсиз саваларди. Агарда ҳамроҳлари билан бир аравада кетаётган бўлса, бунинг устига яна аравага ҳўкизлар қўшилган бўлса борми, ерга сакраб тушиб, индамай кийимларини олардида, яёв кетарди. Худди ҳужумга бораётгандай жон-жаҳди билан, қаҳр ғазаб билан юрар ва ясси тоғлик устига кўтарилгандагина тўхтар эди. У ерда кўксини тўлдириб-тўлдириб нафас олиб, пастда ўрмалаб келаётган оғир, катта аравани кутиб турарди. Тез юрганидан юраги гупиллаб урар ва кўкрагида санчиқ турар эди. Ҳар қалай ҳўкизларнинг қадамига қараб, имиллаб келгандан кўра яхши-ку!

Раҳматли Чоро баъзан дўстининг бундай ғалати қилиқларини кўриб тегишишни яхши кўрарди.

— Нега омадинг келмайди, биласанми, Танабой? - дерди у, - бесабрлигингдан. Худо ҳаққи. Сенга қолса ҳамма нарса тезроқ, дарров бўла қолса. Жаҳон революцияси дарҳол бўла қолса! Революция у ёкда турсин, Александровкадан баландликка кўтарилишга ҳам тоқатинг йўқ сенинг. Ҳамма одамлар аравада ҳотиржамгина ўтириб боришади-ю, сен бўлсанг сакраб тушиб, худди орқангдан бўрилар куваётгандай тоққа қараб югурасан, хўш, бундан нима фойда кўрасан? Ҳеч нарса. Барибир тепада бошқаларни кутиб ўтирасанку. Жаҳон революциясига ҳам бир ўзинг ета олмайсан, билсанг, бошқаларнинг ҳам тенглашиб олишларини кутасан.

Аммо бу бир замонлардаги, узок ўтмишдаги гап эди. Танабой бу

гал Александровкадаги баландликдан қандай чиқиб олганлигини сезмай ҳам қолди. Қариганида, демак, кўникиб қолибди. Аравани тез ҳам, секин ҳам ҳайдагани йўқ. Отни ўз ҳолига қўйиб берди. Энди у доим йўлга ёлғиз чиқарди. Ўттизинчи йилларда бу йўллардан у билан бирга шовқин солиб юрган бир тўда ёшларни энди қидириб топа олмайсан. Бири урушда ҳалок бўлган, бири ўлган, битта яримта тирик қолганларининг ҳам кунлари саноғлиқ қолган. Ёшлар эса машиналарда юришади. У билан бирга ориқ қирчанғи от қўшилган аравада юришармиди.

Эски йўлда ғилдираклар ғижирлаб борарди. Йўл узок, олдинда чўл ястаниб ётарди, канал ортида эса тоғ этаги бўйлаб яна анчагина юриш керак.

У отнинг бўшашиб, мажолсизланиб бораётганлигини аллакачон сеза бошлаганди. Лекин ўзининг оғир хаёллари билан банд бўлганлиги учун бунга унчалик эътибор бермасди. От йўлда чарчаб колади, деб ғам ейдими киши?

Ундан баттарлари бўлган. Манзилгача етказа олади, амаллаб судраб олиб боради...

Узининг сап-сарик ранги учун Гулсари деб ном олган қари йўрға умрида сўнгги марта Александровка кўтарилганлигини охирги чақиримларни ва хозир OT ўтаётганлигини қаёқдан билсин у. Отнинг боши бангидевона егандай айланаётганлигини, ер унинг хира кўзи ўнгида рангли халқалар сингари сузиб ўтаётганлигини, ер қийшайиб гох у, гох бу томони билан уфққа тегаётганини, назарида йўл бирдан қоп-қоронғи бўшлиққа тушиб кетиб, олдиндаги тоғлар ўрнида қизғиш туман ёки тутун сузаётгандай туюлаётганлигини қаёқдан билсин у.

Отнинг аллақачон зўрикиб, кучсизланиб қолган юраги зиркираб оғрирди, бўйинча-хомутда нафас олиш тобора оғирлашиб борарди. Бир ёнбошга сирғалиб кетган эгар-жабдуқ белига қаттиқ ботар, чап томонда хомут остида аллақандай учли нарса елкасига муттасил қадалиб, санчилаётгандай эди. Эҳтимол, бу тиканак ёки хомутнинг кигиз астаридан чиқиб қолган михнинг учидир. Елкасидаги қадоқ бўлиб кетган эски яғир ўрнида очилган яра чидаб бўлмас даражада

зирқираб оғрир, ачишар эди. У худди шудгордан кетаётгандай эди, оёқлари ҳам борган сари оғирлашарди.

Аммо шундай бўлса ҳам қари от сўнгги кучларини тўплаб, юриб борарди, кекса Танабой эса аҳён-аҳёнда унга «чуҳ-чуҳ»лаб, жиловини тортиб-тортиб қўяр ва ҳаёл суришда давом этарди. Ўйлайдиган ўйлари кўп эди унинг.

Ғилдираклар эски йўлдан ғижирлаб борарди. Гулсари илк бор оёққа туриб, онаси — ёлдор улкан бия ортидан ўтлоқ бўйлаб кўрқаписа, йўртиб кетганидан буён бирон марта ҳам адашмаган ўша йўрға қадам билан ҳамон бир маромда қадам ташлаб борарди.

Гулсари туғма йўрға от эди ва донғи чиққани учун умрида бошига кўп яхши ва ёмон кунлар келганди. Илгари аравага қўшиш ҳеч кимнинг ҳаёлига ҳам келмасди, уни аравага қўшиш увол эди. Лекин от бошига иш тушса, сувлиқ билан сув ичар, эр бошига иш тушса, этик билан сув кечар, деганларича бор.

Буларнинг ҳаммаси ўтмишдаги гаплар. Ҳозир йўрға бор кучини сарфлаб, ўзининг сўнгги маррасига кетаётганди. У ҳеч қачон манзилга бунчалик секин бормаган, ҳеч қачон унга бунчалик тез яқинлашмаганди ҳам.

Ғилдираклар эски йўлдан ғижирлаб борарди.

Туёклари остидаги каттик ернинг омонатлигини хис этиш отнинг сўник хотирасида узок ўтмишдаги ўша ёз кунларини, тоғлардаги ўша шабнамли юмшоқ ўтлоқларни, осмонда чарақлаган ва тоғу тошни орқада қолдириб кетаётган қуёшни то уюрбоши айғир ғазабдан қулоқларини динг қилиб олиб уни қувлаб орқасига қайтармагунича у тентак ўтлоклару дарёни кесиб, буталарни ёриб ўтиб куёш ортидан кетган ўша ажойиб ва ғаройиб дамларни жонлантирди. Ўша пайтлардан бери орадан қанча вақт ўтиб кетди-я! Йилкилар худди кўл тубида оёкларини осмонга килиб юргандай, унинг онаси – ёлдор каттакон бия бўлса, гўё илиққина сутли булутга Онаси айлангандай туюларди. бирдан мехрибонлик пишқирувчи булутга айланиб қоладиган шундай дамларни севарди. Унинг елинлари таранглашиб, лаззатли бўлиб колар, лабларида сут кўпикланарди, у бўлса сутнинг мўллиги ва ширинлигидан энтикиб қоларди. У ёлдор каттакон онасининг қорнига тумшуғини қадаб туришни яхши кўрарди. Нақадар лаззатли эди бу сут! Бутун олам – куёш, ер, онаси бир култум сутга жойлашгандай эди. Тўйиб бўлганидан кейин ҳам яна бир култум, яна, яна эмишни истарди.

Афсус, бу узоққа чўзилмади, тезда барҳам топди. Орадан кўп ўтмай ҳамма нарса ўзгариб кетди. Кўкдаги куёш чарақламай, тоғдан тошга сакрамай қўйди. Энди кун шарқдан чиқиб ғарбга томон оғишмай боради, йилқилар оёқларини осмонга қилиб юрмайдиган бўлиб қолди, пайҳон қилиб ташланган сизот ўтлоқ улар туёқлари остида чапиллайди ва қораяди, қирғоқлардаги тошлар қарсиллаб ёрилиб кетади. Ёлдор каттакон бия қаттиққўл она экан, боласи ҳаддан ортиқ безор қилганида унинг ёлидан қаттиқ тишлаб оларди. Энди сут етишмас, ўтлаш керак эди. Узоқ йиллар чўзилган ҳаёт бошланди, мана энди охирлаб бораётир.

Мана шу ўтган узоқ умри давомида абадий йўколган ўша ёз йўрға отга сира кайтиб келмади. У эгарланган холда хар хил йўлларни босиб ўтди, уни хар хил чавандозлар минди, лекин хамон йўлларнинг охири кўринмасди. Фақат эндигина – қуёш яна ўз ўрнидан қўзғалган, ер эса оёклари остида чайкалаётган, кўзлари жимирлаб, хиралаша бошлагандагина шунча узок вактдан бери кайтмаган ўша ёз унинг кўзига кўриниб кетди. Хозир унинг кўз ўнгида ўша тоғлар, ўша сизот ўтлоқлар, ўша йилқилар, ўша ёлдор каттакон бия милтиллаб, ғирашира намоён бўлди. У дўғадан, хомут ва шотидан қутилиб олиб, тўсатдан унинг кўзига кўриниб кетган ўтмишга қадам қўйиш учун кучи борича талпинар, жон-жахди билан депсинарди. Лекин алдамчи хаёл хар гал узоклашиб кетар, шуниси жонга азоб берарди. Қулунлик пайтидагидек онаси секин кишнаб уни чақирар, йилқилар уни тойлик вақтидагидай биқинлари билан туртиб, думлари билан уриб ўтар, унинг эса шамолга бардош беришга кучи етмасди – шамол тобора кучаяр, уни думи билан қамчилар, кўзлари ва бурун катакларини қор билан тулдириб, терга ботиб совукдан қалтирар, эришиб булмас уша олам изғирин қуюнлари ичида унсиз кўмилиб йўқ бўлиб кетар эди. Мана энди тоғлар ҳам, ўтлоқлар ҳам, дарё ҳам ғойиб бўлди, йилқилар қочиб кетди, фақат онасининг – ёлдор катта биянинг шарпаси олдинда ғира-шира кўриниб турарди. У боласини танҳо ташлаб кетишни хоҳламасди. У тойчоғини олдига чорларди; тойчоқ бор кучи билан хихилаб кишнаб юборди, аммо ўз овозини ўзи эшитмади. Ҳамма нарса бирдан ғойиб бўлди, изғирин ҳам тинди. Ғилдираклар ғижирламай қўйди. Хомут остидаги яранинг ачишгани ҳам сезилмай қолди.

Йўрға тўхтади, гандираклаб кетди. Кўзи қаттиқ оғрирди. Калласи тинмай ғувилларди.

Танабой жиловни араванинг олдига ташлади, бесўнакай сакраб тушди, увишиб колган оёкларининг чигилини ёзди ва ковоғини солиб отнинг олдига келди.

- Ҳей, ҳаром ўлгур!— секин сўкинди у йўрғага боқиб. От озиб кетган узун бўйнини чўзиб, каттакон калласини хомутдан осилтириб турарди. Йўрғанинг қовурғалари, эски-тускилар ёпилган, ич-ичига кириб кетган биқинлари юқорига, пастга кўтарилиб тушиб турарди. Қачонлардир сап-сариқ, тилла ранг бўлган от энди тер ва чангдан кўнғир тусга кирган эди. Кўкиш тер томчилари қоқ суяк сағрисидан қорнига, оёқларига, туёқларига оқиб тушарди.
- Қаттиқ ҳайдамовдим шекилли,— деб тўнғиллади Танабой ва шошиб-пишиб айилни бўшатди, сувлиғини чиқарди. Сувлиғи иссик, ёпишқок сўлакка ботганди. Пўстинининг енги билан йўрғанинг тумшуғини ва бўйнини артиб қўйди. Кейин қолган-қутган пичанларни йиғиш учун аравага сакраб чиқди, супуриб-сидириб ярим қучоқ тўплади, отнинг олдига ташлади. Лекин от пичанга қайрилиб қарамади ҳам, у қалт-қалт титрарди.

Танабой йўрғага бир тутам пичан тутди.

– Ма, ол, е, сенга нима бўлди-я!

Йўрғанинг лаблари қимирлади, лекин пичандан илинтира олмади. Танабой унинг кўзларига қаради-ю, қош-қовоғи солиниб кетди. У отнинг ич-ичига чўкиб кетган, ярим очиқ кўзларида ҳеч нарсани кўрмади. Улар ташландиқ уйнинг деразалари каби хиралашган эди.

Танабой саросимага тушиб у ёқ-бу ёққа қаради: узокда тоғлар, атроф бийдай чўл, йўлда ҳеч ким кўринмасди. Йилнинг бу фаслида йўловчилар бу ерда камдан-кам учрайди.

Қари от ва кекса одам кимсасиз йўлда якка-ёлғиз туришарди.

Февраль ойининг охирлари эди. Ялангликлардаги қорлар эриб кетганди, фақат жарликлар ва қамишзор сойликлардаги қишнинг яширин уяларидагина сўнгги қор уюмлари ҳануз сақланиб қолганди. Шамол эски қорнинг кучсиз ҳидини учириб келтирарди, ер ҳали ҳам музлаб ётар, жонсиз эди. Қиш охирларида тошлоқ дашт ҳувиллаб ётади. Унга бир қарашдаёқ Танабойнинг ичига қалтироқ турарди.

У кўкиш чўкки соколини диккайтириб, пўстинининг ёғ босган енги остидан ғарб томонга узок қараб қолди. Қуёш ернинг бир чеккасида, булутлар орасида осилиб турарди. Уфкдан ботаётган куёшнинг нурсиз, хира шафак нури тарала бошлаганди. Хеч нарса хавонинг айнишидан дарак бермасди, лекин шундай бўлса хам кун совук, вахимали эди.

«Билганимда эди, яхшиси йўлга чиқмаган бўлардим,— афсусланарди Танабой. — Энди эса на у ёкка, на бу ёкка юра оласан, тап-такир даланинг ўртасида колиб кетдим. Отни хам бекорданбекорга нобуд килиб кўяман».

Яхшиси эрталаб йўлга чикиш керак эди. Кундузи йўлда бир нарса бўлиб колса ҳам бирон йўловчи дуч келиб колиши мумкин. У эса тушдан кейин йўлга чикди. Бундай кезларда йўлга отланиш мумкинми, ахир?

Танабой орқадан ёки қарши томондан келаётган машина кўриниб қолармикин, дея дўнгликка чикиб атрофга бокди. Аммо на у, на бу тарафда ҳеч нарса кўринмасди, шарпаси ҳам эшитилмасди. У орқасига – арава томонга қадам ташлади.

«Бекорга йўлга чиқибман»,— деб ўйлади яна Танабой шошқалоқлиги учун қайта-қайта ўзини койиб. У алам қилганидан ўзидан ҳам, ўғлининг уйидан тезроқ жўнаб кетишга мажбур этган ҳамма нарсадан ҳам аччиғланарди. Тунаб қолиши, отига дам бериши керак эди, албатта. У эса!..

Танабой жаҳл билан қул силтади. «Йуқ, барибир қолмасдим. Яёв булса ҳам кетардим,— узини узи оқларди у.— Қайнатага шунақа гапларни гапириш мумкинми ахир? Ҳар қалай, мен отаманку. Сени қара-ю, бутун умрингни чупонлигу йилқичиликда утказгансан,

қариганингда ҳайдаб чиқаришаркан, партияга кириб нима қилардинг, эмиш. Ўғлимгаям балли-е. Миқ этмайди-я, кўзини ердан олишга кўрқади. Агар хотини унга отангдан кеч деса, йўқ демайди. Латта, тағин у бошлиқ бўлиб кўтарилишга уриниб ётибди. Э, гапиришдан нима фойда. Одамлар бошқача бўлиб кетган!»

Танабой қизиб кетди, у кўйлагининг ёқасини ечиб юборди ва отни хам, йўлни хам, босиб келаётган тунни хам унутиб, оғир-оғир нафас олиб арава атрофида юра бошлади. Минг уринса хам ўзини боса олмади. У ерда — ўғлининг уйида у ўзини тутиб олди, келини билан ади-бади килиб ўтиришни ўзига эп кўрмади. Энди эса бирдан қайнабтошиб кетди, хозир бўлганида йўл бўйи алам билан ўйлаб келган гапларининг хаммасини унга тўкиб соларди: «Мени партияга қабул килган сен эмассан, чиқарган хам сен эмассан, ўша вақтда нима бўлганлигини сен қаёкдан билардинг, келинпошша. Энди хамма нарса хакида фикр юритиш осон. Энди хамма саводли, хурмат ва обрўйинг жойида. Биздан эса талаб килишарди, шунақанги талаб килишардики, отанг учун, онанг учун, дўстинг ва душманинг учун, ўзинг учун, кўшнингнинг ити учун, оламдаги жамики хамма нарса учун жавобгар эдинг. Партиядан ўчирганлари билан эса сенинг ишинг бўлмасин! Бу менинг ичимдаги ғамим, келинжон. Бу билан ишинг бўлмасин!»

– Бу билан ишинг бўлмасин!— овоз чиқариб такрорлашда давом этди у араванинг олдидан нари кетмай.— Ишинг бўлмасин!— ҳамон такрорларди у. Энг алам қилган нарса шу эдики, «ишинг бўлмасин» дейишдан бўлак гап тополмасди.

То бир нима қилиш кераклиги, бу ерда тунаб қолиб бўлмаслиги эсига тушмагунича у арава атрофида юраверди.

Гулсари аравага қушилганича аввалгидай жимгина, ҳамма нарсага бепарво, букчайиб, оёқларини бир жойга туплаб, гуё қотиб қолгандай турарди.

— Сенга нима бўлди?— Танабой отнинг олдига югуриб келди ва унинг чўзиб секин инграганини эшитди.— Кўзинг уйкуга кетдими? Касалмисан, бечора? Ахволинг чатокми? — У шошиб-пишиб йўрғанинг муздек кулокларини ушлаб кўрди, ёллари тагига кўлини сукди, бўйни хам совук ва нам. Аммо хаммасидан хам уни ёлининг

илгаригидай оғир эмаслиги қўрқитиб юборди. «Жуда қарибди, ёли соп бўлибди, пардай енгил. Хаммамиз ҳам қарияпмиз, ҳаммамиз ҳам ўлиб кетамиз»,— алам билан ўйлади у.

Нима қилишни билмай боши қотиб ўрнидан турди. Агар от билан аравани ташлаб яёв кетса, ярим кечада уйига, дарадаги қоровулхонасига етиб олиши мумкин. У ердаги базада хотини билан турар, дарёдан бир ярим километр юқорида ўрнашиб олган водхоз қоровулига қушни эди. Танабой ёзда пичан ўримига, қишда эса чупонлар пичанни талон-тарож қилиб кетишмасин, муддатидан олдин исроф этиб қуйишмасин деб, ғарамларга куз-қулоқ булиб турарди.

Ўтган кузда бир иш билан идорага келган эди, янги бригадир – четдан келган ёш агроном унга:

- Оқсоқол, бирров отхонага ўтинг, биз у ерда сизга бошқа отни танлаб қўйдик. Қарироғу, лекин сизнинг ишингизга ярайди, деди.
- Қайси отни? сергакланди Танабой. Яна бирон қирчанғиними?
- Ўша ерда кўрсатишади сизга. Саман от. Билсангиз керак, айтишларича, сиз бир махаллар уни миниб юрар экансиз.

Танабой отхонага йўл олди ва қўрада турган йўрғанн кўриши билан юраги ачишиб кетди. «Ия, яна учрашдик»,— деди ичида у минилавериб, ниҳоят ҳолдан тойган қари отга қараб. «Керакмас», дейишга юраги бормади. Отни етаклаб кетди.

Уйда хотини йўрғани зўрға таниди.

- Танабой, нахотки бу ўша Гулсари бўлса?– хайрон қолди у.
- Ўша, худди ўша. Нима кипти? хотинининг кўзига карамасликка тиришиб тўнғиллади Танабой.

Йўрға билан боғлиқ хотираларни эслаб ўтиришнинг ҳожати йўқ эди уларга. Танабойнинг ёшлигида қилган гуноҳи бор эди. Гап ўзига ёқмайдиган мавзуга кўчиб кетишидан қочиб, у хотинига дағал гапирди:

- Нима қилиб турибсан, ейишга бирон нарса тайёрласангчи.
 Итлай очман.
- Мана ҳозир отга тикилиб туриб, қарилик нима эканлигини билдим, жавоб берди хотини. Агар сен ҳув ўша Гулсари

эканлигини айтмаганингда танимаган бўлардим.

- Нимасига ҳайрон қоласан бунинг. Биз иккимизнинг аҳволимиз ундан яхшироқ деб ўйлайсанми? Ҳамма нарсанинг ҳам ўз вақти-соати бор.
- Мен ҳам мана шуни айтяпманда.— У ўйчан бош чайқади ва оқ кўнгиллик билан кулимсираб ҳазил қилди: Эҳтимол, сен яна йўрғангда тунлари дайдиб юрарсан? Майли, рухсат.
- Қайда!– у ўнғайсизланиб қўл силтади ва хотинига орқаси билан ўгирилиб олди. Ҳазилга ҳазил билан жавоб қайтарса бўларди, бирок у уялганидан омбор устига пичан олгани чиқиб кетди. У ерда анча вақтгача ивирсиб юрди. Хотини анави ишларни унутиб юборган, деб ўйлаб юрарди, унутмаган эканда.

Мўридан тутун кўтариларди, хотини совиб қолган овқатни иситарди, у бўлса то хотини эшикдан туриб қичқирмагунча ивирсиб пичан билан овора бўлди.

- Туш, бўлмаса овкат яна совиб колади.

Хотини ўтган ишни бошқа эсламади, эслашнинг нима ҳам ҳожати бор эди?..

Бутун куз ва қиш бўйи Танабой йўрғани парвариш қилди, илиқ кепак терт, майдаланган лавлаги билан бокди. Гулсарининг тишлари тушиб бўлай деганди, фақат синиклари қолганди.

Отни энди оёққа турғиздим, деб ўйловди, бунинг аҳволини қаранг. Энди уни нима қилиш керак?

Йўқ, отни йўлнинг қоқ ўртасида ташлаб кетишга кўзи қиймайди.

– Хўш, Гулсари, энди шундай тураверамизми? – Танабой йўрғани кўли билан итарган эди, у тебраниб, оёклари чалишиб кетди. – Қани, тўхтаб турчи, мен ҳозир...

У келинига картошка олиб келган бўш қопни қамчи сопи билан араванинг тагидан кўтардида, ундан тугунча чиқарди. Хотини йўлга нон ёпиб берганди, эсидан чиқариб юборибди, овкатни ўйлайдиган вакт эмасди. Танабой ноннинг ярмини синдирди, уни майдалаб бешматининг этагига солдида, отга тутди. Гулсари каттик нафас олиб нонни хидлади, лекин уни ея олмади. Шунда Танабой унга кафти билан егиза бошлади. От чайнай

кетди.

— Е, е, эҳтимол етиб олармиза? — Танабой қувониб кетди.— Астасекин бир амаллаб, эҳтимол етиб олармиза? У ёғи бир гап бўлар, қўрқадиган жойи йўқ. У ерда кампир иккаламиз сени парвариш қиламиз, — дерди у. Унинг қалтираётган қўлларига отнинг лабларидан сўлаги оқиб тушар, у бўлса сўлаги илий бораётганлигидан қувонарди.

Кейин у йўрганинг жиловидан ушлади.

– Қани, кетдик! Туришдан фойда йўқ! Кетдик!– буюрди у қатъий килиб.

Йўрға жойидан қўзғалди, арава ғижирлади, ғилдираклар йўл бўйлаб тарақлаб секин юриб кетди. Улар — чол билан қари от астасекин одимлаб кетишди.

«Холдан тойибди, – деб ўйларди Танабой йўл четидан одимлаб бора туриб. – Нечага кирдинг, Гулсари? Йигирма, ёки ундан ҳам ортикдир. Ортикрок бўлса керак...»

П

Улар биринчи марта урушдан кейин учрашган эдилар.

Ефрейтор Танабой Бакасов Ғарбда ҳам, Шарқда ҳам бўлган, Квантун армияси таслим бўлганидан сўнг армиядан қайтиб келган эди. Ҳаммаси бўлиб у деярли олти йил аскарлик йўлларидан одимлаб ўтди. Ҳеч нарса қилмади, Худо асради, бир марта обозда контузия қилинди, иккинчи марта бомба парчаси билан кўкрагидан яраланди, икки ойча госпиталда ётди ва яна ўз қисмига қайтди.

Уйга қайтаётганида эса станциялардаги бозорчи аёллар уни чол деб аташди. Бу кўпрок хазил эди, албатта. Танабой улардан унча хафа хам бўлмасди. У ёш эмасди, албатта, лекин қари хам эмасди. Кўринишдангина гўё қарига ўхшарди, уруш йиллари ичида қариб кетди, мўйловига оқ оралай бошлади. Аммо танаси ва рухи хали бардам эди. Бир йилдан сўнг хотини қиз кўрди, кейин эса иккинчисини туғди. Хозир иккаласи хам эрга чиққан, болалари бор. Ёзда дамбадам келиб туришади. Катта қизининг эри — хайдовчи.

Хотин, бола-чақасини кузовга ўтқизадида, тоққа — чолу кампирнинг олдига ҳайдайди. Йўқ, чолу кампир қизлари ва куёвларидан ҳафа эмас, лекин ўғилдан ёлчимадилар. Аммо бу бошқа масала...

Ўшанда, ғалабадан кейин йўлда келаётганида чинакам ҳаёт энди бошланаётгандай туюлган эди. Кўнгли бирам шод эдики, асти кўяверасиз. Катта станцияларда эшелонни духовой оркестр билан кутиб олишар ва кузатиб кўйишар эди. Уйда хотини кутарди, ўғилчаси саккизга қадам кўйган, мактабга кириш ҳаракатида эди. Танабой худди дунёга қайта келгандай, худди шу маҳалгача бўлиб ўтган ҳамма нарсага гўё ҳозир бўлмагандай ғалати ҳис туйғу билан қайтаётганди. У ҳамма нарсани унутгиси, фақат келажак ҳақида ўйлагиси келарди. Истиқболи ҳам ҳаёлида аниқ-равшан ва оддийгина бўлиб кўринарди: яшаш керак, болаларни ўстириш, хўжаликни йўлга қўйиш, уй куриш, хуллас, яшаш керак. Бунга энди бошқа ҳеч нарса ҳалақит бермаслиги зарур, чунки бутун ўтмиш, гаровга қўйилган, чинакам ҳаёт ниҳоят энди бошланиб келяпти, ана шу ҳаётга интиляпти, азборойи ана шу ҳаёт учун одамлар урушда ғалаба қозонишди ва қурбонлар беришди.

Аммо энди маълум бўлишича, Танабой шошилган, ортикча шошилган экан, келажакнинг гарови учун яна йиллар ва йилларни бериш керак эди.

Дастлаб у темирчилик устахонасида боскончи бўлиб ишлади. Қачонлардир бу ишнинг ҳадисини олган эди, сандон ёнида туриб эрталабдан кечгача қулочкашлаб шундай чўкич урардики, темирчи киздирилган темир парчасини болға остида ағдариб туришга зўрға улгурарди. Ҳозир ҳам барча кулфат ва ташвишларини унуттириб юборадиган темирчихонадаги ўша тақа-туқ, жаранг-журунглар унга гоҳо эшитилгандай бўлади.

Нон, кийим-кечак етишмасди, аёллар сарпойчан калиш кийиб юришарди, болалар канд нималигини билишмасди, колхоз карзга ботган, банкдаги хисоблар каланиб ётган эди, у бўлса болғани кўтариб тушириш билан буларнинг хаммасини унутмокчидай бўларди. У болғани гурсиллатиб урар, сандон жаранглар, учкунлар кук томчилар каби сачрар эди. «Хух-ха, хух-ха!— деб нафас оларди

болғани кўтариб туширганида. — Хамма иш ўнгланиб кетади, энг мухими — биз ғалаба қилдик, ҳа, ғалаба қилдик!» деб ўйларди. Болға эса «ғалаба қилдик, ғалаба қилдик», дегандек, «дук, дук, дук!» тушарди. Фақат угина эмас, ўша кунлари ҳамма худди нондай азиз ғалаба нафаси билан яшар эди.

Кейин эса Танабой йилкичиликка ўтди, токка чикиб кетди. Чоро уни шу ишга кўндирди. Рахматли Чоро ўша пайтда колхоз раиси эди, у бутун уруш давомида раислик килди. Хаста юраги туфайли уни армияга олишмади. Фронт оркасида бўлса хам хийла кариб колганди. Танабой кайтганида буни дарров пайкади.

Бошқа одам эҳтимол темирчиликни ташлаб йилқичи бўлишга уни кўндира олмасди. Аммо Чоро унинг эски дўсти эди. Улар бир вақтлар комсомол эканликларида колхозга киришга биргаликда ташвикот қилишган, биргаликда қулоқларни тугатишганди. Айникса у, Танабой ўша пайтлари ғайрат кўрсатганди. У қулоқларни тугатиш рўйхатига тушиб қолганларни аямасди.

Чоро унинг олдига – темирчихонага келиб уни янги ишга ўтишга кўндирди ва кўндира олганидан у жуда мамнун эди:

– Мен бўлсам сен болғани қўлдан ташламассан, ундан сени ажрата олмасман, деб қўрқардим, – деган эди кулимсираб.

Чоро касал эди, озиб кетган, бўйни чўзилиб, чўкиб кетган янокларини ажин босган эди. Хали кун илик бўлсада, Чоронинг фуфайкаси ёзда ҳам эгнидан тушмасди.

Улар темирчихона яқинидаги ариқ бўйида чўққайиб ўтириб олиб сухбатлашишарди. Чоронинг ёшлиги Танабойнинг эсига тушиб кетди. Ўша даврда у овулда энг саводхон, кўзга кўринган йигит эди. Одамлар вазминлиги, яхши хулки учун уни хурмат қилишарди. Танабойга эса унинг кўнгилчанлиги ёқмасди. Мажлисларда у баъзан ўрнидан сакраб турардида, душман билан синфий курашга йўл кўйиб бўлмайдиган бўшанглиги учун Чорони уриб йиқарди. Унинг сўзлари худди газеталарда ёзилган сўзлардай шиддатли эди. Овоз чиқариб газета ўкиганларида нимаики эшитган бўлса, ҳаммасини ёдаки такрорларди. Баъзан ўзининг сўзларидан ўзи даҳшатга тушиб кетарди. Лекин жуда зўр чиқарди.

– Билсанг, сешанба куни мен тоғда эдим, – деди Чоро. – Чоллар, ҳамма солдатлар ҳам қайтиб келишдими, деб сўрашди. Ҳа, тирик қолганларнинг ҳаммаси, дедим. «Қачон иш бошлашмоқчи!» Ишни бошлашган, деб жавоб қилдим, бири далада, бири қурилишда, бошқалари яна бошқа ерларда. «Буни биз ҳам биламиз. Йилқиларга ким қараши керак? Бизнинг ўлишимизни кутишмоқчими, бир оёғимиз гўрдаку». Жуда уялиб кетдим. Тушуняпсанми муддаоларини? Биз бу чолларни уруш йиллари тоғларга йилқичиликка юборгандик. Шундан бери улар ўша ёкда. Сенга айтиб ўтиришимнинг ҳожати йўқ, чолларнинг иши эмас бу. Доим эгардасан, на кундузи, на кечаси ҳаловат йўқ. Қиш кечаларини айтмайсанми!

Дарвешбой эсингдами, эгарда музлаб қотиб қолди. Улар ахир отларни юришга, минишга ҳам ўргатишарди — армияга керак эди бу отлар. Етмиш ёшингда сен тоғу даштларда сарсон бўлишни татиб кўрчи. Кўрадиганингни кўрасан. Шунча чидаб берганлари учун ҳам раҳмат уларга. Фронтчилар бўлса мана қайтишдию, бурунларини жийиришяпти, «чет эл маданияти»ни кўришгандирда, энди йилқичиликни ёқтирмай қолишибди. Тоғларда сарсон-саргардон бўлиб нима қиламан эмиш. Аҳвол мана шундай. Шунинг учун сен ёрдам бер, Танабой. Сен борсанг, бошқаларни ҳам мажбур қиламиз.

- Хўп, яхши, Чоро, хотиним билан гаплашиб кўрай, — жавоб берди Танабой. Ўзи эса: «Қанақа кунларни бошимиздан ўтказдик, сен бўлсанг, Чоро, ҳали илгаригидайсан. Кўнгилчанлигинг туфайли адойи-тамом бўласан. Эҳтимол, бу яхши ҳамдир, урушда нималарни кўрмадик ахир, ҳаммамиз ҳам кўнгилчанроқ бўлсак яхши бўларди. Эҳтимол, ҳаётдаги энг кераги мана шудир?» деб ўйлади.

Улар гапни бир жойга қуйиб ажралишди, Танабой узининг устахонаси томон йул олди. Лекин Чоро бирдан уни чақириб қолди:

— Танабой, тўхта! — у отда унинг олдига келди ва эгар қошига энгашиб унинг юзига тикилди:— Сен хафа бўлмадингми? — сўради у секингина. — Биласанми, ҳеч вақт топа олмаяпманда. Илгариги пайтлардагидай дилкашлик қилгим келади. Неча йил кўришмадик. Уруш тамом бўлса енгилроқ бўлар, деб ўйлагандим, ташвиш камаймаяпти. Баъзан ҳар хил фикрлар бошингга келиб мижжа қоқмай

чиқасан. Қандай қилиб хужаликни юксалтириш, халқни туйдириш ва ҳамма режаларни бажариш мумкин. Одамлар ҳам аввалги одамлар эмас, яхшироқ яшашни хоҳлашади...

Аммо дилкашлик қилиб суҳбатлашиб ўтириш уларга насиб бўлмади, холи ўтиришга вақт ҳам топиша олмади. Вақт эса ўтиб борарди, кейинчалик энди кеч бўлиб қолганди...

Танабой худди ўша кезларда тоққа йилқичи бўлиб борганида кекса Тўрғайнинг йилқилари орасида бир ярим яшар саман тойни биринчи марта кўрганди.

— Меросга нима қолдиряпсан, оқсоқол? Йилқиларинг жуда зўр эмаску, а? — отларни санаганларидан ва кўтондан ҳайдаб чиқарганларидан сўнг кекса йилкичини узиб олди Танабой.

Тўрғай ажин босган юзида биронта ҳам туки бўлмаган қотмагина, ўсмирлардай паст бўйли чол эди. Қўй терисидан тикилган каттакон пахмоқ телпаги бошида худди қўзиқориндай турарди. Бундай чоллар одатда эпчил, тили аччиқ ва бақироқ бўлади.

Лекин Тўрғайнинг жахли чиқмади.

- Бори шу, анчайин йилқиларда, пинагини бузмай жавоб берди у.– Мақтанадиган жойи йуқ, боқиб курсанг биласан.
- Ота, мен шунчаки айтдим қўйдим-да,— деди Танабой, муросасозлик билан.
- Биттаси бор! Тўрғай кўзига тушиб кетган телпагини кўтариб кўйдида, узангида туриб, қамчи сопи билан кўрсатди. Ўнг томонда ўтлаб юрган хув анави саман той. Зўр от бўлади.
- Қайси бири, ҳув анави коптокдай юм-юмалоғими? Кўринишдан увоккинаку, бели ҳам калта.
 - Кечикиб туғилган. Қувватга кирса зўр бўлади.
 - Нима фазилати бор? Нимаси яхши?
 - Туғма йўрға.
 - Хўш, нима қипти?
- Бундайларни кам учратганман. Илгариги замонларда у бебаҳо от ҳисобланарди. Бундай от учун пойга-улоқларда жонларини тикишарди.
 - Қани кўрайликчи! деб қўйди Танабой.

Улар отларига қамчи босиб, йилқиларни чеккалаб боришдида, саман тойчоқни бир четга чиқаришди ва олдиларига солиб ҳайдаб кетишди. Тойнинг бир чопгиси келиб турувди. Пешонасидаги ёлини силкитиб пишқирдида, ўрнидан қўзғалиб, пружинали ўйинчоқ отдай бир маромда шитоб билан йўрғалаб кетди. Кейин, йилқиларга қўшилиш учун катта ярим доира ясаб айланиб чиқди. Унинг чопишига мафтун бўлган Танабой қичқириб юборди:

- Хў-ў-ў, қадам ташлашини қара! Қара!
- Сен нима деб ўйловдинг! ғурур билан жавоб қилди кекса йилкичи.

Улар йўрғанинг кетидан тез йўрттириб боришарди ва пойгадаги кичкина болалардай кичкиришарди. Уларнинг овозлари гўё тойчокни савалаётгандай бўлар, у ўзини деярли зўриктирмай, кадамини тобора тезлаштириб, лўкилламасдан бир текис йўрғалаб борарди.

Уларга отларини чоптиришга тўғри келди, анави бўлса ҳамон аввалгидай йўрғалаб борарди.

– Кўряпсанми, Танабой! – телпагини силкитиб қичқирарди Тўрғай отда чопиб бораётиб: – Зийраклигини қара-я, овозингга қараб қадам ташлайди-я! Ҳайт, ҳайт, ҳайт-э!

Саман тойчоқ ниҳоят йилқиларга келиб қушилганида Турғай билан Танабой уни тинч қуйишди. Лекин отларини совутаётганда ҳам анчагача ҳаяжонларини босишолмади.

- Раҳмат-э, Тўрғай ака, яхши от етиштирибсиз. Кўнглим анча кўтарилди.
- Яхши от, қушилди унга чол.— Аммо эҳтиёт бул, энсасини қашиб бирдан қовоғини солиб олди у. Кузиктириб қуйма. Маҳмадоналик қилиб, элдан бурун гапириб юрма. Суқсур қизлардек яхши йурға отнинг ҳам хуштори куп булади. Қиз тақдири шундайки, яхши одамга тушса, очилиб кетади, куз куриб қувонади, бирон аҳмоқнинг қулига тушса, қизни куриб хафа булиб кетасан. Ҳеч ёрдам ҳам бера олмайсан. Яхши от ҳам худди шундай. Нобуд қилиб қуйиш ҳеч гапмас. Пойгада қоқилиб йикилади.
- Ташвишланма, оқсоқол, ахир менинг ҳам бунақа ишлардан хабарим бор, кичкина бола эмасман.

- Ҳа, балли. Мен шунчаки гапирдим қўйдим-да. Унинг оти Гулсари. Эсингда тут.
 - Гулсари?
- Ҳа. Бултур ёзда неварам меҳмон бўлиб келганди. Бу отни ўша кўйган. Севиб қолганди. Ўша вақтда у қулун эди. Эсдан чиқарма: «Гулсари».

Тўрғай эзма чол экан. Тун бўйи насихатгўйлик қилди, Танабой уни сабр-тоқат билан тинглади.

У Тўрғай билан хотинини манзилдан етти чақирим наригача кузатиб қўйди. Унга бўш ўтов қолди, энди оиласи билан бирга кўчиб кириши лозим эди. Бошқа ўтовга унинг ёрдамчиси ўрнашиши керак эди. Аммо ҳали ёрдамчи топишмаганди. Ҳозирча унинг бир ўзи эди. Хайрлашаётганида Тўрғай яна:

— Саман тойга ҳозирча тегмай тур,— деди. — Ҳеч кимга ишониб топширма ҳам. Баҳорда ўзинг минишга ўргат. Ҳа, эҳтиёт бўл. Эгарлаб миниб олгандан кейин қаттиқ ҳайдама. Тизгинини ҳадеб тортаверсанг йўрға қадамидан айнийди, отни бузиб қўясан. Тағин қара, биринчи кунлари иссиқлаб туриб кўп сув ичиб қўймасин. Оёқларига сув тушади, оқбош яраси пайдо бўла бошлайди. Агар ўлмасам, минишга ўргатганингдан кейин кўрсатарсан.

Тўрғай унга йилқиларни, ўтовни, тоғ-тошларни қолдириб, кўч-кўронларини туяга ортдию, кампири билан жўнаб кетди...

Гулсари ўзи ҳақида қанча гап-сўзлар бўлганини, яна қанча сўзлар айтилишини ва буларнинг оқибати нима бўлишини билса эди!..

У йилкилар подасида аввалгидай эркин юрарди. Чор атрофда ҳеч нарса ўзгармаган, ўша тоғлар, ўша майсалар ва ўша дарёлар. Фақат чол ўрнига Кулранг шинель ва солдатча кулокчин кийиб олган бошқа ҳўжайин уларни қўриқлай бошлади. Янги йилкичининг овози ҳиркирок, лекин баланд ва кучли эди. Йилкилар кўп ўтмай унга ўрганиб қолишди. Майли, атрофда айланиб юраверсин.

Кейин эса қор ёғди. У дам-бадам ёғар ва эринмай узоқ ётарди. Отлар ўт-ўлан топиш учун туёқлари билан қор титкилашарди. Хўжайиннинг юзлари қорайиб, қўллари шамолдан тарашадай қотиб кетди. Энди у кигиз этик кийиб, катта пўстинга ўралиб юрарди.

Гулсарининг жунлари жуда ўсиб кетганди, шундай бўлса ҳам у совқотар, айниқса тунлари қаттиқ совук ерди. Аёзли тунлари йилқилар бир ерга зич бўлиб тўпланишардида, то қуёш чиққунча устларига киров тушиб, шу кўйда туришарди. Хўжайин шу ердан нари кетмай юрар, кўлқоп кийган кўлларини бир-бирига урар, юзини ишқалар эди. Баъзан кўринмай қолар ва яна пайдо бўларди. Унинг кетмагани яхши эди. Қичқирса ёки совукда томок қирса йилқилар бошларини дик этиб кўтаришар, кулоқларини динг қилишар, аммо хўжайинлари ёнларида эканлигига дарров ишонч ҳосил қилишиб, тунги шамолнинг ғувиллаши, ҳуштаги остида мизғий бошлашарди. Ўша қишдан буён Гулсари Танабойнинг овозини бир умрга эслаб колди.

Бир куни тунда тоғда бўрон бошланиб, қуруқ қор ёғиб берди. Қор ёлининг ич ичига кирар, думини оғирлаштирар, кўзларини очирмас эди. Йилкилар безовта бўлиб колди. Отлар бир-бирига тикилишар, қалтирашар, қари биялар қулунларни уюрнинг ўртасига ҳайдаб, бесаранжом булишиб пишкиришарди. Улар Гулсарини энг чеккага сикиб чикаришди, у тўданинг орасига хеч кира олмасди. Тепкиб бошқаларни сура бошлади, бутунлай чеккага чиқиб қолди, шунда уюр айғири роса таъзирини берди. У купдан бери атрофни айланиб юраркан, кучли оёклари билан қорни босиб-янчиб, йилқиларни бир жойга йиғаётган эди. Баъзан у бошини эгиб ва қулоқларини чимириб қаёққадир бир чеккага ташланар, қоронғуликда кўринмай кетар, унинг фақат пишқириши эшитилар ва ғазаб билан яна отларнинг орасига чопиб қайтиб келар эди. Бир чеккага чиқиб кетган Гулсарини пайқаб қолиб, уни кукраги билан урди, орқаси билан угирилиб кейинги туёқлари билап унинг биқинига шунчалик қаттиқ тепдики, Гулсари огрикдан ўлар холатга келди. Унинг ичида нимадир гувиллаб кетди, тепки еб қичқириб юборди ва аранг оёкда туриб қолди. У ўзбошимчалик қилишга энди уринмади. Биқини зирқираб оғриркан, золим айғирдан аччиғланиб уюрнинг бир чеккасида қимир этмай турди. Отлар тинчиб қолишди, шунда у аллақандай чўзиқ увлашни эшитди. У хеч қачон бўрининг увлашини эшитмаганди, бир он томир уриши тўхтаб, бадани музлаб кетганлигини сезди. Йилкилар чўчиб тушишди, қулоқлари динг бўлди. Хаммаси жим бўлиб қолди. Аммо бу сукунат вахимали эди. Хамон шувиллаб ёғаётган қор Гулсарининг кўтарилган тумшуғига тушиб ёпишиб қоларди. Хўжайин қаерда қолди? Шу дақиқада у жудаям керак эди, лоақал овозини эшитса, пўстинининг дудли хидини хидласа! У бўлса йўк. Гулсари бир чеккага кўз қирини ташлади ва қўркувдан қотиб қолди. Ён томонда қорда судралиб қанақадир кўланка лип этиб ўтгандай бўлди. Гулсари бирдан ўзини орқага ташлади ва шу захотиёк йилкилар хуркиб жойидан қузғалди. Эс-хушини йуқотган отлар қаттиқ кишнаб бараварига зулмат оғушига отилишди. Энди уларни тўхтата оладиган хеч қандай күч йўқ эди. Отлар тоғ ўпирилганда қоядан узилиб түшган тошлар каби бир-бирларини итариб, кучларининг борича олға томон талпинишарди. Гулсари хеч нарсани тушунмай терлаб-пишиб жонжахди билан чопиб борарди. Шунда бирдан ўқ овози эшитилди, кейин эгаларининг гумбурлади. Отлар чопиб кетаётиб кичкириғини эшитди. Қичкирик қаердандир, ён томондан эшитилди ва кейин тухтамай отларнинг йулини кесиб ута бошлади, сунг олд томондан эшитилди. Улар энди бу тўхтозсиз эшитилаётган овозга етиб олдилар, бу овоз уларни ўз ортидан етаклаб борарди. Хўжайин улар билан бирга эди. У хар лахзада жарлик ёки дарага йикилиб тушиш хавфи остида олдинда чопиб борарди. У энди бўғик озоз билан қичқирарди, кейин хириллай бошладй, аммо овози тинмади:

Хайт, ҳайт, ҳайт-а-айт!» Отлар таъқиб қилаётган даҳшатдан қутулиш учун унинг изидан чопишарди.

Тонгга якин Танабой йилкиларни эски жойига ҳайдаб келди. Факат шу ердагина отлар тўхташди. Йилкилар устидан куюк туман каби буғ кўтариларди, отларнинг бикинлари кўтарилиб-тушиб турар, бошларидан кечирган даҳшатдан ҳамон қалтирашарди. Улар кор ейишарди. Танабой ҳам кор ерди. У тиззалаб ўтириб олиб, оғзига сиқимлаб кор тиқарди. Кейин у юзини кафтлари орасига олиб, қимир этмай узок ўтирди. Осмондан эса ҳамон қор еғиб турарди. У отларнинг иссиқ сағрисида дарров эриб кетиб, лойқа, сарғиш томчиларга айланиб пастга оқиб тушарди.

* * *

Калин қорлар эриб кетди, ўтлар кўкариб қолди. Гулсари тез этта кирди. Йилқилар туллаб, терилари йилтиллаб қолди. Қиш ва ем-хашак танқислиги гўё сира бўлмагандай. У отларнинг эсидан чиқиб кетган, аммо одамнинг хотирида қолган. У совукни, бўронли тунларни эслайди, эгар устида қотиб ўтирган пайтларини, музлаб қолган қўл ва оёқларини гулхан ёнида иситиб, йиғлаб юбормаслик учун лабларини тишлаган вақтларини эслайди. Бахорда ерни юпқа муз билан қоплаб олган «ют»ни эслайди, ўшанда уюрдаги энг кучсиз йилқилар ҳалок бўлганлигини, тоғ» лардан тушиб, колхоз идорасида кўзини ердан узмай отларнинг ўлганлиги ҳақидаги актга имзо чекканлигини ва бирдан ғазабга қелиб, раис столига мушт уриб бақирганлигини эслайди:

— Сен менга бунақа қарама! Мен сенга фашист эмасман! Йилқилар учун отхона қани, ем-хашак қани, сули қани, туз қани? Буюқда қолиб кетганмиз! Ахир хўжаликни шундай олиб бориш керак дейилганми? Қарагин, қанақа йиртиқ-ямоқ кийимда юрибмиз! Ўтовларимизни кўр, қандай яшаётганлигимизни кўр! Тўйиб нон емаймиз. Уруш вақтида ҳам бундан юз марта яхши яшардик. Сен бўлсанг менга худди бу отларни мен бўғиб ўлдиргандай ўкрайиб қарайсан!

Раиснинг мум тишлаб қолгани, унинг ранги бўзариб кетгани ҳали ҳам эсида. Ўз сўзларидан уялиб кетганини ва узр сўрай бошлаганини эслайди у.

- Сен... кечир мени, қизишиб кетдим, дудуқланиб зўрға тилга кирганди у.
 - Сен мени кечиришинг керак, деди унга Чоро.

Раис омборчи аёлни чақириб:

- Унга беш кило ун бер, деганда Танабой бешбаттар қизариб кетганди.
 - Яслини нима қиламиз?
- Қанақа ясли? Доим сен ҳамма нарсани чалкаштириб юрасан!
 Бер! кескин буюрди Чоро.

Танабой яқинда сут соғила бошланади, қимиз бўлади, деб ун олишдан бош тортмоқчи эди-ю, лекин раисга назар ташлаб ва унинг жон аччиғида ёлғон гапирганини англаб индамай қўя қолишга мажбур бўлди. Кейинчалик, у шу ундан қилинган угра ошдан ичаркан, ҳар гал оғзини куйдириб оларди. Қошиқни ташлаб:

- Бу нимаси, оғзимни куйдирмоқчимисан? дерди.
- Совутиб ич, кичкина эмассан-ку, бамайлихотир жавоб берарди хотини.

Унутмаганди, хеч нарсани унутмаганди у.

Мана, май ойи етиб келди. Ёш айғирлар кишнашар, бир-бирлари уришиб, бегона уюрлардан ёш бияларни хайдаб олиб кетишарди. Йилкичилар уришкок отларни кувиб юбориш учун куйибпишиб чопишар, бир-бирлари билан сукинишар, баъзан узлари хам ёқалашиб кетишар, қамчи кўтаришар эди. Гулсарининг булар билан иши йўқ эди. Бир ёкдан ёмғир ёғиб, бир ёкдан офтоб чиқар, туёклар остидан ўт унар эди. Ўтлоклар кўм-кўк, уларнинг устидаги тизма тоғларда оппоқ-оппоқ қорлар ярқираб турарди. Уша бахорда саман йўрға ёшликнинг ажойиб даврини сурарди. Бир ярим яшарли калта сержун тойчокдан келишган, бақувват айғирга айланиб бораётганди. Унинг буйи ўсди, танаси юмшок тархларини йукотиб, уч бурчак шаклига кира бошлаганди – кўкраги кенг, оркаси ингичка эди. Калласи ҳам йўрға отларникидек озғин, пешонаси дўнг, кўзларининг оралиғи кенг, лаблари йиғиқ ва таранг эди. Аммо унинг чопишдан бошқа иши йўқ, шу сабабдан у хўжайинига кўп ташвиш орттирган эди. Ўз тенгдошларини орқасидан эргаштириб, буларнинг орасида учар юлдуздай чопиб юрарди. Қанақадир битмас-туганмас куч уни тоғларга, ён бағирлардан пастликларга, тошли қирғоқ, тик сўқмоқлар бўйлаб, сойликларга хайдарди. Хатто тун ярмида, юлдузлар остида уйқуга кетганида хам оёқлари остидаги заминининг кетаётганлиги, ёли ва қулоқларида шамолнинг хуштак чалаётганлиги, туёқлари тақиллаётганлиги тушига кирарди.

Ўзига бевосита алоқадор бўлмаган ҳамма нарсага қандай қараса, ҳўжайинига ҳам ҳудди шундай қарарди. Уни севмасди ҳам, унга ҳеч қандай адовати, ғарази ҳам йўқ эди, чунки унга ҳалақит бермасди.

Фақат узоққа чопиб кетишганида уларни қувиб сўкинарди. Баъзан хужайини саман йурғанинг сағрисига укрук – сиртмоқ билан бирикки уриб қолишга улгурарди. Бундай вақтда Гулсарининг бутун танаси титраб кетар, аммо калтакдан кура купрок зарбнинг тусатдан келиб тушганлигидан чўчиб кетарди, шунда қадамини яна ҳам тезлаштирарди. У йилкилар ёнига қайтаётиб қанчалик тез чопса, укрукни кундаланг тутиб изма-из қувиб келаётган хужайинига Йўрға ёкарди. ĬЗ рухлантирувчи шунчалик кўп ортидан қичқириқларни, хўжайини эгар устида ўлан айта бошлаганини эшитар, бундай дамларда у эгасини севар, қушиқ остида чопишни яхши кўрар эди. Бориб-бориб бу кўшиклар кулоғида колди – уларнинг орасида хар хили: қувноғи ва ғамгини хам, узуни ва қисқаси хам, сўзлиси ва сўзсизи хам бор эди. У яна хўжайининг йилкиларни туз билан бокишини хам яхши кўрарди. Козикларга ўрнатилган узун тахта охурга эгаси ялама туз парчаларини ташларди. Бутун йилкилар ёпирилиб келарди, ана рохат, ана маза. Уни кўлга туширган хам шу туз бўлди.

Бир куни хўжайин бўш челакни тақиллатиб чалиб, отларни «пў, пў, пў!» деб чорлай бошлади. Отлар чопиб келишди. Гулсари бошқаларнинг ўртасида туриб туз яларди ва хўжайини шериги билан бирга қулларида сиртмоқ билан йилқиларни айлана бошлаганида сира хам безовталанмади. Бунинг унга дахли йўқ эди. Укрук билан миниладиган отларни, соғиладиган бияларни ва бошқа йилқиларни тутишарди, лекин уни тутишмасди. У эркин эди. Бирдан қил сиртмоқ унинг бошидан сирғалиб тушиб, бўйнида осилиб қолди. Гулсари нима гаплигини тушунмас, сиртмокдан у қўрқмас, шунинг учун туз ялашда Бошқа отлар бўйинларига укрук ташланганида ўзларини хар ёққа ташлардилар, оёқларини кўтариб сапчирдилар, Гулсари бўлса кимир этмади. Лекин унинг дарёга чопиб бориб сув ичгиси келиб кетди. Бўйнидаги сиртмок эса тортилиб уни тўхтатиб қўйди. Бунақаси сира бўлмаганди. Гулсари сапчиб ўзини орқага ташлади, кўзлари ола-кула бўлиб хириллай бошлади, сўнг шиддат билан олд оёкларини осмонга тик кўтарди. Атрофдаги отлар бирпасда тумтарақай қочиб кетишди, шунда у ўзини қил арқонда ушлаб турган одамлар ўртасида кўрди. Эгаси олдинда, унинг орқасида эса иккинчи йилқичи турарди, яқиндан бери бу ерда пайдо бўлиб қолган ва йилқилар теварагида тинмай от чоптириб, унинг жонига теккан йилқичиларнинг болалари уларни ўраб олишганди.

Йўрға отни даҳшат босди. У тағин бир сапчиб оёқларини баланд кўтарди, сўнг яна осмонга сапчиди, кўзи ўнгида куёш оловли доираларга бўлиниб хиралашиб кетди, тоғлар, ер, одамлар кулаб, чалқанчасига йиқилиб тушаркан, кўз олдини бир лаҳза қоп-қора, ваҳимали бўшлиқ қоплади, у бу бўшлиқни олдинги оёқлари билан тепкилаб турарди.

Аммо у қанча тепинмасин, сиртмоқ бўйнини борган сари каттикрок сикиб борарди, йўрға саманнинг нафаси бўғилиб, ўзини одамлардан четга олиш ўрнига уларга ташланди. Одамлар ўзларини олиб кочишди, сиртмок бир дакика бўшашди ва от чопиб уларни судраб кетди. Аёллар кичкириб, болаларини ўтовларга ҳайдай бошлашди. Лекин йилкичилар ўринларидан туриб олишга улгуришди ва сиртмок яна Гулсарининг бўйнидан сика бошлади. Бу гал у шу кадар қаттик сикдики, нафас олишнинг иложи бўлмай колди. Шунда у боши айланиб, нафаси бўғилиб тўхтади.

Арқонни қўлдан чиқармай, хўжайин ён томондан яқинлашиб келаверди. Гулсари уни бир кўзи билан кўриб турарди. Хўжайин тилка-пора бўлиб кетган кийимда, юзлари шилинган ҳолда унга яқинлашарди Аммо эгасининг кўзларида ғазаб учқуни кўринмасди. У оғир нафас олар ва ёрилиб кетган лабларини чапиллатиб секин, деярли шивирлаб гапирарди:

– Тек, тек, Гулсари, қўрқма, тўхта, тўхта!

Унинг ортидан арқонни бушатмай эҳтиёткорлик билан ёрдамчиси яқинлашиб кела бошлади. Хужайин ниҳоят қулини чузиб саман отга етказди, унинг бошини сийпади, угирилмай туриб ёрдамчисига:

- Юганни бер, деди. У юганни узатди.
- Тек тур, Гулсари, тек тур, жонивор, дер эди у. У йўрға отнинг кузларини кафти билан беркитиб туриб бошига юган солди.

Энди уни жиловлаш ва эгарлаш керак эди. Калласига юган ташланганида Гулсари хириллаб, қочишга уриниб кўрди. Лекин эгаси

унинг юқори лабидан ушлаб қолишга улгурди.

— Буров сол! — қичқирди ёрдамчисига. У чопиб келиб отнинг лабига чилвир билан буров солди ва ғалтакни айлантиргандай таёқ билан айлантира бошлади.

Йўрға саман оғриқ азобидан орқа оёқларига ўтириб қолди ва ортиқ қаршилик кўрсатмади. Совук темир сувлиқ тишларига тақиллаб тегди ва оғзининг бурчларига ботиб кетди. Унинг устига ниманидир ташлашди, белига қайиш солиб шундай тортишдики, кўкраги кисилиб, тебраниб кетди. Булар ҳам кўзига кўринмади, энди лаблунжидаги даҳшатли оғриқнигина сезарди, холос. Кўзлари косасидан чиқиб кетаёзганди. На қимирлаб, на нафас олиб бўларди. У ҳатто эгаси қачон ва қандай қилиб устига миниб олганини ҳам сезмай қолди, оғзидан буровни олишгандагина ўзига келди.

Хамма ёгидан қайиш билан тортилган ва оғирлашган от хеч нарсани тушуна олмай бир-икки дақиқа туриб қолди, кейин елкаси оша кўз кирини ташлаб, бирдан устида одам борлигини кўрди. Чўчиганидан ўзини бир чеккага отди, лекин сувлик оғзини йиртар, одамнинг оёклари эса бикинларига қаттиқ ботиб турар эди. Саман от олдинги оёқларини тикка кўтарди, ғазабнок ва жон аччиғи билан кишнади, шаталок отиб у ёкдан бу екка югуриб-елди ва ўзини босиб турган хамма юкни устидан улоктириб ташлаш учун күч туплаб бир томонга ташланди, бирок иккинчи учини бошка бир отлик одам махкам ушлаб турган аркон уни куйиб юбормасди. Шунда у доира ясаб чопа бошлади, у доирадан чикиб, кочиб кетиш пайида буларди. Бирок доирадан чикиб кетиб бўлмас, тинмай чопар эди. Одамларга худди мана шуниси керак эди. Эгаси уни қамчи билан уриб турар, этик пошнаси билан никтарди. Шундай бўлса хам саман от уни икки марта устидан улоктириб ташлади. Аммо эгаси ўрнидан турар ва яна эгарга минарди.

Бу ҳолат шу йўсинда узоқ, жуда узоқ давом этди. Боши айланарди, атрофдаги ер, ўтовлар айланарди, узоқларга тарқалиб кетган отлар, тоғлар, осмондаги булутлар айланарди. Кейин у чарчади ва қадамлаб юриб кетди. Жуда чанқади.

Аммо унга сув беришмасди. Кечкурун устидан эгарини олмай,

фақат айилини салгина бушатиб, отқозиққа қантариб қуйишди. Жиловини эгарнинг қошига қаттиқ ўраб боғлаб қўйилганидан бошини тик тутишга тўғри келар ва натидада ерга ёта олмас эди. Узангилар кўтарилиб эгар қошига илиб қўйилганди. У тун бўйи шу тахлитда туриб чикди. У ўз бошидан кечирган бу ғаройиб нарсаларнинг хаммасидан довдираб, эсанкираб тикка турарди. Оғзидаги сувлик хамон унга халақит берар, у салгина қимирласа хам оғзини оғритар, темирнинг мазаси ҳам ёқимсиз эди. Оғзининг шишган бурчакларини сувлик шилиб юборганди. Қорнидаги қайиш қийиб юборган жойлари ачишарди. Эгар тагидан қўйилган намат терлик хам белини оғритарди. Жуда-жуда сув ичгиси келарди. У дарёнинг шовиллашини эшитар ва бундан чанқоғи янада кучаярди. У ёкда – дарёнинг нариги бетида хар вақтдагидай йилқилар ўтлаб юришарди. Кўп туёқларнинг тақир-туқури, отларнинг кишнаши ва тунги йилкичиларнинг кичкириғи эшитиларди. Ўтовлар олдидаги одамлар гулханлар ёнида ўтириб дам олишар, болалар итларни майна килиб вовиллашарди. У бўлса ўз жойида турар, хеч кимнинг у билан иши хам йўқ эди.

Сўнг, ой кўтарилди. Тоғлар зулмат қучоғидан чиқиб, ойнинг сарғиш нури остида секин тебрана бошлади. Юлдузлар тобора ерга яқинлашиб, ёрқинроқ порларди. У бир жойга маҳкам боғланганича кимир этмай турар, уни кимдир изларди. У ўзи билан бирга ўсган ва ўзидан ҳеч қачон ажралмайдиган жийрон байталнинг кишнашини эшитарди. Байталчанинг пешонасида оқ юлдуз қашқаси бор эди. У саман тойча билан чопиб юришни яхши кўрарди. Айғирлар унинг ортидан қувиб юра бошлаганди, у тутқич бермас, йўрға той билан бирга улардан узоққа қочиб кетарди. Жийрон байталча ҳам, саман той ҳам ҳали ёшига етмаган эди.

Мана, у қайдадир жуда яқин жойда кишнади. Ҳа, бу ўша бия эди, унинг овозини у аниқ таниди. У жавоб қайтармоқчи бўлди-ю, аммо шилиниб, шишиб кетган оғзини очгани қўрқарди. Жуда ҳам оғрирди.

Нихоят байталча уни излаб топди. Ойдинда пешонасидаги ок юлдузчани яраклатиб енгилгина чопиб келди. Думи ва оёклари хул эди. У дарёни кечиб ўтиб, ўзи билан бирга сувнинг совук нафасини келтирганди. Тумшуғини тираб, юмшок илик лабларини тегизиб, уни

искай бошлади. Бия эркаланиб пишқирар, уни ўзи билан бирга кетишга чорлар, у булса жойидан қузғала олмасди. Сунг бияча унинг бўйнига калласини қўйди-да, тишлари билан ёллари орасини қаший бошлади. Саман той хам унинг буйнига калласини куйиши ва керак Аммо унинг мехрибонлигига ининидък кашиши эди. мехрибонлик билан жавоб қайтара олмасди, хатто қимир этишга холи келмас, у чанқаганди. Байталча қочиб кетганида то унинг сояси дарё ортидаги тун қоронғулигига сингиб кетгунча орқасидан қараб қолди. Келди-ю кетди. Унинг кўзларидан тиркираб ёш чикди. Йирик-йирик ёш томчилари тумшуғидан оқиб, оёқлари остига секингина думалаб тушарди. Саман йўрға умрида биринчи марта йиғлаётганди.

Эрта тонгда хўжайин келди. У атрофдаги кўм-кўк тоғларга каради, кулимсираб бир керишиб олди, суяклари сирқираб оғриганидан инграб қўйди.

– Ох, Гулсари, кеча менинг роса адабимни бердинг-да. Нима килди? Совкотдингми? Вой сени кара-ю. Ха, дуруст, дуруст.

У йўрға тойнинг бўйнини силаб-сийпади ва унга қандайдир илиқ ҳазиломуз сўзларни гапира бошлади. Одам нималарни гапираётганини Гулсари ҳаёҳдан билсин? Танабой бўлса бундай дерди:

— Ҳа, майли, хафа бўлма, биродар. Умр бўйи ишсиз, бекор юрмассан ахир. Кўникиб қоларсан, ҳамма иш ўнгланиб кетади. Қийналдинг-а, ҳечқиси йўқ, шусиз бўлмайди. Ҳаёт мана шунақа, дўстим, тўрттала туёғингни ҳам тақалайди. Кейинчалик йўлингда учраган ҳар бир тошга эгилиб таъзим қилиб юрмайсан. Қорнинг очдими, а? Чанқадингми? Биламан...

У саман тойни дарё томон етаклаб кетди. Яраланган оғзидан сувлиғими авайлаб чиқарди. Гулсари титраб-қақшаб сувга ташланди, совукдан кўзларидан ёш чикди. Ох, сув нақадар мазали эди, у бунинг учун одамдан қанчалик миннатдор!

Шундай қилиб, орадан кўп вақт ўтмай у эгарга шунчалик кўникиб кетдики, унинг оғирлигини сезмай ҳам қолди. Устидаги чавандоз унга кушдай енгил кўринар, ўзини яхши сезарди. Одам сира жиловни бўш кўймас, саман от бўлса йўлларда бир маромда оёк ташлаб, йўрғалаб

кетарди. У эгар остида шунчалик тез ва текис юришга ўрганган эдики, одамлар қойил қолишарди:

Устига бир челак сув кўй – бир томчи ҳам тўкилмайди! – дейишарди.

Аввалги йилқичи чол – Тўрғай эса Танабойга деди:

– Раҳмат, яхши ўргатибсан. Йўрғангнинг донғи чиқишини энди кўрасан!

Ш

Эски арава ғилдираклари кимсасиз йўлда секин ғирчиллаб борарди. Баъзан ғилдиракларнинг тўқиллаши эшитилмай қоларди. Қолдан тойган йўрға тўхтаб қолар, сукунат чўккан дамда юрагининг гуп-гуп, гуп-гуп этиб ураётганлиги қулоғига чалинарди.

Кекса Танабой отнинг нафасини ростлаб олишини кутиб турар, сўнг яна жиловидан тортарди:

– Кетдик, Гулсари, кетдик, қара, қоронғи тушиб қолди.

Улар бир ярим соатларча юришди, кейин йўрға таққа тўхтаб қолди. У аравани ортиқ торта олмасди. Танабой яна от атрофида айлана бошлади.

– Сенга нима бўлди, Гулсари, а? Қара, тезда тун киради!

Лекин от уни тушунмасди. У ҳатто калласини кўтаришга ҳам мажоли етмай, бошини силкитиб, чайқалиб турарди. Қулоғига эса ҳамон юрагининг гуп-гуп, гуп-гуп этиб уриши эшитиларди.

– Кечир мени, – деди Танабой. – Дарров фахмим етмаганини қарая. Қуриб кетсин бу арава ҳам, бу эгар-жабдуқ ҳам, сени бир амаллаб уйга етказиб олсам бўлгани.

У пўстинини ерга ташлади ва шошиб-пишиб отни аравадан чиқарди, бошидан хомутни олди-да, ҳамма анжомларни аравага ташлади.

— Мана, вассалом, — деди у ва пўстинини кийиб аравадан чиқарилган саман отига қаради. Хомутсиз, анжомсиз ҳаддан ортиқ катта каллали от ҳозир кечки совуқда чўл ўртасида арвоҳдай турарди.

– Ёпирай, Худойим-э, қай аҳволга тушиб қолдинг, Гулсари? – пичирлади Танабой. – Агар сени ҳозир Тўрғай кўрганидами, гўрида тик турарди...

У саман отнинг жиловидан тортди, улар яна аста юриб кетишди. Қари от ва кекса одам. Ортда арава қолиб кетди, олдинда, ғарб томонда йўлни қорамтир-бинафша ранг зулмат босиб келаётганди. Тун тоғларни чулғаб уфкни беркитиб, чўл устига, унсиз-товушсиз ёйилиб келарди.

Танабой юриб бораркан, узоқ йиллар давомида саман от билан боғлиқ бўлган нарсаларни эслар ва аламли жилмайиб, одамлар хакида ўйларди: «Биз хаммамиз мана шунақамиз. Умримизнинг охирида, бирортамиз оғир касал бўлиб қолганимизда ёки дунёдан ўтганимизда бир-биримизни эслаймиз. Ана шунда кимни йўқотганимиз, у қандай одам бўлганлиги, нимаси билан донг чиқарганлиги, қандай ишлар қилганлиги бирдан хаммамизга аён бўлиб қолади. Тилсиз махлуқ хакда нима дейиш мумкин? Гулсари кимларни олиб юрмади ахир! Кимлар уни минмади! Қариши билан уни хамма унутди қўйди. Энди оёқларини зўрга судраб юрибди. Ахир қанақа от эди у!»

Сўнг у яна ўтган вокеаларни эслай бошлади ва қандай қилиб кўпдан бери хаёлан ўтмиш кунларга қайтмаганлигига ўзи ҳам ҳайрон бўлди. Қачонлардир бўлиб ўтган ишларнинг ҳаммаси унинг хотирасида жонлана бошлади. Ҳеч нарса ҳам изсиз йўколмас экан. Илгарилари у ўтмиш ҳақида кам ўйларди, тўғрироғи, ўйлашга йўл қўймасди. Энди бўлса, ўғли ва келини билан бўлган гап-сўздан кейин жонини бераётган саман отнинг жиловидан ушлаб йўлда кетаркан, бошидан ўтган йилларни алам ва ҳасрат билан эслади ва бу йилларнинг ҳаммаси унинг кўз ўнгида яққол гавдаланди.

У ўз хаёллари билан банд бўлиб қадам ташлаб борарди, саман от эса жиловни тобора ортга тортиб судралиб келарди. Чолнинг қўли толиб қолганида жиловни бошқа елкасига оширар ва йўрғани яна етаклаб кетар эди. Кейин у бундай юришдан чарчади, саман отга ҳам дам берди. Ўйлаб туриб отнинг калласидан юганни чиқариб олди.

– Олдинда юр, холинг келганича юр, мен орқангдан бораман, сени ташлаб кетмайман, – деди у. – Қани юр, аста-аста.

Энди саман от олдинда, Танабой эса елкасида юган, орқада борарди. У юганни ҳеч қачон ташламайди. Гулсари тўхтаганида Танабой у куч йиғиб олсин, деб кутиб турар, сўнг яна улар йўлда судралиб кетишарди. Қари от ва кекса одам.

Бир вақтлар мана шу йўлдан орқасида чанг-тўзон қолдириб Гулсари елиб ўтганини эслаб, Танабой ғамгин кулимсираб қўйди. Чўпонлар мана шу чанг-тўзондан саман отнинг чопиб ўтганлигини билиб олишларини айтишарди. Туёклари остидан чиққан чанг чўлда оппок бўлиб сузар ва шабада-шамолсиз кунлари у худди реактив самолётнинг тутунидай йўл устида муаллак осилиб турарди. Бундай дамларда чўпон кафтини кўзлари устига соябон килиб ўзича: «Гулсари келяпти! Бу ўша Гулсари» дерди ва иссик шамолда юзини куйдириб, бу от устида елиб келаётган бахтли киши ҳақида ҳавас билан ўйларди. Донғи кетган мана шундай йўрға устида ўтириб бориш кирғиз учун буюк шарафдир.

Гулсари қанча колхоз раисларини кўрмади дейсиз, ҳар хили бўлган — ақлли ва тентаклари, софдил ва виждонсизлари бўлган, аммо ҳаммаси ҳам ўз раислигининг биринчи кунидан то сўнгги кунигача саман отни миниб юрган. «Қани энди улар? Эртадан кечгача уларни олиб юрган Гулсарини гоҳо-гоҳо эслаб қўйишармикин?» — ўйларди Танабой

Улар нихоят жарлик устидаги кўприкка етиб олишди. Бу ерда яна тўхташди. Саман ог ерга ётиш учун оёкларини бука бошлади, лекин Танабой бунга йўл қўйиши мумкин эмасди, кейинчалик ҳеч қандай куч билан уни жойидан турғиза олмасди:

— Тур, тур! — қичқириб юборди у ва тизгин билан отнинг калласига туширди. Сўнг ургани учун ўзидан хафа бўлиб, яна бақира бошлади: — Нега тушунмайсан ахир? Харом ўлмоқчимисан? Бунга сираям йўл қўймайман! Тур, тур, дедим!

У отнинг ёлидан тортарди.

Гулсари оёқларини зўр-базўр тиклаб олди, оғир ингради. Қоронғу бўлса ҳам отнинг кўзига ҳарашга Танабойнинг юраги дов бермади. У отни силаб-сийпади, у ер-бу ерини пайпаслаб кўрди, сўнгра қулоғини отнинг чап биқинига тутди. У ерда, отнинг кўкрагида юраги худди

йўсинларга ўралиб қолган тегирмон паррагидай пихиллаб зўрға уриб турар эди. У то бели қақшагунича отнинг ёнида шу кўйда узоқ эгилиб турди. Кейин қаддини ростлаб, бошини силкиди, хўрсинди, сўнг таваккал қилишга — кўприкдан ўтгач, сой ёкалаб борувчи сўқмоққа бурилишга қарор қилди. Бу сўқмоқ тоғлиққа олиб чиқарди ва уйга тезрок етиб олиши мумкин эди. Тўғри, тунда адашиб қолиш ҳам ҳеч гап эмас, аммо Танабой ўзига ишонарди, бу ерларни кўпдан бери биларди, фақат от чидаш берса бўлгани.

Чол шулар ҳақида ўйлар экан, узоқда йўловчи машинанинг чироқлари порлаб кўринди. Чироқлар зулмат қучоғидан бир жуфт ёрқин шар каби тўсатдан чиқди-да, узун, тебранувчи ёғдулари билан ўз олдидаги йўлни пайпаслаб тез яқинлашиб кела бошлади. Танабой саман от билан кўприк ёнида турарди. Машина уларга ҳеч қандай ёрдам бера олмасди, шундай бўлса ҳам Танабой уни кутиб турарди. Сабабини ўзи билмаса ҳам кутиб турарди у.

«Нихоят, лоақал биттаси учради», — ўйлади у йўлда одамлар пайдо бўлганлигидан мамнун бўлиб. Юк машинасининг чироклари ўткир нурлари билан унинг кўзларини қамаштирган эди, у кўзларини қўли билан беркитиб олди.

Машина кабинасида ўтирган икки киши кўприк ёнидаги қари киши ва унинг олдида гўё от эмас, балки одамга эргашиб олган итга ўхшаб турган эгарсиз, югансиз қирчанғини кўриб ҳайрон қолишди. Тўғри тушган ёруғлик бир лаҳза чол ва отни ёритиб юборди ва улар бирдан жисмсиз оппоқ шаклга айланиб қолгандек бўлди.

- Тавба, тун ярмида бу ерда нима қилиб юрибди? деди ҳайдовчининг ёнида ўтирган қулоқчин телпакли новча йигит.
- Бу ўша, анави ёкдаги арава шуники, тушунтирди ҳайдовчи ва машинасини тўхтатди. Сенга нима бўлди, чол? қичқирди у кабинадан бошини чиқариб. —Йўлда аравани ташлаб кетган сенмисан?
 - Ха, мен, жавоб берди Танабой.
- Шунақа дегин. Қарасак, йўлда шалағи чиққан арава ётибди. Атрофда ҳеч ким йўқ. Абзал-анжомни олмоқчи эдик, у ҳам ҳеч нарсага арзимас экан.

Танабой индамади.

Хайдовчи машинадан тушди, ароқнинг ўткир бадбўй хидини ҳар ёққа таратиб, у ёқдан-бу ёққа бир неча қадам ташлади.

- Нима бўлди? сўради у қайрилиб.
- От торта олмади, касал бўп қолди, унинг устига ўзн хам қари.
- Хмм. Хўш, энди қаёққа бормоқчисан?
- Уйга. Саригов дарасига.
- Ў-ҳў! ҳуштак чалиб юборди ҳайдовчи. Тоққами? Йўлимиз бир эмас экан. Хоҳласанг, кузовга чиқ, совхозгача элтиб қўяман, у ердан эртага кетасан.
 - Рахмат. Отим бор.
- Манави ўлимтикми? Итга ташла уни, хув анави жарликка итариб юбор, вассалом, қарғалар чўқиб тамом қилишади. Хоҳласанг, кўмаклашиб юборайлик.
 - Кетавер, деди қовоғини уйиб Танабой.
- Билганингни қил, тиржайди ҳайдовчи ва эшикни ёпа туриб кабина ичига қараб сўз қотди: Мияси айниб қолибди чолнинг!

Машина қузғалиб, хира нур оқимини ўзи билан эргаштириб кетди. Стоп-сигналларнинг тук қизил нури билан ёритилган сой устидаги куприк ғичирлаб қолди.

- Нега у одам устидан куласан, агар ўзингнинг бошингга шундай кун тушса нима бўларди? деди кўприкдан ўтгач, ҳайдовчи ёнида ўтирган кулокчинли йигит.
- Хечкиси йўк... Хайдовчи эснаб баранкани айлантирди. Хар канакасига дуч келганман. Мен гапнинг пўскалласини гапирдим. Кандайдир бир кирчанғи... Ўтмишнинг саркити. Хозир, биродар, хамма нарсанинг отаси техника. Хамма ерда техника. Урушда хам. Бунака чоллар ва отларнинг даври ўтди.
 - Мол экансан! деди йигит.
 - Тупирдим хаммасига, жавоб берди у.

Машина кетгандан сўнг, яна ҳамма ёқни тун зулмати қоплади, кўз эса яна қоронғуликка ўрганди. Танабой саман отни ҳайдай бошлади.

- Қани, кетдик, чух, чух! Юрсанг-чи!

Кўприкдан ўтгандан кейин у отни катта йўлдан сўқмоққа бурди.

Энди улар қоронғиликда зўр-базўр кўриниб турган сўқмоқ билан сой ёқалаб аста-секин илгарилаб боришарди. Ой тоғлар ортидан эндигина мўралаб келаётганди. Юлдузлар совук осмонда милтиллашиб, унинг чикишини кутишарди.

IV

Гулсари минишга ўргатилган йили йилкиларни кузги яйловлардан кеч қайтаришди. Куз одатдагига қараганда чўзилиб кетди, киш хам юмшок келди, кор тез-тез ёғди-ю, аммо узок турмади. Ем-хашак етарли эди. Бахорда эса йилкилар яна тоғ ёнбағирларига қайтиб келишди ва чўл гуллаб-яшнаши биланок пастликка туша бошлашди.

Урушдан кейин Танабой хаётида бу, эхтимол, энг яхши давр бўлган чикар. Қариликнинг қўнғир оти уни хали довон ортида, гарчанд бу довон якин булса хам кутиб турар, Танабой хали ёш саман йўрғани миниб юрар эди. Бу йўрға от унга бир неча йил кейин учраганда, у Гулсарини минганда, эхтимол бу қадар ўзини бахтли сезмасди. Ха, Танабой гохо одамлар олдида ўзини кўз-кўз килишдан хам қайтмасди. Елиб кетаётган саман от устида ўтириб у ўзини қандай кўз-кўз қилмасин! Гулсари буни яхши биларди. Айниқса Танабой овулга кетаётганида ишга тўда-тўда бўлиб бораётган аёллар йўлда учраб қолса, ўзини кўз-кўз қилишни яхши кўрарди. Улардан хали узокда кадди-коматини ростлаб эгар устида ғоз ўтириб олар ва унинг хаяжони отига хам ўтарди, Гулсари думини сағриси баравар кўтариб олар, ёли шамолда хилпираб борарди. У устидаги чавандозни енгилгина кўтариб, пишқириб йўрғаларди. Оқ ва қизил дуррали тиззаларига қадар яшил буғдойларга кўмилишиб чеккаларига чикиб туришарди. Улар гуё сехрлангандай тухтаб қолишар, ҳаммаси бирданига қайрилиб қарашарди, чеҳралар, порлаб турган кўзлар, табассумлар ва оппок тишлар лип-лип этиб кўринарди.

- Хей, йилқичи! Тўхта-а!

Изма-из кулги ва қочириқлар эшитиларди:

- Шошмай тур, қўлга тушарсан, тутиб оламиз!

Бир-бирларининг қўлларидан ушлашиб йўлни тўсиб уни тутиб олишган кунлар ҳам бўлган. Нималар қилишмас эди денг! Хотинлар ҳазил-мазах қилишни яхши кўришади-да. Танабойни эгардан судраб туширишар, қўлидан ҳамчини тортиб олишиб ҳаҳ-ҳаҳлаб кулишар, ҳийҳиришар эди:

- Очиғини айт, қачон қимиз келтирасан?
- Биз бу ерда эрталабдан кечгача далада ишлаймизу, сен бўлсанг саман отда сайр-томоша қилиб юрасан!
- Ким сизларни ушлаб турибди? Йилкичиликка ўтинг. Фақат эрларингга тайинлаб кўйинглар, ўзларига бошқасини кидиришсин. Тоғда сумалакдай музлаб қоласизлар.
 - Хо, ҳали шунақами! яна уни тортқилай бошлашарди.

Танабой ҳеч кимни саман йўрғага минишга йўл қўймасди. Ҳатто учрашганида дарҳол кайфияти ўзгарадиган ва отини секин юритишга сабабчи бўладиган ўша аёл ҳам бирон марта уни минмаган. Эҳтимол, у буни истамаган ҳамдир.

Ўша йили Танабойни колхоз тафтиш комиссиясига сайлашганди. У овулга дам-бадам келиб турар ва деярли ҳар гал бу аёл билан учрашар эди. У идорадан кўпинча аччикланиб чикарди. Гулсари унинг кўзлари, овози, кўлларининг ҳаракатига қараб буни сезарди. Аммо бу аёл билан учрашганида у доим очилиб, ҳушфеъл бўлиб қоларди.

– Ҳай-ҳай, секинроқ, қаёққа шошасан! – шивирларди у ўйноқи отини тинчлантириб ва аёл билан тенглашиб олгач секин ҳайдарди.

аста гаплашишар, Улар нима хакдадир баъзан инламай боришарди. Гулсари хўжайинининг юрагидаги кандай алам тарқалаётганлигини, унинг овози кандай мулойимлашиб бораётганлигини, қандай мехр-шафқатли бўлиб кетаётганлигини қўлидан ҳис қиларди. Шунинг учун ҳам у ўзлари йўлда бу аёлни қувиб етишларини яхши кўрарди.

Колхозда турмуш оғирлигини, меҳнат кунига деярли ҳеч нарса тушмаётганлигини, тафтиш комиссиясининг аъзоси Танабой Бакасов қандай қилиб шундай аҳвол юз бераётганлигини, давлатга ҳам бир нарса бериш мумкин бўладиган, одамлар ҳам бекорга ишламайдиган

кунлар қачон келишини сўраб суриштириб, идорадагиларнинг бошини қотираётганлигини от қаёқдан билсин.

Ўтган йили хосил битмади, ем-хашак қахатчилиги бўлди, бу йил туманнинг юзи ерга қарамасин деб бошқалар учун хам пландан мол топширишди, охири ва колхозчиларнинг холлари нима кечади – буниси номаълум эди. Вакт ўтиб борарди, урушни эсдан чиқара бошлашди, лекин томорқадан олганлари ва далалардан яширинча ташиб келтирганлари билан хамон илгаригидай кун кечиришарди. Колхозда пул ҳам йўқ эди: ғалла, сут, гўшт – хаммаси зарарига топшириларди. Ёзда чорвачилик ривожлана бошларди, кишда эса унинг ахволига маймунлар йигларди, моллар қириларди. Зудлик билан танкислик ва совукдан молхоналар, ем-хашаклар учун базалар қуриш керак эди, қурилиш материалларини эса хеч каердан топиб бўлмас ва уларни топиб беришга хам хеч ким ваъда бермас эди. Уруш йиллари турар жойлар кай ахволга келди дейсиз! Купрок бозорма-бозор юриб мол хамда картошка билан савдо-сотик килиб юрганларгина уй-жой куришди. Бундайлар куч-кудратга кириб, курилиш материалларини қаёқдандир четдан топиб келишарди.

- Йўқ, бундай бўлиши мумкин эмас ўртоклар, бунда нимадир чаток, қанақадир катта ишкал бор, дейди Танабой. Шундай бўлиши кераклигига ишонмайман. Ё биз ишдан чикиб қолдик, ё сизлар нотўғри рахбарлик қиляпсизлар.
- Нимаси жойида эмас? Нимаси нотўғри? Хисобчи унга когозларни тутарди. Мана, планларни кара... Манави олганларимиз, манави топширганларимиз, манави дебет, манави кредит, манави сальдо. Даромад йўк, факат зарар-зиён. Яна нима демокчисан? Аввал тушуниб ол. Факат сен комунистсану биз халк душманимиз-а, шунаками?

Гапга бошқалар аралашар, баҳс, шовқин-сурон бошланарди, Танабой бўлса бошини қўллари орасига олиб ўтирарди ва куйиб пишиб нега бундай бўлаётганини ўйларди. У шу ерда ишлаётганлиги учунгина колхоз учун куйинмаётганди, бунга бошқа алоҳида сабаблар ҳам бор эди. Танабой билан қадимдан хусумати бўлган кишилар бор

эди. Улар энди ундан секин кулиб юрганларини, уни кўрганларида: хўш, ўзларининг ишлари қалай энди, дегандек юзига сурбетлик билан тик боқишларини яхши биларди. «Эҳтимол, яна қулоқларни тугата бошларсан? Фақат энди биздан оладиганинг йўқ. Қўлинг калталик қилади. У-уҳ, нега урушда жонинг узила қолмади-я!»

Танабой ҳам уларга: «Шошмай туринглар, аблаҳлар, барибир биз айтгандай булади!» дегандай маънодор қараш билан жавоб берарди. Ҳолбуки, бу одамлар ёт одамлар эмас, ўз одамлари эди. Унинг ўгай акаси Қулибой ҳозир қариб қолган, урушга қадар етти йилини Сибирда – қамоқда ўтказган.

Ўғиллари ҳам отасига тортди, Танабойни ўлгудай ёмон кўришади. Нима учун хам уни севишсин? Эхтимол уларнинг болалари хам Танабой уруғидан нафратланишса керак. Бунинг сабаби бор. Бу иш аллақачонлар булган булса хам алами кетгани йуқ. Қулибойни шундай қилиш керакмиди? Ахир шунчаки уддабурон, ишбилармон киши, ўртахол дехкон эмасмиди? Кариндош-уруғчиликка риоя қилмай буладими. Қулибой катта хотиндан, у эса кичик хотиндан эди, лекин қирғизларда бундай ака-укалар бир қориндан туғилгандай хисобланади. Демак, у қариндош-уруғчиликка ҳам дахл қилди, ўша вақтда қанча гап-сўзлар бўлган эди. Энди, албатта, турлича мулохаза юритиш мумкин. Аммо ўшанда-чи! Ахир колхозни деб у шу ишларни керакмиди? Илгарилари килмадими? Лекин шундай қилиш шубхаланмасди, урушдан сўнг баъзан бошқачароқ ўйлаб эса қоладиған булди. Узига ва колхозга ортиқча душманларни орттириб олмадимикин? – Нега ўтирибсан, Танабой, кўзингни оч, – гапга тортишарди уни. Яна ўша эски ташвиш: қиш ичида хамма гўнгларни олиб чикиш, ховлима-ховли юриб далаларга йиғиш Ғилдираклар йўқ, демак, қайрағоч, чамбаршина учун темир сотиб олиш керак, лекин қайси пулга сотиб олинади, қарз беришармикин, ниманинг эвазига? Банк қуруқ гапга ишонмайди. Эски ариқларни тузатиш, тозалаш, янгиларини қазиш керак, иш кўп, оғир. Қишда халқ бундай ишларга чиқмайди, ер музлаган, қазиб бўлмайди. Кўкламда эса улгурмайсан – экиш-тикиш, қўзилатиш, ўтоқ қилиш, ундан кейин эса пичан ўрими бошланади. Қўйчиликни нима қилиш керак.

Урчитиш учун бинолар қани? Сут фермасида ҳам аҳвол яҳши эмас. Томи чириб кетган, ем-ҳашак етишмайди, сут соғувчилар ишлашни ҳоҳлашмайди. Эртадан кечгача уриниб юришади, аммо нима ҳақ олишади? Бошқа яна қанча ҳар ҳил ташвиш ва камчиликлар бор. Ваҳима босиб кетарди баъзан.

Шундай булса хам узларини кулга олиб, партия мажлиси, колхоз бошкармасида бу масалаларни яна мухокама килишар эди. Чоро раис эди. Фақат кейингина Танабой унинг қадрига етди. Танқид қилиш осон экан. Танабой бир уюр отлар учун жавоб берса, Чоро колхоздаги хамма одамлар ва барча ишлар учун жавобгар эди. Ха, Чоро метин одам эди. Хамма ишлар барбод бўлаётгандай туюлганида туманда қараб столни дўкиллатганларида ва колхозда ёкаларидан тутганларида Чоронинг рухи тушмади. Танабой унинг ўрнида бўлганида ё аклдан озарди, ё ўзини ўзи ўлдирарди. Чоро бўлса хўжаликни сақлаб қола олди, охиригача, юраги ишдан чиққунча туриб берди, кейин хам яна икки йилча партия ташкилотчиси булиб ишлади. Чоро ишонтира олар, одамлар билан гаплаша билар эди. Танабой уни тинглаб хамма иш яхшиланиб кетишига, турмуш нихоят одамлар дастлабки пайтлар орзу қилгандай булишига яна ишона бошларди. Унинг Чорога бўлган ишончи бир мартагина сусайди, лекин шунда хам унинг ўзи кўпрок айбдор эди...

Танабой идорадан қош-қовоғи осилиб чиққанида, эгарга зарб билан ўтириб, жиловни силтаб тортганида унинг кўнглида нималар юз бераётганини йўрға билмасди. Лекин у хўжайинининг ахволи жуда ёмонлигини сезарди. Гарчанд Танабой уни ҳеч қачон урмаган бўлса ҳам, саман от бундай пайтларда хўжайинидан чўчиб турарди. Йўлда ўша жувонни кўриши билан хўжайини анча енгил тортиб, кўнгли юмшашини, уни тўхтатиб, аёл билан бир нималар ҳақида секин гаплашиб туришини, жувоннинг қўллари эса Гулсарининг ёлларини тараб, бўйнини силаб-сийпашини от биларди. Ҳеч бир одамнинг қўллари бунчалик мулойим эмасди. Бу қўллар пешонасида юлдузи бор ҳув ўша жийрон байталчанинг лаблари сингари ёқимли ва юмшоқ эди. Оламда ҳеч кимда бу жувоннинг кўзидай кўз йўқ эди. Танабой эгардан эгилиб у билан гаплашар, у бўлса гоҳ жилмаяр, гоҳ хўмраяр,

нимагадир рози бўлмай бошини тебратар, кўзлари шошкин дарёнинг тубидан ойдинда кўриниб турувчи тошлар каби ялтирарди. Кетаётиб, у кайрилиб карар ва яна бошини тебратарди.

Шундан кейин Танабой от устида ўйчан кетарди. У жиловни эркин куйиб юборар, йурға ҳам ўз эркига кура туёқларини такиллатиб бамайлихотир юриб борарди. Гуё эгарда хужайини йукдай. Гуё уларнинг ҳар бири ўз-ўзларича кетаётгандай. Шунда кушиқ ҳам узидан-узи кела қоларди. Танабой саман от туёқларининг бир маромдаги тақ-туқи остида аллақачонлар утиб кетган одамларнинг азоб-уқубатлари ҳақида сузларни аниқ талаффуз этмай секин ҳиргойи қилиб куйлаб борарди. От эса машқини олган юриш билан уни дарё ортига, йилқилар томон олиб кетарди...

Гулсари хўжайинининг кайфи шундай чоғ бўлишини севар, бу жувонни хам ўзича яхши кўрар эди. У жувонни қадди-қоматидан, қадам ташлашидан танирди, ҳатто ундан тарқалувчи нотаниш ўтнинг қандайдир ғалати ҳидини сезгирлик билан пайқаб оларди. Бу – қалампир мунчоқ эди. У қалампир мунчоқдан маржон тақиб юрарди.

- Кўряпсанми, у сени нақадар яхши кўради, Бибижон, дерди жувонга Танабой. Қани, силаб-сийпачи, яна бир силаб-сийпа. Хо, кулокларини солинтириб юборди-ю! Бузокнинг худди ўзгинаси-я. Йилкиларга эса унинг дастидан кун йўк. Эркига кўйиб берсанг бас. Айғирлар билан худди итдай тишлашади. Шунинг учун ҳам уни миниб юрибман, майиб қилиб кўйишмасин, деб қўрқаман. Ҳали ёш.
- У-ку севади-я, хаёлини банд қилган бир нима ҳақда ўйлаб туриб жавоб берди жувон.
 - Бошқалар севмайди, демокчимисан?
- Мен бошқа нарсани гапиряпман. Бизнинг севишадиган вақтимиз ўтиб кетди. Сенга ачинаман.
 - Нега энди?
 - Сен унақа одам эмассан, кейин қийин булади сенга.
 - Сенга-чи?
 - Менга нима? Мен беваман, солдат хотиниман. Сен булсанг...
- Мен бўлсам тафтиш комиссиясининг аъзосиман. Мана, сени учратиб колдиму, у-бу фактларни суриштириб оляпман, ҳазил

қилишга уриниб кўрди Танабой.

- Негадир сен фактларни тез-тез суриштирадиган бўлиб қолдинг.
 Хушёр бўл.
 - Мен нима қилибман? Мен ҳам йўлимда кетаётгандим, сен ҳам...
- Мен ўз йўлим билан кетаяпман. Бизнинг йўлимиз бир эмас. Хўш, хайр. Вақтим йўқ.
 - Қулоқ сол, Бибижон!
- Хўш, нима? Керакмас, Танабой. Нима кераги бор? Ақлли одамсан-ку, ахир. Сенсиз ҳам юрагим сиқилиб юрибди.
 - Нима, мен сенга душманманми? Сен ўзингга душмансан.
 - Бу нима деганинг?
 - Қандай хоҳласанг, шундай тушунавер.

У кетарди, Танабой бўлса гўё иш билан қаёққадир кетаётгандай кишлоқ кўчалари бўйлаб юрарди, тегирмон ёки мактаб томон буриларди ва лоақал узоқдан бўлса ҳам қайнанасининг уйидан унинг чиқишини (иш пайтида у қизини шу ерда қолдирарди), қизининг қўлидан етаклаб овул чеккасидаги уйига қандай кетишини бир кўришга зор эди. Унинг ҳамма нарсаси жуда азиз, қадрдон эди. Жувоннинг у томонга қарамасликка тиришиб, қадам ташлаб бориши ҳам, қора рўмол ичидан оқариб кўриниб турган юзи ҳам, қизчаси ҳам, ёнида чопиб бораётган лайчаси ҳам қадрдон эди унга.

Нихоят у ўз ховлисига кириб, кўздан ғойиб бўларди, Танабой бўлса унинг қандай қилиб бўм-бўш уйи эшигини очишини, тўзиб кетган пахталик чопонини ечиб, кўйлакчан сув келтиргани чопиб ёкиб. ювинтиришини, кетишини, ўчокка кизини ОЛОВ овкатлантиришини, подадан сигирини кутиб олишини ва тунда коп қоронғи, ҳувиллаб ётган уйда ёлғиз ётиб, улар бир-бирларини севиши мумкин эмаслигига, унинг оиласи борлигига, унинг ёшида севиши кулгили эканлигига, ҳар бир нарсанинг ўз вақт-соати борлигига, Танабойнинг хотини яхши аёл эканлигига, у эрининг бошка хотин дардида оҳ-воҳ қилиб юришига лойиқ иш қилмаганлигига ўзини ҳам, уни хам ишонтиришга уринаётганлигини хаёлан тасаввур килиб йўлида давом этарди.

Бундай фикрлардан Танабой ўзини нокулай сезарди. «Демак,

насиб бўлмаган экан-да», – ўйларди у ва дарё ортидаги сурма ранг олисликларга бокиб, дунёдаги хамма нарсани – ишни хам, колхозни хам. болаларининг кийим-кечакларини хам, дўст ва душманларини хам, неча-неча йиллардан бери гаплашишмай юрган ўгай акаси Кулибойни хам, хохламаса хам тушига кириб уни совук терга ботириб юборадиган урушни хам унутиб, ўзининг бутун борлиғини унутиб, қадимги ашулаларни күйлай бошларди. Отининг дарёни кечиб, нариги қирғоғига ўтиб яна йўлини давом эттираётганлигини сезмасли. саман йўрға йилкиларга якинлашиб Факат хам қолганлигини сезиб, қадамини тезлаштиргандагина у ўзига келарди.

– Т-p-p-p, Гулсари қаёққа шошиляпсан? – тизгинни тортарди Танабой эс-хушини йиғиб олиб.

V

Хар қалай ўша пайтларда Танабой ҳам, саман йўрға ҳам даврини суриб колди. Учкур отнинг довруғи футболчининг довруғига ўхшаш Кўча-кўйда копток тепиб юрган кечаги бола бирдан хамманинг арзандаси, билимдонларнинг оғзига тушади, оломоннинг завқ-шавқига сабаб бўлади. Дарвозага тўп киритиб юрган махалда унинг довруғи ошиб боради. Сўнг у аста-секин диққат марказидан туша бориб, кейинчалик бутунлай унутилади. Хаммадан хам ортик завқланган кишиларнинг ўзлари биринчи бўлиб уни эсларидан чиқаришади. Буюк футболчининг ўрнини бошқаси эгаллайди. Учқур от довруғининг қисмати ҳам шундай. Мусобақаларда ғолиб чиқаверар экан, унинг шухрати ошади. Ораларидаги фарк шундаки, отлар хасад қилишни билмайди, одамлар эса, Худога шукур, отларга ҳасад қилишни ҳали ўрганганлари йўқ. Лекин гапнинг очиғи, ҳасад деган нарса ақлға сиғмайди. Шундай ходисалар бўлганки, хасадгўйлар одамга ёмонлик қилиш учун от туёғига мих қоқишган. Ох, бу машъум хасад! Ха, майли, қуриб кетсин...

Чол Тўрғайнинг каромати тўғри чиқди. Ўша бахорда саман йўрғанинг бахт юлдузи порлади. Кекса-ю ёш хамма уни танирди:

«Гулсари!», «Танабойнинг йўрғаси», «Овулнинг кўрки» деб тилга оларди.

Хали «р» ҳарфини айта олмайдиган жажжи болалар саман йўрғанинг елишига тақлид қилишиб кўчани чангитишиб чопишаркан: «Ман Гулсалиман... Йўқ, ман Гулсалиман... Ойи, айтгин, ман Гулсалиман-а... Чу-у, олға, ҳе-е-й-й, ман Гулсали», деб қичқиришарди.

Шухратнинг нималигини ва у қандай буюк қудратга эга эканлигини саман от ўзининг биринчи катта пойгасида билган эди. Бу 1 майда бўлганди.

Дарё ёкасидаги катта ўтлокда ўтказилган митингдан сўнг сайл бошланди. Хар ёкдан сон-саноксиз халойик йиғилди. Одамлар кўшни совхоздан, тоғлардан, хатто Қозоғистондан хам келишган эди. Қозоқлар ўз отларини кўйишди. Айтишларича, урушдан кейин хали бунақа катта байрам бўлмаган экан.

Эрталабданок, Танабой эгарлаётган, айил ва узангиларни диккат билан текшираётган пайтдаёк, саман от эгасининг кузлари ёнишидан ва кулларининг калтирашидан фавкулодда бир нарса булишини сезган эди. Хужайини жуда ҳаяжонланарди.

— Хушёр бўл, Гулсари, уялтириб қўйма, — шивирлади у отнинг ёли ва пешонасини тараб. — Сен ўзингни шарманда қилишинг керакмас, эшитяпсанми! Бунга ҳаққимиз йўқ бизнинг, эшитяпсанми!

Одамларнинг овозлари ва югуриб-елишидан ҳам фавкулодда бир нима кутилаётганлиги сезиларди. Қушни яйловларда йилқичилар отларини эгарлашарди. Болалар аллақачон отларга миниб олишганди, улар қийқириб атрофда чопиб юришарди. Кейин йилқичилар тупланишди-да, ҳаммаси биргаликда дарё томон йул олишди.

Гулсари ўтлоқда бунчалик кўп от ва одам йиғилганидан гангиб қолганди. Дарё, сув бўйидаги тепаликлар устида шовкин-сурон хукмрон эди. Ранг-баранг рўмол ва кўйлаклардан, кип кизил байроклар ва аёлларнинг оппок лачакларидан кўзлар камашарди. Отларга энг яхши абзаллар такилган. Узангилар жаранглар, сувликлар ва отларнинг кўкракларига осиб кўйилган кумуш ўмилдириклар шакирларди.

Чавандозлар остидаги отлар қаторда тоқатсизланиб депсинишар, жиловни юлқиб, туёқлари билан ер тепишарди. Ўртада чоллар – сайлни бошқарувчилар отларини гижинглатиб юришарди.

Гулсари ғайрат ва шижоати тобора ошиб, кучга тўлиб-тошиб бораётганлигини ҳис қиларди. Ичига гўё қанақадир оташин руҳ кириб олгандай, бундан қутулиш учун тезроқ даврага отилиб кириш, сўнг ўкдай учиб кетиш керак эди.

Бошқарувчилар даврага киришга ишора қилишгач, Танабой тизгинни бушатди, от уни уртага олиб кирди ва ҳали ҳаёҳҳа ҳараб чопишни билмай айлана бошлади. Қатор оралари гувиллаб «Гулсари!» «Гулсари!» деган сузлар эшитилди.

Катта пойгада қатнашишни истаганларнинг ҳаммаси даврага кирди. Элликка яқин чавандоз йиғилди.

– Халкдан фотиҳа олинг! – деди сайлнинг бош бошқарувчиси тантанали суратда.

Пешоналарини қаттиқ танғиб олган тақир бошли чавандозлар кафтларини очганларича қўлларини баланд кўтаришиб қатор бўйлаб юришди ва «О-ми-ин!» деган овоз у чеккасидан бу чеккасигача гуриллиб тарқалди, юзлаб қўллар пешоналарга кўтарилиб, кафтлар оқиб тушаётган сув окими сингари юзларидан сирғалиб тушди.

Шундан сўнг чавандозлар бу ердан тўқкиз чакирим наридаги пойга бошланадиган жойга отларини йўрттириб кетишди.

Бу орада даврада отсиз ва отликларнинг кураши, эгардан тортиб тушириш, чопиб ўтаётиб ердан тангани олиш ва бошка мусобака ўйинлари бошланди. Буларнинг ҳаммаси фақат катта ўйиннинг бошланиши эди, холос. Энг муҳими у ёкда, чавандозлар чопиб бораётган томонда бошланарди.

Гулсари йўлда қизишарди. У хўжайинининг нега жиловини қўйиб юбормаслигини тушунмасди. Атрофда бошқа отлар ҳам гижинглашар ва юлқинишар эди. Уларнинг кўплиги ва ҳаммаси чопишни хоҳлаётганлигидан саман йўрға асабийлашар ва тоқатсизланиб қалтирарди.

Нихоят, ҳамма стартга – пойга бошланадиган жойда бир қатор булиб тизилди, пойга боши сафдагиларнинг олдидан у чеккадан бу

чеккага қадар чопиб ўтди-да, оқ рўмолчани кўтарди. Хамма сергакланиб қотиб қолди. Рўмолча силкинди. Отлар ирғиб жойларидан қўзғалишди, ғайрати тошган Гулсари ҳам ҳамма билан бирга олдинга ташланди. Сон-саноқсиз туёқлар остида ер гумбурлаб кетди, чанг-тўзон кўтарилди. Чавандозларнинг «ҳа, чуҳ, ҳа, чуҳ!»лари ва қийқириқлари остида отлар ўкдай учиб борардилар. Сакраб чопишни билмаган Гулсаригина елиб борарди. Унинг ожизлиги ҳам, қудрати ҳам шунда эди.

Дастлаб ҳаммаси ғуж бўлиб, бир неча дақиқадан кейин олдинмакетин чопиб кетишди, Гулсари буни кўрмасди. Йўрға фақат чаққончопқир отларгина уни орқада қолдириб, олдинда чопиб кетаётганлигини кўрарди. Туёқлар остидан учиб чиққан иссиқ шағал ва кесак парчалари тумшуғига урилар, атрофда эса отлар чопишар, чавандозлар қичқиришар, қамчилар қарсиллар, чанг-тўзон кўтарилар эди. Чанг-тўзон булутга айланиб, ер узра учиб юрарди. Тер, чақмоқ тош ва босилиб эзилган явшоннинг кучли ҳиди келарди.

Деярли йўлнинг ярмига қадар шу ахвол давом этди. Олдинда ўнтача от йўрға саман ета олмайдиган тезлик билан учиб борарди. Атрофда шовкин пасая бошлади, оркадагиларнинг сурони секин эшитилар, лекин олдинда бошкаларнинг кетаётганлиги, тизгинларини кўйиб юбормаганликлари унинг ғазабини кўзғатар эди. Кўз олди ғазаб ва шамолдан қоронғилашиб, йўл шиддат билан оёклари остига оркага чопиб кетар, куёш осмондан оловли коптокдай думалаб, у томон келар эди. Унинг бутун танасини иссик тер коплар, саман йўрға қанчалик кўп терласа, шунчалик енгил тортиб борарди.

Чопқир отлар чарчаб, чопишлари борган сари секинлаша бошлади, саман йўрға эса эндигина кучга кираётганди. «Чух, Гулсари, чух!» — эгасининг овозини эшитарди у. Шундан сўнг куёш у томонга яна хам тезрок юмалаб кела бошлади. Кувиб етилган ва ортда колдирилган чавандозларнинг ғазабдан бурушган юзлари, осмонга кўтарилган қамчилар, отларнинг иржайган оғизлари, хириллаб нафас олган тумшуқлари бирин-кетин кўзга чалина бошлади. Бирдан сувлик ва тизгинларнинг хукмронлиги йўколди. Гулсари эгарнинг ҳам, чавандознинг ҳам борлигини сезмай қолди, у чопиш иштиёки билан

ёнар эди.

Хар қалай олдинда қўнғир ва малла ранг икки чопқир от ёнма-ён Иккаласи бир-бирларига бўш хам чавандозларнинг кичкириклари ва камчилари зарби остида учишар эди. Булар кучли пойгачи отлар эди. Гулсари отларни анчадан кейин қувиб етди ва нихоят уларни йўлдаги баландликка кўтарилишда орқада қолдирди. У гуё катта бир тулкиннинг қиррасига чикиб олгандай тепаликнинг устига сакраб чикди ва бир неча дакика вазнсиз холатда хавода осилиб колгандай булди. Нафаси кайтиб кетди, кўзларига қуёш яна ҳам ёрқиндан ёлқин сочди, у йўл бўйлаб пастга томон ўкдай тез учиб туша бошлади, лекин кўп ўтмай оркасидан қувиб етаётган туёқларнинг тақир-туқурини эшитди. Уша қўнғир ва малла ранг икки от аламини олишмокчи эди. Улар икки томондан деярли ёнма-ён келишиб, энди бир қадам хам ортда қолишмаётганди.

учаласи каллаларини каллаларига тегизиб, Улар чопишарди. Гулсарига улар энди сира ҳам чопмай, ҳандайдир ғалати харакатсиз ва **VHCИ3** котиб қолгандай туюларди. кўзидаги ифодасини, уларнинг таранглашган ёнларидагиларнинг тумшуқларини, тишланган сувлиқларини, юган ва тизгинларини кўриш мумкин эди. Қўнғир ранг от ғазаб ва қайсарлик билан қарарди, малла ранг эса хаяжонланар, ишончсизлик билан у ёкдан бу ёкка алангларди. Худди ана шуниси биринчи булиб ортда кола бошлади. Энг аввал унинг гунохкордай жовдираган кўзлари ғойиб бўлди, сўнг кенгайиб кетган тумшуғидаги бурун тешиклари орқада қолди, шундан кейин у бошқа куринмади. Қунғир от эса жуда қийинлик билан секинаста орқада қола бошлади. У чопиб туриб секин таслим бўлаётганди, ожизликдан, қахр-ғазабдан унинг кўз қарашлари хиралашиб борарди. У мағлубиятни тан олгиси келмай шу кўйда ортда колиб кетди.

Рақиблар ортда қолганида нафас олиши ҳам осонлашгандай бўлди. Олдинда эса дарёнинг муюлиши кумушдек ялтираб, яшил ўтлоқ кўринмокда ва олисдан одамларнинг қийқирик, ҳайқириқлари эшитилмокда эди. Энг учига чиққан ишқибозлар йўлда кутиб туришган экан. Улар «ҳа, чоп, ҳа, чоп! Бўш келма!» деб гиж-

гижлашиб, ҳайқиришиб отларини чоптириб боришарди. Шунда саман йўрға бирдан чарчаганлигини сезиб қолди. Масофа ўз таъсирини кўрсата бошлади. Орқада нима бўлаётганлигини, уни кувиб етишяптими, йўқми, буни Гулсари билмасди. Чопиш ҳаддан ортиқ оғирлашиб, от ҳолсизланиб бормоқда эди.

Лекин хув олдинда кўп сонли оломон гувиллар ва тўлғанар, отлик ва пиёда кишилар пешво чикиб, икки ёкдан окиб келар, кичкириклар борган сари кучаярди. Бирдан у: «Гулсари! Гулсари! Гулсари» деган овозларни аник эшитди. Бу ҳайкириклар, нидолар, хитоблар билан тўлган ҳаводан нафас олаётган саман от янги куч билан олға интилди... Эҳ, одамлар, одамлар! Улар нималарнинг уддасидан чиқмайди дейсиз!

Гулсари шодлик суронлари ва қийқириқлар билан кутиб олаётганларнинг ораларидан ўтиб, қадамини секинлатди-да, ўтлоқни айланиб чикди.

Аммо бу билан иш тамом бўлмади. Энди ўзининг ҳам, хўжайинининг ҳам ихтиёри қўлидан кетди. Саман йўрға бир оз нафасини ростлаб, тинчиб олганида халойиқ даврани катта очиб, ғолибларни қутлади: «Гулсари, Гулсари, Гулсари!» деган овозлар кўкка ўрлади. У билан бирга эса «Танабой! Танабой! Танабой!» деган ҳайқириқлар ҳам янграрди.

Одамлар саман йўрғага яна қандайдир мўъжизали куч билан таъсир қилишди. Мағрур югурук от бошини баланд кўтарганича, кўзларини чақнатиб саҳнага чикди. Гулсари шуҳрат ҳавосидан маст бўлиб яна чопишга интилиб рақс туша бошлади. Ва бир ёнлаб қадам ташлади. У ўзининг чиройли, қудратли ва донғи чиққанини биларди.

Fолиб Танабой қўлларини очиб халойиқ олдидан ўтди, яна бир оғиздан чиққан «О-мин!» сўзи янгради, тағин юзларча қўллар пешоналарга кўтарилиб, оқар сувларнинг ирмоқлари сингари юзлар устидан сирғалиб тушди.

Шунда саман йўрға кўп одамлар орасида бирдан таниш аёлни кўриб қолди. Гарчанд у бу гал қора рўмол эмас, оқ рўмол ўраган бўлса ҳам, фотиҳа учун қўлини юзига олиб борганида от уни дарров таниди. У оломоннинг биринчи қаторида бахтиёр ва шод-хуррам

бўлиб турар, тезоқар тип-тиниқ сойлар тубидаги тошларга ўхшаб порлаб турувчи кўзларини улардан узмас эди. Унинг олдида бир оз туриш, хўжайини у билан гаплашиб олиши учун, пешонасида юлдузча бўлган ўша жийрон биянинг лабларига ўхшаш силлиқ ва мехрибон кўллари билан ёлларини тараши, бўйнини силаб-сийпаши учун Гулсари одатдагидай аёл томон интилди. Лекин Танабой нима учундир жиловни бошқа томонга тортар, саман от бўлса хўжайинини тушунмай, турган жойида гир айланиб, тинмай аёл томон интиларди. Нахотки хўжайини — ўзи албатта гаплашиб олиши лозим бўлган жувонни кўрмаётган бўлса?...

Иккинчи кун, яъни 2 май ҳам Гулсарининг куни бўлди. Бу гал туш пайтида чўл бағрида улоқ ўтказилди. Чўл яна қий-чув, қийқириқларга тўлди, ер яна ноғорадай тарақлади. Сон-саноқсиз отлиқ ишқибозлар кий-чув кўтаришиб улокчилар атрофида гирдикапалак бўлиб чопиб юришарди. Яна Гулсари куннинг қаҳрамони бўлди. Лекин Танабой уни охирги ўйин — ким эпчил ва тезкор бўлса, улокни ўша ўз овулига олиб кетишига рухсат бериладиган эркин оломон-пойгага сақлаб турарди. Оломон-пойгани ҳамма кутарди, чунки у мусобақанинг чўқкиси эди, бунинг устига истаган чавандоз унда қатнаша оларди. Ҳар ким ҳам ўз баҳтини синаб кўришни хоҳларди.

Май куёши эса бу орада узокда – қозоқ ерларида секин чўкмокда эди. Баркашдай офтоб худди тухум сариғига ўхшарди. Қарасанг кўзинг қамашмасди.

Қирғизлар ва қозоқлар то кечгача от чоптириб, эгарларидан энгашиб, улоққа чанг солишар, уни бир-бирларидан юлкиб олишиб, гох сурон кўтаришар, гох ғуж бўлиб олишар, гох қийқиришиб яна тарқалиб кетишарди.

Чўлдаги соялар узайганида қариялар нихоят оломон-пойгани бошлашга рухсат беришди. Улоқ ўртага ташланди: «Оломон!»

Хамма бирдан ташланиб, эчкини ердан кўтариб олишга уринди. Лекин ур-йикит тўполонда уни олиш осон эмасди. Отлар телбаланиб гир айланишар, тишларини ғижирлатиб бир-бирларини тишлашар эди. Гулсари бу ур-йикитда кийналар, кенг майдонга чиккиси келар,

аммо Танабой улоқни ҳеч қўлга тушира олмас эди. Бирдан: «Ушла-а, қозоқлар олишди-и!» деган кучли овоз янгради. Отлар гирдобидан гимнастёркаси дабдала бўлган ёш қозоқ қутуриб кетган қора тўриқ отда отилиб чиқди. У тақимига улоқни қистириб, отни чоптирганича кетди.

– Ушла-а! Анави қора тўриқ! – ҳамма қичқирди, қувишга ташланиб. – Тезрок, Танабой, фақат сен қувиб ета оласан!

Қора тўрик отдаги қозоқ узангининг остида селкиллаб осилиб бораётган улоқ билан тўппа-тўғри куёш қизариб ботаётган томонга кетиб борарди. Гўё яна бир оз чопса у ана шу алангаланаётган куёшга учиб кириб, ўша ерда қизил тутун бўлиб эриб кетадигандай туюларди.

Гулсари Танабой нега жиловини тортиб бораётганини тушунмасди. Лекин унинг эгаси козок йигит таъкиб килиб бораётган сонсиз-саноксиз чавандозлардан ажралиб олишини, унга ёрдамга ошикаётган бир тўда уруғдошларидан узокрок кетишини кутиш кераклигини биларди. Улар тўрик отни чопкир отлар билан ўраб олишса борми, кўлдан бой берилган ўлжани хеч кандай куч билан олиб бўлмасди.

Фақат яккама-якка курашдагина бирон муваффақиятга умид боғлаш мумкин эди.

Пайт пойлаб, Танабой саман йўрғанинг бошини қўйиб юборди. Гулсари куёш нури остида ўзи томон югуриб келаётган ер устига учиб борарди, дукир-дукир овозлар ортда қолиб узоқлаша бошлади, қора тўриқкача бўлган масофа эса қисқараверди. Қора тўрик оғир юк билан чопиб борарди, уни кувиб етиш унча кийин эмасди. Танабой саман отни кора тўрикнинг ўнг томонига олиб ўтди. Отнинг ўнг бикинида чавандоз такимига кистириб олган улок осилиб борарди. Мана, тенглаша бошлашди. Танабой эчкининг оёгидан ушлаб, тортиб олиш учун эгардан энгашди. Лекин козок ўлжани чакконлик билан ўнг томонидан чап томонига ошириб ўтказиб олди. Отлар эса ҳамон тўппа-тўгри куёш томон елиб боришарди. Энди Танабой бир оз ортда колиши ва чап бериб яна кувиб етиши керак эди. Саман йўрғани кора тўрикдан айириш кийин эди, лекин шундай бўлса-да, бунга эришиш

мумкин бўлди. Дабдаласи чиққан гимнастёркали қозоқ улоқни яна бошқа томонга ўтказишга улгурди.

– Қойил! – завқ билан қичқириб юборди Танабой.

Отлар эса хамон куёш томон елиб борарди.

Вактни бой бериш керак эмасди. Танабой саман отни кора тўрик айғирга ёндаштириб, кўшнисининг эгари коши устига энгашди. Қозок йигит кутулишга уринди, лекин Танабой кўйиб юбормади. Йўрға отнинг чакконлиги ва хипчалиги унга кора тўрик айғирнинг бўйнига деярли ётиб олишга имкон берди. Шу тарзда у улокка кўл чўзиб уни ўзи томон торта бошлади. Унга ўнг томондан харакат килиш осон эди, бунинг устига иккала кўли бўш эди. Мана, у эчкининг деярли ярмисини ўзига тортиб олди.

- Ўзингга эҳтиёт бўл, қозоқ биродар! қичқирди Танабой.
- Бекор айтибсан, бермайман! жавоб қилди у.

Шиддат билан чопиб бораётиб, улар от устида кураш бошлашди. Битта ўлжага ташланган бургутлардай улокқа маҳкам ёпишиб олишиб, бир-бирларига ўшкиришар, хириллашар ва бир-бирларини кўркитиш учун йирткичлардай ириллашар эди, кўллари бирбирлариникига чирмашиб кетган, тирноклари остидан кон сизиб окарди. Чавандозлари яккама-якка курашаётганда тикилишиб, ёнмаён кётаётган отлар эса кирмизи куёшни кувиб етиш учун шошилар, кўзлари қонга тўлганди.

Шундай мардона ўйинларни бизга қолдирган аждодларимизга офарин!

Улоқ энди уларнинг иккаласининг ўртасида эди, улок чопиб бораётган отлар ўртасида осилиб борарди. Улар индамай, тишларини тишларига кўйиб, бор кучларини ишга солиб улокни тортишар, бирбиридан кутулиш ва четрокка чикиб олиш учун иккаласи ҳам эчкини такимга босишга уринарди. Қозоқ бакувват эди. Қўллари катта, серпай, бунинг устига Танабойдан анча ёш эди. Лекин тажриба — зўр нарса. Танабой ўнг оёгини тўсатдан узангидан бўшатиб олди-да, уни кора тўрик айгирнинг бикинига тираб олди. Улокни ўзига тортиб, айни пайтда оёги билан ракибининг отини итараётганди. Қозокнинг панжаси аста-секин очила бошлади.

– Ўзингни тут! – уни огоҳлантиришга улгурди енгилган қозоқ.

Кучли силтовдан Танабойнинг эгардан учиб тушишига сал қолди. Лекин ўзини тутиб олди. Шодлигидан қийқириб юборди. Саман отни бирдан кескин бурди-да, ҳалол курашда қўлга киритилган ўлжани тақимга босиб қоча бошлади. Унга томон эса бир гала чавандозлар бақириб-чақириб чопиб келаётганди:

- Гулсари! Гулсари олди!

Қозоқлар тўдаланишиб, унинг йўлини тўсишга ташланишди,

– Ўй-бай, ушла, Танабойни тут!

Энди энг мухими – ушлаб олишларидан қутулиш ва овулдошларининг қуршовига тезроқ ўтиш эди.

Танабой тутиб олмоқчи бўлган кишилардан ўзини четга тортиб саман отни яна бирдан кескин буради. «Балли, Гулсари, раҳмат сенга, ақлли саманим!» – деб миннатдор бўларди у йўрғадан. Йўрға ўз эгаси танасининг салгина эгилишини ҳам пайқаб, гоҳ у, гоҳ бу томонга бурилиб, қувиб борувчи рақибларидан эпчиллик билан қутуларди.

Йўрға от деярли ер бағирлаб, гох у ёққа, гох бу ёққа бурилиб кийин ахволдан қутулиб, ўқдай чопиб кетди. Бу орада Танабойнинг овулдошлари ҳам етиб келишди, икки тарафдан, орқадан уни ўраб олишди ва ҳаммаси биргалашиб зич тўда бўлиб кочиб қолишди. Лекин қуваётганлар яна олдиларидан чикиб қолишди. Тағин бурилиб қочишга тўғри келди. Гох у, гох бу қанотга ташланиб учувчи тез учар кушлар галаси сингари, кенг чўл бўйлаб қочувчилар ва уларни қувувчи чавандозлар галаси учиб борарди. Ҳавони чанг-тўзон қоплаганди. Овозлар жаранглар, кимдир оти билан бирга йиқилар, кимдир ўмбалоқ ошиб тушар, кимдир оқсоқланиб ўз отини қуварди, лекин ҳаммани мусобақанинг завқ-шавқи қамраб олган эди. Ўйинда ҳеч ким жавобгар эмас. Таваккалчининг ва довюракликнинг онаси битта...

* * *

Ботиб бораётган қуёшнинг бир чеккасигина кўриниб турарди, қош қорайиб қолган. Ерни ларзага келтираётган оломон-пойга эса мовий

оқшомнинг салқинида ҳамон давом этарди. Энди ҳеч ким қичқирмас, ҳеч ким ҳеч кимни таъқиб этмас, лекин ҳамма қизғин ҳаракатдан маст бўлиб чопишда давом этарди. Чўзилиб бораётган чавандозлар оқими тўлқин каби чопиш ритми ва куйига берилиб тепаликдан тепаликка кўчиб юрарди.

Чавандозларнинг юзларидаги жиддийлик ва уларнинг камгаплиги шунданмикин, қозоқлар дўмбираси ва қирғизлар қўбизининг жарангдор овозини шулар туғдирмадимикин!..

Дарёга яқинлашиб қолишганди. У олдиндаги қуюқ чангалзорлар ортида хира йилтилларди. Яна озроқ қолганди. Дарёнинг нариги бетида ўйин тугайди, у ёғи эса овул. Танабой ва уни қуршаб олганлар бир тўда бўлиб чопишарди. Гулсарини гўё бош кемадай ўртада қўриқлаб боришарди.

Лекин у чарчаган, жуда чарчаган эди — кун ҳаддан ортиқ оғир бўлди. Саман йўрға ҳолдан тойди. Икки ёнбошида чопиб бораётган йигит унинг сувлиғидан тортишиб отни йиқилгани қўйишмасди. Қолганлари Танабойни орқадан ва ён тарафдан қўриқлаб чопишарди. У бўлса эгарнинг олдига ташланган улоқ устига кўкрагини босиб ётарди. Танабойнинг боши чайқалар, ўзи бўлса эгар устида зўрға ўтирарди. Ёнида кўлтиқлаб бораётган чавандозлар бўлмаганида эди, ўзининг ҳам, йўрғанинг ҳам қўзғалишга ҳоли келмаган бўларди. Илгарилари, эҳтимол, ўлжани олиб шундай қочишгандир, балки, ярадор ботирни асирликдан шундай қутқаришгандир...

Мана дарё, мана ўтлок, шағал тошли кенг кечув. Қоронғи тушса ҳам ҳозирча у кўриниб турарди.

Чавандозлар чопишдан тўхтамай сувга отилиб киришди. Тақаларнинг қулоқларни кар қилгудай тақир-туқури остида сувни сачратиб, йўрға отни нариги қирғоққа олиб чиқишди. Оломон-пойга тамом бўлган эди! Ғалаба!

Кимдир Танабойнинг эгаридан улоқни олиб, овулга чопиб кетди. Қозоқлар дарёнинг нариги бетида қолишди.

- Биз билан улоқ чопишганингиз учун раҳмат сизларга! қичқиришди уларга қирғизлар.
 - Соғ бўлинглар! Кузда яна учрашамиз! жавоб беришди

қозоқлар ва отларини орқага буришди.

* * *

Қоронғилик тушган, Танабой меҳмондорчиликда ўтирарди, саман йўрға эса бошқа отлар билан бирга ҳовлида боғлоғлиқ турарди. Минишга ўргатилган биринчи кунни ҳисобга олмаганда, Гулсари ҳеч қачон бунчалик чарчамаганди. Лекин ўша пайтда у ҳозиргига нисбатан нозиккина ниҳол эди. Уйда у ҳақда сўз борарди:

- Танабой, Гулсари учун қадаҳ кўтарайлик: агар у бўлмаса, бугун биз ғалабага эриша олмасдик.
- Ҳа, қора тўриқ айғир арслондай бақувват. Анави йигит ҳам кучли. Унинг истиқболи порлоқ.
- Рост гап! Гулсарининг ўзини тутқизмаслик учун ер бағирлаб чопиши ҳали ҳам кўз ўнгимда. Ҳаяжонимдан нафасим қайтиб кетай деди қараб туриб.
- Нимасини айтасан. Илгари замонларда ботирлар бундай отда жангга киришарди. От эмас бу дулдул!
 - Танабой, қачон уни бияларга қўймоқчисан?
- Э-э, у ҳозир ҳам бияларни қувлаб юрибди, лекин ҳали эрта деб ўйлайман. Келгуси баҳорда эса айни вақти бўлади. Эт олиши учун куздан ўз ҳолига қўйиб бераман...

Кайфи ошиб қолган одамлар оломон-пойганинг тафсилотлари ва саман йўрғанинг хислатлари тўғрисида гапиришиб узок ўтириб колишди. Гулсари бўлса тери котиб, сувликни чайнаб ховлида турарди. У тонгга кадар оч холда кантариклик туриши керак эди. Лекин уни кийнаётган очлик эмасди. Елкалари зиркираб оғрир, оёклари хам гўё ўзиники эмасдай, туёклари кизишиб ёнарди, калласи эса хамон оломон-пойганинг шовкин-суронидан гаранг. Қийкириклар, бақириклар хали хам унинг кулоғидан кетмасди, вақти-вақти билан у чўчиб тушар ва пишкириб кулокларини чимирарди. Майса-ўт устида ағанаб ётгиси, бир силкиниб олгач, яйловда отлар орасида ўтлаб юргиси келарди. Лекин хўжайини узок ўтириб қолди.

Кўп ўтмай хўжайини қоронғиликда сал-пал гандираклаб чикиб

келди. Ундан қандайдир кучли, ўткир хид анқирди. У аҳёнаҳёндагина бунақа ҳолатга тушарди. Орадан бир йил ўтгач, саман йўрға доим мана шунақа ҳиди анқиб турадиган одам қўлига тушиб қолади. Шунда у ўша одамдан ҳам, манави ифлос ҳиддан ҳам нафратланади.

Танабой саман отнинг ёнига келди, яғринини силаб-сийпади, терликнинг остига қулини суқиб курди:

– Бир оз совудинг шекилли? Чарчадингми? Мен ҳам ўлгудай чарчадим. Лекин бунақа ўкрайиб қарама менга, ахир ичсам сенинг соғлиғингга ичдим-да, байрам. Шунда ҳам қиттак ичдим. Мен ўз ўлчовимни биламан, сен буни ҳисобга ол. Урушда ҳам меъёрини билганман. Қўй, Гулсари, бунақа ўкрайиб қарама. Ҳозир яйловга кетамиз, дам оламиз...

Хўжайин айилларни қисиб тортди, уйдан чиққан одамлар билан бир оз гаплашиб турди, ҳаммалари отларга минишиб, тарқалиб кетишди.

Танабой овулнинг уйкуга кетган кўчалари бўйлаб борарди. Атроф жимжит, Деразалар коп-коронғи. Далада эшитилар-эшитилмас трактор тарилларди. Тоғлар устида ой турар, боғларда гуллаган олмалар оқариб кўринарди, каердадир булбул сайрарди. Нима учундир бутун овулда биргина булбул бор. У ўзи сайраб, ўзи тинглар, кейин жимиб колар, сўнг яна чахчахлай бошларди. Танабой саман йўрғани тўхтатиб турди. — Бирам чиройли, — деди у овоз чикариб. — Мунчаям жимжит-а! Факат булбулгина сайрамокда. Тушуняпсанми, Гулсари, а? Қаёқдан тушунардинг. Сен йилкиларнинг олдига боришинг керак, мен бўлсам...

Улар темирчилик устахонасидан ўтиб кетишди, бу ерда энг чеккадаги кўча билан юриб дарёга чикишлари, ундан кейин эса йилкилар подасига боришлари керак эди. Лекин хўжайини нима учундир от бошини бошка томонга, ўртадаги кўчага бурди, унинг охирида, ўша жувон яшайдиган ховли ёнида тўхтади. Кўпинча кизча билан бирга чопиб юрадиган лайча югуриб чикди, бир оз вовилладида, думини ликиллатиб тинчиб колди. Хўжайини эгар устида жим ўтирар, ниманидир ўйларди, сўнг бир хўрсинди-да, жиловни истар-

истамас силтади.

Йўрға илгарилаб кетди. Танабой дарё томон пастга бурди ва йўлга чикиб олганидан сўнг отини хайдади. Гулсарининг ўзи хам яйловга тезрок етиб олгиси келарди. Улар ўтлок билан кетишди. Мана, дарёга хам етишди, қирғоқда тақалари тошга урилиб тарақлай бошлади. Сув муздай, шовиллар эди. Сувнинг кок ўртасига келганларида хўжайин жиловини қаттиқ тортиб, отни кескин орқага бурди. Гулсари ўйлаб бошини чайқади. хўжайинини адашгандир, леб орқаларига қайтишлари керак эмасди. Ха-деб юраверадими? Лекин хўжайини унинг бикинига камчи билан туширди. Гулсари уришларини ёктирмасди. У сувлиғини асабий чайнаб хужайинига истар-истамас бўйсунди ва оркасига бурилди. Яна ўтлок оркали, ўша йўл билан, ўша ховли томон жўнашди.

Уй олдига келганларида хўжайини эгар устида яна кимирлай бошлади. Сувликни гох у ёкка-гох бу ёкка тортар, унинг нима килмокчилигини тушуниб бўлмасди. Дарвоза олдида тўхташди. Сирасини айгганда, дарвозанинг ўзи йўк эди. Ундан факат кийшайган устунларигина колганди. Яна лайча чопиб чикди. Бир оз вовилладида, думини ликиллатиб тинчиб колди. Ховли тип-тинч ва коп-коронғи эди. Танабой эгардан тушиб, йўрғани жиловидан ушлаганича етаклаб ховлига кирди, деразага якинлашиб бориб ойнани такиллатди.

- Ким у? овоз чикди ичкаридан.
- Мен, Бибижон, оч, эшитяпсанми, менман!..

Уйда чироқ ёнди ва деразалар хира ёришди.

- Сенга нима бўлди? Бемаҳалда қаёқдан келяпсан? эшик олдида Бибижон пайдо бўлди. У ёқаси очиқ оқ кўйлакда, коп-қора сочлари елкасига тушган эди. Ундан баданнинг илиқ ҳиди ва нотаниш ўтнинг ғалати иси келарди.
- Кечир, секин гапирди Танабой. Оломон-пойгадан кеч қайтдик. Чарчадим. Отнинг ҳам тинкаси қуриган. Уни қантариб қуйиш керак, ўзинг биласан, яйлов узокда.

Бибижон индамади.

Унинг кўзлари ойдинда сув тубида ялтираб кўринган тошлар сингари ялт этиб ёнди-ю, яна сўнди. Саман йўрға жувоннинг унга

яқин келишини ва бўйнини силаб-сийпашини кутарди, лекин у бундай қилмади.

- Совук, елкалари қалтираб кетди Бибижоннинг. Нега турибсан? Ундай бўлса, кир. Эх, ўйлаб топганингни қара, секин кулди у. Сен бу ерда от устида типирчилаб турганингда мен ҳам бўларимча бўлдим. Болага ўхшайсан.
 - Мен хозир. Отни боғлай.
 - Хув анави ерга, девор ёнидаги бурчакка боғлаб қўя қол.

Хўжайиннинг қўллари ҳеч қачон бунчалик қалтирамаганди. У сувликни чикаришга шошилар, айилларни дарров бўшата олмасди. Айилнинг бирини бир оз бўшатди, иккинчисини эса эсдан чикариб қўйди.

У жувон билан бирга кириб кетди, кўп ўтмай деразалардаги чирок ўчди.

Бегона ховлида туриш саман отга ғалати туюларди.

Ой бор нурини сочарди. Гулсари девордан кўзини ошириб қараб, осмонга бўй чўзган, окимтир-кўкиш шуълага чайиб олинган тунги тоғларни кўрди. У кулокларини диккайтириб тингларди. Арикда сув шилдирарди. Узок далалада ҳамон ўша трактор тариллар, боғларда эса ҳали ҳам ўша ёлғиз булбул сайрарди.

Қушни олма дарахти бутоқларидан оппоқ гул барглар тукилиб, отнинг калласи ва ёлига секин қунарди.

Тун ёришиб борарди. Саман от тик туриб, танасининг оғирлигини гох у оёғига, гох бу оёғига солар, тик туриб хужайинини сабр-тоқат билан кутар эди. Тунларни тонгга улаб, ҳали яна куп марта бу ерда туришини билмасди у.

Танабой азонда уйдан чикди, илиқ қўллари билан Гулсарининг оғзига сувлиқ сола бошлади. Энди унинг қўлларидан ҳам нотаниш ўтнинг ўша ғалати ҳиди келарди.

Бибижон Танабойни кузатишга чикди. Унинг пинжига сукилди, Танабой ундан узок бўса олди.

- Мўйловинг санчиб олди, шивирлади у. Шошилиш керак, кара, ёришиб қолди. У кетмоқчи бўлиб ўгирилди.
 - Биби, бу ёққа кел чақирди уни Танабой. Менга қара, буни

бир силаб-сийпаб қуй, эркала, – имо қилди у саман йурғага қараб. – Бизни хафа қилма сен!

— Вой, эсимдан ҳам чиқибди-я, — кулиб юборди у. — Буни қара, устини олма гули қоплабди. — У ширин сўзларни айтиб туриб, пешонасида юлдуз қашқаси бор ҳув анави тўриқ биячанинг лаблари сингари силлиқ ва ёқимли ажойиб қўллари билан отни силаб-сийпай бошлади.

Дарёдан ўтгач, хўжайин ўлан айта бошлади. Унинг қўшиғи остида кадам ташлаш унга ёқар, шунда яйловдаги подага тезроқ етиб олишга ошиқар эди.

Бу май тунларида Танабойнинг омади келди. Подани тунда бокиш навбати унга келганди. Саман йўрға учун янги ҳаёт бошланди. Кундузи у ўтлаб юрарди, дам оларди, тунда эса хўжайини йилкиларни пасткам ерга ҳайдаб, уни миниб яна ўша ҳовли томон ҳайдарди. Тонг ғира-ширасида улар гўё от ўғриларидай чўлнинг камқатнов сўкмокларидан юришиб, пастқамликдан отлар томон шошилишарди. Бу ерда ҳўжайини йилкиларни бир жойга йиғиб, қайта-қайта санаб чиқар ва охири кўнгли тинчирди. Саман йўрғага қийин бўлди. Хўжайиннинг бир оёғи у ёкда, бир оёғи бу ёкда эди. Тунлари эса йўлсиз жойлардан чопиб юриш осон эмасди. Лекин ҳўжайиннинг иродаси шу эди.

Гулсарининг эрки ўзида бўлса, у уюрдан сира ҳам ажралмасди. Унда айғирлик аломатлари пайдо бўлаётганди. Ҳозирча у тўдадаги айғир билан чиқишиб, муроса қилиб юрганди. Лекин иккаласи ҳам битта бияга айланишиб, дам-бадам тўқнашадиган бўлиб қолишди. У бўйнини тик кўтариб, думини хода қилиб йилқилар олдида тез-тез ўзини кўз-кўз килиб юрадиган бўлиб қолди. Қаттиқ кишнар, аччиғланар, бияларни сонидан аста тишлар эди. Бу эса уларга ёкса керак, уюр айғирининг рашкини келтириб Гулсарига суйкалишарди. Саман йўрға роса адабини ерди — айғир қари, раҳмсиз ва уришқоқ эди. Лекин тун бўйи ҳовлида туришдан кўра безовталаниб, тўда айғиридан қочиб юриш яхши эди. Бу ерда — ҳовлида у бияларни соғинар, анчагача типирчилаб турар, ер тепинар, кейин ювошланиб қоларди. Агар анави ҳодиса бўлмаганида, ким билсин, бу "тунги

сафарлар" қанчагача давом этарди...

Ўша тунда саман йўрға уюрни кўмсаб, эгасини кутиб, одатдагидек ховлида турарди, бир оз мудрай бошлаганди хам. У том тўсинига қантарилиб кўйилганди. Бу — ётишига йўл кўймасди: хар гал мудраб боши тушиб кетганда сувлиғи оғзига қаттиқ ботарди. Шундай бўлса хам уйку босарди. Хаво қандайдир оғир бўлиб, қоп-қора булутлар осмонни қоплаб олганди.

Гулсари мудраб туриб, уйку аралаш дарахтларни гўё тўсатдан қандайдир бир күч қулатмоқчи булгандай силкитаётганини, улар шовиллаб кетганини пайқаб қолди. Шамол гувиллаб, сигир соғадиган буш челакни тараклатиб ховлида юмалатиб, аркондаги кийимкечакларни юлиб-юлқиб учириб кетарди. Лайча қаёққа яширинишини билмай типирчилаб ғингший бошлади. Йўрға жахл билан пишкирди, қулоқларини диккайтириб қотиб қолди. У бошини девордан ошириб чул томонга қаради, у ердан, зулмат ичидан қандайдир даҳшатли нарса гувиллаб якинлашиб келаётган эди. Бир зумдан сўнг худди дарахт қулагандай тарақ-туруқлаб кетди. Момақалдироқ гулдуради, чақмоқлар булутларни қайчилади. Шариллаб ёмғир қуйди. Саман йўрға қамчи егандай жиловини узмокчи бўлди ва уюри учун дахшатга тушиб, жон-жахди билан кишнаб юборди. Унда ўз уруғини хавфдан сақлашдек азалий савқи табиий уйғонган. От эс-хушини йўқотиб сувлик, жилов, айил, кил арқондан – уни бу ерда маҳкам ушлаб турган ҳамма нарсадан қутулиш учун исён кўтарди. У ҳар ёққа ташланиб, туёқлари билан ерни қазий бошлади ва йилқилар садо эшитиш умидида тинимсиз кишнашга киришди. Аммо факат бўронгина хуштак чалар ва увилларди. Ох, у боғлоғлиқ жойидан бўшай олганда эди!..

Хўжайини ички оқ кўйлакда отилиб чикди, унинг ортидан аёл кўринди, у ҳам оппоқ кўйлакда эди. Улар ёмғир остида бир пастда қорайиб кетишди. Чақмоқ уларнинг ҳўл юзлари ва қўрқув босган кўзларига нур сочиб, қоронғиликдаги уйнинг бир қисмини унинг шамолда очилиб-ёпилиб турган эшигини ҳам ёритди.

– Тўхта! Тўхта! – ечиб олишга уриниб отга бақирди Танабой. Лекин от энди унга бўйсунмасди. Саман от хўжайинига

йиртқичлардай ташланди, туёқлари билан деворни қулатди, чилвирни узиш учун тинмай юлқинарди. Танабой деворга қапишиб унинг ёнига писиб борди, қуллари билан бошини беркитиб олдинга ташланди ва жиловга осилиб қолди.

– Тезрок еч! – қичқирди у жувонга.

Аёл чилвирни энди ечган ҳам эдики, йўрға икки олд оёғини олдинга кўтариб, Танабойни ҳовли бўйлаб судраб кетди.

- Қамчини бер, тезроқ!

Бибижон қамчини келтиргани югуриб кетди.

— Тўхта, тўхта, ўлдираман! — қичқирарди Танабой отнинг тумшуғига қамчи билан савалаб. У эгарга ўтириб олиши, ҳозирнинг ўзидаёқ йилқилар олдига етиб бориши лозим эди. У ёкда нима бўлаётганикин? Довул отларни қаёқларга ҳайдаб кетдийкин?

Лекин саман йўрға ҳам йилқилар олдида бўлиши керак эди. Ҳозирнинг ўзидаёқ, қудратли савқи табиий уни чорлаётган мана шу дамдаёк етиб бориши лозим. Шунинг учун ҳам у кишнар ва оёкларини тик кўтарар, шунинг учун ҳам у бу ердан тезрок кетишга шошиларди.

Ёмғир эса челаклаб қуярди, чақмоқ чақиб, момақалдироқ гумбурлаб, ерни ларзага келтирарди.

– Ушла! – буюрди Танабой Бибижонга.

Жувон жиловни ушлаб олганида у эгарга сакради. У ўтиришга хали улгурмасданок, отнинг ёлидан ушлаб олиши билан, Гулсари жувонни туртиб, ағанатиб юборди-да, ховлидан отилиб чиқиб кетди.

Гулсари энди на сувликка, на камчига, на овозга бўйсунмай, табиий сезгиси билангина йўлни пайкаб, бўронли тунда шатирлатиб ёгаётган жала остида учиб борарди. У энди ўз хукмини йўкотган хўжайинини кайнаб-тошиб окаётган сой ўртасидан сувнинг шовиллаши ва момакалдирокнинг гулдур-гулдури остида, бутазорлар орасидан, сойликлар, жарликлардан олиб ўтди, шиддат билан олға томон чопгани-чопган эди. Гулсари ҳеч қачон, на катта улокда, на оломон-пойгада ўша довулли кечадигидек чопмаганди.

Кутурган саман йўрға қаёққа, қандай қилиб олиб кетаётганини Танабой билмасди. Ёмғир юзи ва баданларини куйдираётган кучли

оловдай туюларди унга. Унинг миясини фақат биргина фикр ўяр эди: «Йилқиларга нима бўлдийкин? Отлар хозир қаерда экан? Темир йўл томонга қочиб кетишларидан Худо асрасин. Поезд халокати! Ўзинг панохингда сақла. Ўзинг қўллаб-қувватла, Худо! Ёрдам бер.

Йиқилиб тушма Гулсари, йиқилиб тушма! Чўлга олиб чик, ўша ёққа, ўша ёққа, йилқиларга олиб бор!»

Чўлда эса оқ ёлқини билан зулматда кўзни қамаштириб чақмоқлар гох у, гох бу ерда чақнаб туради. Сўнг яна атрофни зулмат қоплар, момақалдирок гумбурлар, шамол аралаш ёмғир ёғарди.

Гох ёришар, гох қоронғилашар, гох ёришар, гох қоронғилашар эди...

Йўрға олдинги оёқларини баландга тик кўтарар ва оғзини катта очиб кишнар эди. У чақирар, у чорлар, у излар, у кутарди. «Қайдасиз? Қайдасиз? Жавоб қайтаринг!» Унга жавобан осмон гумбурлар, сўнг яна чопиш, яна излаш, яна бўронга қарши югуриш.

Хаво гох ёришар, гох қоронғилашар, гох ёришар, гох қоронғилашар эди...

Бўрон фақат тонгга бориб тинди. Булутлар бирин-кетин аста тарқалишди, лекин шарқда момақалдироқ ҳали ҳам тинмасди, осмон гумбурлар, қарсиллар, момақалдироқлар бир-бирига қўшилиб кетар эди. Эзилиб кетган ердан буғ кўтариларди.

Бир неча йилкичи таркалиб кегган отларни тўплаб, теваракатрофда изғиб юришарди.

Танабойни эса хотини излаб юрарди. Тўғрироғи, кутиб ўтирарди. У тундаёқ қўшнилари билан бирга отга миниб, эрига ёрдам учун чопганди. Улар йилқиларни топишди, жарликда ушлаб қолишди. Лекин Танабой йўқ эди. Адашиб қолгандир, деб ўйлашди. Аммо у эрининг адашмаганлигини биларди. Шунинг учун қўшниларининг ўғли: «Хув ана, эрингиз, Жайдар опа, хув ана келяпти!» деб қувониб қичқириб, у томон отини чоптириб кетганида, Жайдар жойидан қўзғалмади. Дайди эрининг қандай қайтиб келаётганлигига от устида жимгина қараб турарди.

Танабой бир туннинг ичида ориқлаб кетган саман отни миниб жиққа ҳўл ички кўйлакда қўрқинчли ҳолатда жимгина келарди,

Гулсари ўнг оёғига оқсарди.

– Биз бўлсак сизни қидириб юрибмиз! – қувониб хабар қилди унинг олдига чопиб борган йигитча, – Жайдар опа энди ташвишлана бошлаганди...

Эх, болакай, болакай...

- Адашиб қолдим, тўнғиллади Танабой. Эр-хотин шу тарзда учрашишди. Бир бирига ҳеч нарса дейишмади. Йигитча жарликдаги йилқиларни ҳайдаш учун узоқлашганида хотини секин деди:
- Бу нимаси, ҳатто кийинишга ҳам улгурмабсан. Яхшиямки, иштонинг билан этикларинг бор. Уятмасми? Ахир энди ёш эмассанку. Ана, болаларннг яқинда улғайиб қолишади, сен булсанг...

Танабой миқ этмасди. Нима ҳам десин? Бу орада йигитча йилқиларни ҳайдаб келди. Ҳамма отлар ва тойлар соғ-саломат эди.

– Уйга кетдик, Олтивой, – йигитчани чақирди Жайдар. – Бугун сизларнинг ҳам, бизларнинг ҳам бир дунё ишимиз бор. Шамол ўтовларимизни ағдар-тўнтар қилиб ташлади. Юр, йиғиштириб олайлик.

Танабойга бўлса секин деди:

- Сен шу ерда тура тур. Сенга овқат, кийим-кечак келтираман.
 Одамларнинг кўзига қандай кўринасан бу ахволда?
 - Хув анави ерда, пастда бўламан, деб ишора қилди Танабой.

Улар жўнаб қолишди. Танабой йилкиларни яйловга ҳайдаб кетди. Узок ҳайдади. Офтоб ёйилиб кун илиди. Чўл буғланиб жонланди. Ёмғир ва кўкатларнинг ҳиди анкий бошлади.

Отлар баланд-пастликлардан, жарликлардан шошилмай лўкиллаб, сайҳонликка чиқишди. Бу ерда Танабой кўзи олдида гўё бошқа бир олам очилгандай бўлди. Узоқ-узоқларда уфк оқ булутларга бурканганди. Осмон чексиз, баланд ва тип-тиник. Бу ердан жуда узокда, чўлда поезд тутун таратиб кетарди.

Танабой отдан тушиб, ўт-ўланлар устидан юриб кетди. Ёнгинасидан тўрғай «пирр» этиб учди-да, баландга кўтарилиб сайрай кетди. Танабой бошини куйи солиб борарди, тўсатдан ерга гупиллаб думалаб тушди.

Гулсари хўжайинини хеч қачон бундай ахволда кўрмаганди. У юз

тубан ётар, елкалари йиғидан қалт-қалт қиларди. У номус ва аламдан йиғларди, умрида сўнгги бор эришган бахтидан айрилганини биларди у. Тўрғай бўлса ҳамон сайрарди...

Эртасига йилқилар тоғлар томон йўл олишди — энди улар бу ерларга фақат келгуси йили эрта бахорда қайтишлари керак эди. Кўчманчилар дарё бўйлаб овул яқинидаги сизот пичанзорлардан ўтиб боришарди. Қўй-қўзилар, сигирлар, йилқилар ўтиб борарди. Юк ортилган туялар ва отлар ўтиб борар, эгарларида аёллар ва болалар ўтиришарди. Пахмок итлар чопишарди. Хавони ҳар хил овозлар: бақириқлар, кишнашлар, маърашлар ларзага келтирган эди.

Танабой ўз йилқиларини кенг ўтлокдан, кейин яқиндагина байрамда халойикнинг ғала-ғовури, шовкин-сурони хукм сурган тепаликдан ҳайдаб борар ва овул томонга қарамасликка ҳаракат қиларди. Гулсари бир маҳал тўсатдан чеккадаги ҳовли томон қайрилганида, бу қилиғи учун қамчи еди. Шундай қилиб, улар манглайида юлдузи бор ўша тўрик байталчанинг лаблари сингари силлик ва меҳрибон қўлли жувоннинг ҳовлисига киришмади.

Йилқилар бараварига чопиб боришарди.

Саман йўрға хўжайинининг ўлан айтишини истарди, лекин у миқ этмасди. Овул ортда қолди. Хайр, овул. Олдинда тоғлар. Келгуси баҳоргача хайр, чўл. Олдинда тоғлар.

VI

Тун яримлаб қолганди. Бундан бу ёғига Гулсари ортиқ юра олмасди. У бу ерга, жарликка қадар неча марталаб тўхтаб-тўхтаб бир амаллаб юриб келди, лекин жарликдан ўтишга энди мажоли етмасди. Отдан бундан ортиқ талаб қилиш мумкин эмаслигини кекса Танабой тушунди. Гулсари азобланиб инграр, одам каби инграр эди. У ёта бошлаганида Танабой халақит бермади.

Совук ерда ётганида ҳам саман от калласини у ёкдан-бу ёкқа тебратиб инграшдан тўхтамасди. У совкотганди, бутун танаси

қалтирарди. Танабой устидан пўстинини ечди ва уни отнинг белига ёпиб қўйди.

– Нима бўлди, ахволинг ёмонми? Жуда ёмонми? Совкотдингми, Гулсари? Сен ахир хеч качон совкотмасдинг-ку.

Танабой яна алланима деб ғулдуради, лекин саман йўрға энди ҳеч нарсани эшитмасди. Унинг юраги гўё йилқилар ўзларини таъқиб қилаётганлардан даҳшатга тушиб қочаётгандай, гум-гуп, гум-гуп, гум-гуп этиб нақ қулоғининг остида тартибсиз урарди.

Тоғлар ортидан ой кутарилди, туман ичида осмонда осилиб қолди... Юлдузлар товушсиз учар ва сунар эди.

– Сен шу ерда ёта тур, мен бориб қоврай териб келай, – деди чол.

У бултурги қуриган ўтларни йиғиб, атрофда узоқ дайдиб юрди. Бир қучоғини тергунича қўлларини тиканлар тирнаб кетди. Кейин, ҳар эҳтимолга қарши, қўлида пичоқ тутиб жарликка тушди ва бу ерда юлғунга дуч келди.

У чинакам гулхан қалайдиган бўлдик, деб қувониб кетди.

Гулсари яқинида ёнаётган оловдан доим қўрқарди. Ҳозир эса қўрқмади, ёнидан иссик ва дуд уриб турарди. Танабой коп устида индамай ўтирар, гулханга гох юлғун, гох бурган ташлаб, оловдан кўз узмай қўлларини иситарди. Баъзан ўрнидан туриб, от устига ташланган пўстинини тузатиб қўяр ва яна олов ёнига ўтирарди.

Гулсари исиниб олди, қалтираши тўхтади, аммо кўз олди қоронғилашар, кўкраги қисилар, нафас олишга ҳаво етишмасди. Шамолда олов гоҳ пасаяр, гоҳ кучаярди. Қаршисида ўтирган, узоқ вақтдан бери унинг хўжайини бўлиб келган чол гоҳ ғойиб бўлар, гоҳ пайдо бўларди. Алаҳсираётган саман отга гўё у эгаси билан бирга бўронли тунда чопиб бораётгандай, оёқларини тикка кўтариб кишнаётгандай, йилқиларни қидираётгандай, аммо улар топилмаётгандай туюларди. Оппоқ чақмоқлар ялт-юлт чақнаб, сўнг, ўчиб турганга ўхшарди.

Гох ёришар, гох қоронғилашар, гох ёришар, гох қоронғилашар эди...

VII

тугади, яшаш унчалик оғир эмаслигини курсатиш учун киш вактинча урнини бушатди. Иссик кунлар келади, молларга мой битиб, эт олади, сут ва гушт мул-кул булади, пойга ва байрамлар булади, оддий күнлар бошланади: қузилатиш-қүлүнлатиш, жун қирқиш, ёш молни ўстириш, яйловдан-яйловга кўчиш, гўшт комбинатига қуй-йилқиларни ҳайдаб бориш керак, бу ишлар орасида хар кимнинг ўз ташвиши – мухаббат ва айрилик, туғилиш ва ўлим бор, фарзандларнинг муваффакиятларидан одамлар ғурурланишади, улар хакида интернатдан нохуш хабарлар олганда: «Ўзимнинг олдимда бўлганида, эхтимол, яхширок ўкирмиди», деб куйибпишишади. Нималар, бўлмайди, дейсиз, ташвишлар бошингиздан ошади ва кишки азоб-укубатлар вактинча эсдан чикади. «Ют» келади, моллар нобуд бўлади, ерлар яхмалак билан қопланади, тешик-йиртик ўтовлар ва муздек молхоналар келгуси йилгача сводкаларда ва хисобатларда қолиб кетади. Кейин яна қиш босиб келади, оқ туясида чопиб келади, тоғдами, чўлдами, қаерда бўлмасин, чўпонни излаб топади ва унга ўз киликларини кўрсатади. Вактинча унутилган хамма нарсани эсга туширади у. Йигирманчи асрда хам киш ўзининг шу қилиғини қўймади...

Ўшанда ҳам шундай қилди. Ориқлаб кетган моллар ва йилқилар тоғлардан тушишиб, чўлга ёйилиб кетишди.

Бахор. Қишдан омон чиқишди.

Ўша баҳорда айғир Гулсари йилқилар орасида сайр қилиб юрди. Танабой энди уни камдан-кам эгарлар, унга раҳми келар, минавериш мумкин ҳам эмасди — қочириш мавсуми яқинлашиб қолганди.

Гулсари яхши айғир бўладиганга ўхшарди. Жажжигина кулунларни худди оталаридай кузатиб юрарди. Она бия алаҳсиб қолса, у кулуннинг бирор ёққа думалаб кетишига ёки йилқилардан ажралиб қолишига йўл кўймасди. Гулсарининг яна бир фазилати шу эдики, у отларни бекордан-бекор безовта қилишларини яхши кўрмасди, агар безовта қилаверишса йилқиларни дарров узокроққа ҳайдаб кетарди.

Ўша йилнинг қишида колхозда ўзгаришлар бўлди. Янги раис юборишди, Чоро ишларни топширди-да, туман касалхонасига ётди. Унинг юраги жуда заифлашиб қолганди. Танабой кўп марта дўстини кўргани бормокчи бўлди-ю, аммо ишни ташлаб кетиб бўлармиди? Чўпон кўп болали онага ўхшайди. Доим, айникса куз ва кўкламда ташвиши кўп бўлади. Мол машина эмаски, кулогини бураб кўйиб кетаверсанг. Шу тарика Танабой туман касалхонасига бора олмади. Энди унинг ёрдамчиси йўк эди. Хотини ўрин ёрдамчи йилкибокар хисобланарди — турмуш кечириш учун бир амаллаб пул топиш керак эди-да, ахир: меҳнат кунига кам ҳақ тўланса ҳам, ҳар ҳолда бир меҳнат кунига қараганда икки меҳнат кунига кўпрок ҳақ олиш мумкин.

Лекин Жайдарнинг қўлида боласи бор эди. У қанақасига ёрдамчи бўла олсин? Куну тун ўзи кўз-кулок бўлиб туриши керак эди. Танабой кўни-кўшнилари билан гаплашиб ёрдамчи топгунича Чоронинг касалхонадан чикиб овулга қайтганлиги ҳақида хабар келди. Шунда у хотини иккиси, кейинчалик — тоғдан тушганларида уникига боришга қарор қилишди.

Водийга энди қайтиб тушишганида, янги жойга эндигина кўника бошлашганида, Танабой ҳалигача ҳаяжонсиз эслай олмайдиган воқеа юз берди...

Йўрға от донг чиқарса, оқибати унинг учун яхши ҳам бўлиши мумкин, ёмон ҳам. Теварак-атрофга унинг донг-довруғи қанчалик кўп таралса, бошлиқлар унга шунча кўп кўз олайтиришади.

Ўша куни Танабой эрталабдан отларни яйловга ҳайдади, ўзи эса овқатланиш учун уйига ҳайтди. Қизини тиззасига олиб, ҳотини билан оилавий ишлар ҳаҳида гаплашиб чой ичиб ўтирарди.

Интернатдаги ўғлининг олдига, шу билан бирга бир йўла станцияга— чайқов бозорига ҳам бориш, болалари ва хотини учун убу кийим сотиб олиш керак эди.

- Ундай бўлса, Жайдар, йўрғани эгарлай, деди Танабой чойдан хўплаб. Бўлмаса қайтиб келишга улгурмайман. Охирги марта миниб бориб келаман, кейин унга тегмайман.
 - Майли, ўзинг биласан, рози бўлди Жайдар. Ташқарида

отликларнинг дупури эшитилди. Кимдир улар томон келарди.

- Қара-чи, - деди Танабой хотинига. - Ким экан у?

У чикди-да, кайтиб келди, ферма мудири Иброхим ва у билан бирга яна овулдан кимдир келганлигини айтди.

Танабой ўрнидан истар-истамас қўзғалди, қизини қўлига кўтариб ўтовдан чикди. Гарчанд у йилкичилик фермасининг мудири Иброхимни унча ёктирмаса хам, мехмонни кутиб олиш керак эди. Иброхимни нима учун ёктирмаслигини Танабойнинг ўзи хам билмасди. У бошқаларға қарағанда хушмуомалали эди, аммо шундай бўлса хам у субутсиз одамга ўхшарди. Энг ёмони шу эдики, хеч қандай иш билан шуғулланмасди, фақат хисоб-китоб олиб борарди. Фермада йилкичилик ишлари ўлда-жўлда, хар бир йилкибокар ўз холига ташлаб қуйилганди. Партия мажлисларида Танабой бу ҳақда неча бор гапирганда хамма унга кушиларди, Иброхим хам кушилиб, танқид учун миннатдорчилик билдирарди, лекин хамма Яхшиямки, виждонли, илгаригидай қолиб кетаверарди. халол йилкибокарлар танланган. Уларни Чоронинг ўзи танлаганди.

Иброхим эгардан тушиб, очик юз билан кулочини ёзди.

- Ассалому алайкум, хўжайин! у ҳамма йилқи боқарларни хўжайин деб атарди.
- Ваалайкум ассалом! вазмин жавоб берди Танабой келганларнинг қулини сиқиб.
- Соғ-омонмисизлар? Отлар қалай, Танака, ўзингиз қалайсиз? Иброхим оғзи ўрганиб қолган саволларни сиғдирар, одатдаги табассумидан унинг семиз юзи ёйилиб кетарди.
 - Жойида.
 - Худога шукур. Сиздан кўнглим тўқ.
 - Ўтовга мархамат.

Жайдар меҳмонлар учун янги кигиз тўшади, кигиз устига эса эчки терисидан қилинган пўстак ташлади. Унга ҳам Иброҳим илтифот килди.

- Салом, Жайдар бойбича. Соғлиғингиз қалай? Эрингизга яхши қараяпсизми?
 - Салом, киринглар, бу ёққа ўтиринглар.

Хаммаси ўтиришди.

- Бизга қимиздан қуй, деди хотинига Танабой. Қимиз ичишди, у ёқ-бу ёкдан гаплашиб ўтиришди.
- Хозир энг яхши иш чорвачилик. Хеч бўлмаганда ёзда сут, гўшт бўлади-ку, мулоҳаза қиларди Иброҳим, далачиликда ёки бошқа ишларда умуман ҳеч вақо йўқ. Шунинг учун ҳозир йилқилару қўй-қўзилар ёнида бўлгап маъқул. Тўғримасми, Жайдар бойбича.

Жайдар бош силкиди, Танабой бўлса индамади. Буни унинг ўзи хам биларди, чорвачиликни қадрлаш кераклигига ишора қилиш учун хар бир имкониятдан фойдаланадиган Иброхимдан хам бундай гапни биринчи бор эшитаётгани йўк эди. Танабойнинг унга: агар одамлар сут-гўштли иссиккина жойларга сукуладиган бўлса, бунинг хеч яхши томони йўк, дегиси келди. Бошқалар-чи? Қачонгача одамлар бекорга ишлашади? Урушга қадар бундаймасди-ку. Кузда хар бир уйга икки-уч аравадан ғалла келтириларди. Энди-чи? Бирор ердан бирон нарса ундириш учун қоплари билан югуриб юришади. Ўзлари ғалла етиштиришиб, ўзлари нонсиз ўтиришади. Бу яхши эмас. Фақат мажлислару панд-насихатлар билан узокқа бориб бўлмайди. Чоро мехнатлари учун одамларга яхши сўздан бўлак хеч нарса бера олмай қолгани учун хам юрак касалига йўликди.

Аммо фикр-хаёлини банд қилган бу масалаларни Иброхимга гапириб ўтиришнинг фойдаси йўк. Танабой хозир гапни чўзишни истамасди хам. Буларни тезрок кузатиш, ишларини тезрок битириш учун йўрғани эгарлаш — барвақтрок қайтиш керак эди. Нега келишдийкин улар? Лекин сўраб-суриштириш нокулай эди.

- Негадир сени таниёлмаяпман, иним, Танабой Иброхимнинг хамрохи, кам гап ёш йигитга мурожат қилди. Рахматли Абалаканинг ўғлимасмисан сен?
 - Ха, Танака, мен ўшанинг ўғлиман.
 - Ўх, вақт қандай тез ўтяпти-я. Йилқиларни кўргани келдикми?
 - Йўқ, биз...
 - У мен билан бирга келди, унинг сўзини бўлди Иброхим.
- Биз бу ерга бир иш билан келдик, кейинчалик гаплашармиз у ҳақда. Қимизингиз, Жайдар бойбича, жуда ажойиб экан. Ҳидини

қаранг, қандай ўткир. Яна бир коса қуйингчи.

Яна у-бу ҳакда гаплаша бошлашди. Танабойнинг кўнгли кўнгилсиз бир нарсани сезиб турарди, лекин нима мақсадда келишганини тушуна олмади. Ниҳоят, Иброҳим чўнтагидан ҳанаҳадир ҳоғозни олди.

– Танака, биз сизнинг олдингизга мана шу иш билан, манави қоғоз билан келувдик. Ўқиб кўринг.

Танабой овоз чиқармай ҳижжалаб ўқирди, ўқирди-ю кўзларига ишонмасди. Йирик-йирик ҳарфлар билан қоғозга шулар ёзилганди:

«Фармойиш.

Йилкичи Бакасовга.

Саман йўрға Гулсари миниб юриш учун отхонага жўнатилсин.

Колхоз раиси (ажи-бужи имзо). 1950 йил, 5 март».

Ишнинг бунчалик ёмон тус олишидан эсанкираб қолган Танабой индамай қоғозни тўртга буклади-да, гимнастёркасининг кўкрак чўнтагига солди ва кўзини ердан узмай узоқ ўтириб қолди. Курагининг ости музлаб, кўнгли бехузур бўла бошлади. Сирасини айтганда, бунда кутилмаган, тасодифий хеч нарса йўк. Кейинчалик ишлатиш, миниб юриш учун у отларни парвариш қилаётган эди-да. Бу йиллар ичида у қанча-қанча отларни бригадаларга жўнатди. Лекин Гулсарини бериш унинг қўлидан келмасди. Шунинг учун у саман йўрғани қандай қилиб олиб қолиш ҳақида зўр бериб фикр юрита бошлади. Ҳамма ишни пухта ўйлаб қилиш керак эди. Ўзини тутиб олиши керак.

Иброхим безовталана бошлади:

- Мана шундай арзимаган иш билан сизнинг олдингизга келдик,
 Танака, эҳтиёткорлик билан деди у.
- Маъкул, Иброхим, хотиржам бокди унга Танабой. Бу иш кочиб кутулмайди. Яна кимиздан ичайлик, гаплашиб ўтирайлик.
 - Ха, албатта, сиз ақлли одамсиз-ку, Танака.

«Ақлли! Сенинг авраб алдашларингга учиб бўпман!» – деди ичида Танабой аччиғланиб.

Яна анчайин суҳбат бошланди. Энди шошилишнинг ҳожати йўқ эди.

Танабой колхознинг янги раиси билан илк бор шу тарзда тўкнашди. Тўғрироғи, шахсан ўзи билан эмас, балки унинг ажи-бужи имзоси билан. Унинг ўзини ҳали юзма-юз кўрмаганди. У Чоронинг ўрнига келганида тоғларда эди. Уни қаттиққўл одам, катта мансабларда ишлаган, дейишарди. Биринчи йиғилишдаёқ ишёкмасларни қаттиқ жазолашни айтиб огохлантириб қуйган, мехнат куни минимумини бажармаганлик учун эса судга тортаман, деб дўк қилган, колхозлардаги барча қийинчиликлар колхозларнинг майда бўлганлигидан ЮЗ бераётганлигини, энди йириклаштиражакларини, тез орада ахвол яхшиланишини, шунинг учун хам бу ерга юборилганини, хўжаликни агротехника ва зоотехниканинг барча конун-коидаларига мувофик олиб боришини ўзининг асосий вазифаси қилиб олганлигини айтган эди. Бунинг учун эса хамма агротехника ва зоотехника тўгаракларида ўкишга мажбур.

Чиндан ҳам ўқишни бошлаб юборишди — плакатлар осиб кўйишди, лекциялар ўтказа бошлашди. Агар чўпонлар лекциялар пайтида пинакка кетиб қолишаётган бўлишса, бу энди уларнинг иши

- Танака, биз кетишимиз керак, Иброхим Танабойдан бир нарсани кутгандай қаради ва этикларининг сирғалиб тушган қунжларини тортиб, тулки телпагини қоқиб, у ер-бу ерини тузата бошлади.
- Гап бундай, ферма мудири, раисга бориб айт: мен Гулсарини бермайман. У уюр айғири. Бияларга қуямиз.
- Вой-бўй, Танака, биз унинг ўрнига беш айғир берамиз, биронта ҳам бия қисир қолмайди. Ахир шу ҳам гапми? ажабланди Иброҳим. Ҳамма иш яхши бораётганидан у хурсанд эди, бирдан... Эҳ, Танабой ўрнида бошқа бирон киши бўлганида гапни қисқа қилган бўларди. Аммо Танабой Танабойлигини қилади-да, у ўзининг акасини ҳам аямаган, буни эътиборга олиш керак. Эҳтиётлик билан иш тутмаса бўлмайди.

- Менга сизларнинг беш айғирингиз керакмас! Танабой терлаб кетган пешонасини артди ва бир оз индамай тургач, очиқчасига гаплашишга қарор қилди. Нима, раисингга минишга от топилмадими? Отхонада отлар қуриб кетибдими? Нега энди айнан Гулсари керак бўлиб қолди?
- Нега бундай дейсиз, Танака? Раис бизнинг рахбаримиз, демак, уни хурмат килиш керак. Ахир у туманга боради, унинг олдига хам одамлар келиб туришади. Раис халк орасида юради, хуш, айтайлик...
- Нима, хўш? Бошқа отни минса ҳеч ким уни тан олмай қўядими? Ёки ҳамманинг кўз олдида бўлса, албатта йўрға отни миниши керакми?
- Албаттами, албатта эмасми, аммо шундай бўлиши керак. Мана сиз, Танака, урушда солдат бўлгансиз. Сиз енгил машинада, генералингиз эса юк машинасида юрганми ахир? Йўк, албатта. Генералга генераллигига муносиби, солдатга солдатларга ярашаси. Ё нотўгрими?
- Унинг йўриғи бошқа, иккиланиб эътироз билдиради Танабой. Нега йўриғи бошқачароқ эканлигини тушунтириб ўтирмади, очиғини айтганда, тушунтира олмасди.

Саман йўрға бўйнидаги сиртмоқнинг тортилаётганини сезиб, у жахл билан гапирди:

- Бермайман. Агар маъкул кўрмаётган бўлсаларинг, йилкибокарликдан олиб ташланглар. Темирчилик устахонасига бораман. У ерда сиз мендан болғани тортиб ололмайсизлар.
- Нега бундай дейсиз, Танака! Биз сизни хурмат қиламиз, кадрлаймиз. Сиз бўлсангиз худди ёш боланинг гапини киляпсиз. Ахир шу сизга муносибми? Иброхим ўтирган жойида типирчилаб колди. Иш пачава бўлди шекилли. Ўзи ваъда берганди, ўзи маслахат килганди, ўзи тўғрилайман деб мақтанувди, манави қайсар нусха бўлса ҳамма ишни барбод қилмоқчи.

Иброхим чуқур хўрсинди-да, Жайдарга мурожаат қилди:

– Ўзингиз ўйлаб кўринг, Жайдар бойбича, битта от нима бўпти, майли йўрға бўлса ҳам? Уюрда қанақа отлар йўқ дейсиз – истаганингизни танлаб олинг. Одам келган бўлса олдингизга, уни

юборишган бўлса...

– Сен нега бунча жон куйдиряпсан? – сўради Жайдар.

Иброхим хайрон бўлиб, тутилиб қолди:

– Бўлмасам-чи? Тартиб-интизом. Менга топширишди, мен кичик одамман. Ўзим учун эмас. Мен эшакда ҳам юравераман. Мана сўранг, Абалаканинг ўғлини юборишди йўрға отни миниб кел деб.

У индамай бош силкитди.

- Яхши иш бўлмаяпти, давом эттирди Иброхим. Уни бизга раис қилиб юборишди, у бизнинг меҳмонимиз, биз бутун овул бир бўлиб отни бермасак. Халқ билса нима дейди? Қирғизлар қачон шундай қилишган?
- Хўп яхши, жавоб берди Танабой. Овулдошлар билсин, майли. Мен Чоронинг олдига бораман. Майли, у бир ёқлик қилсин бу масалани.
- Чоро, берма, дейди деб ўйлайсизми? У билан келишилган. Фақат уни уялтириб қўясиз. Қасддан бўйинтоблик қиляпсиз. Янги раисни тан олмаймиз, эскисига арз қилгани борамиз? Чоро касал одам бўлса. Унинг раис билан муносабатини бузишнинг нима ҳожати бор? Чоро партия ташкилотчиси бўлади, у раис билан ишлашиши керак. Халақит беришнинг нима кераги бор...

Чоро ҳақида сўз кетганида Танабой индамай қолди. Ҳамма жимиб қолди. Жайдар оғир хўрсинди.

- Бер, деди у эрига, одамларни тутиб турма.
- Мана бу ақлли гап, аллақачон шундай қилсангиз бўларди, раҳмат сизга Жайдар бойбича.

Иброхим бекорга қайта-қайта миннатдорчилик билдирмаганди. Шундан кейин, кўп вақт ўтмай, у ферма мудирлигидан раиснинг чорвачилик бўйича муовинлигига кўтарилди...

Танабой эгар устида ерга тикилиб ўтирарди, қарамаса ҳам ҳамма нарсани кўрарди. Гулсари қандай тутилганини ва унга қандай қилиб янги нўхта урилганини (ўзининг нўхтасини Танабой ўлса ҳам бермасди) кўриб турди. Гулсарининг уюрдан кетгиси келмаётганлигини, Абалаканинг ўғли тутиб турган жиловдан қутулиш учун ҳар томон ташланаётганини, Иброҳим гоҳ у ёнидан, гоҳ бу

ёнидан от чоптириб келиб, қамчи билан қулочкашлаб уни ураётганини кўриб турарди. У йўрға отнинг кўзларини, бу кўзлар саросимага тушиб нотаниш кишилар уни биялар ва кулунлардан, ўз хўжайинидан айириб қаёққа ва нега олиб кетаётганликларини тушунмаётганини кўрарди, кишнаганида унинг очиқ оғзидан отилиб чиққан буғни, ёлини, белини, сағрисини, бел ва биқинларидаги қамчи изларини кўриб турарди, бутун бастини, ҳатто олдинги ўнг оёғининг тўпиғидан юқорисидаги кичикроқ ғуррани ҳам кўриб турарди, унинг оёқ ташлашларини, туёқ изларини, оч сарғиш тўриқ жунларининг сўнгги қилигача ҳаммасини кўриб турарди ва лабларини тишлаб индамай изтироб чекарди...

У бошини кўтарганида Гулсарини олиб кетганлар тепалик орқасида кўздан ғойиб бўлишган эди. Танабой инграб юбордида, уларнинг ортидан отини чоптириб кетди.

– Тўхта, бу ниятингдан қайт! – Жайдар ўтовдан югуриб чиқди.

Чопиб кетаётиб бирдан унинг хаёлидан: хотиним анави тунлардаги килмишларим учун саман йўрғадан касос оляпти, деган дахшатли тахмин ўтди. У отни тўсатдан кескин буриб, камчи билан тислаттириб урганича оркасига кайтарди. Ўтов ёнида отни шартта тўхтатди-да, сакраб тушди ва юзи бурушган, ранги кув ўчган дахшатли бир ахволда хотинининг олдига чопиб келди:

- Сен нега... нега бериб юбор, дединг? пичирлади у тик бокиб.
- Ўзингни бос! Қўлингни тушир, у ҳар доимгидай хотиржамлик билан босиб қўйди эрини. Гапимга қулоқ сол. Гулсари ахир сенинг хусусий отингми? Ўз отингми? Ўзингга тегишли ниманг бор сенинг? Биздаги ҳамма нарса колхозники. Шу билан тирикмиз. Саман йўрға ҳам колхозники. Раис эса колхоз хўжайини, нима деса, шу бўлади. Анави тўғрисида кўнглингга келган нарса бекор, истасанг, ҳозир ҳам кетишинг мумкин. Кетавер. У мендан яхширок, чиройлирок, ёшрок. Яхши жувон. Мен ҳам бева қолишим мумкин эди, лекин сен қайтиб келдинг. Қанча кутдим сени! Майли, бу тўғрида гапириб ўтирмайлик ҳам. Сенинг уч боланг бор. Уларни нима қиласан? Кейинчалик нима дейсан уларга? Улар нима дейишади? Мен нима дейман уларга? Ўзинг ҳал қил...

Танабой чўлга чикиб кетди. Йилкилар олдида кечга қадар қолиб кетди, ҳамон ўзини босиб ололмасди. Йилкилар етимланиб қолди. Танабойнинг қалби бум-бўш бўлиб қолди. Йўрға от ўзи билан бирга унинг қалбини ҳам олиб кетди. Ҳаммасини олиб кетди. Гўё, ҳамма нарса ўзгаргандай.

Қуёш ҳам бўлакча, осмон ҳам бўлакча, ўзи ҳам гўё бошқачадай эди.

У қоронғи тушганда қайтди. Ўтовга индамай, қоп-қорайиб кириб келди. Қизлари ухлаб қолишганди. Ўчоқда олов ёнарди. Хотини қулига сув қуйди.

– Емайман, – рад қилди Танабой. Сўнг деди: – Чанговузни ол, «Она туянинг бўзлаши»ни чалиб бер.

Жайдар чанговузни олди, уни лабларига тутди, бармоғини ингичкагина пўлат «тил»га тегизди, унга пуфлади, сўнг нафасини ичига тортди, кучманчиларнинг қадимий куйи қуйилиб оқа бошлади. Оқ бўталоғини йўкотган она туя хакида кўшик. Чўлу даштларда у узок кунлар югуриб-елиб юради. Бўталогини чакиради, кидиради. Окшомлари жарлик ёкалаб, эрталаб ялангликларда уни ўз оркасидан эргаштириб юра олмаслигидан, бутоклардан биргаликда териб ея олмаслигидан, кўчма кумлар устида югура олмаслигидан, бахор пайтида далаларда айланиб юра олмаслигидан, уни оппок сутин билан эмиза олмаслигидан зорланарди. Қайдасан, қоракўз бўталоғим? Жавоб бер! Елинимдан, тирсиллаб турган сут тизиллаб оқяпти, оёқларимдан оқиб Кайдасан? Жавоб бер! Елинимдан, тирсиллаб турган елинимдан тизиллаб сут окяпти. Оппок сут...

Жайдар чанговузни яхши чаларди. Танабой уни қизлик вақтида шу чалиши учун севиб қолганди.

Танабой бошини куйи солиб тингларди ва яна бошини кутариб карамаса ҳам ҳамма нарсани куриб турарди. Иссиқ ва совукдаги куп йиллик меҳнатдан унинг дағаллашиб кетган қуллари, оппоқ оқарган сочлари ва буйнида, лабларида, куз ёнларида пайдо булган ажинлар. Уша ажинлар ортида утган, ёшлик сочлари елкасига тушиб турган сариқ мағиз қизча ва унинг узи — Танабойнинг уша кезлардаги жуда-

жуда ёш йигитлик даври, ҳамда улар иккаласининг ўша йиллардаги яқинлиги кўзга кўриниб кетарди. Хотини ҳозир уни сезмаётганлигини Танабой биларди, у ўз куйига, ўз ҳаёлларига ғарқ бўлганди. Ўша дамда у яна ўз кулфатлари ва азоб-укубатларининг ярмини хотинининг ҳаётида, такдирида кўрарди. Жайдар бу кулфат ва укубатларни ўз устига олган эди.

...Она туя қанча кунлардан буён елиб-югуриб ўз боласини қидиради, чакиради. Қайдасан, қора кўзли бўталоғим? Елинимдан, тирсиллаб турган елинимдан сут тизиллаб чиқяпти, оёқларимдан оқиб тушяпти. Қайдасан? Жавоб бер! Елинимдан тизиллаб сут оқяпти. Оппоқ сут...

Қизлар эса ухлаб ётишарди. Ўтов ортида бепоён чўл, тун коронғилигида кўз илғамас чўл ястаниб ётарди.

Бу пайтда Гулсари отхонада тўс-тўполон қилиб, отбокарларга уйку бермаётганди. У отларга қамоқхона бўлган отхонага биринчи бор тушиши эди.

VIII

Танабой бир куни эрталаб йилқилар орасида ўз саман йўрғасини кўрганида қалби олам-олам қувончга тўлди. Устида эгар, нўхтасидан узилган арқоннинг бир бўлаги осилиб турарди.

- Гулсари, Гулсари, омонмисан? Танабой сиртмоғи билан югуриб борди ва яқинлашиб уни бегона юганда, оғир узангили қўпол бегона эгар остида кўрди. Уни айникса эгар устидаги қалин духоба ёстиғи ғазаблантириб юборди, гўё отни эркак эмас, балки хотин миниб юргандай.
- Туф! ғазабланганидан тупуриб юборди Танабой. Отни тутмоқчи, унинг устидаги мана бу бемаъни абзал-анжомларнинг ҳаммасини улоқтириб ташламоқчи бўлди, лекин Гулсари тутқич бермай қочиб кетди. Саман йўрғанинг ҳозир у билан иши йўқ, у бияларга айланишарди. Йўрға уларни шу қадар соғингандики, ўзининг. собиқ хўжайинини ҳатто пайқамаган ҳам эди.

«Демак, охир қочиб келибсан-да, тизгинни узибсан-да. Балли! Хўп, майли, ўйнаб қол, ўйнаб қол, мен жим юраман», ўйлади Танабой ва йилқиларнинг бир оз чопиб юришига эрк беришга қарор қилди. Гулсарининг орқасидан одамлар елиб келишмагунича, у ўзини ўз уйидагидай ҳис этиб юраверсин.

— Ҳайт-ҳайт! — қичқирди Танабой, узангига оёқ тираб ва сиртмоқни ҳавода ўйнатиб йилқиларни ҳайдади.

Биялар қулунларини чақириб қўзғалишди, ёш биялар ўйноқлаб чопиб кетишди. Шамол уларнинг ёлларини ўйнарди. Кўкатлар билан қопланаётган ер қуёш нури остида яшнарди. Гулсари сесканиб тушди, каддини ростлаб олди-да, гердайиб чопиб кетди. Уюр олдига тушиб олди, янги айғирни уюрдан қувиб чиқарди-да, орқага ҳайдаб юборди, ўзи бўлса пишкириб, уюр олдида ўзини кўз-кўз килиб ўйноклаб кетди ва йилкиларнинг гох у ёнбошига, гох бу ёнбошига чопиб ўта бошлади. Уюрнинг хиди, биялар сутининг хиди, кулунлар хиди, дашт шамолининг хиди унинг бошини айлантирарди. Устида бемаъни духоба ёстикли бесўнакай эгарнинг борлиги, бикинларига зилдай узангиларнинг шапатилаб заифлаётганлиги билан унинг иши йўк эди. У кеча сувлиғини чайнаб, гувиллаб ўтаётган юк машиналаридан хуркиб, тумандаги катор от козикларининг бирида турганлигини унутганди. Кейинрок сассик ичимликхона ёнидаги кулмакда турганлиги ва унинг янги хўжайини ўзининг улфатлари билан чиққанлиги, ҳаммасидан сассиқ ҳид бурқиб таралганлигини ҳам унутганди. Янги хўжайини пишиллаб, кекира-кекира унга минганди. Йулда улар лой кечишиб ахмокона пойга уюштирганларини, янги хужайинини қандай суриб олиб кетганлигини ва у эгар устида лукиллаб борганлигини, кейин эса юганни қаттиқ тортиб, унинг бошига қамчи билан тушира бошлаганини хам унутганди.

Хаммасини унутганди саман йўрға, ҳаммасини. Уюрнинг ҳиди, биялар сутининг ҳиди, қулунлар ҳиди, дашт шамолининг ҳиди унинг бошини айлантирарди... Саман йўрға чопиб юрарди — орқасидан қувиб келаётганларини фаҳмламай чопиб-елиб юрарди.

Танабой йилқиларни аввалги жойига қайтарган эди ҳамки, овулдан икки отбоқар келиб қолди.

Улар Гулсарини подадан олиб кетишди.

Лекин кўп ўтмай у яна пайдо бўлиб колди. Бу гал нўхтаси ҳам, эгари ҳам йўк эди. Бир амаллаб юганни бошидан чикариб ташлаб, тунда отхонадан кочганди. Танабой аввал кулиб юборди, сўнг жимиб колди ва ўйлаб туриб, йўрғанинг бўйнига сиртмок ташлади, ўзи тутди, ўзи жиловлаб, овулга етаклаб кетди, кўшни яйловдаги ёш йилкибокардан йўрғани оркадан ҳайдаб боришни илтимос қилмокчи бўлди. Ярим йўлда кочок йўрға от кетидан келаётган отбокарларни учратди. Гулсарини уларга топшира туриб, Танабой ҳатто пўнғиллаб ҳам қўйди:

– Нима, у ёкда ҳамма қўлсизлар тўпланганмисизлар, раиснинг отига тузукроқ қарай олмайсизлар. Қаттиқроқ боғланглар уни.

Гулсари учинчи марта қочиб келганида, Танабойнинг ҳазилакамига жаҳли чиқмади:

— Нима қиляпсан, аҳмоқ! Қайси жин сени бу ёққа бошлаб келяпти? Аҳмоқсанда, аҳмоқсан, — сўкинарди у сиртмоқ билан саман йўрғанинг кетидан қувиб. Яна уни қайтариб олиб бориб берди ва тағин отбоқарлар билан сўкишишди.

Лекин Гулсари ақлли бўлишни хаёлига ҳам келтирмасди, ҳар гал қулай пайтдан фойдаланиб қочиб келарди.

Отбокарларнинг хам жонига тегди, Танабойнинг хам.

...Ўша кун Танабой кеч ётди — яйловдан кеч қайтган эди. Ҳар эҳтимолга қарши, йилқиларни ўтовга яқин ҳайдаб келтириб қуйди-да, уҳлаб қолди, уйқуси нотинч бўлди. Кун буйи жуда чарчаганди. Қанақадир ғалати туш кўрди — у яна урушда юрибдими ё қаердадир кушхонадами, англаш қийин эди. Ҳамма ёқ қон, қуллар ҳам ёпишқоқ қон эди. Тушга кирган қон яҳшиликка булмайди, деб ўйлайди тушида. Қулларини бирон ерда ювиб олмоқчи булади. Лекин уни итариб ташлашади, мазаҳ қилиб кулишади, қаҳ-қаҳ уришади, чинқиришади, кимлигини билмайди, биров дейди: «Танабой, қонга қулингни ювяпсан, қонга. Бу ерда сув йуҳ, Танабой, бу ерда ҳамма ёқ қон! Ҳа-ҳа-ҳа, ҳо-ҳо-ҳо, ҳи-ҳи-ҳи!..»

- Танабой, Танабой! елкасидан силкирди уни хотини. Тур ўрнингдан.
 - A, нима?
- Эшитяпсанми, уюрда бир нарса бўлаётганга ўхшайди. Айғирлар уришишяпти. Балки Гулсари яна қочиб келгандир.
- Падарига лаънат унинг. Хеч тиним йўк! Танабой тез кийинди, сиртмокни олди ва аллакандай тўс-тўполон бўлаётган пастлик томон чопиб кетди. Тонг ёришиб колганди.

Чопиб келиб Гулсарини кўрди. Лекин буниси нима? Оёқларига темир кишанлар солинган йўрға от ҳаккалаб юрарди. Оёқларида кишанлар жаранглайди, гир айланади, оёқларини осмонга кўтаради, инграйди, кишнайди. Манави каллаварам уюр айғири бўлса уни бекордан-бекор тепяпти ҳам, тишлаяпти ҳам.

— Ҳаҳ, сен йиртқични! — Танабой елдай учиб борди, каллаварамни шундай урдики, сиртмоқнинг банди синиб кетди. Ҳайдаб юборди. Кўзларидан эса ёш чиқиб кетди. — Сени нима қилишибди-я? Ким оёғингга кишан солди-я! Нега бу ёққа судралиб келдинг, бадбаҳт тентак?...

Буни қаранг — шундай узоқ жойдан, дарёдан сойликка, дўнгликлардан бу ергача кишанда ҳаккалаб келиб, йилкиларга ахир етиб олибди. Тун бўйи, эҳтимол, сакраб сакраб юриб келгандир. Қочқин каторгачидай якка ўзи кишанни жаранг-журунглатиб йўл юргандир.

«Қойил-э! – бошини чайқади Танабой. Саман йўрғани силабсийпай бошлади, юзини унинг лабларига тутди. У бўлса секин-аста лабини қимирлатар, кўзларини чала юмиб қисарди.

— Нима қиламиз энди, а? Бу қилиғингни ташласанг бўларди, Гулсари, охири бахайр бўлмайди. Тентаксан сен, тентаксан. Хеч нарсани билмайсан...

Танабой саман йўрғани кўздан кечириб чиқди. Тишланган ерлар битиб кетиши мумкин. Аммо кишан оёғини қаттиқ шилиб ташлабди. Тўпикларидан қон оқаётганди. Кишанга қопланган кигизга куя тушиб, чириб кетган экан, сувдан ҳаккалаб ўтганида кигиз тушиб кетиб, темири очилиб қолибди. Ана шу унинг оёқларини қонга

белабди. «Хойнахой Иброхим кишанни чоллардан топган бўлса керак. Бу унинг иши», ғазаб билан ўйлади Танабой. Кимники бўларди бошқа? Кишан эскилардан қолган. Хар бир кишаннинг алохида махсус қулфи бўлади, калитсиз оча олмайсан. Илгарилари от ўғрилари яйловлардан ҳайдаб кетиб қолмасликлари учун энг яхши отларнинг оёқларини кишанлаб қўйишарди. Оддий арқон тушовни пичоқ билан кессанг бас, кишанланган отни эса олиб кета олмайсан. Аммо бундай воқеалар қачонлардир бўларди, ҳозир эса кишан камёб нарса бўлиб қолди. Ўтмишдан хотира сифатида биронта чолда сақланиб қолган чиқар... Лекин мана бунисини қаранг, ҳойнаҳой, кимдир айтган бўлса керак шундай қилиш керак деб. Овул яйловидан узоққа кетиб қолмаслиги учун саман йўрғани кишанлаб қўйишибди. У бўлса барибир қочиб келибди...

Бутун оила бир бўлиб Гулсарининг оёгидан кишанни ечиб олишди. Жайдар жиловидан ушлаб, йўрганинг кўзини бекитиб турди, кизлари атрофда ўйнаб юришарди, Танабой бўлса, ҳамма асбобларини келтириб, кулфни очишга калит танлаш билан овора бўлиб терлаб-пишиб кетганди. Темирчилик малакаси, укуви яраб колди, узоқ пишиллаб уринди, кўллари шилиниб кетди, лекин барибир йўлини топиб очди.

Кишанни улоқтириб ташлади. Йўрғанинг оёқларидаги қон оқаётган жойларга малҳам қўйди. Жайдар уни отқозиққа боғлагани олиб кетди. Катта қизи синглисини орқасига опичиб олиб, улар ҳам уйга йўл олишди.

Танабой бўлса ҳамон ҳансираб, пишиллаб ўтирарди, у қаттиқ чарчаганди. Кейин асбобларни йиғиштириб, ердан кишанни олди. Қайтариб бериш керак, бўлмаса яна жавоб беришга тўғри келади. Занглаган кишанни томоша қила туриб, устанинг ишига қойил қолди. Ҳамма томони жойида, ақл ишлатиб ясалган эди. Кекса қирғиз темирчиларннинг иши. Ҳа, бу ҳунар энди йўқолган, умрбод унутилган. Кишанлар энди керакмас. Аммо бошқа буюмларнинг йўқолганига афсусланасан киши. Кумушдан, мисдан, ёғочдан, теридан қандай безаклар, қандай асбоб-анжомлар ясашарди-я! Қиммат ҳам эмасди, лекин гўзал буюмлар эди. Ҳар бирининг ўзига

хос гўзаллиги бор эди. Энди бунақалар йўқ. Эиди ҳамма нарсани — кружкалар, лаганлар, қошиқлар, зираклар ва тоғорачаларини алюминдан ясашади — қаёққа борсанг, ҳамма ерда бир хил нарса, жонингга тегиб кетади. Эгарсоз усталарнинг ҳам энг охиргилари қолди. Қанақа эгарлар қила олишарди-я! Ҳар бир эгар ўз тарихига эга эди: ким, қачон, ким учун ва ўз меҳнати қандай такдирлангани маълум эди. Яқинда ҳамма худди у ёқда, Европадагидек, машинада юрадиган бўлса керак. Ҳаммасиники бир хил машина, фақат номерларидан ажратасан, холос. Боболар ҳунарини эса унутиб юборяпмиз. Қадимий қўл ҳунарини йўқотдик, ҳолбуки, инсон қалби ҳам, кўзи ҳам қўлларда...

Гохо Танабойни шундай хаёллар чулғаб оларди. Халқ хунари хакидаги мулохазаларга берилиб кетарди, у йўқолиб кетаётганлиги учун кимни айблашни билмай куйиб-пишар, ғазабланарди. Холбуки, ўзи хам ёшлигида қадимдан мерос қолган нарсаларимизнинг шундай гўрковларидан бири бўлганди. Бир куни хатто комсомол йиғилишида ўтовларни тугатиш ҳақида нутқ ҳам сўзлаганди. Кимдандир ўтовлар йўқотилиши кераклигини, ўтов — инкилобдан олдинги турар жой эканлигини эшитганди. «Битсин ўтов! Эскичасига яшашни бас килайлик».

Ўтовни ҳам «қулоқ қилишди». Уйлар қура бошлашди, ўтовлар эса синдириб ташланди. Кигизларни ҳам қирқиб бошқа нарсаларга керак қилдилар, ёғочлари керага, чанғороқлари ҳовли деворларига, моллар учун қўраларга ишлатилди, ҳатто ўчоққа ёқилди...

Кейин маълум бўлишича, ўтовларсиз узок яйловларда чорвачилик килиб бўлмас экан. Энди Танабой бундай сўзларни айтишга оғзи кандай борганлигига, кўчма чорвачилик учун ҳали ўтовдан дурустрок бошқа ҳеч нарса ўйлаб топилмаганлигига қарамай, уни нега коралаганига ўзи ҳам ҳайрон қоларди. Ҳар бир кичик бўлаги аждодларнинг асрий тажрибасидан ўтган ўтов ўз ҳалқининг ажойиб кашфиёти эканлигини у қандай қилиб кўра олмадийкин?

Энди у қари Тўрғайдан қолган илма-тешик, ис босган ўтовда яшарди. Ўтов жуда эски эди, фақат Жайдар бенихоя сабр-тоқатлик бўлгани учун ундан фойдаланиб келаётган эдилар. У бир неча кунлаб

ўтовни ямаб-ясқар, яшаб бўладиган ҳолга келтирар, бир-икки ҳафтадан сўнг эса чирик кигиз яна ситилиб кетар, яна тешиклар кўриниб қолар, шамол ғувиллаб кирар, қор кирар, ёмғир ўтар эди. Тағин аёл тикиш-ямашга киришарди, бу ишнинг поёни кўринмасди.

— Қачонгача азоб чекамиз? — зорланарди у, — қара, кигиз эмас бу — кукун, тўкилиб-сочилиб кетяпти. Керагаси билан увуқлари нимага ўхшаб қолди! Айтгани уяласан. Сен лоақал бизга янги кигизлар олсангчи. Уйнинг эгасимисан ё йўқми? Ахир биз ҳам одамга ўхшаб яшашимиз керак-ку...

Танабой авваллари уни юпатиб, ваъда килиб юрди. Овулда ўзига янги ўтов ўрнатиб беришлари зарурлиги ҳакида оғиз очганида эса кекса усталар аллақачонлар ўлиб кетишгани, ёшлар бўлса уларни қандай ясаш тўғрисида тасаввурга ҳам эга эмаслиги маълум бўлиб қолди. Ўтовлар учун колхозда кигизлар ҳам йўқ эди.

- Бўлмаса жун беринглар, ўзимиз кигиз бостириб оламиз, илтимос килди Танабой.
- Қанақа жун! дейишди унга. Сен нима, осмондан тушдингми? Жуннинг ҳаммаси план бўйича сотиляпти, ҳўжаликда бир грамм ҳам қолдириш мумкин эмас... Сўнг ўтов ўрнига брезент чодирни таклиф килипли.

Жайдар қатъиян рад этди:

– Чодирда яшагандан кўра йиртиқ-ямоқ ўтовда яшаган яхширок.

Кўпгина чорвадорлар бу вактда чодирларга кўчиб ўтишга мажбур бўлишганди. Аммо бу ўзи канака турар жой? На туриб юра оласан, на ўтира оласан, на олов ёкасан? Ёзда хаддан ташкари исиб кетади, кишда эса ит хам совуғига чидай олмайди. На буюмларни жойлаштира оласан, на ўчок кура биласан, на чиройлирок килиб безата оласан. Мехмонлар келиб колса каёкка жойлаштиришни билмай коласан.

– Йўқ-йўқ! – деб бош тортди Жайдар. — Нима қилсанг қилгину лекин мен чодирда яшамайман. Чодир бўйдоклар учун, у ҳам бўлса вақтинчаликка, бизнинг эса бола-чақамиз бор. Уларни чўмилтириш керак, тарбиялаш керак, йўқ, яшамайман.

Бир куни Танабой Чорони учратиб қолди. Ҳамма гапни сўзлаб берди.

– Бу ёғи нима бўлади, раис?

Чоро ғамгин бош чайқади:

— Бу ҳақда биз иккимиз ўз вақтида ўйлашимиз керак эди. Юқоридаги раҳбарларимиз ҳам. Ҳозир бўлса ҳатлар ёзяпмизу, нима дейишларини билмаймиз. Жун — қимматбаҳо ҳомашё, камёб нарса дейишади. Экспорт қилинади. Ички ҳўжалик эҳтиёжларига сарфлаш — мақсадга мувофиқ эмасмиш.

Шундан кейин Танабой жимиб қолди. Демак, қисман ўзи ҳам айбдор. Ўзининг тентаклигидан ун чиқармай кула бошлади: «Мақсадга мувофиқ эмас! Ҳа-ҳа-ҳа! Мақсадга мувофиқ эмас!»

Бу «мақсадга мувофиқ эмас» деган оғир сўз узоқ вақтгача хаёлидан кетмади.

Шундай қилиб, улар тузатиб олиш учун оддийгина жун зарур бўлган, қирқ ямоқ бўлиб кетган эски ўтовда яшайверишди. Бу жун деганини эса колхоз отарларидан тонналаб қирқишар эди...

Танабой қўлида кишан ушлаганича ўз ўтови олдига келди. У шу қадар ғарибона кўриниб кетдики, ҳамма нарсага — ўзига ҳам, саман йўрғанинг оёқларини қонатган манави кишанга нисбатан ҳам ғазаби шунчалик ошиб-тошиб кетдики, ҳатто тишларини ғижирлатиб қўйди. Шундай ғазаби қўзиб турган пайтда Гулсарининг кетидан отбоқарлар келиб қолса бўладими.

— Олиб кетинглар, — бақирди уларга Танабой. Ғазабдан лаблари уча бошлади. — Манави кишанни эса раисга беринглар, айтингларки, агар у саман йўрғани яна кишанлайдиган бўлса, мен мана шу кишан билан унинг бошини мажақлаб ташлайман. Шундай деб айтинглар!..

У бекорга бундай деди. Уфф, бекорга! Унинг бу қизиққонлиги ва дангаллиги унга ҳеч қачон яхшилик келтирмаганди...

IX

Ёруғ, офтоб чарақлаб турган кун эди. Бахор куёшга боқиб кўзини

сузар, баргаклардан соч тақиб безанар, шудгорлардан буғ чиқарар ва суқмоқларда нақ оёқ остида майса-утлар барқ уриб яшнарди.

Отхона олдида болалар чиллак ўйнашарди. Бола чиллакни осмонга улоқтириб юборади-да, пойлаб туриб уни чиллак сопи билан кулочкашлаб уриб учириб юборади. Ораликни чиллак сопи билан ўлчай бошлайди — бир икки, уч... етти... ўн... ўн беш... Инжик хакамлар анави ғирромлик қилмаслиги учун унинг орқасидан галагала бўлишиб кузатиб боришади. Йигирма иккита.

- Аввал етмиш саккиз эди, энди йигирма икки, ҳисоблайди бола ва якунлаб бўлгач, шодлигини ичига сиғдиролмай қичқириб юборади:
 Юз! Юз бўлди!
- Ура-а-а юз! деб бошқалар ҳам қушилишади. Демак, нақ мулжални урган. Ортиқ ҳам эмас, кам ҳам.

Энди ютқизган «зув»лаши керак. Ғолиб ганакка — марра чизиғига боради-да, у ердан чиллак отади. Янада узокроққа тушадиган қилиб отади. Ҳамма чиллак тушган жойга қараб чопади, у ерда чиллакни яна бир бор уради, шу тарзда уч марта урилади. Енгилган боланинг йиғлашига сал қолади — у шунчалик узоқ ерга «зув» деб бориши керак! Лекин ўйин қонуни қатъий. «Нега турибсан, қани зувла!» чуқур нафас олиб:

Ойбой, Кўкбой, Бузокларни ҳайдама. Ҳайдасанг-у етмасанг, Болаларга айтаман – зу-у-у-ув...

деб гапириб чопиб кетади.

Боши тирсиллаб ёрилиб кетай дейди, лекин у барибир «зув» деб кетаверади. Аммо чизиккача етказа олмайди. Оркага кайтиб, яна бошкадан бошлаш керак. Яна етказа олмайди. Ғолиб тантана килади. Нафасинг етмаяптими — опичиб обор! У зувловчига опичиб олади, униси бўлса буни эшакдай мингаштириб боради.

Қани, тезроқ, илдамроқ юр! – оёғи билан ниқтайди миниб олган.
 Болалар, қаранглар, бу менинг Гулсарим. Қара, у қандай йўрғалаб боряпти...

Гулсари бўлса девор ортида, отхонада турганди. Толиққанди.

Негадир бугун уни эгарлашмади ҳам. Эрталабдан бери ем-хашак ҳам беришмади, суғоришмади ҳам. Эсдан чиқариб юборишди шекилли. Отхона аллақачон бушаб қолди, араваларни олиб кетишди, отлиқлар тарқалиб кетишди, отхонада унинг биргина узи қолди.

Отбокарлар отхонани тозалаяпти. Болалар девор оркасида кий-чув кутаришяпти. Йилкиларнинг олдига, чулга борсанг хозир! Кенг ялангликлар кузига куриниб кетди, бепоён чулда йилкилар кандай дайдиб юрганлигини куз олдига келтирди. Кулранг ғозлар улар устидан учиб утишяпти, канотларини кокишяпти, уз оркаларидан эргашишга чорлашяпти...

Гулсари бир силкинди, арқонни узишга уриниб кўрди. Йўқ, кўшқават занжир билан уни маҳкам боғлаб қўйишибди. Эҳтимол, ўзиникилар эшитиб қолар? Гулсари деразага калласини чўзиб, оёқ остидаги таҳтани тепиб: «Қайдасизла-а-ар?..» дегандек бўғиқ овозда кишнаб юборди.

- Овозингни ўчир, шайтон, кунинг битди! сапчиб келиб унга белкуракни ўқталди отбоқар! Сўнг эшик орқасидаги аллакимга мурожаат қилиб қичқирди:
 - Олиб чикайми?
 - Олиб чиқ! жавоб беришди ҳовлидан.

Икки отбоқар йўрғани ховлига олиб чиқишади. Ух, мунча хам ёруғ! Хаво қандай яхши! Саман йўрғанинг нозик бурун парраклари кўкламнинг сархуш этувчи хавосидан титрай бошлади. Барглардан аччикрок бир ис тарқаляпти, нам тупрок иси келяпти. Танда кон қайнаяпти. Қани энди чопиб кетсанг-а хозир. Гулсари енгилгина сакради.

- Тек, тек! - бирданига бир неча овоз уни тўхтатиб қўйди.

Нега бугун унинг атрофида одамлар бунчалик кўп? Енглари қайирилган, кўллари бакувват, жундор. Кулранг халатли биттаси ок латтага қанақадир ялтирок темир буюмларни териб кўймокда. Улар куёш нури остида кўзларни қамаштирадиган даражада ялтирайди. Бошқалари аркон ушлаб туришибди. Ие, янги хўжайини хам шу ердаку! Кенг галифедаги семиз оёкларини кериб гердайиб турибди. Хамманики каби унинг хам қошлари уюлган, фақат енглари

шимарилмаган. Бир қўлини белига тираб олган. Иккинчиси билан кителидаги тугмаларини айлантириб ўйнамоқда. Кеча ундан яна ўша сассик хил анкиганли.

- Хўш, нега қараб турибсизлар, бошланглар! Бошласинларми, Жўракул Алданович! мурожаат қилади раисга Иброхим. У индамай бош силкийди.
- Қани бошланглар! Иброхим шошиб-пишиб, отхона дарвозасидаги михга тулки тери телпагини осади. Телпак гўнг устига думалаб тушиб кетади. Иброхим жирканиб уни қоқиб-силкиб, яна осиб қўяди. Сиз сал чеккароққа бориб турсангиз бўларди, Жўракул Алданович, дейди у. Тағин, ким билсин, туёғи тегиб кетиши ҳам мумкин. От аҳмоқ махлуқ, шикаст етказиши мумкин.

Бўйнидаги қил арқонни хис этгач, Гулсари бир сесканиб тушди. Тикандай арқон. Арқонни сирғалувчи сиртмоқ қилиб кўкраги устидан боғлашди, учини ташқарига, ёнбошига улоқтириб ташлашди. Нима керак уларга? Негадир арқонни орқа оёғига солиб, тўпиғидан ўтказишяпти, оёқларини тушовлашяпти. Гулсари асабийлаша бошлайди, пишқиради, кўзини ола-кула қилади. Нима қилганлари бу?

– Тезрок! – шоширди Иброхим ва кутилмаганда ингичка овоз билан чийиллаб юборди: – Йикит!

Икки жуфт бакувват жундор қўл арқонни зарб билан ўзлари томонга тортади. Гулсари илдизи қирқилган дарахтдай ерга гурсиллаб йиқилиб тушади. Қуёш гир айланиб кетади, зарбдан ер гумбурлайди. Бу нимаси? Нега у ёнбошлаб ётибди? Нега одамларнинг юзлари юқори томон ғалати чўзилиб кетган, нега дарахтлар баландга кўтарилган? Нега у ерда бундай ноқулай вазиятда ётибди? Йўк, бунақаси кетмайди.

Гулсари калласини кўтариб бир силкинди, бутун танаси билан кўзғалишга ҳаракат қилди. Арқонлар унинг оёқларини қорнига тортиб, терисига ботиб кетди. Саман йўрға ижирғаниб, боғланмаган битта орқа оёғини жон-жахди билан силтай бошлади. Арқон тортилди, чирсиллади.

Устига ташлан, бос, ушла! – типирчилаб қолди Иброхим.
 Хамма отга ташланди, тиззалари билан босишди.

– Бошини, бошини ерга босинглар! Боғла! Торт! Ҳа, шундай. Тезроқ бўлсанглар-чи! Мана бу еридан яна бир ўтказ. Торт, яна бир торт, тағин. Ҳа балли. Энди бу еридан илинтир, тугун қилиб боғла! – тинмай чийилларди Иброҳим.

Саман йўрғанинг оёқларини арқон билан тобора сиқишиб, то ҳаммаси қаттиқ бир тугун бўлиб йиғилмагунича тортаверишди.

Гулсари оёкларини чирмаб олган арқондан қутулиш учун ҳамон уриниб, бўйни ва калласига ўтириб олганларни итқитиб ташларди. Оғрикдан қаттиқ инграб юборди. Лекин одамлар уни тағин тиззалари билан боса бошладилар. Йўрғанинг терга ботган танаси чангак бўлиб, томирлари тортишиб, оёклари увушиб қолди. Шунда у таслим бўлди.

- Уфф, нихоят!
- Хўп кучи бор экан-да!
- Ҳатто трактордай кучи бўлганида ҳам энди у қимир эта олмайди!

Шунда йиқилган саман йўрға ёнига янги хўжайиннинг ўзи югуриб келиб, унинг бош томонида чўққайиб ўтириб олди, кечаги ароқнинг хиди гуп этиб анқиди ва гўё унинг олдида от эмас, балки одам — унинг ашаддий душмани ётгандай ошкора нафрат ва тантана билан тиржайди.

Терлаб-пишиб кетган Иброхим рўмолчаси билан артина-артина унинг ёнига ўтирди. Раис иккаласи ёнма-ён ўтиришиб, бундан кейин юз бериши лозим бўлган ходисани кутиб папирос чекишди.

Ховлининг оркасида эса болалар чиллак ўйнашарди:

Окбой, Кўкбой, Бузокларни ҳайдама. Ҳайдасанг-у етмасанг, Болаларга айтаман – зу-у-у-у...

Куёш ҳамон илгаригидай нур сочарди. Йўрға сўнгги марта поёнсиз даштни кўриб турганди, у ерларда йилқилар эркин ҳолда ҳандай дайдиб юрганлигини кўраётганди. Улар устидан кулранг ғозлар учиб ўтишяпти, ҳанотларни ҳоҳишяпти, ўз орҳаларидан эргашишга чорлашяпти... Гулсарининг тумшуғига эса пашшалар ёпишиб олган. Ҳайдай олмайди.

Бошлаймизми, Жўракул Алданович! – тағин сўради Иброхим.
 Униси индамай бош силкиди. Иброхим ўрнидан турди.

Хамма яна ҳаракатга келди, ёпирилиб, боғланган йўрғани тиззалари ва кўкраклари билан босишди. Унинг калласини ерга янада қаттикрок ниқташди.

Болалар девор устига чикиб чумчуклардай тизилиб олишди.

- Қаранглар, болалар, қаранглар, нима қилишяпти.
- Саман йўрғанинг туёқларини тозалашяпти.
- Жа биларкансан-да, туёқларинимиш! Хеч-да.
- Хей, нима бор сизларга бу ерда, қани, жўнаб қолинглар! уларга қўл силтади Иброхим. Боринглар, ўйнанглар. Тез.

Болалар девордан сирғалиб тушиб кетишди.

Атроф жимжит бўлиб қолди.

Гулсари туртки ва муздай бир нарсанинг тегишидан ғужанак бўлиб қолди. Янги хўжайини эса унинг олдида чўққайиб ўтирар, термилиб ниманидир кутар эди. Бирдан кучли оғриқдан йўрғанинг кўзларида ўт чақнаб кетди. Вох! Қизғиш аланга ялт этиб ёнди-ю, дарров ҳамма ёқни қоронғилик босди.

Хамма иш битганида ҳам Гулсари ҳамон боғлоғлиқ ётарди. Қон тингунча бўшатмаслик керак эди уни.

— Хўш, мана Жўракул Алданович, ҳаммаси жойида, — деди Иброҳим кўлларини ишқалаб. — Энди у ҳеч қаёққа чопиб кета олмайди. Чопиб бўпти энди. Танабойга эса парво қилманг. Туф денг. У ҳамма вақт шунақа бўлган. У ўз акасини ҳам сийламаган — қулоқ қилган, Сибирга юборган. У кимга яхшилик истайди дейсиз...

Иброхим хурсанд бўлиб михдан тулки тери телпагини олди, уни силкиб қоқди, силаб-сийпади ва терлаган бошига кийди.

Болалар эса хамон чиллак ўйнашарди:

Оқбой, Кўкбой...

..... зу-у-у-у.

– Ҳа-ҳа, ета олмадингми, қани энгаш. Чуҳ, Гулсари, олға! Ура-а-а, бу менинг Гулсарим! Серқуёш, ёруғ кун эди...

X

Тун. Ярим тун. Кекса одам билан қари от. Жарлик ёқасида гулхан ёнмоқда. Олов шамолда гоҳ пасаяди, гоҳ кучаяди...

Музлаган қаттиқ ер саман отнинг биқинини музлатади. Бўйнини чуяндай оғир нарса босиб тургандай, кишанланган оёқлар билан хаккалаб юрган пайтидагидай калласини гох юкорига кутариб, гох пастга тушуришдан чарчади. Гулсари ўша вактдагидай елиб-югуриб чопа олмайди. Занжир кишанларни узиб ташлай олмайди. Чопганида туёқларидан ўт чақнаши учун оёқларини эркин ташлашни истайди, кукрак қафасини тулдириб-тулдириб нафас олиш учун ер узра парвоз қилгиси келади, йилқиларни чорлаб овози борича кишнаш учун, биялар ва кулунлар у билан бирга бепоён явшонзор дашт бўйлаб чопиб юришлари учун яйловга тезрок елиб боргиси келади, лекин кишанлар йўл қўймайди. Занжирларнинг жаранг-журунги остида у қочоқ каторгачи сингари хаккалаб боради. Хамма ёқ хувиллаган, қопқоронғи, ўзи якка-ю ёлғиз. Шамол елиб турган осмонда милтиллаб ой кўринади. Саман от хаккалаб юриб калласини осмонга кўтарганида кўз олдида ой гавдаланади, калласини ерга осилтирганида у тошдек думалаб тушади.

Гох ёруғ, гох қоронғи, гох ёруғ, гох қоронғи... Қарайвериб кўзлар толикди.

Занжирлар жаранглайди, оёқлар қонга беланади. Сакрайди, тағин сакрайди, тағин. Ҳамма ёқ бўм-бўш, қоп-қоронғи. Кишанда узоқ юриш керак, кишанда юриш мунча ҳам қийин.

Жарлик ёқасида гулхан ёнмоқда. Совуқ, қаттиқ ер саман отнинг биқинини музлатади...

XI

Икки ҳафтадан кейин яйловга, яна тоғларга кўчиш керак эди. Бутун ёз бўйи, бутун куз ва қиш бўйи, келгуси баҳорга қадар шу ёкда бўлиш керак. Бир уйдан иккинчи уйга кўчиш нақадар мушкул! Шунча ашқол-дашқол қаёқдан йиғиларкин? Шунинг учун ҳам қирғизлар

қадимдан: камбағал бўлсанг, кўчиб кўр, дейишади.

Кўчишга ҳозирланиш керак, бир дунё ҳар хил ишларни қилиш — тегирмонга, бозорга, этикдўзга, интернатга ўғлининг олдига бориб келиш керак... Танабой бўлса бўккан нондай бўшашиб юрарди. Ўша кунлари у хотинига жуда ғалати кўринди. Гаплашишга ҳам улгурмайсан: эрта туриб йилқилар олдига кетиб қолади. Тушга томон қовоқларини осиб, асабийлашиб қайтиб келади. Бир нарсани кутгандай, доим қулоқлари динг.

- Сенга нима бўлди? деб суриштирарди Жайдар. У индамасди, бир куни эса очилиб гапирди:
 - Яқинда ёмон туш кўрдим.
 - Мендан қутулиш учун шуни ўйлаб топдингми?
 - Йўқ, чиндан ҳам. Миямдан кетмаяпти ўша туш.
- Шу кунга қолдикми? Овулдаги Худосизларнинг бошлиғи сен эмасмидинг? Кампирлар сени қарғашмасмиди? Қариб боряпсан, Танабой, ҳамма гап шунда, йилқиларнинг олдидан айланиб кетмайсан, яйловга кўчиш вақти жуда яқин қолганлиги парвойингга ҳам келмайди. Ахир менинг бир ўзим болаларни эплаштира оламанми? Лоақал Чорони кўриб келсанг бўларди. Обрўли одамлар кўчиш олдидан касалларни кўриб келишади.
 - Улгураман, қўл силтади Танабой, кейин.
- Кейин, қачон? Сен, нима, овулга боришга қўрқасанми? Эртага бирга борамиз. Болаларни оламиз-да, кетамиз. Мен овулга бориб келишим керак.

Ёш қушниларига йилқиларни топшириб, эртаси куни бутун оила отларга минишиб жунашди. Жайдар кичик қизи билан, Танабой каттаси билан. Болаларни эгарларнинг олдига утқизиб боришарди.

Овул кўчаларидан ўтишарди, йўлда учраганлар ва танишбилишлари билан саломлашишарди. Темирчилик устахонаси олдида эса Танабой бирдан отини тўхтатди.

- Тўхта, деди у хотинига. Эгардан тушди ва катта қизини хотини минган отнинг сағрисига мингазди.
 - Сенга нима бўлди? Қаёққа?
 - Мен ҳозир қайтаман, Жайдар. Сен кетавер, Чорога айт, мен

тезда етиб бораман, идорада шошилинч ишлар бор, тушликкача ёпилиб қолади. Устахонага ҳам лип этиб кириб чиқаман. Кўчиш олдидан тақаларни саранжомлаб қўйиш керак.

- Олдинма-кейин боришимиз яхши эмас-ку.
- Хечқиси йўқ, хечкиси йўқ. Сен кетавер. Мен хозир...

На идорага, на устахонага кирди Танабой. У тўппа-тўғри отхонага қараб йўл олди.

Отдан тушиб, ҳеч кимни чақирмай бир ўзи отхонага кирди. Кўзлари қоронғиликка кўниккунича томоғи қақраб кетди. Отхона бўм-бўш ва жимжит эди, ҳамма отлар миниб кетилган эди. У ёқ-бу ёққа қараб олгач, Танабой енгил нафас олди. Отбоқарлардан биронтасини кўриш учун ён эшикдан отхона ҳовлисига чиқди. Шунда у бу ерда сўнгги кунларгача кўришдан қўрқиб юрган нарсасини кўрди.

– Шундайдир деб ўйловдим, аблахлар! – деди у секин муштларини кисиб.

Докага ўралган думи арқон билан бўйнига боғлаб қўйилган Гулсари бостирма тагида турарди. Керилган орқа оёқлари орасида катталиги кўвачадай келадиган, яллиғланган таранг шиш қорайиб кўринарди. От охур устида калласини осилтириб қимир этмай турарди. Танабой лабларини тишлаб инграб юборди, йўрғанинг ёнига бормокчи бўлди-ю, лекин журъат эта олмади. Уни вахима босди. Бўмбўш отхона, хувиллаган ховли ва бичиб ташланган яккаю-ёлғиз йўрға отни кўриб вахимага тушди. У ортига қайрилди ва индамай нари кетди. Тузатиб бўлмайдиган иш содир бўлган эди.

Улар кечкурун ўз ўтовларига қайтиб келишганларида Танабой хотинига хасрат билан деди:

- Тушим ўнгидан келди.
- Нима бўлди?
- Мехмондорчиликда бу ҳақда гапириб ўтирмадим. Гулсари энди қочиб келмайди. Уни нима қилишганини биласанми? Бичишибди, падар лаънатлар!
- Биламан. Шунинг учун ҳам сени овулга судрадим. Буни билишдан қўрқувдингми сен? Нимасидан қўрқасан? Кичкина

эмассан-ку, ахир! Отларни ахир биринчи ва охирги марта бичишяптими? Азалдан шунақа бўлган, бундан кейин ҳам шундай бўлади. Бу ахир ҳар бир кишига маълум-ку.

Танабой бунга жавобан хеч нарса демади. Факат:

- Янги раисимиз назаримда ёмон одамга ўхшайди. Кўнглим сезиб турибди, – деб қўйди.
- Қуйсанг-чи бу гапларингни, Танабой, деди Жайдар. Сенинг йурға отингни бичган булишса, дарров раис ёмон булиб қолдими. Нега ундай дейсан? У янги одам булса. Хужалик катта, уни бошқариш кийин. Ана Чоро, энди колхозларнинг ахволини урганишади, ёрдам беришади, деб айтяпти-ку. Қанақадир режалар тузаётган эмишлар. Сен булсанг ҳамма нарса ҳақида элдан бурун ҳукм чиқарасан. Биз ахир куп нарсаларни билмаймиз-ку...

Кечки овкатдан сўнг Танабой уюрга жўнади ва то кун ярмига қадар у ерда қолиб кетди. У ўзини койирди, хамма нарсани унутишга ўзини мажбур этар, лекин кундузи отхонада кўргани миясидан кетмасди. У йилкиларни айланиб чул кезаркан уйларди: «Эхтимол, ростдан хам бир одам хакида бундай фикр юритиш керак эмасдир? Бу бемаънилик, албатта. Эхтимол, қариб бораётганлигимдан, йил – ўн йилқиларнинг кетидан юрганлигимдан, хеч нарсани кўрмайман, билмайман. Аммо қачонгача шунчалик оғир ҳаёт кечириш мумкин?.. Нуткларга қулоқ солсанг – гўё хамма нарса яхшиланиб кетаётгандай. Хўп, майли, мен янглишяпман, дейлик. Худоё мен янглишаётган бўлай. Лекин бошқалар ҳам эҳтимол шундай ўйлашаётгандир... Танабой чўлда айланиб юриб, бош қотирар, бирок ўзининг шубхаларига жавоб топа олмас эди. Шунда ўзларининг бир вақтлар қандай қилиб колхоз туза бошлаганликлари, халққа бахтли турмуш ваъда килганликлари, хамманинг кандай орзу-истаклари булганлиги эсига тушиб кетарди. Уша орзуларнинг руёбга чикиши учун қандай курашишди! Хамма нарсани ағдар-тунтар қилиб ташлашди, эскиликка зарба беришди. Дастлабки пайтлар турмуш ёмон эмасди. Агар манави лаънати уруш бўлмаганида яна хам яхширок яшашган бўлишарди. Энди-чи? Урушдан кейин неча йил ўтиб кетди-ю, хамон хўжаликни эски ўтовдай ямаб-ясқаб ётибмиз.

Бир жойини ямасанг, бошка жойидан йиртиги куриниб колади. Нима учун? Нима учун колхоз ўша пайтдагидай ўзингники эмас, гўё бегона - ётдай? Ўша даврда йиғилиш нима қарор қилса қонун бўларди. Конунни ўзлари қабул қилишганларини ва уни бажариш кераклигини билишарди. Энди эса йиғилиш қуруқ гапдан иборат булиб қолди. Сен билан хеч кимнинг иши йўк. Колхозни гўё колхозчиларнинг ўзлари эмас, кимдир ташқаридан бошқараётгандай. Гўё нима қилиш, қандай ишлаш, хўжаликни қандай олиб бориш кераклиги сиртдан яхширок куринадигандай. Хужаликни гох ундай, гох бундай айлантириб кўришади, лекин хеч қандай натижа йўк. Одамлар билан учрашгани хам қўрқасан: «Қани, айтчи, сен партия аъзосисан, колхоз туза бошлаганимизда хаммадан кўп сен томоғингни киргансан, нарсалар қандай юз бераётганлигини бизга тушунтириб бер-чи?» деб сўраб колишлари мумкин. Нима дейсан уларга? Лоакал бир жойга йиғилишиб, нималар бўлаётганлигини сўзлаб беришса хам майли эди. Кимнинг кўнглида нималар борлигини, қанақа фикрлар, қанақа ташвишлар борлигини сўрашса эди. Тумандан келаётган вакиллар хам негадир аввалгиларига ўхшамайди. Илгари вакил аралашарди, хаммага якин эди. Энди эса келди дегунча идорада раисга бақириб-чақиради, қишлоқ кенгаши билан гаплашмайди ҳам. Партия йиғилишида сўзга чиқса, кўпроқ халқаро ахвол хакида гапиради, колхоздаги ахвол эса гўё унчалик мухим эмасдай. Ишланглар, планни бажаринглар, вассалом...

Танабой яқинда бу ерга бир одам келганлиги, тил ҳақидаги қандайдир таълимот тўғрисида тинмай гапирганлигини эслади. Танабой колхознинг туриш-турмуши ҳақида гап очмоқчи бўлувди, кўзи ола-кула бўлиб кетди, сизнинг фикрларингиз шубҳали, деди. Фикрларини маъқул топмади. Нима бўляпти-я ўзи?

«Мана, Чоро тузалиб кетади-ю, ҳали, – деди ўзига Танабой, – кўнглидаги бор гапни тўкиб солишга уни мажбур қиламан. Ўзим ҳам очиқ гапираман. Мен янглишаётган бўлсам, айтсин, агар янглишмаётган бўлсам-чи?.. Унда нима бўлади? Йўк, йўк, ундай бўлиши керак эмас. Мен янглишяпман, албатта, кимман мен? Оддий йилқибоқарман, чўпонман. У ёқдагилар эса доно одамлар...»

Танабой ўтовига қайтиб келди ва узоқ вақтгача ухлай олмай ётди. Хамон бош қотирарди: ишкал нимада экан? Ўз саволига яна жавоб топа олмасди.

Чоро билан эса шу-шу суҳбатлаша олмади. Кўчиш олдидан ишлар билан ўралашиб қолди.

— Кўчманчилар яна бутун ёзга, бутун кузу қишга — келгуси кўкламга қадар тоғларга кўчиб кетишди. Яна қорамоллар подаси, йилқилар уюри, қўй-кўтонлари дарё ёқалаб, сувли ўтлоқлар бўйлаб юриб кетишди. Кўч-кўрон ортилган карвонлар. Хилма-хил овозлар ҳавода муаллақ туриб қолган, аёлларнинг ранг-баранг рўмол ва кўйлаклари кўзга чалинади, қизлар айрилиқ-ҳижрон қўшиғини куйлайдилар.

Танабой ўз йилкиларини улкан ўтлокдан, овул якинидаги дўнгликлардан ҳайдаб борарди. У йўрға отида келиб кетадиган ўша уй, ўша ҳовли ҳамон овулнинг бир чеккасида шундоғлигича турарди. Юраги орзикиб кетди. Энди ўша жувондан ҳам, саман йўрға Гулсаридан ҳам жудо бўлган эди. Ҳаммаси орқада қолиб кетди, кўкламдаги кулранг ғозлар галаси сингари шовкин солиб ўтиб кетди у даврлар...

...Анчадан буён она туя елиб-югуради, бўталоғини излайди, чорлайди. Қайдасан қора кўзли бўталок? Жавоб бер! Тирсиллаган елинимдан оёкларимга тизиллаб сут окмокда. Қайдасан? Жавоб қайтар. Унинг елинидан, тирсиллаган елинидан тизиллаб сут окмокда. Оппок сут...

XII

Ўша йилнинг кузида Танабой Бакасовнинг такдири бирданига ўзгариб кетди.

У довоннинг нариги томонидан қайтиб келиб, йилқилар тоғ оралиғидаги қишловга жўнаб кетиш учун ёнбағирдаги кузги яйловларга қўнди.

Худди шу кунлари колхоздан чопар келди.

– Чоро юборди мени, – деди у Танабойга. – Эртага овулга келсин,

деб айтди, у ердан туманга кенгашга бораркансизлар.

Эртасига Танабой колхоз идорасига келди. Чоро шу ерда, парторг хонасида эди. Гарчанд лабларининг гезаргани ва ўзининг озғинлигидан ҳали касаллик ундан аримаганлиги билиниб турса ҳам, у кўкламдагидан анча соғлом кўринарди. У ўзини тетик тутар, ишга боши билан шўнғиб кетган эди, халқ атрофини ўраб олганди. Танабой дўстини кўриб кувониб кетди. Демак, соғайиб кетибди, яна ишга тушибди.

Улар иккаласи ёлғиз қолишганда Чоро Танабойга қаради. Қотиб кетган озғин юзини кафти билан ишқаб:

- Сен, Танабой, қаримаяпсан, хамон аввалгидайсан? Қачондан бери кўришмадик, кўкламдан берими? Кимиз ва тоғ ҳавоси зўр нарсада... Мен бўлсам, мана, оз-оздан сўлиб боряпман. Пайти келганга ўхшайди... – Чоро бир оз жимиб, иш хакида сўз бошлади: – Гап бундай, Танабой. Биламан, безбетга қошиқ берсанг, у бир марта ўрнига беш марта ош олади, дейсан. Тағин сенинг айтганинг келяпти. Эртага чорвадорлар кенгашига борамиз. Чорвачиликнинг ахволи қўйчиликнинг, айникса бизнинг айникса қуйчиликнинг ахволи чатоқ. Иш пачава. Райком: коммунист ва комсомоллар қолоқ участкаларга, отарларга деган чақириқ билан мурожаат қилди. Ёрдам бер! Хув ўша пайтда йилқилар масаласида ёрдам бергандинг, рахмат, энди яна кўмаклашиб юбор. Отарларни ол: чўпонликка ўт.
- Жуда ҳам шошқалоқсан-да, Чоро. Танабой жимиб қолди. Отларга ўрганиб қолдим, ўйлади у. Қўйларнп боқиш зерикарли иш! Окибати қандай бўларкин?
- Сени зўрламайман, Танабой, деди тағин Чоро. Лекин илож қанча партиявий топшириқ. Аччиғинг келмасин. Бир вақти келиб дўстларча эсимга соларсан, ҳаммасига бирдан жавоб бераман!..
- Ҳа, вақти келганда эсингга солиб қўяман, ўзинг ҳам хурсанд бўлмайсан! деди кулиб Танабой, Чорога ҳаммасини эслатишга тўғри келадиган вақт унча узоқ эмаслигини сезмай. Отар масаласида эса ўйлаб кўриш керак, хотиним билан гаплашиб кўрай.
 - Хўп майли, ўйлаб кўр. Аммо эрталабгача хал қил, эртага кенгаш

олдида хисоб бериш керак. Жайдар билан кейин маслахатлашасан, хаммасини тушунтирасан унга. Менинг ўзим хам бир пайти келиб колганида унга учрашаман, сўзлаб бераман. У аклли аёл, тушунади. У ёнингда бўлмаганида эди, аллакачон бирон ерда бўйнинг узиларди, – ҳазиллашди Чоро. – Жайдарнинг аҳволи қалай? Болалар-чи?

Улар оила ҳақида, касаллик ҳақида, у ёқ-бу ёқдан гаплашиб ўтиришди. Танабой Чоро билан муҳим бир гапни бошламоқчи бўлиб турувди, тоғлардан чақирилган молбоқарлар кириб келиб қолишди. Чоронинг ўзи ҳам соатига қараб шошиб қолди.

- Демак, шундай. Отингни отхонага топшир. Эрталаб машинада хаммамиз бирга кетишга қарор қилдик. Биз ахир машина олдик-ку. Иккинчисини ҳам яқинда оламиз. Ишимиз юришиб кетади! Мен эса ҳозир жўнайман, соат еттида райкомга етиб боришга буйруқ берилган. Раис ҳозир у ерда. Йўрғада кечга қадар етиб оларман деб ўйлайман, у машинадан ёмон юрмайди.
- Ия, Гулсарини сен миниб юрибсанми? ҳайрон бўлди Танабой.– Сийлабди-да, раис...
- Нима десам экан. Сийладими, сийламадими, ҳар ҳолда уни менга берди. Биласанми нима бўлганини? кулиб кўлларини кериб кўйди Чоро. Гулсари нима учундир раисни ёмон кўриб қолди. Сира акл бовар қилмайди. Уни ўзига якин келтирмайди. Ундай ҳам, бундай ҳам килиб кўрди. Ҳеч эплаб бўлмади. Уриб ўлдирсанг ҳам йўлатмайди. Мен минсам яхши юради, уни яхши ўргатибсан минишга. Биласанми, айрим пайтларда юрагимнинг оғриғи тутиб қолади, йўрға отга ўтириб бир айланиб келсам, оғриқ бир пасда ўтади-кетади. Биргина шу учун умр бўйи парторг бўлиб ишлашга тайёрман, у мени даволаяпти! кулди Чоро.

Танабой кулмасди.

- Мен хам уни севмайман, деди у.
- Кимни? сўради Чоро кулгидан ёшланган кўзларини арта туриб.
 - Раисни.

Чоро жиддийлашди.

– Нима учун яхши кўрмайсан?

- Билмайман. Назаримда, у пўк одам, пўк ва жохил одам.
- Сенинг кўнглингни топиш қийин ўзи. Мени умр бўйи бўшанглигим учун койиб келдинг, энди буни ҳам яхша кўрмас экансан... Билмадим. Мен ишга яқинда чиқдим. Ҳали тушуниб-билиб олганимча йўқ.

Улар жимиб қолишди. Танабой Чорога кишан ҳақидаги, бичиш ҳақидаги гапни гапириб бермоқчи эди-ю, лекин энди бу гап унга ўринсиз бўлиб кўринди. Гап узилиб қолмаслиги учун Танабой ўзини хурсанд қилган яигилик ҳақида гап очди:

— Машинани беришганлиги жуда яхши бўлибди-да. Демак, энди колхозларга хам машина кела бошларкан-да. Келади, келади. Вақти келди, эсингдами, урушдан аввал биз биринчи полуторкани олгандик. Митинг бўлиб ўтганди. Бўлмасам-чи, колхознинг ўз машинаси-я, сен кузовда туриб нутқ хам сўзлагандинг: «Мана, ўртоклар, социализм самараси!» Кейинчалик эса уни хам фронтга олиб кетишди...

Ха, шундай замонлар бўлганди... Қуёшнинг чиқишидай ажойиб замон. Автомашина ҳам гапми! Чу канали қурилишидан қайтишганларида, ўзлари билан дастлабки патефонларни олиб келишганларида овул янги қўшиққа қандай қизиққан эди! Ёзнинг охирлари, оқшомлари патефони бор одамларникида тўпланишар, уларни кўчага олиб чиқишар, сўнг ҳаммалари қизил дуррали зарбдор қиз ҳақидаги пластинкани қайта-қайта эшитишгани-эшитишган эди. «Эй қизил дуррали тўлин ой, қайнатиб берсанг-чи менга чой!..» Бу ҳам улар учун социализм самараси эди...

Бизнинг ўзимиз-чи, эсингдами Чоро, митингдан полуторкага роса тикилишгандик – машина лик тўлган эди! – эсларди рухланиб Танабой. – Мен байрамдагидек, кабина ёнида қизил байрокча кўтариб турардим. Биз шунчаки, бекордан-бекорга станция томонга қараб кетдик, у ердан эса темир йўл ёқалаб бошқа станцияга, Козоғистонга бордик. Паркда пиво ичдик. У ёкқа боришда ҳам, бу ёққа қайтишда ҳам бутун йўл бўйи ҳаммамиз қўшиқ айтгандик. У йигитлардан хозир оз колди – хаммаси урушда халок бўлишди. Ха... Тунда хам, биласанми, бу қизил байрокчани қўлимдан туширмагандим, тунда уни ким кўрарди дейсан? Мен бўлсам қўлимдан туширмай ҳамон ушлаб борардим... Бу менинг байроқчам эди. Тинмай ашула айтардим, ҳатто ҳириллаб қолгандим, эсимда... Нега ҳозир ашула айтмаймиз-а, Чоро?

- Қариб боряпмиз, Танабой, энди негадир ярашмайди ҳам...
- Йўқ, мен буни айтганим йўқ биз айтадиган қўшиғимизни айтиб бўлдик. Хўш, ёшлар-чи? Мана мен интернатда ўғлимнинг олдига бориб тураман. Қандай таълим оларкин у ерда? Ҳозирданоқ бошлиққа хушомадгўйлик қилишни билади. Сен, ада, дейди, мактаб директорига дам-бадам қимиз олиб келиб тур.. Хўш, нега? Ўқиши ёмон эмас... Қандай қўшиқ айтишларини тинглаб кўрсанг эди. Болалигимда Александровкада Ефремовникида батраклик қилгандим, бир куни у диний байрамда мени черковга олиб борганди. Бизнинг болаларимиз ҳам қўлларини ёнларига тушириб олиб, юзлари тошдек қотган ҳолда, саҳнада рус черковидагидай ашула айтишади.. Бир хил ашула айтишади... Менга ёқмайди бу. Умуман, энди мен кўп нарсага тушунмай қолдим, сўзлашиб олсак бўларди... Ҳаётдан ортда қолиб кетдим, ҳамма нарсани ҳам тушунавермайман,
- Майли, Танабой. Бошқа вақтда гаплашиб олармиз, фурсат топармиз. Чоро қоғозларини йиғиштириб, дала сумкасига сола бошлади. Лекин сен кўп куйинаверма. Мен, масалан, аминман, жуда аминманки, қанчалик қийин бўлмасин, барибир қаддимизни ростлаб оламиз, орзу қилганимиздай яшай бошлаймиз... деди у кета туриб. Остонада қайрилди-да, деди: Менга қара, Танабой, бир куни мен кўчадан ўтиб бораётгандим, сенинг уйинг жуда хувиллаб қолибди. Қаровсиз қолдирибсан уни. Сен доим тоғдасан, уйинг бўлса хўжасиз. Жайдар уруш йиллари якка-ёлғиз бўлса ҳам уни ҳозиргидан яхшироқ сақлаганди. Бир бориб кўр. Нима керак бўлса айтарсан, баҳорда ёрдамлашиб, шикастини тузатиб берармиз. Ёзда каникулга келган бизнинг Шомансур ҳам ғайратига чидамай ўроқни олди, Танаканинг ҳовлисидаги явшонларни ўриб ташлай, деди. Сувоқлари кўчиб, ойналари синган, чумчуқлар хоналарда худди хирмондагидай учиб-кўниб юрибди, дейди.
- Уй тўғрисидаги гапинг тўғри. Шомансурга ҳам раҳмат. Унинг ўҳишлари ҳалай?

– Иккинчи курсда энди. Ўқиши, менимча, яхши. Мана сен ёшларни гапирдинг, мен эса ўғлимга қараб, ҳозирги ёшлар ёмон эмас, деган фикрга келдим. Унинг сўзларидан билдимки, институтдагилар қобил болалар экан. Кейин маълум бўлар, ёшлар билимдон, ўзлари ҳақида ўйлаб кўришар.

Чоро отхонага кетди, Танабой эса ўз уйини кўргани жўнади. Ховлининг хамма ерини айланиб чикди. Ёзда Чоронинг студент ўғли ўриб ташлаган курук, чангли бурган оёғи остида шитирларди. Уйи эгасиз, каровсиз колганлигидан уялиб кетди. Бошка чорвадорларнинг уйларида қариндош-уруғлари қолар ёки кимдир қараб турар эди. Унинг бўлса икки қадрдон опа-синглиси бошқа овулларда яшашар, акаси Қулибой билан муносабатлари ёмон эди. Жайдарнинг эса умуман яқин қариндошлари йўк. Мана шундай қилиб, уй қаровсиз қолиб кетди. Тағин узоқ яйловда чўпон бўлиб ишлашга тўғри келяпти. Танабой ҳали иккиланаётган бўлса ҳам, Чоро барибир уни кўндиришини, унинг сўзини қайтара олмаслигини, ҳар доимгидай рози бўлишини биларди.

Эрталаб машинада овулдан чиқишди ва туман марказига жўнаб кетишди. Янги уч тонналик ГАЗ ҳаммага ёкди. «Худди подшолардай кетяпмиз-а!» — ҳазиллашишарди молбоқарлар. Танабой ҳам ҳурсанд эди — у кўпдан буён, урушдан бери машинада юрмаганди. Ўшанда Американинг «студебеккер»ларида Словакия ва Австрия йўлларида кезиб чиққанди. Юк машиналари кучли, уч ўқли эди. «Бизга шундайлари керак эди-да, — ўйлаганди ўшанда Танабой. — Айниқса, тоғ этакларидан ғаллаларни ташиб олишга жуда боп экан. Бундайлар ҳеч қаерда тиқилиб қолмайди. Уруш тугагандан кейин бизда ҳам шунақа машиналар бўлишига ишонганди. Ғалабадан кейин ҳаммаси бўлади!..

Очик кузов устида шамолда гап-сўз ковушмасди. Танабой ёшларга гап котмагунча ҳамма жим борарди:

- Қушиқ айтинглар, болалар. Биз кексаларга қараб утирманглар.
 Куйланглар, куйлаш сиздан, тинглаш биздан.

Ёшлар қўшиқ бошлаб юборишди. Бошда ашула қовушмай турди, кейин эса жонланиб кетди. Йўл юриш завклирок бўлди.

«Мана бу яхши иш бўлди, — ўйларди Танабой. — Шундай бўлгани яхши. Энг мухими, бизни нихоят тўплашиб, яхши иш килишяпти. Эхтимол, ахвол кандай эканлиги, колхозни нима килиш кераклиги хакида сўзлашишар. Бизга караганда бошликларга аёнрок-ку. Биз факат ўзимизни биламиз, бошка кўп нарсани билмаймиз. Маслахатлар беришар, йўл-йўриклар кўрсатишар, карабсизки, биз хам ишни янгичасига бошлаб юборибмиз»...

Туман маркази шовқин-суронли ва гавжум эди. Машиналар, аравалар, жуда кўп отликлар клуб олдидаги бутун майдонни тўлдиришганди. Кабобчилар, чойхоначилар ҳам шу ерда ҳозиру нозир эдилар. Тутатишиб, ис тарқатишиб «кеп қолинг, еб қолинг» деб келганларни чақиришарди.

Чоро кутиб турганди.

- Тезроқ тушинглар, юринглар. Жой ишғол қилинглар. Ҳа демай мажлис бошланиб қолади. Танабой, сен қаёққа?
- Ҳозир, деди Танабой бир тўда миниладиган отлар орасидан ўтиб кетар экан. У машинадаёқ ўзининг Гулсарисини пайқаган, энди унга томон кетаётганди. Кўкламдан бери уни кўрмаганди.

Эгарлоғлиқ саман йўрға ўзининг сариқ гулдек ранги кенг, пишиқ сағриси ва қоп қора кўзли, дўнг пешонали этсиз боши билан бошқа отлардан ажралиб турарди.

– Салом, Гулсари, салом! – пичирлади Танабой унга томон туртиниб-суртиниб бораркан. – Хўш, ахволинг қалай?

Йўрға от кўз соққасини қийшайтириб қараб, қари хўжайинини таниди, депсиниб, пишқириб юборди.

— Кўринишинг ёмон эмас, Гулсари. Қара, кўкрагинг кенгайиб тўлишиб кетибди. Кўп чопадиганга ўхшайсан. Ўшанда сен кийналдинг-а, биламан... Ҳа, майли, яна яхши одамнинг кўлига тушибсан. Тинч юрсанг, ҳаммаси жойида бўлади, — дерди Танабой хуржундаги сули қолдикларини пайпаслаб кўриб. Демак, Чоро уни бу ерда оч қолдирмаётган экан. — Хўп, сен туратур, мен борай.

Клубга кираверишда деворда «Коммунистлар – олға!», «Комсомол – совет ёшларининг авангарди!» деб ёзилган алвонлар товланиб турарди.

Одамлар тўда-тўда бўлиб, келиб фойе ва томоша залларига тарқалиб кетарди. Эшик олдида Танабойни Чоро ва колхоз раиси Алданов кутиб олишди.

- Танабой, бир чеккага чиқайлик, деди Алданов. Мана ён дафтаринг. Сен сўзга чиқишинг керак. Биз сени белгилаб қўйдик. Сен партия аъзосисан, энг яхши йилқибоқаримизсан.
 - Нима хакда гапиришим керак?
- Сен коммунист сифатида қолоқ участкага боришга қарор қилганлигингни айт. Совлиқ қўйлар сурувига чўпон бўлмоқчилигингни гапир.
 - Шугина холосми?
- Нега шугина! Ўз мажбуриятларингни айтасан. Ҳар юз совликдан юз ўнтадан қўзи олиш ва саклаб қолишга, ҳар бош қўйдан уч килограммдан жун қирқиб олишга партия ва халқ олдида мажбурият оламан, дейсан.
 - Қуйларни курмаган булсам мен қандай гапираман?
 - Тағин гапиради-я! Отарни оласан.

Чоро гапни юмшатди:

- Ўзингга маъкул келган совликларни танлаб оласан. Хавотирланма. Тағин иккита ёш комсомол чўпонларни оталикка оламан, деб ҳам айт.
 - Кимларни?

Одамлар туртиниб-суртиниб ўтишарди. Чоро рўйхатни кўздан кечирарди.

- Бўлатбеков Эшим ва Зорлиқов Бектойни.
- Мен ахир ҳали улар билан гаплашмадим-ку, улар бунга нима дейишаркин.
- Тағин ўз билганингдан қолмайсан-а! жаҳли чиқди раиснинг. Ғалати одамсан. Улар билан гаплашишинг шартми? Барибир эмасми? Улар ҳеч қаёққа қочиб кетишмайди, биз уларни сенга бириктириб қуйганмиз, масала ҳал булган.
- Масала ҳал бўлса, мен билан гаплашиб ўтиришнинг нима ҳожати бор? Танабой нари кетди.
 - Шошма, уни тўхтатди Чоро. Хаммасини эслаб қолдингми?

 Эслаб қолдим, эслаб қолдим, – энсаси қотиб йўлида гап отди Танабой

XIII

Кенгаш кечга яқин тугади. Туман маркази хувиллаб қолди. Одамлар ҳар тарафга: фермаларга, тоғларга — қўй сурувлари ва қорамол подалари олдига, овул ва қишлоқларга тарқалиб кетишди.

Танабой ҳам бошқалар билан бирга Александровкадаги қирдан ошиб, ясси текислик орқали юк машинасида жўнаб кетди. Қоронғи тушиб қолган, шамол баданни жунжиктирарди. Куз. Танабой кузовнинг бурчагига ўтириб олди, ёқасини кўтариб ўз фикрлари билан банд бўлди. Мана, кенгаш ҳам тугади. Унинг ўзи бирон бамаъни гапни айта олмади-ю, аммо бошқаларнинг гапини тинглаганди. Демак, ҳамма ишлар юришиб кетиши учун ҳали кўп меҳнат қилиш керак экан-да. Тўғри гап айтди, ахир анави кўзойнакли обком секретари: «Ҳеч ким бизга йўлни тап-тайёр қилиб қўйган эмас, ўзимиз уни очишимиз керак», деди.

Ўйлаб кўринг-а, ўттизинчи йиллардан бери — гох юксалиш, гох пасайиш, гох кўтарилиш, гох ортга қайтиш... Демак, колхоз иши жўя иш эмас экан. Мана, ўзининг хам ярим сочи оқарган, бутун ёшлиги ўтиб кетди, нималарни кўрмади, нималарни қилмади, неча бор тентаклик хам қилди, бахтли кун ана келади, мана келади, деб кутиб юраверасан, лекин колхознинг машаққатидан барибир қутулмайсан...

Ха, майли ишлаш керакми — демак, ишлаш керак. Тўғри айтди секретар — ҳаёт бир маҳаллар урушдан кейин одамлар ўйлаганидек, ҳеч қачон ўз-ўзидан юришиб кетмайди. Ўзинг тирик экансан, уни доим елканг билан ташиб юришинг керак... Фақат у ҳар гал ўткир қирралари билан ўгирилиб қолади, елкаларимизнинг ҳамма ери яғир бўлиб кетди. Қилаётган ишингдан, бошқаларнинг ишидан кўнглинг тўлса, бу ишлар бахт келтирса бу ҳам майли эди-я... Энди ишлари қандай бўларкин? Жайдар нима деркин? Қизларига лоақал конфет олиш учун магазинга бир кириб чиқишга ҳам улгурмади. Ҳар юзтасидан бир юз ўнта қўзи, ҳар бошдан уч килограммдан жун олиш

айтишга осон. Хар бир қўзи туғилиши, унинг устига яна тирик қолиши ҳам керак. Ёмғир, шамол, совуқ эса унга қарши туради.

Жун-чи? Жун толасини олиб кўр, кўзинг илғамайди, пуфласанг йўқ бўлиб кетади қўяди. Килограммларни қаёқдан оласан? Уҳ, олтинга баравар-а бу килограммлар. Лекин баъзилар буларнинг ҳаммаси қандай олинишини тасаввур ҳам қила олмаса керак...

Ҳа, Чоро уни йўлдан урди, адаштирди... «Сўзга чиқ, дейди, лекин киска кил, ўз мажбуриятларинг ҳақида сўзла. Бошқа ҳеч нарса гапирма. Маслаҳатим шу». Танабой кўна қолди. Минбарга чиқди-ю, юраги пўкиллади, шундай қилиб юрагида қайнаб тошиб юрган гапларни айта олмади ҳам. Мажбуриятлари ҳақида минғирлаб гапирди-да, тушиб кетди. Эсласанг уяласан. Чоро бўлса мамнун. Нега у бунчалик эҳтиёткор бўлиб қолди? Кексалигиданмикин ёки энди колхозга бош бўлмаганиданмикин? Танабойни эҳтиёт бўлишга чақиришнинг нима кераги бор экан? Йўк, у айниган, негадир ўзгарган! Эҳтимол, умр бўйи раис бўлиб колхозни судраганидан, бошлиқлар умр бўйи уни сўкканларидандир. Эпчиллик, усталик килишга ўрганиб қолганга ўхшайди...

«Хап саними, тўхтаб тур, дўстим, бир кунмас бир кун юзма-юз келганда эслатиб қўяман мен сенга...» — ўйларди Танабой пўстинига яхшироқ ўралар экан. Совук шамол уриб турибди, уйгача ҳали узоқ. У ёкда нималар кутаётганикин уни?..

* * *

Чоро йўрға отда ёлғиз жўнади. Ҳамроҳларини кутиб ўтирмади. Уйга тезроқ етиб олгиси келар, юраги оғрий бошлаганди. Отни ўз ҳолига кўйиб берди, у кун бўйи дам олганидан энди бир текис елиб борарди. Юргизилган машина сингари бир маромда туёқларини тақиллатиб кетаётганди. Аввалги ҳамма нарсасидан унда фақат чопиш иштиёқигина қолганди. Бошқа ҳамма нарса унда аллақачон ўлган эди. У фақат эгару йўлнигина билсин учун қолган ҳамма фазилатларини йўқотишганди. Гулсари чопиш билан тирик эди. Гўё одамлар тортиб олган нарсаларга етиб олмоқчидай, виждонан,

хормай-толмай чопарди. Чопарди-ю, лекин етиб ололмасди.

Шамолда Чоро бир оз енгил тортди. Юрагидаги оғриқ ўтиб кетди. У кенгашдан умуман мамнун эди, айникса, обком секретарининг чикиши жуда ёкди, у хакда кўп эшитган бўлса хам биринчи марта кўриши эди. Шундай бўлса хам парторг ўзини нокулай сезарди. Кўнгли ғаш эди. Ахир у Танабойга яхшилик қилмоқчи эди. Ахир у бундай кенгашлар, мажлислар ва йигилишларда қатнашавериб пихи қайрилган қаерда нима гапириш керагу, нима керак эмаслигини биларди. Тажрибаси бор эди. Танабой эса гарчанд кулок солган булса хам, буни тушунишни хохламади. Кенгашдан сўнг унга бир оғиз хам сўз айтмади. Машинага ўтирди-ю, тескари ўгирилиб олди. Хафа бўлибди. Эх, Танабой, Танабой! Соддасан, хаёт сени хеч нарсага ўргатмабди. Сен хеч нарсани билмайсан хам, пайқамайсан хам. Ёшлигингда қандай бўлсанг, шундайлигингча қолибсан. Хамма нарсани шартта-шартта қилсанг. Замон хозир бошкача. хаммасидан мухими, кандай гапиришни, кимнинг олдида нима гапиришни билиш, сўзинг барча одамларники сингари замон рухида жаранглаши, ажралиб турмаслиги, ёзилгандай силлик булиши керак. Шунда ҳамма нарса жойида бўлади. Сени, Танабой, кўнглингнинг кўчасига қўйиб юборсанг борми, хамма нарсани ағдар-тўнтар қилиб ташлайсан, яна жавоб беришга ҳам тўғри келади. «Ўз ташкилотингиз аъзоларини сиз кандай тарбияламокдасиз? Бу канака тартиб-интизом? Бу қанақа бошбошдоқлик?» Эх, Танабой, Танабой...

XIV

Хамон ўша тун, улар иккиси йўлда. Қари одам ва қари от. Жарлик ёкасида гулхан ёнмокда. Танабой ўрнидан туради, жон бераётган Гулсари устига ёпган пўстинини нечанчи бор тўгрилаб кўяди. Яна унинг бош томонига ўтиради. У хаёлан бутун умрини бирма-бир назардан ўтказади. Саман отнинг чопишидек тез ўтган йиллар, йиллар, йиллар. Ўшанда у кўйларга чўпон бўлиб борган ўша йили, ўша кеч кузда, ўша эрта қишда нима бўлганди?...

XV

Бутун октябрь ойи тоғларда қурғоқчилик бўлиб, ҳамма ёқ олтин тусга кирган эди. Бошда фақат икки кунгина ёмғир ёғиб, ҳаво совуди, туман тушди. Аммо кейин бир кечада булутлар тарқалиб кетди, эрталаб Танабой ўтовидан чиқувди, орқасига тисарилиб кетишига сал қолди— тоғлар чўққиларидаги янги қорлари билан у томон босиб келаётгандай эди. Уларга қор қандай ёғибди! Гўё Тангри ҳозиргина яратгандай, улар фалакда мусаффолигича, сояда ҳам, ёруғликда ҳам яққол кўзга ташланиб турарди. Қор ёғган жойдан кўм-кўк, бепоён бўшлиқ бошланарди. Унинг тубида олис-олислардан коинотнинг хаёлий зумрад уфки кўриниб турарди. Нур ва соф ҳавонинг мўл-кўллигидан Танабой жунжикиб кетди ва юраги ҳасратга тўлди. У яна Гулсари билан бирга борган ҳув ўша жувонни эслади. Йўрға кўл остида бўлса эди, минарди-да, завқ-шавки ва шодлигидан қийқириб, мана бу эрталабки оппоқ қор каби унинг ҳузурига кириб борарди...

Аммо у бу фақат орзугина эканлигини биларди... Нимаям киларди, умрнинг ярми орзу-хаёл билан ўтади. Шунинг учун ҳам, эҳтимол, ҳаёт шунчалик лаззатли, орзу қилганларининг ҳаммаҳаммаси ҳам рўёбга чиқавермаганлиги учун ҳам, эҳтимол, азиздир бу ҳаёт. У тоғлар ва осмонга тикилиб туриб, ҳамма одамларнинг бир хил даражада баҳтли бўла олишига шубҳаланарди. Ҳар кимнинг ўз тақдири — қисмати бор. Унда, бир тоғда бир пайтнинг ўзида ҳам ёруғлик, ҳам қоронғилик бўлганидек, ўз қуванчлари, ўз ғамуғуссалари бўлади. Ҳаёт шулар билан тўла-тўкис... У жувон, эҳтимол, энди кутмаётгандир ҳам. Тоғлардаги янги қорни кўриб эслаган бўлмаса агар...

Одам қариб бораверади, кўнгил эса таслим бўлишни хоҳламайди, аҳён-аҳёнда бир ижирғаниб, ўзини эслатиб қўяди.

Танабой отни эгарлади, қуйлар қурасини очди, утовнинг ичига қараб хотинига қичқирди:

– Жайдар, мен қуйларни бир айлантириб келай, сен ишларингни қилиб булгунингча қайтиб келаман.

Қуйлар майда қадам ташлаб тез-тез юриб кетишди, қуйлар елка, бошларини қимирлатиб тепаликка қараб кутарилиб борарди, қушни чупонлар ҳам қуйларини ҳайдаб чиқа бошлашганди. У ер-бу ерда тоғ ёнбағри, пастликлар, жарликларда қуй сурувлари ер-заминнинг азалий тортиғи — ут-уланларни тера бошлади. Кузги тоғларнинг сарғиш, қунғир ут-уланлари орасида кулранг оқиш қуйлар туда-туда булиб дайдиб юришарди.

Хозирча ишлар жойида эди. Танабойга ёмон отар тегмади — улар икки ва уч марта қўзилаган совлиқлар эди. Ярим минг бош. Ярим минг ташвиш. Қўзилагандан кейин эса улар икки баравардан зиёдроқ кўпаяди. Лекин қўзилатишга, чўпонларнинг машаққатли меҳнати бошланишига ҳали узоқ эди.

Йилқиларга қараганда қўйларни боқиш анча тинчрок, албатта, лекин Танабой уларга дарров кўника қолмади. Отларни боқиш бошқача эди-да! Аммо, айтишларича, йилқичилик ўз ахамиятини йўкотган эмиш. Машиналар пайдо бўлганмиш. Отлар энди, демак, фойдасиз бўлиб қолибди-да. Энди қўйчилик: жун, гўшт, тери — асосий нарса. Гарчанд бундай оқилона хисоб-китобда ҳақиқат борлигини тушунса ҳам, у Танабойга қаттиқ ботарди.

Яхши айғири бўлган уюрини баъзи пайтларда вақтинча, ярим кунга, ёки ундан ҳам кўпга ташлаб кетиб, ўз ишлари билан банд бўлса бўларди. Қўйларни эса ташлаб ҳеч ҳаёҳҳа кетиб бўлмайди. Кундузи бир ҳадам ҳам жилмай улар билан бирга юриш, тунда ҳоровуллик ҳилиш керак. Чўпондан ташҳари отарда чўлиҳ бўлиши керак эди, лекин чўлиҳ беришмаётганди. Шунинг учун навбат алмашмай, дам олмай, тинимсиз ишлашга тўғри келарди. Жайдар ҳоровул ҳисобланарди, кундузи фаҳат баъзи ваҳтлардагина ҳизлари билан ҳўйларга ҳарай оларди, тун ярмига ҳадар милтиҳ билан ҳўра атрофида айланиб юрарди, кейин Танабойнинг ўзига ҳоровуллиҳ ҳилишга тўғри ҳеларди. Энди колхоздаги бутун чорвачилиҳка ҳўжайин бўлган Иброҳим эса баҳона топишга уста эди.

— Хўш, мен қаердан оламан чўликни, Танака? — дерди у куйингандай бўлиб. — Аклли одамсиз-ку ахир. Ёшларнинг ҳаммаси ўкимокда. Ўкимаётганлари эса кўй десангиз тепа сочи тикка бўлади,

улар шаҳарга, темир йўлга, ҳатто аллақаёқлардаги конларга ҳам кетиб қолишмоқда. Нима қилишга ақлим етмай қолди. Сизда ҳаммаси бўлиб биргина отар — шунда ҳам оҳ-воҳ қиласиз. Мен-чи? Бутун чорвачилик менинг бўйнимда. Судга тушаман. Бу ишга беҳуда ўтган эканман, беҳуда. Сиз оталиққа олган Бектойга ўҳшаш кишилар билан ишлаб бўлармиди? Сен, дейди, мени радио, кино, газеталар билан таъминла, янги ўтов бер, тағин ҳар ҳафтада олдимга магазин келиб турсин. Бўлмаса бошим оққан томонга кетаман қоламан, дейди. Сиз у билан гаплашсангиз бўларди, Танака!..

Иброхим алдамаётганди. Унинг ўзи ҳам кўтарилиб кетганидан хурсанд эмасди. Бектой ҳақидаги гапи ҳам тўғри эди. Танабой баъзан бир амаллаб вақт топиб, оталиққа олган комсомоллари олдига бориб турарди. Эшим Бўлатбеков гарчанд унчалик эпчил бўлмаса ҳам кўнгилчан, юмшоқ табиатли йигит эди. Бектой эса чиройли, келишган эди, аммо унинг қора қийиқ кўзларидан ғазаб ўти чақнаб турарди. У Танабойни қовоқ осиб кутиб оларди, унга:

- Сен, Танака, куйиб-пишаверма, яхшиси, ўз болаларинг олдида ўтир. Сенсиз ҳам мени текширувчилар кўп.
 - Сенга нима, бир нарса ютқизяпсанми бундан?
- Ютқизишга ютқизмайману, лекин сенга ўхшаганларни ёқтирмайман. Сизлар, ўзингизни сувга ҳам, ўтга ҳам ургансизлар. Доим ҳайбаракаллачилик, «ура, ура!» қилгансизлар. Ўзингиз бўлса одамдай ҳаёт кечирмадингиз, ўзгаларни ҳам одамдай яшашига йўл қўймадингиз.
- Сен, йигит, жуда ҳам ҳаддингдан ошаверма, Танабой зўрбазўр ўзини тутиб ижирғаниб гапирди. Қўлингни менга бигиз қилиб гапирма. Бу сенинг ишинг эмас Ўзини сувга ҳам, ўтга ҳам урган сен эмас, биз бўламиз. Афсусланмаймиз бундан. Сизларни деб ўзимизни ўтга, сувга ташлаганмиз. Шундай қилмаганимизда эди, кўрардим ҳозир аҳволинг нима бўлишини. Кино кўриш, газета ўқиш ҳам гапми, ўз отингни ҳам билмаган бўлардинг. Уч ҳарфдангина иборат биргина «кул» деган отинг бўларди сенинг...

Танабой Бектойни ёқтирмасди, лекин мана шу тўғри сўзлиги учун уни ичидан хурмат қиларди. Бектойнинг феъл-атвори айниб

бораётганди. У йигитнинг эгри йўлга кириб кетаётганлигини кўриб Танабой ачинарди. Кейинчалик уларнинг йўллари ажралиб кетиб, шахарда тасодифан учрашиб колганларида Танабой унга хеч нарса демади, унинг сўзларини тинглаб ўтирмади хам.

Ўша эрта тушган қиш кунлари эди... Қиш ўзининг оппоқ қахрли туясида тез елиб-югуриб келиб, чўпонларни беғамлиги учун жазолай кетли.

Бутун октябрь ойи қуруқ келганди, ҳамма ёқ олтин тусга кирганди. Ноябрь ойида эса бирданига қиш тушиб қолди.

Танабой кечкурун қуйларни ҳайдаб келиб, уларни қурага қамади, ҳамма нарса гуё уз жойидагидек эди. Аммо тун ярмида уни хотини уйғотиб қолди:

– Тур, Танабой, мен жуда совкотиб қолдим. Қор ёғяпти.

Унинг қўллари муздай эди, ҳамма еридан қор ҳиди келарди. Милтиқ ҳам нам ва совуқ эди.

Ховлида оқиш тун. Қор гупиллаб ёғяпти. Қўйлар қўраларда безовталаниб ётишарди, қорга кўникмаганликларидан силкинишар, каллаларини чайқашар, қор бўлса ҳамон шиғаб ёғарди.

«Шошманглар, ҳали сиз билан бизнинг бошимизга бундан ҳам баттарроқ кунлар келади, – деб ўйлади Танабой пўстинига ўралиб. – Эрта, жуда эрта келдинг сен қиш. Оқибати нима бўларкин, яхшиликми, ёмонликми? Балки кейинчалик юмшаб қоларсан, ҳа? Фақат қўйлар қўзилагунча ўтиб кетсанг бўлгани. Бор илтимосимиз мана шугина. Ҳозирча эса ўз билганингни қилавер. Бунга ҳаққинг бор, ҳеч кимдан сўрамасанг ҳам бўлади...»

Қиш индамай қоронғида, одамлар ух тортиб, у ёкдан бу ёкқа югургилаб қолсин деб ўз ишини қилар эди.

Тоғлар тунда қорайиб, баҳайбат турар эди. Улар қишни писанд қилмасди. Анави чўпонлар сурувлари билан елиб чопаверишсин. Тоғлар эса қандай турган бўлса, шундай тураверади.

Эсдан чиқмайдиган ўша қиш бошланди, аммо унинг оқибатини ким билсин?

Қор эримай ётарди, бир неча кундан сўнг яна гупиллаб ёғиб берди, кейин яна, яна ёғди ва чўпонларни кузги манзилларидан

ҳайдаб туширди. Отарлар дайдиб, тарқалишиб, даралар, овлоқ жойлар, кам қорли ерларга бекина бошладилар. Чўпонлар ўз ҳунарларини — бошқа бир одам бу ерда қордан бўлак ҳеч нарса йўк, деб қўл силтаб кетган жойлардан отарларга ем-ҳашак излаб топиб бериш ҳунарларини ишга солишди. Шунинг учун ҳам уларни чўпон дейишади-да... Баъзан бирон бошлиқ келиб қараб туради-да, уни-буни суриштиради, бир дунё нарсани ваъда қилади ва дарҳол тоғдан жўнаб қолади. Чўпон бўлса яна ёлғиз ўзи қиш билан юзма-юз қолади.

Колхоздагилар қўзилатишни қандай ўтказиш хакида нима ўйлаётганликларини, ишлар хамма килинганми, хамма жамғарилганми – шуларни билиш учун Танабой купдан бери колхозга бир амаллаб бориб келмоқчи бўларди. Аммо қаёқда дейсиз! Бош қашишга ҳам қўли тегмасди. Жайдар бир күни интернатга ўғлининг олдига бориб келди, лекин у ерда узок турмади: усиз жуда кийин бўлишини биларди, Танабой ўшанда қизлари билан кўйларни боқарди. Кичик қизини эгарнинг олдига ўтқизиб, пўстин билан ўраб оларди, у иссикда тинч эди, каттаси эса совкотарди, у отасининг орқасида ўтирарди. Хаттоки ўчокдаги олов хам бошкача бўлиб ғарибона ёнарди.

Эртасига оналари қайтганда эса нима бўлди денг-а! Болалар унинг бўйнига ташланишди, куч билан ажратиб олишга тўғри келди. Ҳа, ота албатта ота-ю, лекин онанинг ўрни бошқа.

Вакт шу зайлда ўтиб борарди. Ҳаво ўзгариб туради, гох киш кахрига олар, гох бир оз юмшарди, икки марта бўрон ҳам бўлди, кейин тинчиб, ерлар эрий бошлади. Танабойни худди мана шу нарса ташвишлантирарди. Кўйларнинг кўзилашлари илик кунларга тўғри келса яхши-я, агар тўғри келмаса-чи, унда нима бўлади?

Бу орада қўйларнинг қоринлари тобора катталашиб борарди. Боласи йирик ёки эгизак бўлган айрим совлиқларнинг қоринлари осилиб қолган эди. Совлиқ қўйлар эхтиёткорлик билан зўр-базўр кадам ташлашарди, жуда озиб кетишганди. Орқа суяклари туртиб чиқиб қолганди. Ҳайрон қоладиган жойи ҳам йўқ бунинг — бола қоринда ўсиб, онасининг бор-йўғини сўриб етилиб-тўлишарди, бу ерда бўлса ҳар битта ўтни қор остидан тимирскилаб топиш керак.

Чўпон қўйларни эрталаб ва кечкурун қўшимча боқса, тоққа емхашаклар келтирса бўларди-ю, лекин колхоз омборларида хеч нарса топилмасди. Уруғликлар ва аравага қўшиладиган, миниладиган отлар учун асраб қўйилган сулидан бўлак хеч нарса йўқ эди.

Танабой xap куни эрталаб қўйларни қўралардан хайдаб совликларни кўздан кечирар, корни, чикараётганда пайпаслаб кўрар эди. Агар хамма бало-қазолардан соғ-омон чиқарса, чамалаб қўзилар бўйича мажбуриятини бажариши, жун бўйича бажара олмаслигига кўзи етарди. Қиш ичида қўйларнинг жуни ёмон ўсди, баъзилариники хатто сийраклашиб қолди, тўкила бошлади, уларни янада яхширок бокиш керак эди. Танабойнинг кош-ковоғи осиларди, ғазабланарди, аммо хеч нарса қила олмасди. Шунда Чоронинг сўзига киргани учун ўзини энг ёмон сўзлар билан койирди. Ваъдани катта берди. Минбарга чикиб гапирди. «Мен, фалончи пистончи илғор одам, партия ва ватан олдида сўз бераман». Лоақал мана шу кейинги сўзларни гапирмаса хам бўларди! Партия ва ватаннинг бунга нима дахли бор-а! Одатдаги хўжалик иши. Йўк, тартиб-қоида шундай. Нега энди керак булса-булмаса, биз хар қадамда шу сўзларни тиқиштираверамиз, а?..

Нима ҳам қиларди, ўзи айбдор. Ўйлаб кўрмаган. Ўзгаларнинг гапи билан иш қиладиган бўлиб қолган. Уларга нима, алдаб-сулдаб кутулиб олишади, лекин Чорога раҳминг келади. Ҳеч омади келмаяпти-да унинг. Бир кун соғ бўлса, икки кун касал. Умр бўйи у ёққа югуради, бу ёққа югуради, унга ялинади, буни кўндиради, хўш, ниманинг уддасидан чикди? Эҳтиёткор бўлиб боряпти, сўзни танлаб гапиради. Модомики касал экансан, дам олишга чиқсанг ҳам бўлармиди...

Қиш чўпонларни гох умидлантириб, гох ташвишлантириб ўз маромида бораётганди. Танабойнинг отарида икки совлик кувватдан кетиб халок бўлди, жуда нимжон бўлиб колган экан. Унинг оталиғидаги ёш чўпонларнинг хам бир нечтадан кўйлари ўлди. Бусиз бўлмайди хам. Бир киш ичида ўн совликни йўкотиш оддий нарса. Энг мухими олдинда, кўклам арафасида.

Бирдан хаво илий бошлади. Совликларнинг елинлари дарров

тўлиша бошлади. Ориклаб кетишган, коринларини зўрға кўтариб юришган булса ҳам, елинлари эса күн сайин эмас, соат сайин қизариб, шишиб борарди. Нима сабабданикин? Қаёқдан бунчалик күч-қувват олишади-я! Кимнингдир бир неча совликлари қузилаб қуйибди, деган овоз таркалди. Демак, кочириш даврида эътиборсизлик, бепарволик килинган экан-да. Бу биринчи огохлантириш эди. Бир-икки хафтадан кейин қузилар пишган олмадек «тап-тап» туша бошлайди. Қабул қилиб олишга улгурсанг бас. Шунда чўпонларнинг ташвишлар палласи бошланади. Хар бир қузи учун чупон титраб туради ва қуйлар кетидан юра бошлаган кунини лаънатлайди, агар барра қузичоқни сақлаб қола олса, агар қузилар оёққа туриб, қишга қадар думлари кўриниб колса унинг шодлик-кувончларининг чеки бўлмайди.

Шундай бўлса, яхши бўларди. Кейинчалик одамлардан кўзини яшириб юрмас эди.

Қўзилатиш даврида ёрдам учун колхоздан сақмончиларни — кўпчилиги қари ва боласиз бўлган аёлларни ўз холларига қўймай юборишди. Танабойнинг отарига хам икки сақмончини жўнатишди. Улар кўрпа-тўшаклари, чодирлари, қозон-товоклари билан келишди. Хамманинг кўнгли кўтарилди. Сақмончилардан кам деганда етти киши керак эди. Иброхим отарлар Бештол водийсидаги кўзилатиш пунктига кўчганида яна сақмончилар юборишни ваъда қилиб, хозирча шуларнинг ўзи хам кифоя, деганди.

Отарлар ғимирлаб қолишди, пастроққа, тоғ ёнбағирларига, кўзилатиш базаларига туша бошлашди. Танабой ўзи қўйларни ҳайдаб боргунча аёлларнинг манзилга етиб, у ерда ўрнашиб олишларига ёрдам беришни Эшим Бўлатбековдан илтимос қилди. Аёлларни бир карвон қилиб жўнатди, ўзи эса қўйларни тўплади-да, бўғоз совликлар кийналмасликлари учун уларни ўз юришига қараб, бамайлихотир ҳайдаб кетди. Кейинчалик Бештол водийсига олиб борадиган худди шу йўлни тағин икки марта босиб ўтиши, оталиғидаги чўпонларга кўмаклашиши керак эди.

Қуйлар аста-секин жилиб боришарди, уларни шошириб булмасди. Хатто ит ҳам зерикиб кетди, у ёқдан-бу ёққа изғиб чопа бошлади. Куёш бота бошлаганди, аммо ҳали тафти бор эди. Сурув тоғ этакларига тушган сари ҳаво ҳам шунчалик исий бошларди. Кунгай жойларда ўтларни ўра бошлаган эдилар.

Йўлда бир оз тўхтаб қолишди, биринчи совлик кўзилаб кўйди. Буни ҳеч ким кутмаган эди. Танабой куйиб-пишиб, янги туғилган кўзининг қулоқ ва бурун ковакларига пуфларди. Қўзилашга ҳам бир ҳафтача вақт бор эди. Бу томдан тушган тарашадай бўлди.

Эҳтимол, йўлда тағин қўзилаб қолишар? Бошқа совлиқларини кўздан кечирди — йўк, унақага ўхшамайди. Хотиржам бўлди, кейин ҳатто кайфи чоғ бўлиб кетди. Унинг биринчи қўзичоғига қизлари ўзларида йўқ қувонишар. Тўнғич доим азиз бўлади-ю. Қўзичоқ ҳам яхшигина эди. Киприклари қора, туёқлари қора, ўзи оппок. Отарда бир нечта ярим дағал жунли қўйлар бор эди, худди ана шулардан бири қўзилади. Уларнинг қўзилари одатда майин жунли қўйларнинг деярли қип-яланғоч туғиладиган қўзиларидан фаркли ўлароқ бақувват жунли бўлишарди.

— Ҳа, майли, шошилган экансан, ана, ёруғ дунёни кўриб ол, — деди Танабой. — Ҳам бизга бахт-саодатли бўлиб кел! Ўзингга ўхшаган кўзичоклардан шунча кўп эргашиб келсинки, кадам босишга жой топилмасин, сизларнинг овозларингиздан кулокларимиз битиб кетсин, ҳаммаси тирик қолсин. — У қўзичокни боши узра кўтарди. — Қараб қўй, мана у, тўнғич қўзичок!

Теварак-атрофда тоғлар турар, улар сукут сақлашарди.

Танабой қузичоқни пустини остига яширди ва қуйларни ҳайдаб кетди. Она совлиқ изма-из чопар, безовталанар, маърар эди.

Юр, кетдик! – деди унга Танабой. – У шу ерда, ҳеч қаёққа кетмайди.

Пўстин остида қўзичоқ қуриди, исиниб олди.

Танабой кечга якин отарни базага хайдаб келди.

Хамма жойида эди, ўтовдан тутун ўрмаларди. Чодир олдида сақмончилар ивирсиб юришарди. Демак, бир амаллаб келиб олишибди. Эшим кўринмасди. Ха, ростдан хам, у эртага ўзи кўчиб келиш учун юк ташувчи туяни олиб кетувди. Хаммаси жойида.

Лекин Танабойнинг кейинчалик курган нарсаси уни куппа-

кундузи бўлган момагулдуракдай ларзага солди. У хамма нарса яхши бўлади, деб ўйламаганди, аммо совликлар кўзилайдиган кўйхонанинг камиш томи чириб, ўпирилиб тушганини, деворлари тешилиб, деразасиз, эшиксиз бўлишини, шамол у чеккасидан кириб, бу чеккасидан чикаётганини хаёлига хам келтирмаган эди. Атрофда корлар деярли эриб кетган, кўйхона ичида эса хамон уюлиб ётарди.

Қачонлардир харсанг тошлардан қурилган қура ҳам ҳароба, вайрона ҳолда ётарди. Танабой шу қадар ҳафа булиб кетдики, қизлари қузичоқни куриб қандай ҳурсанд булаётганлари кунглига сиғмади. Қузичоқни уларнинг қулига берди-да, теварак атрофни куздан кечиргани кетди.

Қаергаки қадам қўймасин – ҳамма ерда тоқат қилиб бўлмас даражада хўжасизлик. Уруш бошлангандан бери бу ерда барча нарса ўз холига ташлаб қўйилган, совликларни қўзилатишни бир амаллаб эплаштириб, кейин хаммасини ёмғир ва шамолга кетаверишган булишса керак. Сарой томи устида бир ғарам чириган хашак кийшайиб турарди, сочилган сомон уюмлари ётарди, агар бурчакдаги икки чала коп арпа уни, бир яшик тузни хисобга олмаганда, бутун отардаги қўзичоқлар ҳамда совлиқларга аталган емхашак ва тўшаманинг бори мана шугина эди, холос. Шу бурчакнинг ўзида шишалари синган бир неча фонус, керосинли, занглаган бидон, икки бел ва синик паншахалар ташлаб қуйилганди. Мана шуларнинг хаммасига керосин куйиб, ёндириб кулини кукка совургиси ва бу ердан боши оққан томонга кетиб қолгиси келди...

Танабой ўтган йилги гўнг ва қорнинг яхлаб қолган уюмларига қоқилиб-суқилиб юрар ва нима дейишини билмас эди. Сўз топа олмасди. Худди ақлдан озган кишидай. «Шундай бўлиши мумкинми, а?..» деб такрорлагани-такрорлаган эди.

Кейин эса қуйхонадан югуриб чиқиб, отини эгарлашга отилди. Эгарлаётганида қуллари титрарди. Ҳозир ҳув анави ёққа отини елдириб кетади, тун ярмида ҳаммани оёққа турғизади ва уларга курсатиб қуяди. Анави Иброҳимни ҳам, раис Алдановни ҳам, Чорони ҳам ёқасидан тутади: ундан раҳм-шафқат кутишмасин! Улар

Танабойга шундай қилишдими – ундан ҳам яхшилик кўриб бўлишибди! Бўлди, тамом!..

- Қани, тўхта-чи! жиловни ушлаб олишга улгурди Жайдар. Қаёққа кетяпсан? Отдан туш, гапимга қулоқ сол!
 - Э, қаёқда дейсиз! Танабойни тўхтатиб бўпсиз.
- Қуйиб юбор! Қуйиб юбор! бақирарди у жиловни тортиб, хотинининг устига от суриб, қамчини қарсиллатиб. Қуйиб юбор, деяпман! Мен ўлдираман уларни! Ўлдираман!
- Қуйвормайман! Сен бирон кишини ўлдиргинг келяптими? Мени ўлдир!

Шу орада Жайдарга сақмончилар кумакка югуриб келиб қолишди, қизлари чопиб келишди, қий-чув кутаришди.

– Ота! Ота! Қўйинг!

Танабой жаҳлдан тушди, лекин ҳамон кетмоқчи бўлиб юлқинарди.

- Ушлама мени, ахир кўрмаяпсанми бу ердаги ахволни? Хув анави қўзичоқлар билан турган совлиқларни кўрмаяпсанми ахир? Эртага биз уларни қаёққа қўямиз, том қани? Ем-хашак қани? Хаммаси ҳаром ўлади. Ким жавоб беради? Қўйвор!
- Хе, тўхтасанг-чи, тўхта. Хўш, майли, бординг хам дейлик, бакириб-чакириб жанжал-тўполон килдинг хам дейлик. Хўш, бундан нима чикади? Агар улар шу кунга кадар хеч нарса килишмаган бўлса, демак, уларнинг бунга кучлари етмабди-да. Агар иложи бўлганда колхоз янги оғилхона курган бўлмасмиди?
- Томини ёпиш мумкин эди-ку! Эшиклари қани? Деразалари қани? Хамма ёқ вайрона, қуйхонада қор, ун йиллик қий чиқарилмаган. Буни қара, бу чирик хашак қанча вақтга етади? Ахир қузичоқларга шунақа пичан бериладими? Қуй-қузилар тагига нима тушаймиз? Қузичоқлар балчиққа ботиб улаверишсинми, а? Шундайми сенингча? Қоч, йулимни тусма!
- Бўлди, Танабой ўзингни бос. Нима, сен хаммадан ортикмисан? Кўпчилик нима бўлса, биз хам шу-да. Тағин сени эркак дейишади-я! Уялтирди хотини. Яхшиси, нима килиш мумкинлигини ўйлаб кўр, хали хам кеч эмас. «Туф» де уларга. Биз жавобгармиз, биз шу ишни

қилишимиз керак. Мен ҳув анави жарликка тушаверишда қалин ўсган наъматакларни кўрдим, тўғри, тиканакли-ю, лекин уларни чопиб томни беркитса бўлади, устидан гўнг ташлаймиз. Қўй-кўзилар тагига эса қуврай ўришга тўғри келади. Агар ҳаво айниб қолмаса, бир амаллаб кишдан чикиб оламиз...

Сақмончилар ҳам Танабойни тинчита бошлашди. У эгардан сирғалиб тушди, хотин-халажларга парво қилмай, ўтовга кириб кетди. Худди оғир касалликдан тургандай бошини ҳам қилиб ўтирди.

Уйда ҳамма жимиб қолди. Гаплашгани қўрқишарди. Жайдар тезак ёкиб қайнатилган қумғонни олдида, аччиқ қилиб чой дамлади. Кўзада сув келтириб эрининг қўлига сув куйди. Озода дастурхонни ёзди, ҳатто қаёқдандир қант-қурслар ҳам топиб келтирди, ликобчага сариёғ тўғраб қўйди. Сақмончиларни таклиф қилишди ва чой ичишга ўтиришди. Эҳ, бу хотинлар-ей! Гўё меҳмонга келишгандай пиёлалардан чой ичиб ҳар балони гапириб ўтиришарди. Танабой жимгина ўтириб, чой ичди-да, сўнг ўтовдан чиқиб қўй қўранинг қулаб тушган тошларини қалай бошлади. Бу битадиган иш эмасди. Лекин қўйларни тунда қамаш учун бирон нарса қилиш керак-ку. Аёллар ҳам чиқишиб, тошларга ёпишишди. Ҳатто қизалоқлар ҳам тошларни кўтариб келтириш учун чиранишарди.

– Уйга жўнанглар, – деди уларга отаси.

У номус қиларди. Қузларини ердан кутармай тош таширди. Ҳақ гапни айтганди Чоро, Жайдар булмаганида Танабой бечора бошини омон саклай олмасди.

XVI

Эртасига Танабой ўз оталиғидаги чўпонларни кўчириб келишга кетди. Кейин бутун ҳафта бўйи тинмай ишлади. У ҳатто шундай ҳаттиҳ ишлаганини эслай олмасди. Ахир фронтда мудофаа линиясини кеча-ю кундуз ухламай ҳурган эмасмиди. Бироҳ у ерда полҡ билан, дивизия билан, армия билан бирга эди. Бу ерда-чи, ўзи, хотини ва саҳмончилардан бири. Иккинчиси эса яҳин орага ҳўйларни ёйгани кетган эди.

Хаммадан ҳам қуйхонани гунгдан тозалаш, наъматакларни кесиб келтириш қийин булди. Бутазор қалин булиб, турган-битгани тикан эди. Танабойнинг этиги йиртилиб, эскириб қолган солдатча шинели ҳам илма-тешик булиб кетган эди. Кесилган наъматак шохлари арқон билан боғланиб судраб келтириларди; тиканли булганидан на отга ортиб, на орқалаб буларди. — Бештол водийси эмиш, ундан бешта тункани ҳам излаб тополмайсан, — сукинарди Танабой. Бу лаънати наъматакни икки букилиб эгилиб, терга ботиб ташийверганларидан йул то қуй қурагача тирмалаб чашланган эди. Танабой хотин-қизларга ачинарди, бироқ, илож қанча. Улар хавотирда ишлашарди, иш орасида гоҳ-гоҳ ҳавога ҳам қараб қуйиш зарур эди. Ҳавонинг авзойи қалай? Қор уриб берса буларнинг ҳаммаси бир пул. У қуйлар қузилаб қолмадимикан деб, хабар олиб келиш учун катта қизини отарга югуртирди.

Куйхонани гунгдан тозалаш хам оғир эди. Бу ерда шунчалик куп гунг бор эдики, уни ярим йил ичида ҳам ташиб чиқариш мумкин эмасди. Агар қуй қийи яхши том остида қуруқ ва шиббаланган булса, уни қирқиш ҳам кунгилли булади. Бир-бирига зичлашиб, қотиб қолган қийни кессанг, палахса-палахса чиқади. Уларни қуритиш учун катта-катта уюм қилиб тахлаб қуйилади. Қуй қийининг чуғи ёқимли ва беғубор булади, қиш совуғида чупонлар уни ёқиб исинадилар. Аммо гунг, бу ердагидек, ёмғир ёки қор остида қолган булса, у ҳолда буни тозалашдан ҳам оғирроқ иш йуқ. Тинкани қуритадиган иш. Вақт эса кутиб турмайди. Кечалари ис босган фонарь ёруғида улар бу муздек, ёпишқоқ, қурғошиндай оғир балчиқни зур бериб замбилда ташир эдилар. Мана, уларнинг иккинчи сутка ишлашлари.

Қуйхона орқасига каттакон гунг уюмини ташиб чиқаришган эди, куйхонанинг ичи ҳали гунг билан лиқ тула. Кутиб турган қузичоқлар учун, ҳеч булмаганда, қуйхонанинг бирон бурчагини очишга шошилишарди. Она-бола қуйларнинг ҳаммасини жойлаштириш учун бутун бир қуйхона торлик қилиб турган пайтда, бир бурчагини очиш нима деган гап, — кунига йигирматадан, уттизтадан қуйлар қузилаётган булса! «Нима булади?» — фақат шу ҳақда уйларди Танабой, замбилга гунгни солишда ҳам, ташиётганда ҳам, уни тукиб

қайтиб келаётганда ҳам. Шу тарзда ярим кечадан то тонг отарга қадар ҳадеб ўйлагани-ўйлаган. Гангиб қолиб, қўллари увушди. Бунинг устига шамол фонарни ўчирарди. Яхшики, сақмончилар зорланмади, Танабой ва Жайдар сингари ишлашди.

Орадан бир кун ўтди, икки, уч кун ўтди ва хоказо. Улар эса хамон гўнгни ташир, девор ва том тешикларини беркитар эдилар. Бир кун кечаси Танабой кўйхонадан замбил билан чикаётиб отарда кўзичокнинг маърагани ва она кўйнинг безовталаниб, унга жавобан оёк тепишини эшитди. «Бошланди!» —юраги шув этиб кетди.

– Эшитяпсанми? – хотинига ўгирилиб қаради Танабой.

Улар бирдан гўнг солинган замбилни оёқлари остига ташлаб, фонарни ушлаганларича отар томон югуришиб қолишди. Фонарнинг хира нурида кўй галасини тимирскилаб қарай бошлашди. Қаёкда у? Хув ана, бурчакда! Совлиқ кўй ҳозиргина туғилиб қалтираб турган увоққина кўзичоқни ялаб турган эди. Жайдар уни барига солиб олди. Яхшиям ўз вақтида улгуришди, бўлмаса кўрада музлаб қолган бўларди. Уларнинг ёнгинасида яна бир совлиқ қўзилаганлигини кўрдилар. У эгизак туққан эди. Буларни Танабой плашининг этагига солди. Бештаси тўлғоқ тутиб, кучаниб маъраб ётган эди. Демак, бошланибди. Эрталабгача булар ҳам қўзилайди. Сақмончиларни чақиришди. Қўзилаган қўйларни қўйхонанинг ҳалиги наридан-бери тозаланган бурчагига жойлаштириш учун қўй қўрадан ажратиб чиқара бошладилар.

Танабой девор остига похол тўшаб, онасининг оғиз сутини биринчи татиб кўрган кўзичокларни ёткизиб, уларнинг устини коп билан ёпиб кўйди. Совук. Она кўйларни хам шу ёкка кўйиб юбордикку, — лабини тишлаганча ўйланиб колди. Ўйлаб ўтиришдан нима фойда? Факат бир иложини килармиз деган умид колди. Қанча иш, канча ташвиш... Хеч бўлмаса похол етарли бўлганда эди, у хам йўк. Иброхим унга хам узрли сабаб топади. Йўлсиз тоғда похол ташиб кўрчи, дейди.

Э, нима бўлса бўлар, бориб сиёх солинган банкани олиб келди. Битта туғилган қўзичоқ орқасига икки, эгизакларига эса уч рақамини ёзиб қўйди. Она қўйларни ҳам худди шундай номерлаб чиқди. Юзлаб

қуй қузилагандан сунг уларни бир-биридан ажратиб курчи.

Чўпонлар ишининг энг қизғин палласи бошланди. Бошланганда хам у худди мудофаадагидай, босиб келаётган танкларни хеч нима билан даф эта олмаган пайтдагидек шафқатсизлик билан бошланган эди. Сен эса окопда турасан ва хеч қаёққа кетмайсан, чунки кетиш мумкин эмас. Иккисидан бири – ё охиригача тик туриб олишиш, ёки ўлиш керак.

Танабой ҳар кун эрталаб қуйларни яйловга чиқариб юбориш олдидан, гуё уз жабҳасини баҳолаётгандай, тепалик устида жимгина туриб атрофга қарарди. Унинг мудофаа линияси куҳна, ярамайдиган эди. Бироқ, у туриб бериши керак. Унинг ҳеч қаёққа кетиши мумкин эмас. Ичидан саёз сой оқиб турган илон изига уҳшаш кичик бир дара дунгликлар орасида сиқилиб турар, ундан кейин баландроқ тепаликлар, улардан кейин эса яна баландроқ қорли тоғлар қад кутарган эди. Оппоқ ёнбағирлар тепасида яланғоч тош қоялари қорайиб куринарди. У ердаги тоғлар устида ёппасига муз билан қопланган қиш ётарди. У бу ёққа қулини узатиши мумкин. Фақат ҳаракатга келиши, пастга булутларни тушириб юбориши ва дарани туманликка ғарқ қилиб юбориши қолган. Кейин дарани қидириб тополмайсан.

Хаво айниб, осмон кулранг тусга кирган эди. Пастлаб шамол эсарди. Теварак бўм-бўш. Тоғлар, ҳамма ёкда тоғлар, қўрқувдан кишининг юраги музлаб кетади. Хароба қўйхонада қўзичоқлар маърашарди. Отардан қўзилай деб қолган яна ўн бош совликни ҳайдаб келишди, қўзиласин деб қўйхонада қолдиришди.

Қуй галалари жиндай булсада, хашак топиш учун секин юриб кетди. Энди яйловда ҳам улардан куз-қулоқ булиб туриш керак. Шундай пайтлар ҳам буладики, совликнинг яқин орада қузилаши мумкин эканлигини билиб булмайди. Кейин, бирдан бутанинг орқасига боради-да, бушаб олади. Агар вақтида қаралмаса қузичоқ зах ерда ётиб, шамоллаб, касалланиб нобуд булиши мумкин.

Шундай бўлса ҳам Танабой тепаликда узоқ туриб қолди. Қўлини силтаб, қўйхона томон юриб кетди: у ерда ишлар ҳали кўнгилдагидек эмас эди. Ҳали нималардир қилиб улгуриш керак эди.

Кейин Иброхим етиб келди, у ун келтирган эди. Кўзлари хаёсизларча боқарди... Қаёқдан олиб бераман сизга саройни? – дерди. Колхоздаги кўйхоналарнинг хаммаси шунақа. Бошқаси йўк. Коммунизмга етганимиз йўқ хали.

Танабой унга мушт кўтариб ташланишдан ўзини аранг тутиб колди.

- Бу ерда сенинг пичингингга бало борми? Мен иш ҳақида гапиряпман, мен иш ҳақида ўйлаяпман. Мен жавобгарман.
- Демак, мен сизнингча, ўйламаётган эканман-да? Сиз қандайдир бир отар учун жавоб берасиз, мен эса ҳаммаси учун, сиз учун, бошқалар учун, бутун чорвачилик учун. Менга осон деб ўйлайсизми? Бу олғирнинг бирдан инграб юборганидан Танабой ҳайратда қолди, у кафтлари билан кўз ёшларини арта туриб ғўлдиради: Мен судга тушаман! Судга! Ҳеч қаердан ҳеч нарса ололмайсан. Одамлар сақмончиликка ҳатто вақтинчаликка ҳам боришмаяпти. Мендан, бошқа ҳеч нарсани кутманг ҳам. Мен беҳуда, беҳуда бу ишга ўтган эканман...

Шундан сўнг бирон тайинли гап айтмай, содда Танабойни хижолатга қолдириб чиқиб кетди. Кейин уни бу ерда бошқа кўришмади.

Хозирча биринчи юз бош совлик қўзилади. Водийнинг юқори кисмига жойлашган Эшим билан Бектойларнинг отарида қўзилаш хали бошланганича йўқ эди, лекин Танабой офат келаётганлигини сезганди. Уларнинг хаммаси, катта ёшдаги уч киши хамда олти яшар катта қизи хозир қўйларни боқиб юрган қари чўпон, аёлни хисобга олмаганда, қўзичокларни артиш, оналарининг олдига олиб бориш, нима билан бўлса хам иситиш, гўнгларни ташиб чикариш, тўшаш учун хашак ташиб келишга аранг улгуришарди. Қўзичокларнинг очликдан маъраб қичқирган овозлари эшитила бошлади, уларга сут етишмасди, холдан тойган она кўйларнинг эмизиш учун сути йўқ эди. Олдинда нималар кутяпти?

Чўпонларнинг бош қашишга қўли тегмайдиган кунлари ва тунлари бошланди. Кўйлар шу даража кўп қўзилай бошладики, улар нафас олишга ҳам имкон бермасди.

Кеча ҳаво уларни бир қўрқитди! Бирдан қаттиқ совуқ бошланиб, кора булутлар осмонда ўрмалай бошлади, қуруқ қор ёға кетди. Ҳамма нарса туманликка чўкиб, қоронғилашди...

Бирок булутлар тезда таркалиб хаво илий бошлади.

Хаводан кўклам хиди, нам хиди келади. «Худо хохласа, бахор хам келиб қолар. Келганда ҳам туриб берсин, агар бир келиб, бир кетадиган бўлса, ундан ёмони йўк», — ўйларди Танабой паншахада похол устидаги қўйнинг йўлдошини оларкан.

Бахор хам келди, аммо Танабойнинг кутганидай бўлмади... У бирдан тунда ёмғир, туман ва қор билан кириб келди. Ўзининг бутун совук кор-ёмгирини, ўтов, куйхоналар, хуллас, нимаики булса, хаммасининг устига ташлай бошлади. Музлаган лойли ариқлар, кўлмак сувлар кўпириб, тошиб кетган эди. Чириб қолган томдан сизиб ўтаётган сув деворларни ювиб, кўйхонани босиб кетди, ундаги қўй қўзиларни қалтироқ босиб, суяк-суягидан совуқ ўтиб кетди. Хаммани оёққа турғизди. Хамма қўзичоқлар сувда ғуж бўлишиб бир ерга тўпланишди. Она қўйлар сувда қўзилаб маъраб қичқирарди. Баҳор қўзичоқларни туғилиши биланоқ муздек сувга чумилтириб чукинтирди. Плаш кийиб, кулларига фонарь ушлаган кишилар ховликишарди. Танабой оёги куйган товукдай типирчилаб қолди. Катта этиклари билан қоронғиликда кўлмаклар, шилталари устидан кечиб юрарди. Плашнинг этаклари яраланган куш қанотидай шапилларди. У хириллар, ўзига ўзи ва бошқаларга бақирарди:

– Тезроқ мисрангни бер! Белкуракни! Гўнгни бу ёққа ағдаринглар! Сувни тўсинглар!

Хеч бўлмаганда қўйхонага тез оқиб кираётган сувни четга буриб юбориш керак эди. Музлаб ётган ерни чопиб, ариқ ўйди.

 Фонарни тут! Бу ёкни ёрит! Нега қараб турибсан! Тун эса туман билан хиралашиб, қор аралаш ёмғир ураётган эди. Уни асло тўхтатиб бўлмасди.

Танабой ўтовга югуриб кетди. Чирокни ёкди. Бу ерда ҳам ҳамма ёкдан чакка ўтаётган эди. Бирок кўйхонадагидек эмасди. Болалар ухлашарди, уларнинг кўрпаси ҳам ҳўл бўлиб қолганди. Танабой

болаларни кўрпа-тўшаги билан бир кучок килиб ўраб, уларни бурчакка кўтариб келди. Ўтовдан каттарок жой оча бошлади. Кўрпа ивиб колмаслиги учун болаларнинг устига кигизни ёпиб ташлади ва чикиб кўйхонадаги хотин-кизларни чакира бошлади:

– Қўзичоқларни ўтовга олиб келинглар! – деди-ю, ўзи ҳам ўша ёкка чопиб кетли.

Аммо ўтовга булардан қанчасини жойлаштириш мумкин? Кўп деганда ўттиз-қирқтасини. Қолганларини нима қилиш керак. Эх, хеч бўлмаса қўлдагиларини сақлаб қолсак эди.

Мана, тонг ҳам отди. Ёғингарчиликнинг охири ҳам кўринмасди.. Бир оз тинган бўлади, кейин яна гоҳ ёмғир, гоҳ қор, гоҳ ёмғир, гоҳ қор...

Ўтов қўзичокларга тўлган. Улар тўхтовсиз маърашарди, сассик хид. Буюмларни бир жойга уйиб, брезент билан ёпиб қўйишди. Ўзлари эса сақмончиларнинг чодирига кўчиб ўтишди. Болалар совқотиб, йиғлашарди.

Чўпоннинг қора кунлари келди. У ўз такдирини қарғайди. Хаммани сўкади, оламдаги хамма нарсани. Чўпон бошидан оёғигача жиқка хўл бўлган кўйлар, совукдан тўнғаётган кўзичоклар орасида ухламайди, емайди-ичмайди ва сўнгги кучлари билан курашади. Ўлим зах кўйхонадаги кўй-кўзиларни кийрата бошлади. Ўлимнинг бу ерга кириб келиши — ўпирилган том оркали, ойнасиз дераза оркали, эшик ўрни оркали, истаган жойдан кириб келавериши кийин эмас эди. У кириб келди-ю, кўзичокларни ва заифлашиб колган она кўйларни кира бошлади. Чўпон кўкариб кетган кўй ўликларини бир нечталаб ташиб қўйхона оркасига уя бошлади.

Далада, қўй қўрада эса қорни осилган бўғоз совлиқлар қор ва ёмғир остида туришарди. Улар бугун-эрта туғадиган. Уларни ёмғир саваларди, жағлари қаришиб, ҳўл жунлари тутам-тутам бўлиб осилиб турарди.

Қуйлар яйловга боришни исташмасди. Шундай совуқ ва лойгарчиликда яйловда нима бор. Қоп ёпиниб олган кекса сақмончи аёл уларни қувлайди, қуйлар эса, гуё бу ерда узларига жаннат тайёрлаб қуйилгандай, ҳадеб орқага тисарилишади. Аёл йиғлайди,

уларни тўплайди, яна ҳайдайди. Улар эса тумтарақай бўлиб яна орқаларига қочадилар. Танабой ғазабланган ҳолда чопиб чиқади. Қани энди бу тентак қўйларни таёқ билан саваласанг. Аммо уларнинг қорнида боласи бор. Бошқаларни чақириб, ҳаммалари биргаликда не қийинчиликлар билан қўйларни яйловга ҳайдаб юборадилар.

Бу офат бошлангандан бери Танабой қанча вақт ўтганини билмайди, қўзилатиш пайтидаги ҳисоб-китобидан адашиб қолди. Кўпчилиги иккитадан, ҳатто учтадан қўзилашди. Аммо бутун бойлик нобуд бўлди, ҳамма меҳнат зое кетди. Қўзичоқлар туғилган куниёқ лой ва гўнг шилтаси устида ҳаром ўлиб қолаверди. Қолганлари ҳам йўталарди, хирилларди, ичи кетиб бир-бировларини булғаб ифлос қилиб ташлашарди. Боласиз қолган совлиқлар маърашарди, югуришарди, тўлғоқ тутиб ётганларини туртиб, босиб ўтишарди. Буларнинг ҳаммаси, қандайдир, ғайри-табиий офат эди. Эҳ, қўзилаш, ҳеч бўлмаганда, бир оз секинлашганда эдими! — Танабойнинг истаги шу эди.

Совликлар эса худди маслахатлашиб қуйишгандай, бирининг кетидан бири, бирининг кетидан бири қузиларди.

Танабойнинг қалбида даҳшатли адоват ўти ёндики, бу ярамас қуйхонада содир булган жамики нарсаларга: қуйларга ҳам, узига ҳам, уз ҳаётига ҳам, бу ерда жон бериб, жон олиб юрган ишига ҳам нафрати ошиб куз олдини қоронғилик қоплай бошлади.

У бир оз эс-хушини йўқотиб кўйди, ўй-хаёллардан кўнгли бехузур бўла бошлади. Уларни қанчалик кувиб юборишга уринмасин, яна нари кетмай қалбига, миясига жойлашиб олмокчи бўларди: «Нега бундай? Бу кимга керак эди? Нега биз кўйларни кўзилатяпмиз, уларни сақлай олмасак? Ким айбдор бунга? Ким? Жавоб бер, ким? Сен ва сенга ўхшаган вайсақилар. Биз ҳаммасини кўтарамиз, етиб олиб, ўзиб кетамиз, сўз берамиз. Чиройли гапирамиз. Мана кўтар энди, ҳаром ўлган кўзичокларни. Чиқариб ташла уларни. Ҳув анави халқобда ўлиб ётган совликни судраб кел. Кўрсат ўзингни, ким эканлигингни...»

Айниқса кечалари тиззасигача лойда ва қуй сийдигида шалоплаб кечиб юраркан, аламли ва изтиробли уйлардан Танабойнинг нафаси қисиларди.

О, бу қўзилатиш палласининг уйқусиз тунлари! Оёқ остингда бижиб кетган гўнг ботқоғи, тепангдан ёмғир қуймоқда. Шамол қуйхонада худди даладагидек кезиб юрар, фонарларни ўчирар эди. Танабой янги туғилган қузичоқларни босиб олмаслик учун пайпасланиб, қоқилиб-суриниб, кафтларини ерга қадаб, тиззалаб юриб боради, фонарни топиб ёқади ва унинг ёруғида ўзининг гўнгга ва қонга беланиб қоп-қора булиб шишиб кетган қулларини куради.

У кўпдан бери ўзини ойнада кўрмаган эди. Сочлари окариб, ўзининг анча кексайиб колганини сезмасди. Энди уни кексалар каторига кўшса бўларди. Ўзига карай олмасди, бунга фурсати йўк эди. Овкатланишга, ювинишга вакти йўк эди. Бир зум ўзига ҳам, бошқаларга ҳам тинчлик бермасди. Ишнинг бундай фожеали аҳволда бораётганлигини кўриб ёш сақмончи қизни отга мингизди:

– Йўртиб бориб Чорони топгин. Айтгин, тез келсин, агар келмайдиган бўлса у холда қайтиб кўзимга кўринмасин.

Кечга томон киз от чопиб келди, кўм-кўк кўкариб, бутунлай увиб кетган холда отдан сакраб тушди:

- Касал экан у, Танака, тўшакда ётибди, бир-икки кундан сўнг ўлсам ҳам бораман, деб айтди.
 - Бу касалдан боши чиқмасин! деб сўкинди Танабой.

Жайдар унинг танобини тортиб қуймоқчи булди-ю, лекин ботина олмади, ҳозир бунинг мавриди эмасди.

Орадан уч кун ўтгандан сўнг хаво очила бошлади. Булутлар эринчоклик билан судралиб кетишди, тоғлардан туман кўтарилди. Шамол тинди. Бирок кеч кириб қолган эди. Бу кунлар ичида бўғоз совликлар шу даража ориклаб кетган эдики, хатто уларга қараб бўлмасди. Озиб-тўзиб, ингичка оёк устида, пуфлагандай катта коринларини осилтириб туришарди. Уларни сут эмизувчи совлик деб кандай айтиш мумкин! Хозирча кўзилаб тирик колган совликлар, кўзичоклардан кўпчилиги бахорга чикиб олиб, кўкатга оғзи теккандан кейин соғайиб кетишармикин? Эртами-кечми, касаллик уларни йикитади. Йўкса, «хўрда» бўлади: ундан на жун, на гўшт олиш мумкин...

Хавонинг эндигина очилиши билан яна бошқа фалокат юз берди –

ер юзи музлай бошлади. Бирок тушга бориб юмшади. «Эхтимол, яна қолганини сақлаб қолиш мумкин бўлар», қувониб кетди Танабой. Яна белкурак, паншаха, замбилни ишга солишди. Оз бўлса хам кўйхонага йўл очиш керак, бўлмаса қадам босишга йўл йўк. Бу билан бир оз бўлди. Хали яна онасиз колган кўзичокларни машғул овқатлантириши, уларни боласиз совликларнинг ёнига олиб бориши керак. Улар эса бўйсунишмас, бегона қўзичоқларни йўлатишмас эди. Қўзичоклар тумшуқчалари билан туртиб-ниқтаб сут оғизчалари билан бармокларни торткилаб сўрашар, муздек сўришарди. Тортиб олгудай бўлсанг плашнинг ифлосланиб кир бўлиб кетган барини шимишар, овқат қидиришар эди. Маъраб юрган қўй тўдалари орқасидан чопишарди.

Кўз ёши қилсами, ёки тарс ёрилиб кетсами. Бу хотинлардан ва ёш қизлардан яна бошқа нимани ҳам талаб қилиши мумкин. Оёқда аранг туришибди. Шилта ҳўл плашда юрганларига қанча бўлди. Уларга ҳеч нима демасди Танабой. Лекин бир сафар ўзини тутиб туролмади. Кекса хотин қўйларни куннинг ярмида қўрага ҳайдаб келди, Танабойга ёрдамлашмоқчи бўлди. Танабой қўйларнинг аҳволидан ҳабар олмоқчи бўлиб югуриб чиқди. Уларга кўз ташлаши билан тутақиб кетди. Қўйлар турган жойида бир-бировининг юнгини ямлаб ейишаётган эди. Демак, бу қўйлар очлигидан ўлиб кетадиган бўлибди. Танабой югуриб бориб аёлга ўшқирди:

— Ҳа кампир, сенга нима бало бўлди? Кўрмаяпсанми! Нега нафасинг чиқмайди? Йўқол бу ердан! Отарни ҳайда. Уларни бирон ерда тутиб турма. Бир-бирининг юнгини ғажишга ҳам йўл қўйма. Бирор дақиқа ҳам тўхтатма. Бўлмаса ўлдираман!

Бу ерда яна бошқа фалокат — эгизак туққан совлиқлардан бири ўз болаларини яқинига йўлаттирмаяпти. Уларни сузиб, тепиб ҳайдаб юборади. Қўзичоқлар бўлса интилиб, зорланиб йиғлашарди. Бу ҳол она қўйнинг жон сақлаб қолиш учун қўзичоқларни эмизишдан инстинктив равишда воз кечганида юз бериши мумкин, чунки унинг организми куч-қувватдан кетган бўлиб, бошқани боқишга ҳоли келмайди. Бу ҳодиса юқумли касаллик сингаридир. Битта совлиқ боласини эмизмаса, бошқалар ҳам ундан ўрнак олади.

Саросимага тушиб қолди Танабой. Улар қизча билан биргаликда очликдан бир-бирини еб қуйиш ҳолига келган она қуйларни қузичоқлари билан қуй қурага қамаб, бу ерда уларни уз болаларини эмизишга мажбур этдилар. Танабойнинг узи совликларни тутиб турди, қизи эса қузичоқларни уларнинг елинига олиб борди. Бироқ она қуй айланиб, буралиб, типирчиларди. Қизча бу ишни уддалай олмади.

- Ота, улар эмиша олмаяпти.
- Эмишади, ўзинг уддасидан чиқа олмаётгандирсан.
- Йўғ-е, кўряпсиз-ку, улар йиқилиб тушишяпти. Қизчанинг йиғлаб юборишига оз қолган эди.
 - Қани ушлаб турчи, мен ўзим!

Кошки унинг кучи етса она кўйни ушлаб туришга. Отаси кўзичокни эмчагига тутиши, у эндигина эма бошлаши билан она кўй бирдан ўрнидан кўзғалиб кизчани йикитиб кочиб колди. Танабойнинг токати ток бўлди. Кизининг юзига бир шапати урди. У хеч качон болаларини урмаган эди. Энди эса аламини кизидан олди. Кизча бурнини тортиб йиғлай бошлади. Танабой бўлса уни ташлаб, кўл силтаганча чикиб кетди.

Бир оз юриб қайтиб келди, қизидан қандай кечирим сўрашни билмасди. Унинг ўзи чопиб келди:

- Ота, она куй қузичоқларни эмиза бошлади. Биз ойим билан уларни совлиқларга тута бошладик. У энди қузичоқларни тепиб хайдамаяпти.
 - Ундай бўлса жуда соз, яша қизим.

Бирдан ўзини енгил хис килди Танабой. Гўё ишлар бир оз юришгандай. Эхтимол, колганларини яна саклаб колиш мумкин бўлар. Кўряпсанми, хаво хам юмшаяпти! Ногахонда, чинакам бахор бошланиб, чўпоннинг кора кунлари ўтиб кетса? Яна у ишга тутинди. Ишлаш, ишлаш! — факат шу йўл билангина уларни саклаб колиш мумкин.

Отда ўспирин йигит – хисобчи келиб қолди. Хайрият... Ахвол қалай, деб сўрайди.

Танабойнинг сўкиб юборишига сал қолди. Энди нимасини

сўрайсан?

- Илгарироқ қаерда эдинг.
- Қаердаси нимаси? Отарма-отар айланиб юрибман, якка ўзим улгуролмаяпман.
 - Бошқа отарларда ахвол қалай?
 - Ахвол чаток, шу уч кун ичида кўпи қирилиб кетди.
 - Чўпонлар нима дейишяпти?
- Эҳ, сўраманг. Сўкинишади. Бир хиллари гаплашишни ҳам истамайди. Бектой мени ҳовлидан ҳайдаб чиқарди. Жаҳли чиқиб юрибди, яқинига йўлаб бўлмайди.
- Ҳа-а. Унинг олдига чопиб бориб келай десам бош қашишга ҳам қул тегмайди. Ишдан бушаб бирров бориб келарман, сен-чи?
 - Мен қандай бора оламан? Ҳисоб олиб бораётган бўлсам.
 - Бизга бирон ёрдам келадими?
- Бўлади. Чорони соғайиб чиқибди дейишяпти. Араваларда пичан, похол юборган эмиш. Отхоналардаги ем-хашакнинг ҳаммасини олишибди. Ўлса ҳам отлар ўлсин деган эмиш. Ҳа, араваларни қаердадир тиқилиб қолишган дейишади, йўлларнинг қанақа эканлигини ўзинг кўряпсан-ку.
- Йўллар эмиш! Нега илгарирок ўйлаб кўришмади? Бизда ҳамма вақт шунақа. Энди араваларни юборишдан на фойда. Ҳали мен уларнинг адабини бериб кўяман! дўқ урди Танабой. Сўраб ўтирмасдан ўзинг бориб кўргин, ҳисоблаб ёзавергин. Энди менга барибир! деди ва сўзни кесиб, кўйхонага совлиқларни туғдиришга кетли.

Бугун яна ўн бешта совлиқ қўзилаган эди. Танабой бориб қўзичоқларни йиғиб олди. Қараса, ҳисобчи унга қоғозни узатяпти:

– Ўлган қўйларга қўл қўйинг.

Танабой қарамасдан қул қуйди. У шундай зарб билан имзо чекдики, қалам синиб кетди.

- Хайр, Танака. Балки бирон гапингиз бордир, айтинг етказаман.
- Айтадиган ҳеч қандай гапим йўқ, деди, кейин шундай бўлсада, йигитчани тўхтатиб: Бектойникига кириб ўт. Айтгинки, эртага вақт топиб тушликка етиб бораман.

Танабой бехуда ташвишланган эди. Бектойнинг ўзи илгарирок етиб келди. Келганда яна қандай етиб келди денг...

Ўтган кеча яна шамол эсиб, эрталабгача пишак изи қор ёғиб чиқди. Қўрада, тун бўйи оёқда туриб чиққан қўйлар устини оқартириб кўйди. Улар энди ётишмасди. Ғуж бўлиб олиб, қимир этмасдан атрофдаги ҳамма нарсага бепарво туришарди. Ем-ҳашаксиз узоқ қолиб кетишди. Баҳор билан қиш ўртасидаги кураш жуда ҳам чўзилиб кетди.

Қуйхона совуқ. Қор учқуни томнинг ёмғир ювиб кетган жойларидан учиб тушиб, фонарнинг хира ёруғида парвонадек айланиб, секингина пастга, совукдан қотган қуй ва қузичоқларнинг устига қўнарди. Танабой бўлса қаттиқ жангдан кейин ўликларни кумиш командасидаги солдатдек хамон куйларнинг орасида туртиниб-суртиниб ўз хизматини бажариш билан овора эди. Энди у ўзининг ахволига кўниккан, хаёллари, оғир оғир аламзадаликка айланди. Аламлари юрагига наштар булиб қадалиб, эгилишга хам имкон бермас эди. У этиги билан шалтокда шалоплаб кечиб, ўз ишини бажариб юраркан, бу тунги соатларда баъзан ўзининг ўтган хаётини эсларди...

У ёшлик кезларида дастёр чўпон бола бўлиб юрганди. Акаси Кулибой билан биргаликда бир қариндошларининг қўйларини боқиб юришарди. Орадан йил — ўн икки ой ҳам ўтди, улар фақат овқат учун, кундалик тирикчилик ўтказиш учун ишлаб юрганлари маълум бўлди. Хўжайин уларни алдади. У гаплашишни ҳам истамади. Шу тариқа улар оёклари йиртиқ чорикларни судраб куп-курук, эски халталарини елкаларига осганча жўнаб кетдилар. Кетатуриб, Танабой хўжайинга дўқ урди:

«Қараб тур, мен улғайганимдан кейин буни эсингга солиб кўяман». Қулибой эса ҳеч нима демади. У укасидан чамаси беш ёшлар катта эди. У бу билан хўжайинни кўркита олмасликларини билар эди. Ўзи хўжайин бўлиб кўйларга, ерларга эга бўлса унда бошқа гап. «Хўжайин бўлсам — ишчиларни ҳеч қачон ҳафа қилмайман», деб айтган эди у ўша кезларда. Шу билан улар ўша йили ажралишиб кетдилар. Қулибой бошқа бойнинг қўйларини боқишга

кетди, Танабой бўлса Александровкага бориб, мухожир рус дехкони Ефремов кўлида батрак бўлиб ишлади. Бу киши унча бадавлат бўлмай, бир жуфт хўкизи, бир жуфт оти ва ўз ерига эга эди. Ғалла экарди. Авлиё ота шахарчасидаги вольцовкалик тегирмонда буғдой торттирарди. Ўзи эртадан то кечгача ишларди. Танабой кўпрок унинг хўкизларига ва отларига қараш билан овора бўларди. Талабчан эди, аммо адолатсизлик хам килмасди. Белгиланган хакни бериб турарди. Ўша даврдаги киргиз камбағаллари доимо ўзларининг хамюртлари кўлида ишлашдан кўра рус хўжайинларига ёлланишни афзал кўришарди. Танабой русча гапиришни ўрганиб олди. Хўжайини билан биргаликда Авлиё ота шахарчасига юк ташиб, дунёнинг бордикелдисидан бир оз хабардор бўлиб колди. Кўп ўтмай революция юз бериб, хамма нарса остин-устин бўлиб колди. Танабойларнинг замони келди.

Танабой овулга қайтиб келди. Энди ўзгача хаёт бошланган эди. Ер хам, эрк хам, хукук хам хаммаси бирдан келган эди. Танабойни батраклар комитетига сайлаган эдилар. У Чоро билан ўша йиллари учрашган эди. Чоро хат-саводли эди, ёшларни ёзишга, хижжаларга бўлиб ўкишга ўргатарди. Танабой сингари батраклар учун кандай бўлмасин хат-савод ўрганиш жуда зарур эди. Танабой Чоро билан биргаликда комсомол ячейкасига киришди. Улар партияга хам бир вактда ўтишган эдилар. Хаммаси ўз йўлида кетаётган камбағаллар энди қнйинчиликлар билан катта йўлга тушиб олаётган эдилар. Коллективлаштириш бошланганда Танабой бу ишга бутун вужуди билан берилиб кетди. Ер, қорамол, мехнат, истак-орзуларнинг хаммаси умумий бўлганлигидан янги дехкон турмуши учун курашда у жонбозлик кўрсатмаса, ким кўрсатарди. Йўқолсин қулоқлар! Жангу жадал, кескин кураш даври бошланди. Кундуз эгарда, тунда мажлис, кенгашларда юришар, қулоқларни рўйхатга олишарди. Бойлар, муллалар ва бошка бойиб кетган кишилар даладаги ўтлар сингари супуриб ташланган эди. Янги майсаларнинг униб чикиши учун далаларни тозалаш керак эди. Қулоқларни тугатиш рўйхатида Кулибой хам борлиги маълум булиб колди. Уша кезларда Танабой мажлис ва митинг ўтказиб от чопиб юрар экан, акасига жир битиб қолган эди. Бир бевага уйланиб олди, хўжалиги ривожлана бошлади. У кўй, сигир, бир жуфт от, кулунли соғиладиган бия, омоч, борона ва бошқа нарсаларга эга эди. Йиғим-терим пайтида ишчилар ёллар эди. Уни бой-бадавлат бўлиб кетди деб бўлмас эди. Аммо камбағал ҳам эмас эди. Яхши еб, яхши ишларди ҳам.

Қишлоқ Советининг мажлисида навбат Қулибойга келганда Чоро:

— Қани ўртоқлар, бир ўйлашиб кўрайлик. Уни қулоқ қилиш керакми ёки йўқми? Қулибой сингари кишиларнинг қолхозга фойдаси тегиб қолмасмикин. Унинг ўзи камбағаллардан чиққан бўлса. Тескари ташвиқот олиб борган бўлмаса, — деди.

Кулибой ҳақида турлича гаплар бўлди. Ким унинг тарафини олди, кимлар қарши чикди. Сўзламаган Танабой қолган эди. У қарға сингари ҳурпайиб ўтирган эди. Ўгай ака бўлса ҳам барибир ака. Лекин унга қарши бориши керак. Улар бир-бировларини кам кўришса ҳам тинч-тотув яшашарди. Ҳар бири ўз иши билан овора эди. Унга тегманглар деса, унда бошқалар нима бўлади — бошқаларнинг ҳам ҳимоячиси, қариндош-уруғлари топилиши мумкин. Ўзларинг ҳал қилинглар десачи, инига уриб кетди дейишлари мумкин.

Одамлар унинг нима дейишини кутаётган эдилар. Улар Танабойнинг ғазабланаётгани учун ҳам кутаётган эдилар.

— Сен, Чоро, ҳамма вақт шунақа қиласан! — сўзлай бошлади у ўрнидан тураркан. — Газеталарда китобий одамлар ҳақида, жойлардаги зиёлилар ҳақида ёзадилар. Сен ҳам зиёлисан. Сен доимо шубҳаланасан, бирон ишкал чиқиб қолмасин деб чўчиганинг чўчиган. Нимага шубҳаланиш мумкин? Рўйҳатда бор экан — демак кулоқ! Ҳеч қандай раҳм-шафқат ҳам керак эмас! Совет ҳокимияти учун мен ўз отамга ҳам раҳм-шафқат қилмайман. У бўлса менинг акам, сизлар хижолат тортмасангизлар ҳам бўлади. Сизлар йўқ десангиз, уни менинг ўзим қулоқ қиламан.

Қулибой эртасига уникига келди. Танабой акасини совуқ кутиб олди, кўришиш учун қўл ҳам бермади.

— Нима учун мени қулоқ қиласизлар? Ахир батрак бўлиб ишламаганмидик? Ахир бой ўз ховлисидан сен билан мени ҳайдаб юбормадими?

- Энди бунинг ахамияти йўқ. Сенинг ўзинг бой бўлиб қолдинг.
- Қандай бой бўлайин мен? Ўз мехнатим билан топдим-ку бунинг хаммасини. Хеч нарсани аямайман, керак бўлса олинглар хаммасини. Фақат нега мени қулоққа чиқарасизлар? Худодан қўрқ, Танабой!
- Барибир сен душман синфсан. Биз эса колхоз қуришимиз учун сени йўқотишимиз керак. Сен бизнинг йўлимизда кўндаланг бўлиб турибсан, биз эса сени йўлдан олиб ташлашимиз керак...

Бу уларнинг сўнгги сўзлашиши эди. Мана, орадан йигирма йил ўтди-ки улар бир-бири билан гаплашгани йўк. Қулибойни Сибирга сургун қилганларида овулда қанча гап-сўз бўлди. Танабойни озчилик қиларди. Кўпчилик «Бунақа уканинг бўлганидан эса: бўлмагани яхши. Садқаи насаб кетсин» деб қораларди. Айрим кишилар тўғридан-тўғри юзига айтарди. Очиғини айтганда одамлар ундан юз ўгирган эдилар. Ошкора суратда бўлмаса хам, унинг номзодини курсатганларида овоз беришдан бош тортиб, бетараф қоладиған булдилар. Шу тариқа у бора-бора активдан четга чиқиб қолди. Барибир, у қулоқлар колхозларга ўт қўйиб, кишиларни отганларидан сўнг ўзини оқлаб олди, энг мухими, колхоз жонланиб, йилдан-йилга ишлар юришиб кетди. Энди бутунлай ўзгача хаёт бошланган эди. Йўк, ўша топда бўлиб ўтган ишларнинг хаммаси зое кетмали.

Танабой ўша йиллардаги бўлиб ўтган хамма нарсаларни то ипидан игнасигача хотиридан ўтказди. Гўё унинг бутун хаёти колхозлар кучга кирган ўша ажойиб дамларла ўтиб кетгандай эди. У яна ўша кезлардаги «Қизил дуррали зарбдор киз» ашуласини эслади, колхозга биринчи марта берилган полуторка машинасини, унинг кабинасида кизил байрок ушлаб турганини эслади.

Танабой туни билан кўйхона атрофида юрди, ўзининг оғир вазифасини ўтади ва аламли ўйларни ўйлади. Нега энди ҳаммаси чокчокидан ажралиб кетяпти? Балки бошқа йўлдан кетишгандир? Эҳтимол янглишишгандир. Йўк, бундай бўлиши мумкин эмас! Танланган йўл — тўғри йўл эди. Бўлмаса нега ундай бўлди? Адашиб қолишдимикин? Йўлдан озишдимикин? Қачон ва қандай юз берди бу аҳвол? Мана энди мусобақа деган гаплар ҳам чиқиб қолди —

мажбуриятга ёзишяпти, бу ерда аҳволинг нима кечди, сенга нима бўлди, нима кўйди, бу билан ҳеч кимнинг иши бўлмайди. Илгари қизил, қора доскалар бўларди, ҳар куни қанча гап-сўз, қанча баҳслашувлар бўларди: кимни қизил доскага, кимни қора доскага ёзишди, кишилар учун бу муҳим эди. Энди бўлса буларнинг ҳаммаси эскирган, вақти ўтиб кетган нарсалар эмиш. Хўш, улар нима билан алмашди? Қуруқ гап, ваъдабозлик. Амалда ҳеч нарса йўқ. Нега шундай? Буларнинг ҳаммасига ким айбдор?

Бундай чексиз ўй-хаёллардан Танабой толикиб кетди. Калаванинг учини тополмай гангиб колди. Ишнинг кўплигидан каловлаб колди. У ёш сакмончи кизнинг деворга суяниб бош кўйганини кўрди. Яллиғланиб кизариб кетган кўзларининг юмилиб, уйку билан олишаётганини ва кейин секин сирғалиб ерга ўтириб колиб бошини тиззасига кўйганича ухлаб колганини кўрди. Уни уйкудан уйғотмади.

Ўзи ҳам деворга суянганича секин пастга сирғалиб туша бошлади ва ўзини тута олмай, елкасидаги оғирлик уни ҳам аста-секин пастга бука бошлади.

У бўғиқ қийқириқдан ва қандайдир ерга бир нарсанинг «гум» этиб урилганидаи уйғониб кетди. Хуркиб сакраб кетган қуйлар унинг оёқларини босиб ўтишди. Танабой нима гап эканлигини билмасдан ўрнидан ирғиб туриб, атрофни куздан кечира бошлади. Тонг ёришиб қолган эди.

– Танабой, Танабой, ёрдам бер, – деб чақираётган эди хотини.

У томон сақмончи хотинлар, уларнинг орқасидан Танабой югуриб боришди. Қарасалар, у шифтдан қулаб тушган тўсин ёғоч остида ётарди. Тўсиннинг бир учи ёмғир ювиб кетган девордан сирғалиб чиқиб, чириб қолган томнинг оғирлигидан қулаб тушган эди. Уйқудан асар ҳам қолмади.

– Жайдар! – бақириб юборди у, елкаси билан тўсиннинг тагига кириб зарб билан кўтараркан.

Жайдар вой-войлаганича ёғоч остидан эмаклаб чиқди. Хотинлар бир нарсалар деб йиғлаб уни пайпаслаб кўра бошладилар. Қўрқувдан ҳеч нарсани тушунолмай қолган Танабой уларни ҳар томонга суриб, қалтироқ қўллари билан хотинининг фуфайкаси остини пайпаслай

бошлади:

- Нима, нима бўлди сенга?
- Вой, белим! Белгинам!
- Лат едимикин? Қани, қани! у дархол плашини ечди, унга Жайдарни солганларича қуйхонадан олиб чиқдилар ва палатага олиб бориб кура бошладилар. Сиртдан хеч қандай лат емагандай эди. Аммо аслида қаттиқ шикастланганди. Оғриқ азобидан қимирлай олмасди.

Жайдар йиғларди:

- Энди нима бўлади? Бу фалокат қаёқда кутиб турган экан, шундай долзарб кунларда-я, энди холларинг нима кечади?.
- «Эй Худо! деди Танабой хаёлан. Тирик қолганига шукур қилсачи, бу бўлса? Қуриб кетмайдими бу иш! Фақат соғ-омон бўлсак бўлгани, боёқишим...»

У хотинининг бошини силай бошлади:

– Нима бўлди сенга, Жайдар, тинчлан, соғайиб оёққа туриб кетсанг бўлгани. Бошқа ишлар учун ҳеч ташвиш тортма, эплаймиз...

Шундан кейингина аёллар ўзларига келиб, бир-бирларига гал беришмасдан Жайдарга насихат қилиб, уни тинчлантира бошладилар. Жайдар ҳам енгил тортгандек, кўз ёши аралаш кулимсиради.

– Майли, бу вокеа содир бўлганидан хафа бўлманг, мен узок ётмайман, бир-икки кундан сўнг туриб кетаман, ана кўрасиз.

Аёллар унга ўрин солишга ва гулхан қалашга ҳозирлик кўрдилар, Танабой эса қўйхонага қайтиб кетди. У бахтсизлик ёнлаб ўтиб кетганига ҳамон ишонмасди.

Янги ёққан юмшоқ қор узра оппоқ тонг ота бошлади. Қуйхонада Танабой тусин остида қолган қуйни топиб олди. Боя улар буни куришмаган экан. Қузичоқ улиб ётган совликнинг елинини тумшуқчаси билан турткилаб ётган эди. Хотинининг саломат қолганини эслаб, бу ҳол Танабойга янада қуркинчли ва янада қувончли туюлди. Танабой онасиз қолган қузичоқни олиб унга бошқа совликни излашга кетди, сунг тусин остига деворга суяб тиргович қуйди, у ёкда хотинининг ҳоли нима кечганидан хабар олиш учум бориш зарурлиги ҳақида ўйларди.

Ташқарига чиққанда яқиндаги қор устида секин тентиб юрган

қуйлар сурувига кузи тушди. Бегона бир чупон қуйларни у томон хайдаб келаётган эди. Бу қандай отар булди? Нега у қуйларни бу ёққа хайдаб келяпти? Улар аралашиб кетади-ю, қандоғ булди? Танабой бу овсар чупоннинг бировнинг яйловида юрганини айтиб огоҳлантирмоқчи булди.

Танабой яқинроқ бориб, отарни Бектой қувиб юрганини кўрди.

– Эй, Бектой, сенмисан?

У ҳеч нима демади. Индамасдан қўйларни у томон ҳайдаб келаверди, таёқ билан қўйларнинг орқасига дўппослаб урарди, «Ие, бу бўғоз совлиқларга нега мунча азоб беряпти!» — Танабойнинг жаҳли чиқди.

- Қаёқдан келяпсан? Қаёққа? Ассалом алайкум.
- Бир жойдан. Қаёққа бораётганимни эса, ўзинг кўриб турибсан. Бектой унга яқин келди, белини чилвир билан маҳкам боғлаб, қўлқопини қўйнига плашининг остига тиқиб қўйган эди.

Таёғини орқасида тутганича бир неча қадам нарида тўхтади, аммо саломлашмади. Жаҳл билан тупурди-да, қор устидаги тупугини оёғи билан ишқалади. Бошини бирдан кўтарди. Ўсиб кетган қоп-қора соқоли худди унинг ёш ва чиройли юзига ёпиштириб қўйилгандай эди. Жавдираб турган ўткир кўзлари қовоқ остидан хўмрайиб нафрат ва адоват билан қарарди. У яна тупурди, титраб-қақшаб қўлида ушлаб турган таёғини силтаб, қўйлар томон ишора қилди.

- Ол уларни. Истасанг сана, истамасанг ўзинг биласан, уч юз саксон беш бош.
 - Нима учун?
 - Кетаман.
 - Кетаманинг нимаси? Қаёққа кетасан?
 - Бошим оққан томонга.
 - Ахир мен айбдорманми?
 - Айбинг шуки, сен мени оталиққа олгансан.
- Нима бўпти? Тўхта, тўхта дейман, қаёққа? Қаёққа отланяпсан? фақат шундагина Танабой ўз оталиғидаги чўпоннинг ниятини англаб етган эди. Бошига қуйилиб келган қондан юраги сиқилиб, қизишиб кетди. Нега бундай бўлди? деди у саросимага тушиб.

- Бўлар иш бўлди. Қўлимдан келгани шу. Жонимдан тўйдим.
- Сен нималар деяётганингни тушуняпсанми? Бугун-эрта совликларинг қўзилайди-ку. Қандай қилиб кетасан?
- Шундай қилиб, биз билан шундай муомала қилар эканлар, биз ҳам шундай қилишимиз керак. Хайр! Бектой таёқни боши узра бор кучи билан айлантириб улоқтириб юборди-да, нарига юриб кетди.

Танабой ҳайрон бўлиб, турган жойида қотиб қолди. Сўзлашга сўз ҳам тополмади. У бўлса орқасига қарамасдан одимлаб кетаётган эди.

- Эсингни йиғ, Бектой! Танабой унинг орқасидан югурди. Бундай қилиш ярамайди. Нима қилаётибман деб ўйлаб кўр! Эшитяпсанми?
- Қуйсанг-чи! Бектой кескин бурилди. Буни сен уйлаб кур. Мен эса одамлар қандай яшаётган булса шундай яшашни истайман. Менинг бошқалардан бир ерим камми? Мен ҳам бошқалар сингари шаҳарда ишлаб, мояна олишим мумкин. Нега мен бу ерда қуйлар билан бирга нобуд булиб кетай. Ем-ҳашак булмаса, қуйҳона булмаса, бирон бошпана булмаса. Мени тинч қуй. Ишингга боравер. Жонингни Жабборга бериб, гунгга ботиб ул! Узингга бир қара, кимга уҳшаб кетибсан. Бу ерда ҳалок буласан. Сенга бу ҳам камлик қилади. Яна уртага шиорлар ташлайсан. Бошқаларни ҳам уз орқангдан эргаштирмоқчи буласан. Унақаси кетмайди! Меники булди! деди-ю, оппоқ қор устидан шундай шиддат билан юриб кетдики, унинг излари қорайиб сувга тулиб қолди.
- Бектой, сен сўзимга қулоқ сол! унга етиб олди Танабой. Мен сенга ҳаммасини тушунтираман.
 - Бошқаларга тушунтир, сўзингни тинглайдиган аҳмоқ йўқ!
 - Тўхта, Бектой, гаплашиб олайлик.

Бектой унинг сўзларини эшитишни истамай жўнаб қолди.

- Судга тушасан!
- Шундан кўра судга тушган ҳам маъқул! жаҳл билан жавоб ҳайтарди Бектой ва бошҳа ўгирилиб ҳарамади.
 - Сен қочқинчисан!
 - У кетаверди.
 - Бунақаларни фронтда отиб ташлашади!

У тўхтамай кетаверди.

- Тўхта, дейман! Танабой унинг енгидан ушлаб олди. У эса кўлини тортиб олиб юришда давом этди.
- Бунга йўл қўймайман, кетишга ҳаққинг йўқ! Танабой унинг елкасидан буриб тортди ва ногоҳ кўз ўнги хиралашиб атрофдаги оппоқ тепалар гир айланаётгандай туюлди. Кутилмаганда жағига келиб тушган мушт уни оёқдан қулатган эди. У гир айланган бошини кўтарганда Бектой аллақачон тепалик ортида ғойиб бўлган эди. Унинг орқасидан занжир ҳалқалари сингари ёлғиз оёқ излари қорайиб қолган эди.
- Соб бўлди бу йигит, кетди, деб инграрди Танабой кафтларини ерга тираб қаддини ердан кўтараркан. Ўрнидан турди. Қўллари қор аралаш лойга ботган эди. Нафасини ростлаб олди. Бектойнинг кўйларини тўплаб, бошини куйи солганича, ўз отари томон ҳайдаб кетди.

XVII

Овулдан чиққан икки отлиқ тоғ томон йўл олган эди. Уларнинг бири саман отда, иккинчиси тўриқ отда. Отларнинг думи қаттиқ тугиб қўйилган, афтидан, улар олисга кетишаётган эди. Қор аралаш лой парчалари туёқ остидан шалоплаб отилиб чиқиб, сачраб кетарди.

Гулсари таранг жиловни тортиб гижинглаганча шахдам қадам ташлаб борарди. Хўжайини соғайгунча у қантариқда дам олволган эди. Бирок хозир хам унинг устида хужайини эмас, балки чарм пальто брезент плашининг барларини очиб юборган устидан кийган аллақандай нотаниш киши ўтирар эди. Унинг кийимларидан бир оз краска ва резинка хиди келиб турарди. Чоро бўлак отда, унинг ёнида борарди. Йўрғани у тумандан келган ўртоққа берган эди. Гулсари йўқ эди. Йилкидан, ким мингани билан иши хўжайинидан ажратиб олганларидан буён унга кўп кишилар минган эди. Хар хил одамлар – яхшилари хам, ёмонлари хам, эгарда қулай ва ноқулай ўтирганлар хам бор эди. Олифталарнинг хам қўлига тушди. Улар отга мингандан кейин суюлиб кетишар эди! Улар жон-жахдлари билан отни чоптириб бирдан жиловини тортиб тўхтатар, олдинги оёклари билан тикка турғизар ва яна уриб ҳайдар ва яна жиловини зарб билан тортганча таққа тўхтатар эдилар. Нима қилаётганини ўзлари билмасдилар, фақат ҳамма унинг Гулсарида кетаётганини кўришса бас. Ҳамма-ҳаммасига кўникиб қолган эди Гулсари. Уни отхонада сақлаб зериктириб қўймасалар бўлгани. У ҳамон аввалги ҳавас, аввалги иштиёқ: югуриш, югуриш ва яна югуриш иштиёқи билан яшарди. У кимни олиб боряпти, бунинг унга аҳамияти йўқ. Бунинг от устида бораётган киши учун фарқи бор эди. Саман йўрғани бериб қўйишибдими, демак, уни ҳурмат қиладилар, ундан ҳайиқадилар. Кучли ва чиройли от эди Гулсари. Унга минган киши тинч, роҳат қилиб борарди.

Бу сафар йўрғага колхозга вакил қилиб юборилган туман прокурори Сегизбоев минган эди. Унга колхоз парторги хамрох булиб борар эди - бу катта хурмат. Парторг оғиз очмасди, эхтимол чучиётгандир: қузилатиш ёмон ахволда. Жуда ёмон эди. Шундай экан чўчигани маъкул. Курук сўзлар билан очмагани, аралашишдан нима фойда. Пастки лавозимдаги киши лавозимли кишидан ҳайиқмоғи керак. Акс ҳолда ҳеч қандай тартибинтизомнинг бўлиши мумкин эмас. Шундайлари хам бўладики, улар итоатларидаги кишиларни ўзлари билан тенг кўриб шу кишиларнинг ўзидан ейишади, килишади, кейин панд хасратларидан чанг чикади. Хокимият – катта иш, масъулиятли иш, уни бошқариш ҳар кимнинг ҳам қўлидан келавермайди.

Сегизбоев эгар устида йўрғанинг бир текисда қадам ташлашига монанд тебраниб, шуларни ўйлаб борарди, унинг кайфиятини ёмон деб ҳам бўлмасди, лекин ҳар ҳолда чўпонларни текширишга юборилаётган экан, у ерда эҳтимол кўнгилсиз аҳволга дуч келиши мумкин, буни билар эди. Қиш билан баҳор тўқнаш келиб, бир-бирига ён бергиси келмасди, бу тўқнашувда ҳаммадан кўп қўйлар талофат кўришарди, қўзичоқлар нобуд бўларди, ҳолдан тойган совлиқлар қириларди, уларни сақлаб қолиш мумкин эмасди. Ҳар йили аҳвол шу. Бундан ҳамма ҳабардор. Модомики, уни вакил қилиб юборишган экан, демак, у кимнидир жавобгарликка тортиши керак. Тумандаги

қуйларнинг катта қисми қирилиб кетиши хатто унга қул келишини ичида билиб турарди. Ахир чорвачиликдаги оғир ахволга тушиб қолганига у, туман прокурори, райком бюросининг аъзоси жавобгар эмас. Биринчи секретарь жавоб бериши керак. Хали янги, туманга яқиндагина келган, бошқаларнинг азобини хам у чексин. Сегизбоев бўлса, четдан қараб туради, у ёкдан юкоридаги ўртоклар хам кўришсин, янги секретарь юбориб килиб четдан хато кўйишмадимикин. ўйларкан Буларни хуноби ошарди, уни сайламаганларига хеч чидай олмасди. Прокурор бўлиб ишлаётганига озмунча вакт бўлдими. У ўзининг нималарга қодир эканлигини неча бор исботлаб кўрсатди. Хечкиси йўк, унинг дўстлари бор, бирон нима буладиган булса химоя қилишади. Вақт етди, энди у партиявий ишга ўтиши керак, прокурорлик стулида узок ўтириб колди... Йўрға яхши, лой демай, шилта демай, кема сингари тебраниб сузиб борарди. Парторгнинг оти терлаб-пишиб кетган эди, холбуки йўрға эндигина тер чикара бошлаганди...

Чоро бўлса ўз ўйлари билан банд. Унинг ранг-рўйи бир холатда, сўлғин юзи заъфарон, кўзлари киртайиб қолган. Юрак касалидан неча йиллардан бери азоб чекади. Вакт ўтган сари касали оғирлашиб борар, фикрлари мунгли эди. Ха, Танабой хак эди. Раис бакирардичақирарди, лекин бундан нима фойда. Кўпинча туманда қолиб кетар, доимо қандайдир иш билан банд буларди. Партия мажлисига унинг масаласини қуйиш керак эди, туманда булса орқага силтаб кутиб туришни тавсия қилишади. Нимани кутиш керак? Гўё Алданов ўз истаги билан кетмокчи, дейишарди, эхтимол, шунинг учундир? Тезроқ кетганда маъқул бўларди. Чорога ҳам кетиш вақти етган эди. Ундан нима фойда? Доимо касал. Шомансур каникулга келган эди, у хам кетишни маслахат берди. Кетиш мумкина, виждон-чи? Шомансур ақлли бола, энди куп нарсалар ҳақида отасидан кура яхшироқ мухокама юрита олар эди. Кишлок хўжалигини кандай бошкариш ва хоказо, хаммасига акли етарди. Уларга яхши таълим беришяпти, вакт келиб, улар хам таълим бераётган профессорларга етиб қолишар. Бирок, хали гап нима бўлади, нима кўяди – ўлиб кетадими! Аммо ўз ғам-аламларидан бош олиб кетолмайди. Ўзингдан қочиб қутула олмайсан. Ҳа, одамлар нима дейишади? Ваъда берди, ишонтирди, колхозни қарзга ботириб, мушкул ахволга солиб қўйди. Ўзи бўлса энди четга чиқиб олиб тинчгина яшаяпти, дейишади. Йўқ, унга тинчлик йўк, бўлмайди ҳам, яхшиси охиригача туриб бериши керак. Ёрдамга келишар, шунча узоқ вақт ёрдамсиз қолдиришмас — фақат тезроқ келишса, келганда ҳам манавига ўхшамай чинакам, ҳақиқий ёрдам келса. Иш барбод қилинганлиги учун суд қиламиз, дейди. Суд қилсанг қилавер! Ҳукм чиқариш билан ишни тузата олармидинг. Ана келяпти, қовоғи солиқ, гўё тоғдагиларнинг бариси жиноятчилару, фақат унинг ўзигина колхоз иши учун курашади, унга буларнинг ҳаммаси бир пул, фақат хўжа кўрсингагина келиб-кетади. Аммо айтиб кўрчи.

XVIII

Ғира-шира туман ичра улкан тоғлар қад кўтариб туради. Улар куёш нурини кўрмай қовоқ солганча хўмрайиб, баҳайбат паҳлавонлар сингари юксакликдан тумтаяди. Баҳор ҳавоси рутубатли, намгарчилик, туман.

Танабой ўз қўйхонасида жон олиб, жон беради, кун совук. Бирданига бир неча совлик қўзилаган, қўзичоқларни қўйишга жой йўк, дод деб борадиган жой йўк. Қўй-қўзилар маърашади, туртинишади. Барчаси ейиш-ичишни истайди, пашша сингари кирилади. Бу ёкда яна бели шикастланиб хотини ётади. Турмокчи бўларди-ю, қаддини ростлай олмасди. Майли, нима бўлса шу бўлар. Пичок бориб суякка қадалди.

Хамон хаёлидан Бектой кетмасди, бефойда ғазаб Танабойни руҳан эзиб, изтиробга солаётган эди. Бош олиб ётиб қолганлиги учун эмас (ўша ёкдан даф бўлсин), бошқаларнинг инига туҳум қўйиб кетган какку қуш сингари ўз отарини унга ташлаб кетганлиги учун ҳам эмас, пировардида, биронтасини юбориб, унинг қўйларини олиб кетишлари ҳам мумкин эди. Бу муттаҳамнинг авра-астарини очиб ташлай олмагани, бир гап билан уни уялтириб ерга киргизиб юбормагани унга алам қиларди. Гўдак! Мишиғини эплай олмаган гўдак! Танабой

бўлса кекса коммунист, бутун ҳаётини колхоз ишига сарфлаган киши унга боплаб жавоб қайтариш учун сўз тополмаса! Чўпонлик таёгини улоқтирганича кетди бу она сути оғзидан кетмаган мишиқи. Танабой шундай воқеа юз беради деб ўйлаганмиди? Унинг жонажон иши устидан биров кулади деб ўйлаганмиди?

«Бас!» ўзини тўхтатди у ва бир дақиқадан сўнг яна ўша фикр кўнглини буза бошлади.

Мана, яна битта совлик қўзилади, эгизак туғибди, қандай чиройли қўзичоқлар. Аммо уларни қаерга жойлаштирамиз? Қўйларнинг елини ҳам шалвираб ётибди, ҳа, уларда қаёқдан ҳам сут бўлсин? Демак, булари ҳам нобуд бўлади? Эҳ, фалокат! Ана, аллақачон у ерда совукда қўй-қўзилар ўлиб ётибди. Танабой ўлимтик қўзичоқларни йиғиб олиб чиқариб ташлашга кетди. Ҳаллослаганича олдига қизчаси югуриб келди.

- Ота, бошлиқлар келишяпти.
- Майли келишаверсин, тўнғиллаб қўйди Танабой. Сен бор қизим, ойингга қара.

Танабой қуйхонадан чиқиб, икки отлиққа кузи тушди. «О! Гулсари! — қувониб кетди у. Қалбидаги эски тор бир овоз чиқариб куйди. — Куришмаганимизга қанча вақт булди! Унинг юришига қара, ҳамон ушандоғ!..» Уларнинг бири Чоро. Йурға отда келаётган чарм пальтоли кишини эса танимади. Тумандан биронтаси булса керак.

«Ҳа, нихоят келишди», ўйлади у аламзадалик билан. Бу ерда унинг шикоят қилиши, ўз қисматини айтиб юрагини бўшатиб олиши мумкин эди, бирок унинг бундай қилиши мумкин эмасди, у зорланмайди, майли улар уялишсин, улар қизаришсин. Шундай ҳам бўладими! «Ўл» деб ташлаб қўйиб, энди қораларини кўрсатишаётган бўлса...

Танабой уларнинг келишини кутиб турмай харом ўлган кузичокларни куйхона бурчагидаги уюмга олиб бориб ташлаш учун кетди. Шошилмасдан қайтиб келди. Улар бу орада курага киришган эди. Отлар оғир нафас оларди. Чоро гунохкор ва аянчли бир киёфада куринарди. Демак, дусти олдида жавобгарлигини сезган. Йурға от устидаги киши эса ғазабли, дахшатли куринарди. У хатто Танабой

билан саломлашмади хам. Дархол тутақиб кетди:

- Бу қандай ярамас иш! Қаерга борма шу ахвол! Бу ерда нималар бўлаётганини кўряпсанми! ўшкирди у Чорога юзланиб. Сўнг Танабой томон ўгирилди. Бу нима килганинг, ўрток, деди у кўли билан нобуд бўлган кўзичокларни Танабой олиб бориб ташлаган томонга ишора килиб, чўпон, коммунист, кўйлар бўлса ўляпти.
- Улар, эҳтимол менинг коммунист эканлигимни билишмас, ачитиб гапирди Танабой ва шу заҳотиёқ гўё унинг ичида бир нарса шартта узилгандай кўнгли вайрон, ҳамма нарса унга фарқсиз бўлиб, кўз ўнги қоронғилашди.
- Бу билан нима демоқчисан? Сегизбоев қизариб кетди ва жим бўлиб қолди. Социалистик мажбурият олганмисан? Нихоят калаванинг учини топиб олди.
 - Ха, олганман.
 - У ерда нима дейилган эди.
 - Эслай олмайман.
- Мана шунинг учун ҳам сенинг қўзичоқларипг ҳаром ўляпти! Сегизбоев қамчи дастаси билан яна ҳалиги томонни ишора қилди ва бирдан узангидан кўтарилиб, бу сурбет чўпоннинг таъзирини бериб қўймоқчи бўлди.

Лекин у аввал Чорога ёпишиб кетди: — Сиз қаёққа қараяпсиз? Одамлар ҳатто ўз вазифаларини ҳам билмайдилар. Планни бузяптилар, молларни ўлдиряптилар! Сиз бу ерда нима иш билан шуғулланяпсиз! Ўз коммунистларингизни қандай тарбиялаяпсиз! Қанақа коммунист у? Мен сиздан сўраяпман?

Чоро бошини қуйи солиб жим турар, қўлида тизгинни ғижимларди.

- Бўлгани шу, унинг учун бамайлихотир жавоб берди Танабой.
- Ҳа-ҳа, бўлгани шу. Сен зараркунандасан! Сен колхоз мулкини йўқ қилиб юборяпсан. Сен халқ душманисан. Сенинг ўрнинг партияда эмас, турмада. Сен мусобақа устидан куляпсан.
- Ҳа, турмада, менинг жойим турмада, тасдиқлади Танабой боягидек осойишталик билан. Унинг қалбини тимдалаган алам, сабр косасини тўлдирган аччиқ ҳасратдан жилмайган лаблари пирпираб

- учарди. Хўш, яна нима демокчисан? учаётган лабларини кисиб Сегизбоевга тикилиб туриб олди.
- Нега сен бунақа гапиряпсан, Танабой? аралашди Чоро, нега?
 Очикроқ тушунтирсанг-чи.
- Оҳо! Ҳали сенга ҳам тушунтириш керакми? Сен нима учун бу ерга келдинг, Чоро? бақирди Танабой. Нега келдинг? Сендан сўраяпман? Менинг қўзиларимнинг ўлаётганини айтиш учунми? Буни ўзим ҳам биламан! Томоғимгача гўнгнинг ичида кўмилиб ўтирганимни айтиш учун келдингми? Буни ўзим ҳам биламан! Мен колхозни деб жонимни Жабборга берганим учун айбдорманми? Буни ўзим ҳам биламан.
- Танабой! Танабой! Эс-хушингни йиғиб ол! Ранги ўчиб кетган Чоро сакраб эгардан тушди.
- Нари тур! итариб юборди уни Танабой. Мен ўз мажбуриятимга ҳам, бутун ҳаётимга ҳам тупурдим. Қоч! Менинг жойим турмада! Сен нима учун манави чарм пальтоли янги манапни бошлаб келдинг? Мени ҳўрлаш, менинг устимдан кулиш ёки масҳара ҳилиш учунми? Мени ҳамаш учунми? Қани, аблаҳ, ҳама мени турмага! Танабой бирор нарса олиш учун олазарак бўлиб турди, ҳўлига деворга суёғлиҳ паншаҳа илиниши билан Сегизбоевга ташланди. Қани, аблаҳ, ҳет бу ердан! Йўҳол!

Жахли чиққанидан нима қилаётганини билмай паншахани силкита бошлади.

Қўрқиб кетган Сегизбоев йўрғанинг бошини гох у томонга, гох бу томонга тортар эди. Паншаха гангиб қолган отнинг бошига урилиб сакраб кетар, шарақлаб яна унинг бошига келиб тушар эди.

Нима учун Гулсари титраб бошини силкитаётганини, нега мунча сувлик унинг кизариб турган жағини йираётганини, нима учун унинг кўзлари хонасидан чикиб кетай деяётганини ғазабланган Танабой тушунмасди.

– Қоч, Гулсари, нари тур! Мен мана шу чарм пальтоли манапни тутиб олай, – деб бақирарди Танабой гуноҳсиз йўрғанинг бошига устма-уст тушириб.

Шошилиб келган ёш сақмончи аёл унинг қўлига осилиб,

паншахани юлиб олишга уринди. Лекин Танабой уни итариб юборди.

 – Қочайлик! Орқага қочайлик! Ўлдириб қўяди! – деб отига миниб олган Чоро Танабой билан Сегизбоевнинг ўртасига ўзини ташлади.

Танабой паншаха билан унга ҳам ҳамла қилди. Иккаласи ҳам от қуйиб қурадан қочиб қолишди. Отларнинг думига, узангисига сапчиган ит ҳам ҳуриб, уларнинг орқасидан югурди.

Танабой бўлса қоқилиб-суқилиб уларнинг изидан чопар, қўлига тушган кесакни улоқтирар ва ҳамон бақирарди:

– Менинг жойим турмада! Турмада! Йўқол! Йўқол бу ердан! Менинг жойим турмада! Турмада!...

Кейин у орқага қайтди, нафаси бўғзига тикилиб, ҳамон ўзича ғулдурарди: «Менинг жойим турмада, турмада!» Унинг ёнида ўз бурчини бажарганидан гердайиб кўппак ит чопиб борарди. У ўз ҳўжайинининг мақтовини кутарди, лекин ҳўжайин унга эътибор бермасди.

Қўрқувдан ранги ўчиб кетган Жайдар ҳассага суяниб оқсоқлаганича рўпарадан келарди.

- Нима қилиб қуйдинг! Нима қилиб қуйдинг?
- Э, аттанг! Э, аттанг!
- Нимага ачиняпсан? Албатта, аттанг, дейсан.
- Йўрғани бекордан-бекорга урганимга.
- Ақлинг жойидами ўзи? Нима қилиб қўйганингни биласанми?
- Биламан. Мен зараркунандаман. Халқ душманиман, деди у нафаси сиқилиб. Кейин жим бўлиб қолди ва қўли билан юзини махкам бекитганича икки букилиб, ҳўнг-ҳўнг йиғлади.
- Ўзингни бос, ўзингни бос, ялинарди хотини ўзи ҳам унга кўшилиб йиғларкан. Лекин Танабой ҳамон у ёқ-бу ёққа тебраниб йиғларди.

Хеч қачон Жайдар Танабойнинг йиғлаганини курмаганди...

XIX

Шу фавкулодда ходисанинг учинчи куни туман партия

комитетининг бюроси бўлди.

Қабулхонада Танабой Бакасов ўзини кабинетга чақиришларини кутиб ўтирар эди. Ичкарида у ҳақда гап борарди. Бу кунлар ичида у кўп ўйлади. Лекин у айбдорми ёки йўқми, буни ҳозирча била олмасди. Ҳокимият вакилига қўл кўтариб оғир жиноят қилганини тушунарди. Лекин гап фақат шундагина бўлганидаку, ҳамма нарса осонликча ҳал бўлар эди-я. У ўзининг ножўя хатти-ҳаракати учун ҳар ҳандай жазо беришларига тайёр эди.

Ахир у ғазабдан ўзини боса олмай колхоз учун жон куйдириб килган хизматларини шамолга учириб юборди, ўзининг бутун ташвиш ва эзгу-ўйларини барбод килди. Энди унга ким ишонади? Унинг ахволини энди ким тушунади? «Эхтимол, тушунишар? — умид учкунлари чакнади унда. — Хаммасини гапираман: бу йилги киш хакида, кўйхона ва ўтов хакида... Майли, текшириб кўришсин. Хўжаликни шундай бошқариш мумкинми? — Ўтган ишларга сира афсусланмасди. — Майли, мени жазолашсин, — ўйларди у. — Эхтимол, шунда бошқаларга енгил бўлар. Эхтимол шундан кейин чўпонларга карашар, бизнинг турмушимиз, кийинчиликларимизга эътибор беришар».

Лекин бир дақиқа ҳам ўтмасдан бутун кечмишларини эслаб, у яна ғазабига чидай олмай тиззалари орасида муштларини қисар, қайсарлик билан ўзиникини ўзи маъқулларди: «Йўқ, менинг ҳеч қандай айбим йўқ!» Кейин яна шубҳаланарди...

Қабулхонада негадир Иброхим ҳам ўтирарди. «У нима қилиб юрибди бу ерда? Ўлакса кўрган қузғундай учиб келибди», — Танабойнинг жони ҳалқумига келиб унга тескари қараб ўтириб олди. У ҳам бошини қуйи солиб чўпонга қараб хўрсиниб, жимгина ўтирарди.

«Нега мунча чўзишяпти? — стулда типирчилаб ўтирган Танабой ўйларди, — жазо беришадиган бўлса — беришмайдими!» Кабинетга деярли ҳамма йиғилиб бўлган эди. Бундан бир неча дақиқа аввал ҳаммадан кейин Чоро кириб кетди. Танабой уни этигининг қўнжига ёпишиб қолган жундан таниди. Саман йўрғанинг сариқ жуни эди. «Жуда шошибди, Гулсари ҳам терга пишиб кетган бўлса керак»,

ўйлади у. Лекин бошини кўтармади. Қўнжига жун ёпишган, от теридан бир оз намланган этик Танабой олдидан аста босиб ўтиб эшик ортида кўздан ғойиб бўлди. Секретарь қиз кабинетдан чиқкунча анча вақт ўтди.

– Киринг, ўртоқ Бакасов.

Танабой чўчиб ўрнидан турди-да, кабинет томон юра бошлади. Юрагининг тўхтовсиз гупиллаб ураётганлиги кулоғи остида эшитилиб турарди. Унинг кўз олди қоронғилашиб кетди. У бу ерда ўтирган одамларни деярли бир-биридан ажрата олмасди.

– Ўтиринг. – Туман партия комитетининг биринчи секретари Қашқатоев Танабойга узун столнинг охиридан жой кўрсатади. Танабой ўтирди. Оғирлашиб кетган қўлларини тиззасига қўйиб кўз олдини босган қоронғиликнинг тарқашини кутди. Кейин столнинг нариги четига қаради. Биринчи секретарнинг ўнг томонида кеккайиб Сегизбоев ўтирарди. Танабой бу одамга шундай нафрат билан бокдики, унинг кўз олдини ўраб турган қоронғилик бир зумда тарқаб кетди.

Стол атрофида ўтирганларнинг юзлари аниқ-таниқ кўринди. Сегизбоевнинг ковоғи осилиб, кизариб-бўзариб кетган эди. Чоронинг юзи эса оқариб кетган ва бутунлай қонсиз эди. У энг четда, ҳаммадан кўра Танабойга яқин ерда ўтирарди. Унинг ориқ қўллари столга ёпилган яшил мовут устида асабий қалтираб турарди. Чоронинг қаршисида ўтирган колхоз раиси Алданов аччиғланиб қаттиқ пишилларди, атрофига хўмрайиб назар ташларди. У кўриладиган ишга ўз муносабатини яширмасди. Бошқалар, афтидан, нима бўлишини кутиб турардилар. Ниҳоят, биринчи секретарь папкадаги коғозлардан бош кўтарди.

- Коммунист Бакасовнинг шахсий ишини кўришга ўтамиз, деди у сўзларни чертиб-чертиб.
- Ҳа, уни коммунист деб аташ мумкин бўлса, деди кимдир истеҳзо билан тиржайиб.

«Ёвузлар! – деб қўйди ўзича Танабой, – улардан раҳм-шафқат кутма. Нима учун мен шафқат кутишим керак? Нима, мен жиноятчиманми?»

У ўзи ҳақидаги масаланинг ҳал қилинишида икки яширин рақиб томоннинг тўқнашиб қолганини ва уларнинг ҳар бири бу аянчли ҳодисадан ўзларича фойдаланишга тайёр эканликларини билмас эди. Биринчи томон — Сегизбоев ва унинг тарафдорлари, янги секретарнинг қаршилигини синаб кўриш ва агар иложи бўлса уни кўлга олишни ўйларди. Бошқа, иккинчи томон, бу Қашқатоев эди. Қашқатоев ўз ўрнига Сегизбоев кўз тикаётганини билар эди. Шунинг учун у ўз обрўсини ерга урмаслиги ва бу хавфли одамлар билан бўлган муносабатини ҳам кескинлаштирмаслиги керак.

Райком секретари Сегизбоевнинг ахборот хатини ўқиб берди. Хатда «Оқтош» колхозининг чўпони Танабой Бакасовнинг хақорати ва килган барча жинояти батафсил ёзилган эди. Ахборотда Танабой рад килиши мумкин бўлган бирор ортикча нарса йўк, лекин хатнинг оханги, унга кўйилаётган айбларнинг баён этилиш тарзи унинг тарвузини кўлтиғидан тушириб юборди. У ўзининг мана шу дахшатли коғоз олдида мутлако ожиз эканини тушуниб етгач, аъзойи баданидан тер чикиб кетди. Сегизбоевнинг ахбороти ўзидан хам дахшатлирок бўлиб чикди. Бу коғозга паншаха билан хам ташлана олмайсан. Қаршилик кўрсата олмайсан. Танабой ўзини оклаш учун нималарни айтишни мўлжаллаган бўлса хаммаси бир зумда пучга чикди. Хаммаси унинг кўз олдида ўз ахамиятини йўкотиб, чўпоннинг ўз ахволидан нолиб килган аянчли арздодига айланиб колди. Ахмок эмасми ўзи? Бу дахшатли коғоз олдида у ўзини оклай олармиди! У ким билан олишмокчи?

- Ўртоқ Бакасов, сиз бюро аъзоси ўрток Сегизбоевнинг хатида келтирилган фактларнинг тўғрилигини тан оласизми? сўради Қашқатоев ахборотни ўқиб бўлиб.
- Ҳа, бўғиқ овоз билан жавоб берди Танабой. Ҳамма жим ўтирарди. Ҳамма бу қоғоздан ваҳимага тушиб қолгандай. Алданов, кўрдингизми нималар бўляпти, дегандай стол атрофида ўтирганларга сурбетлик билан қараб чиқди.
- Ўртоқ бюро аъзолари, агар рухсат берсаларингиз, мен бу ишнинг асл мохиятига аниклик киритсам, дадил гапирди Сегизбоев. Мен коммунист Бакасовнинг бу ишини шунчаки безорилик деб

тушунмоқчи бўлган ўртоқларни дархол огохлантириб қўймоқчиман. Агар шундай булганда эди, менга ишонинг, бу масалани бюрога киритмаган бўлар эдим. Безорилар билан курашнинг бизда бошқа йўллари бор. Гап, албатта, менинг шахсиятимнинг тахкирланишида эмас. Менинг орқамда туман партия комитетининг бюроси турибди, агар билишни хохласангиз, бутун партия турибди ва мен унинг обрўсига путур етказишга, уни тахкирлашга йўл кўя олмайман. Яна хам мухими – бу иш коммунистлар ва партиясизлар ўртасида сиёсийтарбиявий ишларни ўз холига ташлаб қўйилганидан, райкомнинг идеология сохасида олиб бораётган ишидаги мухим камчиликлардан Бизнинг хаммамизга Бакасовга ўхшаш беради. коммунистларнинг мафкураси учун жавоб беришга тўгри келади. Яна бизга, унинг ўзи ёлғизми ёки хамфикрлари хам борми, деган масалани аниклашга тўғри келади. «Чарм пальтоли янги манап!» сўзи билан у нима демокчи. Пальтони бир четга куйиб турайлик. Бакасовнинг фикрича, мен – совет кишиси, партиянинг вакили – янги манап, бойвачча, халқни бўғувчи эмишман. Қаранг-а! Тушуняпсизми, бу нима деган гап, нима маъно бор бу гапнинг тагида? Тушунтириб ўтириш ортикча бўлса керак деб ўйлайман... Энди масаланинг иккинчи томони ҳақида. «Оқтош»даги чорвачиликнинг ўта кетган ёмон ахволда эканидан хафа бўлиб, кўзимга хеч нарса кўринмай, гўё ўз социалистик мажбуриятини унутиб қолган Бакасовнинг кишини ғазаблантирадиган сўзларига жавобан уни зараркунанда, душмани деб атадим ва унинг жойи партияда эмас, турмада дедим. Тан оламан – хақорат қилдим ва унинг олдида кечирим сўрашга тайёр эдим. Энди билсам хакикатан хам бу шундай экан. Айтганларимни кайтиб олмайман ва дангал айтаман: Бакасов – хавфли, душмансифат одам.

Танабой нималарни бошдан кечирмади. У бошидан охиригача урушда бўлди. Аммо унинг юраги хозиргидек садо чикариб уриши мумкинлигини хаёлига хам келтирмаган эди. Кулоклари остида болға зарбасидек эшитилган бу садо рухини эзар, қалбини тирнар, ўзини ўнглаб олишга имкон бермасди. «Тавба, — боши лўқилларди

Танабойнинг, — ҳаётимнинг бутун мазмуни — ишларимнинг бутун мазмуни ҳаёҳҳа кетди? Мана энди келиб-келиб халҳ душмани бўлдим. Мен-ку ҳандайдир ҳўйхона учун, чала ўлик ҳўзичоҳлар учун, йўлдан озган Бектой учун азоб чекяпман. Буларнинг кимга кераги бор!..»

- Ахборотимдан келиб чикадиган хулосаларни яна бир марта эслатиб ўтаман, – давом этди Сегизбоев сўзларни жой-жойига қўйиб. - Бакасов бизнинг тузумимизни куролмайди. Колхозни, социалистик кўролмайди, хаммасига тупуради, бизнинг мусобакани турмушимизни кўролмайди. Буни унинг ўзи колхоз парторги ўрток Саёков олдида хам очикчасига айтди. Бундан ташкари унинг харакатларида хокимият вакили ўз хизмат вазифасини ўтаб турган вақтда унга суиқасд қилиш каби жавобгарликка тортиладиган жиноят состави хам бор. Мени тўғри тушунишингизни сўрайман, Бакасовни суд жавобгарлигига тортиш учун санкция беришингизни ва бу ердан олинишини сўрайман. чикиши билан дархол қамоққа эллик саккизинчи жиноятлари моддага тамоман Бакасовнинг партия сафида қолдирилиши ҳақида, менимча, гап ҳам бўлиши мумкин эмас!..

Сегизбоев ортикча талаб қўйганини биларди. Лекин у шуни хисобга олган эдики, агар бюро Танабой Бакасовни жиноий жавобгарликка тортиш лозим деб топмаса хам, хар холда уни партия сафидан чикариши аник эди. Бу таклифни Қашқатоев қувватламай иложи йўк эди. Ана шунда Сегизбоевнинг мавкеи яна кўпрок мустахкамланарди.

- Ўртоқ Бакасов, сиз ўз хатти-харакатларингиз хакида нима дейсиз? сўради Қашқатоев бир оз асабийлашиб.
- Хеч нарса. Хаммаси айтилди, жавоб берди Танабой. Демак, мен зараркунанда, халқ душмани эканман, бундан кейин ҳам шундай бўлиб қоларканман. Шундай бўлгач, нима ҳақда ўйлаётганимни билишнинг нима кераги бор? Ўзларинг ҳал қилинглар, сизларга равшанроқ...
 - Сиз ўзингизни соф виждонли коммунист деб хисоблайсизми?
 - Энди буни исбот қилиб бўлмайди.
 - Сиз ўз айбингизни тан оласизми?

- Йўқ.
- Нима, сиз ўзингизни ҳаммадан кўра ақллироқ деб хисоблайсизми?
 - Йўк, аксинча, хаммадан кўра аклсизрок.
- Рухсат беринг, мен гапирай. Кўкрагига комсомол значоги таққан ёш йигит ўрнидан турди. У ўтирганлар ичида ҳаммадан ёш бўлиб, нимжонгина, чўзик юзли, кўринишда ёш болага ўхшар эди.

Танабой уни энди пайқаган эди.

«Фош қилавер, бола, аяма, – деди у ўзича. – Мен ҳам қачонлардир шунақа эдим, ҳеч аямасдим...»

- Гапиринг, Каримбеков, бош ирғади унга Қашқатоев.
- Мен ўртоқ Бакасовнинг қилмишларини маъкулламайман. У қилмишига яраша партия жазосини олиши керак. Шунингдек, ўртоқ Сегизбоевга ҳам қушила олмайман. Каримбеков ҳаяжондан овози титраб, узини босиб олди. Мен ўртоқ Сегизбоевнинг узини ҳам муҳокама қилиш керак деб ҳисоблайман.
- Ана холос! унинг сўзини бўлди кимдир. Нима, сизда комсомолда тартиб шунаками?
- Тартиб хаммада хам бир хил, жавоб берди Каримбеков яна хам хаяжонланган холда қизариб. Унинг тили тутилиб қолди ва танг ахволдан қутулишга уриниб сўз қидира бошлади ва бирдан жонжахди билан кескин ва ғазаб билан шартта деди: – Колхозчи, чўпон, кекса коммунистни хакорат қилишга сизнинг нима хаккингиз бор эди? Мана мени халқ душмани деб кўринг-чи... Сиз буни колхозда ёмонлиги хафа бўлганингиз, чорвачиликнинг ахволи учун қайғурганингиз билан исбот қилмоқчи бўласиз. Лекин сиз, чўпон сиздан ҳам кўп қайғурганини кўз олдингизга келтиролмайсизми? Қўзилар нега ўляпти? Сиз унинг олдига борганингизда унинг турмуш шароити билан, ишлари қандай бораётгани билан қизиқдингизми? Йўк, сизнинг ахборотингизга қараганда, сиз тўгридан-тўгри уни хақорат қилишдан бошлагансиз. Хозир колхозларда қўзилатиш кампанияси оғир ахволда экани хеч кимга сир эмас.

Мен жойларда бўлиб тураман. Биз улардан талаб қиламиз, лекин амалда ҳеч қанақа ёрдам бермаймиз. Мен комсомол чўпонлар олдида

жуда нокулай аҳволда қоламан, тўғриси уяламан. Қаранг, колхозларда кўйхоналар қай аҳволда? Озуқа масаласи-чи? Менинг ўзим чўпон боласиман. Ёш кўзилар ўлганда қандай аҳвол юз беришини яҳши биламан. Институтда бизни бошқа нарсаларга ўқитишган эди. Жойларда эса аҳвол эскича. Буларни кўрсанг жонинг ачийди!..

- Ўртоқ Каримбеков, унинг сўзини бўлди Сегизбоев, рахмимизни келтиришга уринманг. Хис-хаяжон хар хил маънони англатадиган тушунча. Фактлар керак, фактлар, хис-хаяжон эмас.
- Кечирасиз, бу ерда жиноятчи устидан суд бўлаётгани йўк. Балки партия сафидаги бир ўртоғимизнинг иши ўртокларча мухокама килинмокда, давом этди Каримбеков. Коммунистнинг такдири хал килинмокда. Келинглар, биргалашиб ўйлаб кўрайлик. Ўрток Бакасов нима учун шундай иш килди. Албатта, унинг ишини коралаш керак. Лекин бу хол кандай юз берди. Колхознинг энг яхши чорвадорларидан бўлган Бакасов кандай килиб бу ахволга тушиб колди?
- Ўтиринг, деди норози оҳангда Қашқатоев. Сиз бизни масаланинг асл моҳиятидан четга тортяпсиз, ўртоқ Каримбеков. Менимча, бу ерда ўтирганларнинг ҳаммасига шу нарса аниқ равшанки, коммунист Бакасов оғир жиноий иш қилган. Бу қандай гап? Қаерда кўргансиз бунақа ишни? Биз ўз ходимларимизнинг обрўсини туширишга, бизнинг вакилларимизга паншаха кўтариб ҳамла қилишга ҳеч кимга йўл қўймаймиз. Ўртоқ Каримбеков, сиз ҳалб, ҳиссиёт ҳақидаги ўринсиз тортишувлар ўрнига комсомол ишларининг қандай бораётгани ҳақида ўйлаб кўрсангиз бўларди. Туйғу-туйғу билан, иш-иш билан. Бакасовнинг қилган иши бизни сергаклантириши керак ва албатта, унга партия сафида ўрин йўқ.

Ўрток Саёков, сиз колхоз парторги сифатида бу вокеаларнинг хаммасини тасдиклайсизми? – сўради у Чородан.

- Ха, тасдиқлайман, деди ранги оқариб кетган Чоро секин ўрнидан туриб. Лекин мен бир нарсани айтмоқчи эдим...
 - Нима демокчисиз?
- Биринчидан, мен Бакасовни ўзимизнинг партия ташкилотимизда муҳокама қилишимизни сўрардим.

- Бу шарт эмас. Партия ташкилотининг аъзоларига райком бюроси қарори ҳақида ахборот берасиз. Яна нима керак?
 - Шуни айтиб ўтмокчи эдимки...
- Нимани, ўртоқ Саёқов? Бакасовнинг партияга қарши хаттихаракатлари кўриниб турибди. Энди буни тушунтирадиган жойи йўк. Сиз ҳам жавобгарсиз. Коммунистларни тарбиялаш соҳасида ишларни барбод қилганингиз учун сизга ҳам чора кўрамиз. Нима учун сиз ўрток Сегизбоевни бу масалани бюрога кўймасликка кўндиришга ҳаракат қилдингиз? Хаспўшламоқчимидингиз? Бемаънигарчилик! Ўтиринг!

Мунозара бошланди. МТС директори ва туман газетасининг мухаррири Каримбековни кувватлаб чикдилар. Бир он хатто Танабойни химоя килиш мумкиндек кўринди. Танабойнинг ўзи эса рухи тушган ва хаяжонланганидан хеч кимнинг гапини эшитмасди. У хадеб ўз-ўзига савол берарди: «Менинг бутун орзу-умидларим каёкқа кетди? Бизнинг отарларда, подаларда бўлаётган ахвол билан бу ердагиларнинг ишлари хам йўк. Мен ахмок бўлиб юрган эканман. Ўз умримни колхозни деб, кўй-кўзилар деб ўтказдим. Хозир эса буларни хисобга олмаяптилар. Энди мен хавфли одамман. Жин урсин сенларни! Билганларингни килинглар — агар шу билан ишлар яхшиланиб кетадиган бўлса — ачинмайман. Мени уриб хайданглар, менинг куним битган, уринглар, аяманглар...»

Колхоз раиси Алданов сўзга чикди. Унинг башараси ва ҳаракатларидан Танабой кимнидир койиётганини сезди. Лекин кимни? У «Кишан... йўрға, Гулсари...» деган сўзни эшитмагунча буни тушуниб етмади.

— ...Нима бўлди дейсизми? — деди Алданов жаҳл билан. — Биз отни тушовлаб қўйишга мажбур бўлганимиз учун у очиқдан-очиқ менга, бошингни уриб ёраман, деб дўқ урди. Ўртоқ Қашқатоев, ўртоқ бюро аъзолари, мен колхоз раиси сифатида бизни Бакасовдан қутқаришларингизни сўрайман. Ҳақиқатан ҳам унинг жойи турмада. У раҳбар ходимларнинг ҳаммасини ҳам кўролмайди. Ўртоқ Қашқатоев даҳлизда Бакасовнинг менга қилган дўқ-пўписаларини тасдиқловчи гувоҳлар ўтиришибди. Уларни бу ерга таклиф қилиш

мумкинми?

– Йўқ, ҳожати йўқ, – жиркангандай юзини буруштирди Қашқатоев. – Шу ҳам етади. Ўтиринг.

Кейин овозга қуйишди.

- Битта таклиф киритилди. Ўртоқ Бакасов партия аъзолари сафидан ўчирилсин. Ким кўшилади?
- Бир дақиқа, ўртоқ Қашқатоев, яна ирғиб ўрнидан турди Каримбеков. Ўртоқ бюро аъзолари, биз бу билан оғир хатога йўл кўяётганимиз йўқми? Бошқа таклиф бор. Бакасовнинг шахсий делосига ёзиб қўйиш шарти билан, қаттиқ хайфсан бериш билан чегаралансин. Шу билан бирга бюро аъзоси Сегизбоевга ҳам коммунист Бакасовнинг инсонлик шаънини таҳқирлагани, райкомнинг вакили сифатидаги қўллаган ярамас, иш услуби учун ҳайфсан эълон қилинсин.
 - Демагогия, бақирди Сегизбоев.
- Тинчланинглар, ўртоқлар, деди Қашқатоев. Сизлар райкомнинг бюросида ўтирибсизлар, уйларингда эмас, тартибга риоя килишингизни сўрайман. Бу ёғи энди райкомнинг биринчи секретарига боғлиқ эди. У масалани Сегизбоев мўлжаллаган томонга буриб юборди. Бакасовни жиноий жавобгарликка тортишни менимча кераги йўк. Лекин у партия сафида колишга лойик эмас. Бу масалада ўрток Сегизбоев бутунлай ҳақли. Овозга қўяман. Бакасовни партиядан ўчирилсин, деган ўртоқлар қўл кўтарсин.

Бюро аъзолари етти киши эди. Учтаси ўчирилсин, деб кўл кўтарди, учтаси қарши. Фақат Қашқатоевнинг ўзи қолди. У бир оз кечикиб, ўчирилсин деб кўл кўтарди. Танабой хеч нарсани кўрмади. У ўз масаласининг хал қилинганлигини фақат Қашқатоевнинг секретарь аёлга айтган сўзларидан кейингина эшитди.

 Протоколга ёзиб қуйинг. Райком бюросининг қарори билан ўртоқ Бакасов Танабой партия сафидан ўчирилди.

«Тамом!» – деди ичида Танабой, мурдадай совиб.

– Мен Сегизбоевга ҳайфсан берилишини талаб қиламан, – деди буш келмасдан Каримбеков.

Буни овозга қуймаса ҳам буларди. Лекин Қашқатоев овозга қуйиш

керак, деган қарорга келди. Бунда ўзининг яширин мақсади ҳам бор эди.

— Ким ўртоқ Каримбековнинг таклифига кўшилса кўл кўтаришларингизни сўрайман. — Яна уч киши уни ёклаб, уч киши карши кўл кўтаради. Яна Қашқатоев тўртинчи бўлиб кўл кўтариб Сегизбоевни хайфсандан куткариб колди. «Лекин у буни билармикан, бу хизматнинг кадрига етармикан? Ким билади буни... Маккор, кув».

Одамлар кетишга тайёрланиб, ўринларидан қўзғалишди. Танабой энди ҳамма нарса тамом бўлди деб ўйлади ва индамай ўрнидан турди, ҳеч кимга қарамай эшик томон юра бошлади.

- Бакасов, қаёққа? Тўхтатди уни Қашқатоев. Партия билетингизни қолдириб кетинг.
- Қолдириб кетай? Нима ҳодиса бўлганини Танабой энди тушунган эди.
- Ҳа. Столга қўйинг. Энди сиз партия аъзоси эмассиз ва уни олиб юришга ҳаққингиз йўқ.

Танабой партбилетини олиш учун қўйнига қўл солди. Орага чўккан жимликда у анча ивирсиди. Унинг партбилети фуфайкаси, костюми остидаги чарм сумкачада бўлиб, буни Жайдар тикиб берган эди. Бу сумкачани Танабой қайиш ўтказиб елкасига тақиб юрарди. Хуллас, у сумкачани олди. Қўйнидан кўксига тегиб, баданининг илик хид уриб қолган партия билетини олди ва Қашқатоевнинг совук, ярқироқ столи устига қўйди. Ҳатто ўзи ҳам совуққа қотгандек жунжикиб кетди. Яна ҳеч кимга қарамасдан сумкачасини қўйнига солиб кетмоқчи бўлди.

- Ўртоқ Бакасов, орқадан Каримбековнинг овози эшитилди.
 Унинг юраги ачигани билиниб турарди.
- Ўзингиз нима дейсиз? Ахир сиз бу ерда ҳеч гап айтмадингиз-ку. Эҳтимол сизга қийин бўлгандир. Биз ўйлаймизки, юзингизга эшик ёпилгани йўқ, эртами, кечми яна партия сафига қайтишингиз мумкин. Айтинг-чи, ҳозир нима ҳақида ўйлаяпсиз?!

Танабой нокулай ахволга тушиб, ҳали ҳам қандай бўлмасин ўз елкасига тушган ғам юкини енгиллатишга ҳаракат қилаётган нотаниш йигитга алам билан қайрилиб қаради.

— Мен нима ҳам дердим. Бу ерда ҳаммасини гапириб бўлмайди, — деди ғамгин. — Фақат бир нарсани айтишим мумкин. Агар қўл кўтарган бўлсам ҳам, ёмон гаплар айтган бўлсам ҳам, ҳеч айбдор эмасман. Буни мен сизларга тушунтира олмайман. Гапнинг бори шу.

Орага оғир жимлик чўкди.

— Ҳм, демак, сен партиядан хафа бўляпсанми? — жаҳли чиқиб деди Қашқатоев. — Лекин ўзинг биласан, ўрток. Партия сенга маслаҳат бериб тўғри йўлга солди, сени суддан асраб қолди. Сен бўлсанг бундан рози эмассан, қайтага хафа бўляпсан. Демак, сен ҳақиқатан ҳам партия аъзоси деган номга муносиб эмассан. Бундан кейин сенга эшик очиқ бўлиши даргумон.

Танабой райкомдан бамайлихотир кўринишда чиқди. Ҳаддан зиёд хотиржам кўринарди. Бу ёмон аломат эди. Ҳаво илиқ, куёш чарақлаб турарди. Кеч кирмокда. Одамлар ўз ишлари билан ўтиб кетаётган эдилар. Клуб олдидаги майдонда болалар югуриб ўйнашарди. Танабой буларга қараган сари ўз-ўзидан юраги эзиларди. Бу ердан тезроқ жўнаш керак, тоққа, ўз уйига. Бундан ҳам ёмонроқ ҳодиса юз бермасдан жўнаб қолиш керак.

От боғлайдиган ғов олдида унинг оти билан ёнма-ён Гулсари турарди. Танабой яқинлашиши билан катта, узун, бақувват от бир оёғини қуйиб, иккинчи оёғини босди, қора, осойишта кузлари ишонч билан унга тикилиб турди. Танабой паншаха билан унинг бошига қандай урганини йурға аллақачон унутган эди. Шунинг учун ҳам у отда.

— Эсингдан чиқар, Гулсари, хафа бўлма, — шивирлади йўрғага Танабой. —Менинг қайғум оғир. Жуда оғир. — Отнинг бўйнидан қучоқлаб хўрсинди, ўтиб турган одамлардан уялганидан ўзини зўрға йиғидан тийди.

Отига миниб уйга жўнади. Александровка тепалигидан ўтгандан кейин Чоро унга етиб олди. Орқадан елиб келаётган йўрғанинг таниш туёқ товушларини эшитиши билан Танабой зарда билан лабини кимтиб, ўшшайди. Қайрилиб ҳам қарамади. Аламидан унинг кўнгли ғаш, кўз олди қоронғи эди. Энди Чоро бутунлай бошқа, аввалгига сира ўхшамасди. Мана бугун Қашқатоев бир бақириб бериши билан у

худди интизомли ўкувчидек итоаткорона ўрнига ўтириб қолди. Кейин нима бўлади? Одамлар унга ишонишади, у бўлса тўғри гапни айтишдан қўрқади. Хар гапида ўзини эхтиёт килиб гапиради. Буни унга ким ўргатди? Майли, Танабой колок одам, оддий колхозчи бўлсин, аммо у саводли, хамма нарсани билади, бутун умр рахбар бўлиб юради-ку. Буларнинг хаммаси Сегизбоевлар ва Қашқатоевлар айтганидек эмас эканлигини нахотки Чоро пайкамаса! Уларнинг сўзлари сирти ялтирок, аслида эса ёлғон ва сафсатадан иборат эканлигини нахотки билмаса. У кимни алдаяпти, нима максадда?

Чоро чопавериб қизиб кетган йўрғани жиловидан тортиб етиб олганида, ёнма-ён кетаётганларида ҳам Танабой унга ўгирилиб қарамади.

- Мен бирга қайтамиз деб ўйлаган эдим, Танабой деди у нафасини ростлаб. Қарасам, сен жўнаб қолибсан...
- Сенга нима? деди ҳамон унга ҳарамай Танабой. Ўз йўлингга кетавер.
- Кел, гаплашиб олайлик. Юз ўгирма, Танабой. Дўстона, коммунистларча гапиришамиз, – гап бошлади Чоро ва гапи оғзида колди.
- Мен сенга дўст эмасман, бунинг устига энди коммунист ҳам эмасман. Ҳа, сен ҳам кўпдан бери коммунист эмассан. Тилёғламалик киляпсан.
- Сен буни жиддий гапиряпсанми? сўради Чоро, паст овоз билан.
- Албатта, жиддий. Сўз танлашни ҳам ўрганганим йўқ. Нимани, қаерда ва қандай гапиришни ҳам билмайман. Хайр бўлмаса, сен тўғрига кетасан, мен эса бу ёққа буриламан. Танабой отни йўлдан четга бурди, қайрилмасдан ва дўстининг юзига бирон марта ҳам қарамасдан отни тўғри дала орқали тоққа ҳайдаб кетди.

У Чоронинг мурдага ўхшаб оқариб кетганини, қўлини чўзиб буни тўхтатишни истаганини ва кейин томирлари тортишиб, кўкрагини ушлаганча, йўрғанинг ёлига ётиб олганини, оғзини каппа-каппа очиб нафас олаётганини кўрмади.

- Ахволим чатоқ, - пичирлади Чоро, чидаб бўлмас оғрикдан

ғужанак бўлиб, – вой, аҳволим ёмон! – хирилларди у кўкариб, нафаси қисилиб. – Тезроқ, овулга, Гулсари, тезрок, овулга.

Йўрға қоронғи, кимсасиз даштда овул сари учиб борарди, устидаги одамнинг овози отни чўчитарди, овозида аллақандай кўркинчли, вахимали нарса бор эди. Чопиб бораётиб Гулсари кўркувдан пишкирар ва кулокларини чимирарди. Одам эса эгар устида азоб чекар, ғужанак бўлиб, титраган кўллари ва тишлари билан отнинг ёлига маҳкам ёпишиб олган эди. Тизгин чопиб бораётган Гулсарининг бўйнида осилиб борарди.

XX

Кеч пайти эди, Танабой ҳали йўлда тоққа кетаётганида, овул кўчаларидан бир отлиқ чопиб ўтди, безовталанган итлар ҳурий бошлади.

- Хой, бу ховлида ким бор? Бу ёкка чик! чакирди у ховли эгасини. Идорага, партия мажлисига.
 - Нима гап ўзи? Нега мунча шошилинч?
- Билмадим, жавоб берди хабарчи. Чоро чақиряпти. Тезрок келишсин деди.

Чоронинг ўзи эса шу маҳал идорада ўтирган эди. Елкаларини стол четига кўйиб ҳансираб нафас олар, панжаси билан кўйлаги остидан кукрагини қаттиқ ғижимларди. Оғриқ азобидан инграр, лабларини тишларди. Кукариб кетган юзларидан совуқ тер чиқди. Қовоқлари кукарган, кузлари ичига тушиб кетганди. Баъзан у ҳушидан кетиб, назарида яна қоронғи даштликда йурға устида келаётгандай эди, Танабойни чақиришни истарди-ю, у ништардай ботадиган сузларни айтиб, орқасига ҳам қарамай кетарди. Танабойнинг сузлари унинг юрак-бағрини ёндириб, уртар эди...

Пичан устида ётиб бир оз дам олгандан сўнг парторгни кўлтиғидан ушлаб отхонадан бу ёкка олиб келдилар. Отбокарлар уни ховлисига олиб кетмокчи бўлдилар, лекин у бунга кўнмади. Коммунистларни чакириб келишга одам юбориб, энди уларни ана келади, мана келади деб кутарди.

Қоровул аёл чироқни ёқиб, Чорони ҳоли қолдирди-да, даҳлиздаги печкага ўт қўйиш билан овора бўлди, у баъзан қия очилган эшикдан қараб уҳ тортиб, бошини чайқаб қўярди.

Чоро одамларни кутарди, вақт эса имиллаб ўтаётган эди. Унга ато қилинган ва кўпгина қисмини яшаб бўлгандан кейингина қадрига ета бошлаган бу ҳаёт энди ҳар дақиқа сайин аччиқ ва аламли томчилар сингари томиб тамом бўлаётгандай эди. У кунлари ва йиллари қандай ўтганини пайқамай қолди. Ҳаш-паш дегунча улар меҳнат билан ўтиб кетди. Унинг кутган нарсасининг ҳаммаси рўёбга чиқмади; ҳамма нарса у истаганча бўлмади. Ҳаракат қилди, курашди, бироқ мушкулдан қутулиш учун, юриш бунчалик ҳатарли бўлмасин учун аллақаерларда чекинди, четлаб ўтди. Аммо уларни четлаб ўтолмади. Тўқнаш келиб қолишдан қўрқиб юрган куч уни боши берк кўчага сиқиб қўйган эди, энди чекиниш мумкин эмасди, йўл тамом бўлганди. Эҳ, агар у ўз ҳатосини эртароқ тушунгандами, ҳаёт кўзига тик қарашга ўзини вақтлироқ мажбур этгандами...

Хаёт аччик ва аламли томчилар сингари томиб тугаб бораётганди. Одамлар тезрок келаколса бўлмайдими! Мунча узок куттиришяпти!

«Фақат улгурсам бўлгани, — қўрқув аралаш ўйларди Чоро. — Хаммасини айтишга улгурсам бас! — Бу умидсиз, унсиз нидо билан сўниб тугалланаётган ҳаётини сақлаб турарди. Ўзини дадил тутишга ҳаракат қилиб, сўнгги жангга ҳозирланарди. — Ишнинг қандай содир бўлганлигини, бюронинг қандай ўтганлигини, Танабойнинг партиядан қандай чиқарганликларини ҳаммасини гапириб бераман. Билиб қўйишсин: мен райкомнинг бу қарорига қўшила олмайман. Билиб қўйишсин: мен Танабойнинг партиядан чиқарилишига рози эмасман. Алданов ҳақида қандай фикрда бўлсам, барини айтиб бераман. Майли, мендан кейин унинг маърузасини эшитишсин. Майли, коммунистлар ҳал қилишсин.

Мен ким эканлигимни батафсил сўзлаб бераман. Колхозимиз ҳақида, кишилар ҳақида гапираман... Фақат улгуриш керак, тезрок келишса эди, тезрок...»

Биринчи бўлиб хотини дори билан етиб келди. У жуда қўрқиб кетган эди, бир нарсалар деб йиғларди.

— Ақлинг жойидами ўзи? Наҳотки шу мажлислардан тўймаган бўлсанг. Юр уйга. Ранг-рўйингга қара, ҳеч бўлмаса ўзинг тўғрингда ўйлаб кўрсанг-чи.

Чоро эшитишни истамасди. Дорини ичатуриб қўл силтади. Тишлари стаканга урилиб, кўкрагига оқиб тушди.

— Хечкиси йўк, энди ўзимни яхши сезяпман, — дерди у бир маромда нафас олишга харакат килиб. — Сен мени у ерда кутиб тур, кейин бошлаб олиб кетасан. Қўркма, боравер.

Кўчада кишиларнинг оёқ товуши эшитилиши билан Чоро стол ёнида қаддини ростлади, ўзининг сўнгги бурчи деб хисоблаган нарсаларни адо этиш учун оғриққа бардош бериб, бор кучини тўплади:

- Нима ҳодиса юз берди? Сенга нима бўлди, Чоро? сўрашарди ундан.
 - Хеч нима. Хозир айтаман, ҳаммаси келишсин, жавоб берди у.
 Умр аччиқ ва аламли томчилар сингари томиб, тугаб бораётганди.

Коммунистлар тўпланишганда парторг Чоро Саёков столдан туриб, бошидан телпагини олди ва партия мажлисини очик деб эълон килди...

XXI

Танабой уйига тунда етиб келди. Жайдар ховлига фонарь кўтариб чикди. Кутавериб кўзлари тўрт бўлганди. У эрига кўзи тушиши биланок аллакандай мусибат юз берганини англади. Танабой жимгина отининг сувлигини чикарди, эгарини олиб кўйди. Жайдар эса чирокни тутиб турарди. Танабой лом-мим демасди. Унинг бу сукути тобора дахшатлирок бўлиб туюларди. Бечора Жайдар бўлса уни хурсанд килмокчи эди: тумандан бир оз хашак, сомон ва арпа уни келтиришганди. Ҳаво ҳам анча исиб, кўзиларни яйловга чикардилар, улар энди майсаларни чимтиб емокдалар.

- Бектойнинг отарини олиб кетишди, янги чўпон юборишди, деди у.
 - Э, Худо урсин, ўша чўпонингни хам, Бектой-у отарингни хам.

- Чарчадингми?
- Нега чарчар эканман? Партиядан ҳайдашди!
- Секинрок, сақмончилар эшитиб қолишади.
- Эшитса нима? Нега яширар эканман. Дайди итдек ҳайдаб юборишди. Шундай қилишлари керак эди. Сени ҳам шундай қилиш керак. Биздақангиларга бу ҳам оз. Нега туриб қолдинг? Мунча анграясан?
 - Бориб дам олгин.
 - Буни ўзим ҳам биламан.

Танабой қуйхона томон кетди. Қуйларни куздан кечирди. Сунг қурага чиқиб, қоронғида тентираб юрди-да, яна қуйхонага қайтиб келди. Узини қуярга жой тополмасди. У овқатланишдан ҳам, гапиришдан ҳам бош тортган эди. Бир бурчакдаги сомон устига узини ташлаб қимир этмай ётди. Тирикчилик, кундалик ташвиш, ҳадиксирашлар энди бир пул эди. Унинг кунглига қил сиғмасди. Яшашни ҳам, уйлашни ҳам, атрофдаги бирон нарсани куришни ҳам истамасди.

Танабой у ёққа ағанарди, бу ёққа ағанарди, ҳамма нарсани эсдан чиқариб ухламоқчи бўларди. Бироқ ҳамма нарсани унутиб бўлармиди? У яна ўтган ишларни эслади. Бектойнинг қай тарзда отарни ташлаб кетганлиги, оппок қорда унинг қора излари қолганлиги, Бектойнинг сўзига жавобан оғиз оча олмаганлигини бирма-бир эсга олди, яна Сегизбоевнинг йўрға устидан туриб бакириб, оғизга олиб бўлмайдиган сўзлар билан уни сўккани, турмага соламан деб дўқ ургани, туман партия комитетининг бюросида Танабойни зарарли шахс ва халқ душмани деб атаганларини хаёлдан ўтказди. Шу билан ҳамма нарса, унинг бутун ҳаёти тугагандай эди. Яна бирон бир жарга йиқилиб тушиб бўйни синмагунча паншахани ушлаб, қоронғи тун қаърига қараб чопиш, додлаш, фарёд чекишни истарди.

Кўзи уйкуга кетаркан, у бундай ҳаётдан кўра ўлим афзал деб ўйларди. Ҳа, ҳа, ўлим афзал!

...Боши оғриб уйқудан турди. Бир неча дақиқа ўзининг қаердалигини, нима бўлганлигини англай олмади. Ён-атрофида

қўйлар йўталишар, қўзичоқлар маърашарди. Энди билса қўйхонада ётган экан. Ховлида тонг ёришиб келмоқда. Нега уйғонди? Нима учун? Уйғонмагани маъқул эди. Биргина ўлимдан бошқа илож қолмади, ўзини ўлдириши керак.

...Шундан сўнг у арикдан ховучлаб сув ичди. Сув нихоятда совук бўлиб, юзи юпкагина музлаган эди. Қалтирок бармоклари орасидан сув шилдираб окиб тушар, у бўлса яна ховучини сувга тўлдириб, сипкориб ичарди. Бир оз нафасини ростлаб ўзига келди, факат шундагина у ўзини ўлдириш ҳакидаги фикри аҳмокона фикр эканлигини тушуниб етди. Инсонга бир марта бериладиган ҳаётдан қандай қилиб ўзини маҳрум этиш мумкин?! Сегизбоевлар шунга арзийдими? Йўк, ҳали Танабой яшашни хоҳлайди, ҳали у тоғни талқон қилади...

Уйига қайтиб келиб милтиқ ва патронтошни секингина бекитиб куйди ва шу куни кечгача ишлади. Хотини билан қизчалари ва сақмончи аёллар билан ширин муомалада булмоқчи эди-ю, лекин хотинлар бирон нарсани сезиб қолишмасин деб узини қулга олди. Хотинлар эса, гуё хеч нарса руй бермагандай, ҳамма иш жойида экандай, уз ишлари билан машғул эдилар. Танабой уларнинг бу қилиғидан ғоят хурсанд эди ва лом-мим демасдан ишни давом эттираверарди. У яйловга чиқиб, қуйларни ҳайдаб келишга ёрдам берди. Кечқурун ҳаво айний бошлади. Қор ёки ёмғир ёғиши аниқ эди. Чор- атрофдаги тоғларни туман қоплаб, кук юзини қалин булутлар чулғаб олган эди. Яна қузичоқларни совуқдан асраш ҳақида бош қотириш керак. Яна қирғин бошланмасин учун қуйхонани тозалаб, остига сомон сочиш лозим эди. Танабой диққат булар, лекин утган воқеаларни имкон қадар унутишга, умидсизликка тушмасликка ҳаракат қиларди.

Хаво қоронғилашганда қўрада бир отлиқ пайдо бўлди. Жайдар уни қарши олди. Улар алланималар ҳақида гаплашишарди. Бу вақт Танабой қўйхонада иш билан банд эди.

Бир дақиқага бу ёққа чиқ, – хотини уни чақирди, – бир одам келибди. – Танабой хотинининг овозидан қандайдир кўнгилсиз воқеа

рўй берганини сезди.

Ховлига чиқиб, отлиқ билан кўришди. У одам қўшни овулнинг чўпони экан.

- Э, Айтбой, сенмисан? Отдан туш. Қаерлардан сўраймиз?
- Овулдан келаётирман. Бир иш билан борган эдим. Айтишларича, Чоро қаттиқ касал экан. Сен албатта олдига борармишсан. Шундай деб тайинладилар.

«Яна Чоро». Унутилган ғам-аламлар яна қайтадан янгиланади. Танабой унинг дийдорини кўришни истамасди.

- Нима, мен дўхтирмидим? У ҳамиша касал. Усиз ҳам ташвишим бошимдан ошиб ётибди. Кўриб турибсан-ку, ҳавонинг авзойи ҳам бузилиб келяпти.
- Борасизми, бормайсизми, бу ёғини ўзингиз биласиз. Менга тайинлаган гапларини келиб айтдим. Хайр, вақтим зиқ, кеч тушиб колди.

Айтбой отини йўлга бурди-ю, лекин яна жиловини тортиб деди:

- Танака, яна бир ўйлаб кўр. Ахволи ёмон. Ўғлини ўкишдан чақиртирибдилар. Вокзалга кутиб олгани кетишибди.
 - Хабар келтирганинг учун рахмат. Аммо мен бормайман.
- Боради, уялиб-қизариб гапга аралашди Жайдар, ташвиш тортманг, боради у.

Танабой индамади. Аммо Айтбой бир оз узоклашгач, хотинига ўшкирди:

- Сен бу одатингни ташла. Нега менинг номимдан сен жавоб берасан? Нима қилишимни ўзим биламан. Бормайман дедимми, бормайман!
 - Нима деяётганингни биляпсанми, Танабой?
- Ўйлаб ўтиришимнинг ҳожати йўқ. Етар энди. Андиша қила-қила партиядан ҳам чиқиб қолдим. Менинг энди ҳеч кимим йўқ. Мен касал бўлсам, бирон кимса кўргани келмасин. Бир ўзим пешонамдагини кўрарман! —деди ғазаб билан қўл силтаб ва қўйхона томон одимлаб кетди.

Лекин кўнгли ҳамон жойига тушмасди. Она қўйлар олдидан янги туғилган қўзичоқларни кўтариб, уларни бир бурчакка элтиб қўяр,

кўйлар орасида юриб бораётиб, маъраётган кўйларга «чу» деб, ўзўзича дўнғиллаб қўярди:

— Аллақачонлар кетганида бунчалик азоб тортмасди. Қачон қарасанг юрагини чангаллаб юради-ю, лекин эгардан тушмайди. Бошлиқ эмиш! Елкамнинг чуқури кўрсин сени. Хафа бўлсанг бўлавер, мен ҳам сендан хафаман. Хеч ким билан ишим йўқ...

Ховли қоронғи. Қор аста-секин ёға бошлади. Коинот шу даражада хомуш ва сокин эдики, ҳатто қор заррачаларининг ерга тушаётгани ҳам эшитиларди.

Танабой ўтовга кирмади, хотини билан гаплашишдан ўзини олиб кочиб юрди. Жайдар хам унинг олдига келмасди. «Ўша ерда ўтирсанг ўтиравер, — деб ўйлади Танабой. — Лекин мени боришга мажбур этолмайсан. Энди мен учун буларнинг хаммаси ахамиятсиз. Мен билан Чоро мутлако бегона кишилармиз. Унинг йўли бошка, менинг йўлим бошка. Олдин дўст бўлсак энди бегонамиз. Агар мен унинг дўсти бўлсам шу махалгача у каерда эди? Йўк, мен учун энди бу ахамиятсиз...»

Охири Жайдар унинг олдига келди. У эрининг кишилик чакмони, янги этик, белбоғ, қўлқоп ва телпагини келтирганди.

- Кийимингни кий, деди у.
- Бекорга уриняпсан. Хеч қаерга бормайман.
- Вақтни ўтказма, бирон ҳодиса содир бўлса, кейин ўзинг умр бўйи пушаймон бўлиб юрасан.
- Пушаймон бўлмайман. Хеч қандай ходиса ҳам рўй бермайди.
 Бир оз ётади-да, яна ишига чикиб кетади. Биз уни энди кўрибмизми.
- Танабой, мен сендан ҳеч вақт бирон нарса илтимос қилмаган эдим. Мана энди сендан илтимос қиламан: алам-қайғуларингни менга қолдиргин-у, ўзинг боргин, бир одамгарчилик қил!
- Йўқ! қайсарлик билан бош чайқади Танабой. Бормайман. Энди мен учун буларнинг ҳаммаси барибир. Сен одоб ва одатни ўйлайсан. «Одамлар нима дейди» деб ўйлайсан энди. Менинг ҳеч нарса билан ишим йўқ.
- Эсингни йиғиб ол, Танабой. Мен бориб оловдан хабар олай, яна кигизга чўғ сачрамасин.

Жайдар эрининг уст-бошларини унинг олдида қолдириб кетди. Лекин Танабой ўрнидан қимирламади. Бир бурчакда хаёлга чўмиб ўтираверди, ўз карорини бузишга журъат этолмади. Чорога айтган сўзларини ҳам хотирасидан чикариб ташлай олмасди. Энди-чи: «Ассалому алайкум, бир кўриб кетай деб келдим, соғлигинг қалай? Бирон ёрдамим керак эмасми» деб борсинми? Йўқ-йўқ, у бундай қила олмайди, бунга одатланмаган.

Жайдар қайтиб келди:

- Хали кийимларингни киймадингми?
- Жонимга тегаверма. Бормайман дедим-ку...
- Ўрнингдан тур! Ғазаб билан бақирди Жайдар. Танабой худди командирнинг буйруғини бажарган солдатдек ўрнидан сакраб турганини сезмай қолди. Жайдар яқин келиб фонарнинг хира шуъласида ғам чўккан ғазабли кўзларини эрига тикди. Агар сен эркак бўлмасанг, инсон бўлмасанг, муштипар бир ожиза бўлсанг, сен учун мен бораман, сен эса лаб-лунжингни осилтириб ўтиравер! Ҳозироқ жўнайман. Бор, отни дархол эгарла.

Танабой хотинининг фармонига бўйсуниб, отни эгарлагани кетди. Эшикда майдалаб кор ёғаётган эди. Зулмат гўё гирдобдек чархпалаксимон товушсиз айланарди. Зим-зиё коронғиликда ҳатто тоғлар ҳам кўринмасди. «Энди бу кўргилик ҳам бор экан! Шундай қоронғи кечада танҳо ўзи қаерга боради? — қоронғида от устига эгар ташлар экан, дилидан ўтказди у, — кошки гапга кирса. Айтганини килмасдан кўймайди. Ўлдирсанг ҳам қайтмайди. Йўлда бирон ҳодиса юз берса нима бўлади? Ҳе, ўзидан кўрсин...»

Танабой отни эгарлади-ю, ўз-ўзидан уялиб кетди. «Ростдан ҳам одам эмасман. Мени хафа қилишди деб ақлимни еб қўйибман. Ранжиганимни ҳаммага намойиш этиб юрибман: мана кўринг, мен қандай ғамгин, аҳволим нақадар оғир деб жар солмоқдаман. Бечора хотинимни ҳам қийнаб юбордим. Унда нима гуноҳ? Нега уни бунчалик қийнайман? Бу ишим яхшиликка олиб бормайди. Мен ярамас одамман. Ҳайвонман, ҳа ҳайвон!»

Танабой иккиланиб қолди. Лекин ўз гапидан қайтиш ҳам осон эмас эди. У бошини қуйи солганича уйга қайтиб келди.

- Эгарладингми?
- Xa!
- Бўлмасам мин, деди-да, Жайдар плашни узатди. Танабой индамай кийина бошлади. У хотинининг биринчи бўлиб муросага келганидан хурсанд эди. Айни вақтда у хўжакўрсинга саркашлик килиб:
 - Эртага борсам-чи? деди.
 - Йўқ, хозир йўлга туш. Кейин кеч бўлади.

Тоғларни секин-аста тун зулмати қоплаб олаётган эди.

Лайлак қор секин-аста, бир маромда учиб тушаётганди. Танабой қоп-қоронғи ёнбағирлар бўйлаб бир вақтлари тарк этган дўсти томон танхо елиб борарди. Бошига, елкаларига, соқоли ва қўлларига қор учкунлари ёпишиб қоларди. Танабой эгарда қимирламай ўтирар, устидаги қорларни ҳам қоқмасди. Шу зайлда хаёл суриш қулай эди. У Чоро ҳақида, уларни бир-бирига узоқ йиллар дўст қилиб қўйган нарсалар ҳақида ўйларди. Чоро унга савод ўргатган пайтларини, кейин эса биргаликда комсомолга ва сўнгра партияга кирган кезларини ўйларди. Бир вақтлари Чоро билан канал қурилишида бирга ишлаганларини, кунлардан бирида Чоро Танабойнинг сурати билан у ҳақда кичик мақола босилган газетани ҳаммадан олдин олиб келиб, ҳаммадан олдин Танабойнинг қўлини сиқиб табриклаганини эслади.

Танабойнинг кўнгли борган сари юмшар ва қалбини аллақандай ногахоний ташвишли хис қамраб олар эди: «Хозир ахволи қандай экан-а? Борди-ю, ҳакиқатда ҳам аҳволи оғир бўлса-чи? Нега ўғлини чақиртирди экан? Ёки унга бирон нарса демоқчимикан? Васият қилиб, видолашмоқчимикан?..»

Тонг ёришиб келмокда. Хамон чарх уриб қор ёғарди.

Танабой отини ҳайдаб елдириб кетди. Ҳадемай анави тепаликлар этагидаги пастқамликда овул кўринади. Чоронинг ҳоли нима кечди экан? Тезроқ етиб бориш керак.

Ногох овул томондан тонг сукунати ичида алланечук мунгли нола кулоғига чалинди. Гўё кимнингдир фарёди эшитилиб яна жимиб колди. Танабой отнинг жиловини тортиб, шамол келаётган ўша томон

кулоқ солиб турди. Хеч нарса эшитилмасди. Эҳтимол, унинг қулоғига шундай эшитилгандир.

От Танабойни тепаликка олиб чикди. Пастликда, кор остида колган полизлар ва яланғоч дарахтлар орасида кимсасиз овул кўчалари чўзилиб ётарди. Хали эрта бўлгани учун кўчаларда хеч ким кўринмасди. Факат бир ховли олдида одамлар тўдаси корайиб кўринар, отлар дарахтларга кантариб кўйилган эди. Бу Чоронинг ховлиси эди. Нега у ерда одамлар бунчалик кўп. Нима бўлди экан? Нахотки...

Танабой узангида қоматини ростлаб, энтика-энтика муздек хаводан чукур бир нафас олди-да, жимиб қолди. Ва шу захотиёк отини пастликка қараб солди. Йўғ-э. Бундай бўлиши мумкин эмас. Кўнгли бехузур бўла бошлади, гўё у ерда содир булган бирон вокеа учун ўзини гунохкор деб хис этар эди. Ягона дўсти абадий кўз юмиш олдида видолашмок учун чакирса-ю, у қайсарлик қилиб, ўжарлик қилиб, аразлаб юрса. Энди у нима деган одам бўлди. Нега хотини унинг юзига «туф» демади? Жон талвасасида ётган кишининг охирги илтимосига қулоқ солишдан хам шарафлирок нарса борми бу дунёда?

Танабойнинг кўз ўнгида яна ўша Чоро йўрға саманда орқасидан етиб келган дашт йўли намоён бўлди. Ўшанда у Чорога нималар демаганди? Унинг бу гунохларини кечириб бўладими энди?

Танабой от устида ўз айби ва ор-номус юки остида эгилганича қорли кўчадан эс-хушидан айрилиб борарди.

У бирдан Чоро ховлиси рўпарасида бир гурух отликларни кўрди. Улар овоз чикармасдан тўпланишиб келишарди. Кутилмаганда улар эгарда тўлғанишиб бараварига дод-фарёд чека бошладилар.

– Ўй-бай, бовурим-ой! Ўй-бай, бовурим!

«Қозоқлар келишибди», — деди Танабой ва дўстидан жудо бўлганини энди билди. Дарёнинг нарёгидан келган қўшни қозоқлар Чоро учун энг якин биродарлари ва кўшнилари учун бутун округда мўътабар бўлган, ўзларининг якин дўстлари учун кўз ёши тўкар эдилар. «Раҳмат сизларга, дўстлар, — кўнглидан ўтказди Танабой. — Ота-боболаримиз давридан бери сизлар шодлигимизга ҳам, ғамандуҳимизга ҳам шерик эдингиз, тўй-у улоқларни бирга ўтказар эдик.

Ха, дўстлар йиғланг, биз билан йиғланг!»

Уларга қушилиб Танабойнинг узи ҳам бор овоз билан фарёд чекиб бутун тонгги овулни ларзага келтирди:

– Чоро-оо! Чоро-о-о! Чоро-о-о!

У отини йўрттириб борар экан, эгар устида у ёкдан-бу ёкқа чайқалиб бу дунёдан кўз юмган дўсти хотираси учун зор-зор йиғлар эди...

Мана Чоронинг ҳовлиси. Гулсарини эшик олдига боғлаб қуйибдилар, унинг устида мотам ёпиғи. Сағрисига тушаётган қор учқунлари аста-секин эриб кетаётган эди. Гулсари энди эгасиз қолди. Қуруқ эгар билан турарди.

Танабой ўзини отининг ёлига ташлар, қаддини кўтариб, яна ташланар эди. Кишиларнинг юзини туман босгандек зўрға ажрата оларди. Ҳамма ёкда йиғи-сиғи. Ғала-ғовур ичида кимнингдир:

– Танабойни отдан тушириб, Чоронинг ўғли олдига олиб боринглар, – деганини ҳам эшитмасди.

Бир неча киши уни отдан туширишга ёрдамлашди, қўлтиғидан олиб, одамлар орасидан олиб ўтишди.

- Мени кечир, Чоро, мени кечир! - йиғларди Танабой.

Ховлида Чоронинг ўғли студент Шомансур уй деворига юзини кўйганича турарди. У ўгирилиб жиққа ёшга тўлган кўзларини Танабойга тикди. Улар йиғлаб қучоқлашиб кўришишди.

– Сен отангдан, мен дўстимдан жудо бўлдик! Мени кечир Чоро! Мени кечир! – энтикиб хўнграб йиғларди Танабой...

Сўнгра уларни ажратишди. Шу пайт Танабойнинг кўзи, ёнида турган хотинлар орасидаги Бибижонга тушди. У Танабойга қараб кўз ёшларини дув-дув тўкарди. Уни кўриш билан Танабой янада ҳўнграб йиғлаб юборди.

У Бибижоннинг яқинроқ келиб, тасалли беришини, кўз ёшларини артишини истарди. Аммо у яқин келмади. Жойида турганича йиғларди. Танабойни бошқалар овутмоқчи бўлишарди.

– Бас қил, Танабой, йиғидан наф йўқ, бўлди энди.

Бундан унинг дард-алами ошиб, яна зор-зор йиғларди.

XXII

Пешиндан сўнг Чорони дафн этдилар. Куёшнинг сўник гардиши харакатсиз окиш булутлар орасидан зўрға кўринарди. Хамон хаводан юмшок хўл кор парчалари учиб тушаётган эди. Кўмишга кетаётганлар кумушдек оппок далада тинч окар корамтир дарё каби окиб бораётган эди. Бу дарё гўё бу ерда кутилмаганда пайдо бўлиб, биринчи дафъа ўзига йўл очиб бораётгандай эди. Олдинда бортлари очик машинада дафн этиладиган оппок наматга махкам ўраб кўйилган Чоронинг жасадини олиб кетаётган эдилар. Унинг ёнида хотини, бола-чақалари, қариндош-уруғлари ўтиришарди. Қолган бошқа отлиқлар эса машинага эргашиб борарди. Танабой ва Шомансур машина орқасидан пиёда боришарди. Танабой мархум дўстининг оти — эгарлоғлиқ Гулсарини етаклаб олганди.

Овулдан чиқаверишда йўл юмшоқ қор билан қопланган эди. У от туёқлари остида топталиб, одамлар кетидан қора бир тасма сингари чўзилиб борарди. Бу йўл гўё Чоронинг сўнгги йўлини белгилаб бераётгандай, тепалик орқали қабристонга бурилди. Энди бу ерда Чоронинг йўли тугар эди.

Танабой отни жиловидан ушлаб етаклаб борар экан, унга қараб ўз ичида шундай деярди:

«Икковимиз Чоромиздан ажралдик, Гулсари. Энди у йўк, энди уни топиб бўлмайди... Ўша куни мени нега чақирмадинг, мени йўлда тўхтатмадинг? Худо сенга тил бермаган-да. Мен инсон бўлсам ҳам сендан тубан эканман. Ўз дўстимни йўл ўртасида ташлаб кетдим, унга қайрилиб ҳам қарамадим, йўлимдан ҳам қайтмадим, ўйлаб ҳам кўрмадим. Чорони мен ўлдирдим, ҳа, сўз билан ўлдирдим, сўз билан...»

Танабой йўл бўйи то қабристонга бора-боргунча Чородан кечирим сўраб борди. Қабристонда, Шомансур билан биргаликда лаҳадга тушиб Чоронинг жасадини мангу ётоғига қўяётганда ҳам:

Алвидо, Чоро! Мени кечир, эшитяпсанми, Чоро, мени кечир! – дер эди.

Аввал одамлар кафтларида сиқимлаб тупроқ ташлашди. Сўнг чор

тарафдан белкураклар билан тупрокни суриб тушира бошлашди. Бирпасда гўр тўлиб, устида янги бир кабр хосил бўлди.

Кечир, Чоро!..

Фотихадан сўнг Шомансур Танабойни бир чеккага чақириб:

- Сизда ишим бор, Танака, гаплашиб олишимиз керак, - деди.

Улар ҳовли орҳали одамлар орасидан — тутаб ётган самоварлар ва гулханлар олдидан ўтиб, боҳҳа чиҳишди. Ариҳ лабидан юриб полизнинг нариги ёғидаги янги йиҳитилган дарахт танасига бориб ўтиришди. Улар бир оз жим ўтиришди, ҳар бири ўзича хаёл сурарди. «Инсон ҳаёти шу эҳан-да, — ўйларди Танабой. — Кечагина бола бўлган Шомансур бугун ажабтовур йигит бўлиб ҳопти. Ғам-ғусса уни яна улғайтириб ҳўйибди. Энди у Чоронинг ўрнига ўринбосар бўлиб ҳолди. Энди бир-биримиз билан тенг одамлардеҳ гаплашамиз. Шундай ҳам бўлиши ҳераҳ. Ўғиллар оталарининг ўрнини эгаллайди. Ўғиллар отанинг ишини давом эттиришади. Илоҳим, отасидеҳ бўлсин. Леҳин бизлардан илгарилаб ҳетишсин, аҳл-фаросатда, ишбиларманлиҳда биздан юҳсаҳ ҡўтарилишсин, ҳалҳҳа хизмат ҳилиб ўзлари ҳам бахтли бўлишсин. Биз — оталар: биздан ўзиб ҳетсинлар, биздан ҡўра яҳшироҳ ишлаб, яҳшироҳ яшасинлар деган умидда фарзанд ўстирамиз... Ҳа, бизнинг умидимиз шу».

- Шомансур, сен энди оила бошлиғисан, кексалардек соқолини силаб деди Танабой. Энди сен Чоронинг ўрнини босасан. Мен эса сенинг гапларингта кулок соламан.
- Танака, мен отамнинг васиятини сизга айтишим керак, деди Шомансур.

Танабой бир сесканиб тушди, ўғлининг гапириши ва овозидан отасининг сўз оханги эшитилди, ўша йигит Чоронинг рухиятини хис этди. Чоронинг ёшлик йилларини Шомансур билмасди, Танабой эса уни биларди ва эсда яхши саклаб қолган эди. Танишлари тирик экан, инсон ўлмайди, деб бекорга айтишмаган экан.

- Қулоғим сенда, ўғлим.
- Мен отамни кўз юммасдан олдин кўришга муяссар бўлдим, Танака. Кеча тунда ўлимидан бир соат илгари етиб келишга улгурдим. Охирги нафасга қадар эс-хуши ўзида эди. Кўзлари, Танака,

сизга интизор эди. «Танабой қани? Келмадими?» деб ҳадеб сўрарди. Биз эса сизни йўлда, ҳозир етиб келади, деб тасалли берардик. Афтидан сизга нимадир айтмоқчи эди, лекин муяссар бўла олмади.

- Ҳа, Шомансур. Бизнинг бир-биримиз билан кўришишимиз жуда зарур эди. Бир умрга дилимда армон бўлиб қолди. Бунга мен айбдорман. Эртароқ етиб келолмадим.
- Отам менга бир нарсани тайинлади. Ўғлим, Танакангга айтгин, кечирим сўрайман, гина-кудурат сақлаб юрмасин, менинг партия билетимни унинг ўзи туман партия комитетига олиб бориб топширсин. Менинг билетимни Танабойнинг ўзи, ўз қўли билан элтиб топширсин, яна унутмагин, албатта унга етказгин. Шундан сўнг хушидан кетди. Қийналди. Жон бераётганда ҳам кимнидир кутаётгандай қаради. Йиғи аралаш алланималарни уқтирди, аммо биз англай олмадик.

Танабой индамай ўтирар, ҳиқ-ҳиқ йиғлаб, соқолини силарди. Чоро кетди. Ҳа, Танабойнинг дилини яримта қилиб, ҳаётининг бир кисмини олиб кетди.

- Сўзларинг учун рахмат, Шомансур, барака топ. Отангга хам рахмат, деди нихоят Танабой ўзини кўлга олиб. Лакин менинг кўнглимни бир нарса ғаш қилмоқда. Сен мени партиядан чиқарганларини биласанми?
 - Биламан!
- Партиядан ҳайдалган бўлатуриб Чоронинг партия билетини ҳандай ҳилиб райкомга элтаман. Бундай ҳилишга ҳаҳҳим йўҳ-ку!
- Билмадим, Танака. Ўзингиз биласиз. Мен отамнинг васиятини бажармоғим лозим. Мен сиздан яна ўтиниб сўрайман, отамнинг сўзини ерда қолдирманг.
- Мен жон-дилим билан бажарар эдим. Аммо бошимга мусибат тушган. Ўзинг элтиб топширсанг дуруст бўлмасмикан-а, Шомансур?!
- Йўк, бўлмайди. Отам сўраган нарсасини ўзи яхши билган. Модомики, у сизга ишонибди, нега энди мен ишонмас эканман? Туман партия комитетига бориб айтинг, Чоро Саёковнинг васияти шундай экан, денг.

Хали тонг отганича йўқ эди, Танабой каллайи сахарлаб туриб

овулдан чикди. У ўша учкур отга миниб олганди, ҳа, ўша яхши ва ёмон кунларида садокатли ҳамдами Гулсарининг устида ўтирарди. Саман йўл четидаги музлаб колган ерни оёклари билан эзиб-сачратиб елиб борарди. У бу сафар ўзининг собик хўжайини, мархум коммунист дўсти Чоро Саёковнинг махсус топшириғи билан туманга бораётган Танабойни элтарди.

Олдинда, чексиз сахро этагидан аста-секин тонг ёришиб келарди. Субх оғушидан туғилган шафақ ғира-шира уфқни тобора нурафшон этарди...

Йўрға от ўша шафақ томон, ҳануз фалак этагида ёлғиз ўзи ёғду сочаётган юлдуз томон интиларди. Унинг танҳо ўзи дўпир-дўпир йўрғалаб, кимсасиз ёлғиз оёқ дашт йўлларига жон киритиб борарди, Танабой кўпдан бери саман йўрғани минмаган эди. Гулсари одатдагидай жуда ҳам тез ва текис йўрғалаб борар эди. Шамол отнинг ёлини тараб, ёл Танабойнинг юзларига уриларди. Ҳа, Гулсари кучга тўлган ажойиб от эди.

Танабой йўлда хаёл суриб борди, ўй-хаёлларининг бошига етолмади: Нега Чоро ўлими олдидан ўз партбилетини райкомга элтиб топширишни унга — партиядан чиқарилган Танабойга васият қилди? Чоронинг бундан мақсади нима эди? Ёки уни синамоқчи бўлдимикан? Ё эҳтимол, бу билан Танабойнинг партиядан ҳайдалишига асло рози эмаслигини билдирмокчими? Энди бу муаммони асло еча олмайсан. Чоро энди ҳеч қачон ҳеч нарса дея олмайди. Ҳа, бу дунёда «ҳеч қачон» каби даҳшатли сўзлар мавжуд. Шу билан гап тамом...

Яна аллақандай фикрлар унинг миясини чулғаб олди, Бутунлай хаёлидан чиқариб ташламоқчи бўлган нарсалар яна жонлана бошлади. Йўқ, ҳали «тамом» дейишга эрта.

Чоронинг васияти ёдида. У дўстининг билети билан районга боради, дўсти ҳақида нимаики билса, ҳаммасини тўкиб-сочади, ҳалқ учун, Танабойнинг ўзи учун Чоронинг қилган яхшиликларини бирмабир айтиб беради. Ўзи ҳақида ҳам гапириб беради, зероки, дўсти билан у бир қўлнинг эту тирноғидек эдилар.

Ха, уларнинг ёшлик кезларида қандай бўлганликларини ва қандай ҳаёт йўлини босиб ўтганликларини ҳамма билиб қўйсин. Зораки, одамлар Танабой билан Чорони ҳаёт вақтларида ҳам, вафотларидан кейин ҳам бир-биридан ажратиш инсофдан эмаслигини тушуниб етсалар. Фақат гапига қулоқ солсалар бас, кўнгил дардини изҳор этишга имкон берсалар бўлгани.

Танабой райком секретари қошига қандай кириб боришни, Чоронинг партия билетини унинг столи устига қўйиб барча бўлиб ўтган воқеаларни қандай айтиб беришини ўйлаб борарди. Ўз гунохини бўйнига олиб кечирим сўрайди, ўзини яна партия сафига қайтаришни илтимос қилади, чунки у партиясиз яшай олмайди, бусиз ўз ҳаётини ҳам тасаввур қила олмайди.

Бордию партиядан ўчган шахснинг партиявий хужжатни келтиришга нима ҳаққи бор, дейишса-чи. «Сен коммунистнинг партбилетига қўл тегизмаслигинг, бундай ишларга аралашмаслигинг керак эди. Сендан бошқа одам топиларди», дейишса-чи! Чоронинг сўнгги истаги шу эди-ку ахир! У ўлими олдидан шундай васият қилган эди. Буни ўғли Шомансур ҳам тасдиқлайди. «Ҳе, жон талвасада, бехушликда одам нималарни гапирмайди дейсан». Унда Танабой нима деб жавоб беради...

Гулсари музлаб ётган йўлдан тасирлатиб чопиб борарди. Мана, у бепоён даштни орқада қолдириб, Александровка тепалигига чиқиб олди. Гулсари елиб борарди. Танабой туман марказига қандай етиб борганини билмай қолди.

Туман ташкилотларида иш куни эндигина бошланган эди. Танабой ҳеч қаерда тўхтамасдан жиққа терга ботган йўрғани тўғри райком биноси томон ҳайдади. Отни қозиқ-қа боғлади, уст-бошини қокди ва юраги «дук-дук» уриб райком биносига кирди. Унга нима дер эканлар? Қандай қабул қилишар экан? Коридорда ҳеч ким кўринмасди. Ҳали кишилар овуллардан келиб улгурмаганди. Танабой Қашқатоевнинг қабулхонасига кирди.

- _ Салом, деди у секретарь қизга.
- Салом!
- Ўртоқ Қашқатоев ўзларидами?
- Ха, ўзларида.
- Ундай бўлса, кириб у кишига айтинг, партия ташкилотимизнинг

секретари Чоро Саёқов вафот этди. У ўлими олдида партия билетини райкомга элтиб беришимни илтимос қилган эди, шуни келтирган эдим.

– Жуда яхши. Бир зум кутиб туринг.

Секретарь қиз Қашқатоев кабинетида узоқ туриб қолмаган бўлсада, Танабойнинг тоқати тоқ бўлди, ўзини қўярга жой тополмади.

– Ўртоқ Қашқатоев банд эканлар, – деди секретарь қиз кабинетдан чиқиб эшикни жипслаб ёпар экан. – У киши Саёқовнинг партбилетини хисобга олиш секторига топширишингизни айтдилар. Хув ана, коридор билан борсангиз ўнг қўлда.

«Хисобга олиш сектори... Коридор билан борсангиз ўнг қўлда». Бу нима деган гап? – Танабой хеч нарсага тушуна олмасди. Шу пайт вокеани дархол тушунди-ю, рухи бирдан тушиб кетди. Нахотки шундай бўлса? Нахотки бу шундай осонгина иш бўлса. У ўйлагандики...

– Менинг унга гапим бор. Илтимос, кириб айтсангиз, жуда зарур гапим бор.

Секретарь киз истар-истамас кабинетга кирди ва кайтиб чикиб, яна деди:

— У киши жуда ҳам банд. — Кейин ҳайриҳоҳлик билан қушиб қуйди: — Ахир сизнинг масалангиз ҳал этилган эди-ку?! У сизни қабул қилмайди, яҳшиси қайта қолинг, — яна илова қилди паст овоз билан секретарь қиз.

Танабой коридордан юриб, ўнгга бурилди: «Хисобга олиш сектори» деган ёзув. Эшикда дарча. Тиқиллатди. Дарча очилди.

- Сизга нима керак?
- Сизга билетни топширгани келдим. Парторгимиз Чоро Саёқов вафот этди. «Оқтош» колхозидан. Танабой то камзули остидаги тасмали чарм халтачани олгунча хисобот секторининг мудири сабр билан кутиб турди. Танабой унда яқин кунларга қадар ўзининг партия билетини олиб юрган эди, бу сафар эса унда Чоронинг партия билетини олиб келди. Билетни дарчадан узатаркан: «Алвидо, Чоро!» деди. У ведомостга Чоронинг партия билети номерини, фамилиясини, исмини, отасининг отини, партия сафига кирган йилини қандай

ёзаётганлигига қараб турди. Булар у ҳақдаги охирги хотира эди. Кейин ведомостни қул қуйишга узатди.

- Бўлдими? сўради Танабой.
- Бўлди.
- Хайр.
- Хайр. Дарча қаттиқ ёпилди.

Танабой кучага чикди. Йурганинг тизгинини еча бошлади.

– Тамом, Гулсари, – деди у отга, – вассалом. Толмас йўрға уни орқага – овулга учириб олиб кетди.

Кенг баҳор дашти от туёғининг дупур-дупури остида шамол билан бирга уни қаршилар эди. Фақат отнинг чопишигина Танабойни тинчлантириб, унинг дардига малҳам бўлди.

Шу куни кечкурунок Танабой ўз жойига, токка кайтиб келди.

Хотини уни жимгина кутиб олди. Отнинг жиловидан тутиб, эрининг култигидан ушлаб эгардан тушишга ёрдамлашди. Танабой угирилиб хотинининг кифтига ўзини ташлаб кучоклади. Хотини ҳам уни қучоқлаб йиғларди.

– Чорони дафн этдик! У йўқ орамизда, Жайдар. Йўқ менинг дўстим! –деярди Танабой яна кўз ёшларига эрк бериб.

Кейин у ўтов олдидаги харсанг тошга жимгина ўтирди. Ўзи холи бўлишини истарди. Оппок корли тоғнинг киррали чўккиларидан секин кўтарилиб келаётган ойнинг чикишини кўришни истарди. Хотини ўтовда болаларини ёткизаётган эди. Ўчокда оловнинг чарсиллаб ёнаётганлиги эшитиларди. Кейин темир қубизнинг юракни эзувчи оханги янгради. Гўё шамол алам билан инграётгандай, гўё бир одам далада йиғи аралаш ашула айтиб югураётгандай, атрофдаги хамма нарсалар эса нафасни ичига ютиб, сукут сақлаб тургандай ва факат инсоний кайгу-хасрат нола чекаётгандай эди. Гўё у югурар ва ўзининг қайғу-алами билан қаерга бош уришни билмас, бу сокин ва кимсасиз ерда аламларини айтиб, кўнглини қандай бўшатишни билмас, унга хеч ким жавоб қилмасди. У ўзи йиғлар, ўзини ўзи тингларди. Танабой хотинининг «Кекса овчининг қушиғи»ни айтаётганини англали

Мен сени ўлдирдим, ўғлим Қорагул,

Холимга йиғлар ким, ўғлим Қорагул, Тақдир жазолади, ўғлим Қорагул, Қисмат ўч олади, ўғлим Қорагул. Овчилик касбига, ўғлим Қорагул, Ўргатдим, ох, нега, ўғлим Қорагул. Куш-хайвон кийратдинг, ўғлим Қорагул, Жониворни отдинг, ўғлим Қорагул, Хар тирик мавжудот, ўғлим Қорагул, Дастингдан ўлса нахот, ўғлим Қорагул, Ёлғиз колдим оламда, ўғлим Қорагул, Хеч бир инсон шу дамда, ўғлим Қорагул, Йиғимга солмас кулок, ўғлим Қорагул, Мен сени ўлдирдим, ўғлим Қорагул, Жонингга қасд қилди қўлим, Қорагул...

...Танабой ўтов олдида ўтириб, қадимий қирғиз марсиясини тинглар, хомуш турган қоп-қора тоғлар ортидан ойнинг секин-аста сузиб чиқаётганлигини, ўткир қиррали қорли чўқкилар тепасида, бирбировларининг устига қалашиб кетган қоялар тепасида унинг муаллақ туриб қолганлигини томоша қилар эди. Шунда у мархум дўстидан кечирим сўраб яна илтижо қиларди.

Жайдар эса ўтов ичида қўбизда ҳамон улуғ овчи Қорагул ҳақидаги марсиясини чаларди:

Мен сени ўлдирдим, ўғлим Қорагул, Ҳолимга йиғлар ким, ўғлим Қорагул.

XXIII

Тонг отиб қолганди. Гулхан ёнида, жон бераётган йўрға отнинг бош томонида ўтириб, кекса Танабой кейин бўлиб ўтган воқеаларни эслади.

Ўша кунлари у вилоят марказига борганлигини ҳеч ким билмаган эди. Бу унинг охирги марта уриниб кўриши эди. У тумандаги кенгашда нутқини эшитган обком секретарини кўргиси ва унга

ўзининг ҳамма қайғу-аламларини сўзлаб бергиси келарди. Бу одам уни тушунишига ва унга ёрдам беришига ишонарди. Чоро ҳам у ҳақда яхши гаплар айтган эди, бошқалар ҳам уни мақташарди. Обкомга келгандагина бу секретарни бошқа вилоятга ишга ўтказилганлигини билди у.

- Эшитмовдингизми хали?
- Йўқ.
- Агар ишингиз жуда мухим бўлса, мен янги секретаримизга айтаман, эхтимол, у сизни қабул қилар, таклиф қилди қабулхонадаги аёл.
- Йўқ, рахмат, рад этди Танабой. Мен шундай, ўзимча, шахсий ишим билан келувдим. Мен ахир уни танирдим, у хам мени биларди. Бўлмаса уни безовта қилиб ўтирмасдим. Кечирасиз, хайр. У дилида аввалги секретарни яхши билганлигига, у хам буни чўпон Танабой Бакасовни шахсан таниганлигига ишонган холда қабулхонадан чиқди. Нега танишмасин ахир? Улар бир-бирларини танишлари ва хурмат қилишлари мумкин эди, у бундан шубҳаланмасди, шунинг учун ҳам шундай деди.

Танабой кўчага чиқиб, автобус станцияси томон йўл олди. Пиво дўкони олдида икки ишчи машинага пиводан бўшаган бочкаларни ортаётган эди.

Кузовда турган шеригига бочкани ғилдиратиб чиқариб бераётган пастдаги ишчи ёнидан ўтиб бораётган Танабойга тасодифан кўзи тушиб қолди-ю, афт-башараси ўзгариб кетди. Бу — Бектой эди. У машина кузовига қия қилиб тираб қўйилган тахта устида бочкани ушлаб туриб Танабойга қисиқ кўзларини адоват билан тикканича, унинг нима дейишини кутиб турарди.

– Хей, нима бўлди сенга, ухлаб қолдингми, нима бало? – деб сўз отди Бектойга, машина устида турган шериги ғижиниб.

Бочка пастга думалаб тушиб борар, Бектой эса уни ушлаб, бочканинг оғирлигидан букчайиб, Танабойдан кўзини узмай қараб турарди. Лекин Танабой у билан саломлашмади. «Э-э, шу ердамидинг. Шу ерда экансан-да. Тузук, ишингни топибсан. Пиво корхонасига ўрнашибсан-да, — ўйлади Танабой ва тўхтамай ўтиб

кетди. — Йигит бу ерда нобуд бўлади-ю! — ўйлади у кейинчалик кадамини секинлатиб. — Яхши одам бўлиши мумкин эди, ё гаплашиб кўрсаммикин?» — оркасига кайтмокчи бўлди. Бектойга рахми келди, унинг хамма гунохини кечиришга тайёр эди, факат аклу-хушини йиғиб олса бас. Аммо бундай килмади. Агар Бектой унинг партиядан ўчирилганлигини билса, сухбатдан фойда бўлмаслигини тушунди. Танабой бу тили захар йигит олдида ўзини, ўз такдирини, ўзи хамон содик бўлган ишини хор килишни истамасди. Индамай, шу бўйича кетди.

Шаҳардан йўловчи машинада қайтди ва йўл бўйи Бектой ҳақида ўйлаб борди. Думалаб тушаётган бочканинг оғирлиги остида унинг букчайиб турганлиги, ниманидир кутиб Танабойга тикилиб қараганлиги унинг кўз ўнгидан кетмади.

Кейинчалик Бектойни суд қилишганида Танабой фақат Бектойнинг отарни ташлаб кетганлигини айтди, холос. Бошқа ҳеч нарса демади. У Бектойнинг пировардида ўз хатосини тушуниб етишини ва тавбасига таянишини жуда хоҳларди. Лекин у тавба қилишни хаёлига ҳам келтирмайдиганга ўхшарди.

— Қамоқ муддатингни ўтагач, менинг олдимга кел, — деди Танабой Бектойга, — кейин нима қилишинг тўғрисида маслахатлашармиз. — У ҳеч нарса демади, ҳатто кўзини ҳам олмади ердан. Танабой ундан нари кетди. Партиядан чиқарилгандан кейин у ўзига ишонқирамай қолди, ҳамманинг олдида ўзини гуноҳкор ҳис этарди. Негадир қўрқадиган, ҳадиксирайдиган бўлиб қолди. У шунақа нарсалар юз беришини умрида ҳеч қачон ҳаёлига келтирмаганди. Ҳеч ким унинг юзига солмасди-ю, лекин барибир ўзини одамлардан четга олар, гапсўзларга аралашмас, кўпроқ сукут сақлаб юрар эди.

XXIV

Йўрға Гулсари калласини ерга ташлаб, гулхан ёнида қимир этмай ётарди. У ҳаётни аста-секин тарк этмоқда эди. Унинг бўғзи хириллар, кўзлари катта-катта очилар ва сўнар, оловга бўзарганча тикилиб, таёкдай чўзилган оёклари қотиб борар эди.

Танабой ўзининг йўрғаси билан видолашар, унга сўнгги сўзларини айтарди: «Сен буюк от эдинг, Гулсари. Сен менинг дўстим эдинг, Гулсари. Сен ўзинг билан бирга менинг энг яхши йилларимни олиб кетяпсан. Мен умрбод сени эслайман, Гулсари. Хозир хам сени тилга олаётганимнинг сабаби шуки, сен жон беряпсан, донгдор отим Гулсари. Қачондир сен билан у дунёда учрашамиз. Лекин мен у ёкда сенинг туёкларингнинг тапир-тупурини эшита олмайман. Ахир у ёкда йўллар йўк, у ёкда ер йўк. Аммо мен тирик эканманки, сен ўлмайсан, чунки мен сени эслаб юраман Гулсари. Туёкларингнинг тапир-тупури мен учун севимли қўшиқ сингари жаранглайди...»

Кекса Танабой шундай хаёлларга ботаркан, замон йўрғанинг чопиши сингари тез ўтиб кетганидан, улар негадир тез қариб қолганликларидан хафа бўларди. Эхтимол, Танабой ўзини қари деб хисоблашига хали эртадир хам, лекин одам кексалигидан, ёшининг улғайганидан эмас, балки, ўзининг қарилиги, замонаси, даври ўтиб кетганлиги, энди фақат бундан буёнги умрини яшаб тамомлашгина қолганлигини хис этишдан ҳам қарийди.

Хозир, йўрға жон бераётган мана шу тунда Танабой ўтган умрини қайтадан диққат билан кўз ўнгидан ўтказаркан, қариликка бунчалик барвақт таслим бўлганидан, уни унутмаган ва ўзи Танабойни қидириб топиб, ўзи унинг олдига келган одамнинг маслахатига дарров қулоқ солмаганидан афсусланди.

Бу вокеа уни партиядан ўчирганларидан сўнг етти йил ўтгандан кейин юз берганди. Танабой ўша вактларда Сариховуз дарасида колхоз экинзорларига назоратчи бўлиб ишларди, у ердаги коровулхонада ўзининг кампири Жайдар билан бирга яшарди. Қизлари ўкишга кетишди, кейин эса куёвга чикишди. Ўғли техникумни битиргач, туманда ишга тайинланди, у ҳам энди оилали эди.

Ёз кунларидан бирида Танабой дарё бўйида ўт ўриб юрганди. Пичан ўрадиган иссиқ ва куёшли кун эди. Дара жимжит. Чигирткалар чирилларди. Қарияларнинг оппок кенг иштони устидан кўйлагини тушириб олган Танабой шиғиллатиб ўраётган ўтларни бир текис ётқизиб бораётган чалғи ўрок ортидан одимлаб борарди. Завқ билан

ишларди. Сал нарирокда енгил «газик» тўхтаганлигини, машина ичидан икки киши чиқиб у томон йўл олганлигини сезмай ҳам қолди.

— Ассалом алайкум, Танака, хорманг! — деган сўзларни эшитди у ён томондан. Қайрилиб боқиб Иброхимни кўрди. У ҳали ҳам уддабурон, икки бети қип-қизил, семиз, қоринли эди. — Мана биз сизни охир топдик, Танака, — оғзи қулоғига етиб тиржайди Иброҳим. — Райком секретарининг ўзлари келдилар, сизни кўргилари келибди.

«Ха, тулки-ей! — Танабой беихтиёр завкланиб ўйлади у ҳақда. — Ҳар қачон ҳам ўзига иссик ўрин топа олади. Қара, қандай хушомад қиляпти. Энг яхши, оқ кўнгил одамдай-а. Ҳамманинг ҳам кўнглини олади, ҳамманинг ҳам тилини топади!»

- Ваалайкум ассалом, Танабой уларнинг қўлини сиқиб кўришди.
- Танимаяпсизми, ота? хушмуомалалик билан сўради Иброхим билан бирга келган ўрток, унинг қўлини бақувват панжасидан қўйиб юбормай.

Танабой жавоб беришга шошилмасди. «Қаерда кўрган эканман уни?» деб ўзига савол берарди. Унинг олдида қандайдир жуда таниш, шу билан бирга, назарида жуда ўзгариб кетган одам турарди. Ёш, соғлом, бакувват, офтобда қорайган, очиқ юзли, қарашлари дадил, кулранг мовутдан костюм, похол шляпа кийган йигит. «Шаҳарлик, кимдир биров», — ўйлади Танабой.

- Ахир бу ўртоқ... ёрдам бермоқчи бўлди Иброхим.
- Тўхта, тўхта, ўзим айтаман, тўхтатди уни Танабой ва ўзича кулиб деди: Танидим, ўғлим. Танимай ҳам бўладими? Яна бир марта кўришиб қўяйлик. Сени кўрганимдан хурсандман.

Бу Каримбеков эди. Танабойни партиядан ўчираётганларида райкомда уни дадил химоя килган комсомол секретари эди.

— Агар таниган бўлсангиз, келинг, бир гаплашиб олайлик, Танака. Юринг, кирғоқ ёқалаб бир айланиб келайлик. Сиз эса чалғини олиб, ўриб тура туринг, — таклиф қилди Каримбеков Иброхимга.

Иброхим устидан камзулини ечиб, бу ишни бажаришга бажонидил розидай типирчилаб қолди:

– Албатта, жоним билан, ўртоқ Каримбеков.

Танабой ва Каримбеков пичанзор бўйлаб юриб кетишди. Дарё

ёқасидаги тош устига ўтиришди.

- Эҳтимол, мен сизнинг олдингизга қандай иш билан келганлигимни сезаётгандирсиз, Танака, сўз бошлади Каримбеков. Кўриб турибман, сиз ҳамон илгаригидай тетиксиз, пичан ўряпсиз, демак, соғлигингиз жойида. Шунга хурсандман.
 - Қулоғим сенда, ўғлим, мен хам сендан хурсандман.
- Гап шундай, сизга очиқ-равшан бўлсин учун шуни айтайки, Танака, хозир, ўзингиз биласиз, кўп нарса ўзгариб кетган. Кўп нарсалар ўнгланиб кетди. Буни мендан кам билмайсиз.
- Биламан. Ҳақ гап ҳақ-да. Колхозимиз ишларидан ҳам билса бўлади. Ишлар яхшироқ юришиб кетгандай. Ҳатто ишонгинг ҳам келмайди. Яқинда мен Бештол водийсида бўлдим, ҳув ўша йили мен нақ шу жойда чўпонлик азобини тортгандим. Ҳавасим келиб кетди. Янги қўйхона қуришибди. Беш юз бош қўй сиғадиган шифер томли яхши қўйхона. Хў-ўш, чўпонларга уй қуришибди. Ёнида эса сарой, отхона. Аввалгисига сира ўхшамайди. Қўйлар қишлайдиган бошқа жойларда ҳам ҳудди шу аҳвол. Овулнинг ўзида ҳам ҳалқ уй-жой қуриб ётибди. Қачон борсам, кўчада янги уй қад кўтарганини кўраман. Илойим бундан буён ҳам шундай бўлсин.
- Биз ҳам шунинг ғамида, шунинг ташвишида юрибмиз, Танака. Ҳали ҳаммасини ҳам жойида деб бўлмайди. Аммо вақт-соати келиб ҳаммасини ҳам тўғрилаймиз. Мен сизнинг олдингизга бир иш билан келдим. Партияга қайтинг. Ишингизни қайта кўрамиз. Сиз ҳақда бюрода гап бўлди. Ҳечдан кеч яхши, дейишади одамлар.

Танабой индамади. Хижил бўлди. Қувониб ҳам кетди, алам ҳам қилди унга. Бутун кечмишларини хотирлади, алам-изтироб унга чуқур ўрнашиб қолганди. Ўтмишни титкилагиси, у ҳақда ўйлагиси келмасди.

— Яхши сўз учун рахмат, — миннатдорчилик билдирди Танабой райком секретарига. — Чолни унутмаганлигинг учун рахмат. — Сўнг бир оз ўйланиб очиғини айта қолди. — Энди мен қариб қолдим. Партияга энди мендан нима фойда? Унинг учун мен нима қилиб бера олардим? Хеч нарсага ярамайман. Даврим ўтди, сен хафа бўлма. Ўйлаб кўришга рухсат бер.

* * *

Танабой анча вақтгача бир қарорга келолмади – эртага бораман, индинга бораман, деб ишни пайсалга солди. Вақт эса ўтиб борарди. Довондан ўтиш қийин бўлиб қолган эди унга.

Нихоят бир сафар отни эгарлаб йўлга тушди ҳам, бироқ ярим йўлдан қайтиб келди. Нега? Нодонлик қилиб қайтиб келганини ўзи тушунарди. Ўзига ўзи: «Қариганда эс-ҳушимни йўқотиб, ёш болага ўхшаб қолдим» деди. Буларнинг ҳаммасига ақли етарди, лекин ўзига кучи етмай қолган эди.

У даштда чопиб бораётган йўрғанинг чанг-тўзонини кўрди. Гулсари эканлигини дархол билди. Энди уни камдан-кам кўради. Гулсари ёзги курук даштликда оппок из колдирган эди. Танабой унга узокдан караб туриб маъюслана бошлади. Илгари туёклари остидан кўтарилган чанг-тўзон йўрғага хеч качон етиб ололмасди. У кора куш сингари олдинда учиб борар, оркасида дум шаклидаги узун чанг тўзонини колдириб кетарди. Энди бўлса йўрғани хадеб чанг-тўзон булутлари коплаб олмокда. У олдинга ёриб чикиб олади, бир лахза ўтмай ўзи кўтарган куюк чанг ичида яна ғойиб бўлади. Йўк, энди у чанг-тўзондан ўзиб кетолмайди. Демак, жуда кариб колибди, холдан кетиб таслим бўлибди. «Ахволинг чаток, Гулсари», кайғу билан ўйлади Танабой.

Унинг чангда нафаси қисилаётганини, чопиш қанчалик оғирлигини, чавандознинг жаҳл билан уни қамчилаётганини тасаввур қилди. У кўз ўнгида йўрғанинг саросимага тушиб қолган кўзларини, унинг қуюқ чанг тумани ичидан чиқиб олишга бор кучи билан қанчалик уринмасин, лекин чиқа олмаётганини кўриб турарди. Чавандоз масофанинг узоклигидан унинг қичқирган овозини эшитмаса ҳам, Танабой: «Тўхта, отни қаттиқ ҳайдама!» деб қичқирди ва ўз отини чоптирганча унинг йўлини кесиб чиқмоқчи бўлди.

Бироқ етолмасдан, тезда тўхтади. Агар чавандоз уни тушунган бўлса-ку яхши-я, борди-ю тушунмаган бўлса-чи? «Сенинг ишинг нима? Сендақа буйруқ берадигандан ўргилдим. Қандай истасам,

шундай кетаман. Йўқол бу ердан, қари тентак!» деб жавоб қайтарсачи

Йўрға эса бу орада гох чанг-тўзон орасида кўринмай қолар, гох ундан отилиб чиқиб, узоклашиб борарди. Танабой унинг оркасидан узок қараб турди. Кейин отини буриб орқага қайтиб кетди. «Биз энди қаридик, ёшимизни яшадик, Гулсари. Энди биз кимга керак бўламиз? Энди менинг ҳам олдингидек куч-кувватим йўк. Охирги кунларимизни кечириш қолди, Гулсари», – дерди у...

Танабой бир йилдан кейин йўрғани аравага қўшилган ҳолда кўрди. Танабойнинг кўнгли яна бузилди. Сафдан чиқиб қолган ва бўйнига куя тушган бўйинча урилган, эски аравани тортаётган учкур йўрғага қараб ачинар эди. Танабой қарашни ҳам истамай орқасига ўгирилди.

Танабой йўрғани яна учратди. Унинг устида йиртиқ майка кийиб олган етти ёшлардаги бола кўча бўйлаб борарди. У яланғоч оёклари билан отни никтаб, уни ўзи бошқараётганидан кувониб мағрурланарди. Афтидан, боланинг отга биринчи марта миниши эди, шунинг учун ҳам уни жуда ювош ва итоаткор бўлиб қолган эски йўрға Гулсарига мингизиб қўйишган эди.

- Бобо, менга қаранг! кекса Танабойга мақтанарди бола. Мен Чапаевман! Мен ҳозир сойдан ўтаман.
 - Қани-қани, ўт-чи, мен кўрайин! дадиллантирди уни Танабой.

Бола от жиловини дадил ушлаб сойдан кеча бошлади. Аммо от нариги киргокка чикаётганида бола ўзини тутолмай сувга шалоплаб йикилиб тушди.

– О-йи! – деб қичқирди у қўрққанидан.

Танабой уни сувдан тортиб олди ва отнинг ёнига келтирди.

Гулсари сўқмоқ йўлда оғирлигини навбат билан дам у оёғига, дам бу оёғига ташлаб турарди. «Отнинг оёғи оғрияпти, демак, аҳвол чатоқ» ўйлади Танабой. У болани қари йўрғага мингизди.

- Хайдайвер, энди йиқилма.

Гулсари йўл бўйлаб секин юриб кетди.

Шундан сўнг охирги марта йўрға яна Танабойнинг қўлига тушди.

У отни парвариш қилиб оёққа турғизгач, охирги марта Александровкага олиб борганди. От йўлда ўлди.

Танабой ўғли ва келини иккинчи бола кўришлари муносабати билан борди. Уларга совға килиб бир нимта кўй, бир халта картошка ва хотини ёпган нон ҳамда бошқа ҳар хил емишларни олиб келган эди. У Жайдарнинг касалман деган баҳона билан келмаганлигининг сабабини кейинчалик тушунди. У ҳеч кимга айтмаган бўлса-да, келинини ёктирмас эди. Ўғли эса иродасиз, бўшанг йигит. Унга шафқатсиз, ўктам хотин тушган эди. Уйида ўтирадиган бу аёл эрини «гаҳ» деса, кўлига кўнадиган қилиб олганди. Арзимаган нарса учун кишини хафа қиладиган, ҳақорат қиладиган, фақат ўзини юқори тутиб, сўзини ўтказадиган одамлар бўлади-ку, келини ҳам худди шундай эди. Унинг ўғлини иши бўйича юқори лавозимга кўтаришлари керак экан, аммо кейин негадир бошқасини кўтариб, уни эса четда қолдирибдилар. Келини ҳеч бир гуноҳсиз бўлган чолга ташланди:

— Бутун умринг чўпонликда, йилкичиликда ўтар экану партияга киришнинг нима хожати бор эди. Барибир охирида хайдадилар, шу важдан ўғлингга хам йўл йўк. У энди юз йил бир лавозимда колади. Сизлар у ёкда тоғда ўз уйингиздасиз, сиз кексаларга бундан ортик нима керак! Биз бўлсак, бу ерда сизларнинг касофатингизга коляпмиз.

Қолган гаплари ҳам шу мазмунда эди. Танабой келганига пушаймон бўлди. Келинини тинчлантириш мақсадида ишончсизлик билан деди:

- Агар иш шундай бўладиган бўлса, эҳтимол мен яна партияга киришни сўрарман.
- Сен партияга жуда кераксан, уларнинг сенга жуда кўзи учиб турибди. Сандақа қари-қартангларсиз иш битмас эмиш! пиқирлаб кулиб юборди келини унга жавобан.

Агар у келини бўлмай, кимдир бошқа одам бўлганда Танабой шунақа гапларга чидаб ўтирармиди. Аммо яхшими, ёмонми, улар ўзингники бўлгандан сўнг нима ҳам қила олардинг. Кекса чол жимгина ўтирарди, эрингнинг юқори лавозимга кўтармаганларига сабаб отасининг айбдор бўлганлиги эмас, балки унинг ўзи ҳеч

нарсанинг уддасидан чиқа олмаганлиги ва шунақа хотинга дуч келганлигидир, ўз қадрини билган киши бошини олиб қочиб қутулиши мумкин эди, гап қайтариб ўтирмади. Халқ: «Эрни эр қиладиган ҳам, қаро ер қиладиган ҳам хотин» деб бекорга айтмаган. Бироқ чол ўғлини яна хотини олдида беобрў қилишни истамади. Майли, улар чол айбдор деб ўйлаб юраверишсин.

Шунинг учун ҳам Танабой тезроқ туриб жўнади. Уларникида қолишни истамади.

«Аҳмоқсан, аҳмоқ! — сўкарди у энди келинини гулхан олдида ўтириб. — Ажабо, қаёқдан ҳам бу ёруғ дунёга келаркин шунақа бетамизлар? На ор-номус, на иззат-ҳурмат, на бошқаларга яхшилик қилишни биласизлар? Фақат ўзларингни ўйлайсизлар! Ҳаммани ҳам ўз газларинг билан ўлчайсизлар. Аммо сенинг ўйлаганингча бўлмайди. Мен ҳали одамларга керакман, керак бўламан...»

XXV

Субхидам. Тоғлар уйкудан бош кўтариб, қоматини ростлай бошлади, дашт кенгайиб, равшанлаша боради. Жарлик ёқасидаги ўчиб қолган гулханнинг қорайиб қолган чўғлари секин сўнар эди. Унинг ёнида елкасига пўстинини ташлаб, сочлари оқариб кетган чол турарди. Энди пўстин билан йўрғанинг устини ёпишга ҳожат йўқ эди. Гулсари нариги дунёга — жаннат отлари орасига кетган эди...

Танабой ўлган отга қараб туриб ҳайратда қолди — унга нима бўлди! Гулсари калласини орқага ташлай, ёнбошлаб ётарди, унда юганнинг чукур ботиб кетган ўрни кўриниб турарди. Тарс-тарс ёрилиб кетган туёқларидаги тақалари ейилиб кетган, букилмас оёқлари чўзилиб ётарди. У энди ерда бошқа юра олмайди, йўлларда ўз изларини қолдира олмайди. Кетиш керак эди.

Танабой отга охирги марта эгилиб қаради, унинг совиб қолган кўзларини бекитди. Танабой юганни олганича, орқасига қарамасдан одимлаб кетди.

У даштлик орқали тоққа йўл олди. Кетаркан чуқур ўйга толди. Қариб қолганлигини, куни битиб қолганлигини ўйлади. У қанотларидан ажралиб қолган ёлғиз қуш каби тез учар шерикларидан орқада қолиб ўлишни истамасди. У парвоз қила туриб ўлишни истайди, токи бир ошёнда ўсиб, бирга йўл олганлар унинг тепасида хайрлашув қичқириқлари билан айланиб юришсин.

«Шомансурга ёзаман, — жазм қилди Танабой. — Хатга шундай деб ёзаман: Йўрға Гулсари эсингдами? Албатта эсингдадир. Мен унга миниб райкомга отангнинг партбилетини олиб борган эдим. Сенинг ўзинг мени жўнатган эдинг. Хўш, мен ўтган кечаси Александровкадан кайтиб келдим, йўлда менинг ажойиб йўрғам ўлиб қолди. Тун бўйи отнинг ёнида ўтириб бутун ҳаётимни ўйлаб чиқдим. Худо кўрсатмасин-у, йўрға Гулсари сингари мен ҳам йўлда ўлиб қоларман. Сен менинг партияга қайтишимга ёрдамлашишинг керак, ўғлим Шомансур. Менинг санокли кунларим қолди. Илгари қандай бўлган бўлсам шундай бўлишни истайман. Сенинг отанг Чоро ўзининг партбилетини райкомга олиб боришни менга бекорга васият қилмаганини энди тушуниб турибман. Сен эса унинг ўғлисан ва мени — кекса Танабой Бакасовни биласан...»

Танабой юганини елкасидан ошириб ташлаб, дашт бўйлаб кетиб борарди. Юзларидан окиб тушаётган кўз ёшлари соколини хўл килиб юборганди. Лекин Танабой уни артмасди. Бу — йўрға Гулсари учун тўкилаётган ёшлар эди. Кўз ёшлари оркали янги тонгга, тоғ этагида тез учиб бораётган танхо кулранг ғозга бокди. Кулранг ғоз ўз галасига етиб олиш учун шошиларди.

– Учавер, учавер! – шивирларди Танабой. – Қанотинг толмай туриб, шерикларингга етиб ол.

Кейин хўрсиниб деди: – Алвидо, эй Гулсари!

У кетар экан, кулоғига қадимги қирғиз ашуласи эшитила бошлади.

...Она туя бир неча кундан бери елиб-югуради. Боласини чакиради, излайди. Қайдасан, қора кўзли бўталоғим? Жавоб бер! Елинимдан, тўлиб кетган елинимдан сут оқяпти, оёкларимдан оқиб тушяпти. Қайдасан? Жавоб бер. Елинимдан, тўлиб кетган елинимдан сут оқяпти. Оппок сут...